

**NATIONAL ASSEMBLY OF  
SEYCHELLES**

*Wednesday 24<sup>th</sup> May, 2023*

*The Assembly met at 9am*

*National Anthem*

*Moment of Reflection*

*Mr Speaker in the Chair*

**MR SPEAKER**

Bonzour tou nou Manm Onorab, nou zofisye Lasanble, e nou piblik ki swiv nou. Mersi pou zwenn nou pou sa lazournen travay. Avan mon al lo biznes lo nou *Order Paper*, mon a zis pran lokazyon pou partaz avek Lasanble ki sa semenn nou pe akeyir 2 Lorganizasyon Parlmanter e Rezyonal, e nou Lasanble i enplike dan preparasyon pou zot travay.

E sa 2 lorganizasyon; 1 i Lasosyasyon Parlmanter Komisyon Losean Endyen ki'n konmans son travay yer. E se pou sa zot in war labsans Deputy Speaker Gervais Henrie e osi Deputy Clerk Madanm Faure, ki enplike dan travay sa lorganizasyon. E mwan menm mwan, mon pou zwenn zot apartir demen.

E osi, wi apartir ozordi nou annan osi Onorab Philip Monthly ki Raporter pou travay

sa lorganizasyon. Lot lorganizasyon se *SADC PF*, e nou pe fer *meeting* Komite Egzekitiv isi Sanmdi avek Dimans. E osi i annan Manm Lasanble *Secretariat* ki pou enplike ladan. Dan Lasanble i annan notaman Onorab Regina Esparon ki en Manm lo Komite Egzekitiv osi byen ki mwan menm.

Me selman, sa ki tre enportan osi se pou mwan remersye nou *staff Secretariat* ki'n enplike bokou dan preparasyon, e i annan ki preparasyon in ase konplike e difisil avek bann lorer vwayaz, e avek bann diferan opsyon akomodasyon. E mon remersye nou *staff* pou zefor ki zot in mete ki anplis.

Mon a note poudir Dimans nou'n prevwar en kourt *visit* Lasanble Nasyonal par delegasyon *SADC PF*. Zot pou zis rantre e nou pou fer zot *visit Chamber* e Galeri, e osi deor. Menm si nou pa an sesyon. Bon mon apresye zot sipor pou sa bann langazman ki nou annan anver sa bann lorganizasyon.

Byen, se pou sa. *Ok*, nou a kapab pas lo travay lazournen ki lo *Bill*. Me avan nou apel delegasyon Minis, nou bezwen eklersi semen pour *Second Reading*, e sa i konmans avek... Mon pou envit Lasanble ki menm nou pa'n ganny 7 zour *notice* pou

nou konsider sa *Bill*, e sa i dan lanmen Onorab Bernard Georges *LGB*. Onorab mon a donn ou laparol.

### **HON BERNARD GEORGES**

Mersi Mr Speaker. Bonzour Mr Speaker. Bonzour tou bann Manm Onorab, bann koleg dan Lasanble e tou dimoun ki pe swiv nou.

Mr Speaker, efektifman mon pou le *move* anba *Order* 97(1) pou ganny ou permisyon pou sispann *Order* 69 (1) nou *Standing Orders*, pou permet ki *the Public Enterprises Bill*, 2023 i ganny lir en Dezyenm Fwa ozordi, malgre ki sa peryod 7 zour ki nou *Standing Orders* i demande depi ki'n ganny lir pou Premye Fwa, yer pa ankore ekspire. Mersi.

### **MR SPEAKER**

Mersi, mon a ganny segonnman pou sa Mosyon? Onorab Arrisol.

### **HON SANDY ARISSOL**

Mersi Mr Speaker. Bonzour Mr Speaker. Bonzour tou Manm, e tou manm piblik ki a lekout. Mosyon i ganny segonde. Mersi.

### **MR SPEAKER**

Wi, *LOTO*, Onorab Pillay in lev lanmen. Mon krwar i anvè adres sa Mosyon. Mon a permet li avan nou kapab vote.

Onorab Pillay, wi, ou annan laparol.

### **HON SEBASTIEN PILLAY**

Mersi Mr Speaker. Bonzour Mr Speaker. Bonzour tou koleg Onorab, e bonzour tou dimoun ki a lekout. Mr Speaker, mon bezwen eksprim mon dezapwentman avek sa kontinyasyon *suspension of Third Reading of...7 Day requirement*, (pardon) - pou nou pran bann *Bill* avan ki sa 7 zour in pase.

Rezon pou sa Mr Speaker, dan sa enn ki la, nou'n annan plizyer *meeting*, an sa ki konsern sa Prozedlwa, e Gouvernman...Kote Gouvernman pa'n dir nou naryen *as to* lizans sa *Bill*. Se apre ki nou'n ganny komunikasyon lo lizans sa *Bill*.

E sa i pa akseptab Mr Speaker, akòz nou osi nou form par Lasanble Nasyonal! E nou osi koman Manm Lasanble nou bezwen ganny tou lenformasyon posib. I a fer a 3 repriz ki mon'n demann 3 Minis statistik dan Lasanble, nou pa pe gannnen, ler bann Minis i vin devan Lasanble. E la ankore enn fwa nou war en *Bill* ki vin devan Lasanble san ki i pas sa *requirement* 7 zour.

Mon oule met devan ou Mr Speaker ki dorenavan, ou bezwen fer serten travay lo nivo Gouvernman, avek

Gouvernman pou vwar si zot pa kapab donn nou en lendikasyon lirzans sa bann *Bill* ler zot Gazete, olye Gazete i pas atraver nou bann prosedir, apre a dernyen minit vin dir nou poudir irzan, aköz ou pe al fer tel e tel travay avek swa *IMF*, swa *World Bank*, swa *OECD*.

Mon ti a kontan met sa lo rikord Mr Speaker, aköz i annan en lobligasyon konstitisyonnèl par ou lofis, pou konsilte avek mwan lo lord ki bann *Bill* i aparet devan Lasanble. E nou ti'n konsilte, e personn pa ti ankor dir nou lo lirzans sa *Bill*. E mwan, mon krwar sa i montre en mank respe pou sa lofis ki mwan mon pe deservi, e pou Lasanble Nasyonal. Mersi Mr Speaker.

### **MR SPEAKER**

Mersi Onorab. Mon le dir ki mon konpran ou largiman, Onorab Pillay. E an prensip mon toutafe dakor ki nou devret ganny otan letan ki posib pou nou pas bann Lezisasyon, e pou donn Manm letan kontinyen.

E se pou sa ki i annan sa nesese 7 zour ant *First Reading* ek *Second Reading*. Selman mon le zis met lo rikord ki parfwa legzizans i nesese ki nou pran leksepsyon. E mon krwar sa i enn. Wi, nou'n ganny *notice* ki

i irzan en pe tar. E *Bill* ti deza dan Lasanble apre ti ganny retire pour koreksyon.

Me selman, mon konvenki ki tou bann dimoun konsernen in travay vreman dir, e vreman avek tou lirzans pou zot kapab fer sa *Bill* arive. E mon remersye *Bills Committee* ki zot in travay sanses lo met sa *Bill* an plas. E mon konnen osi poudir Minister Finans e *Attorney General* in travay *extra time* pou kapab prepar sa *Bill* a tan.

E mon konnen poudir i met sa Lasanble dan serten lenkonvenyans, me selman nou bezwen osi pran nou responsabilite ler keksoz i irzan e nesese.

Onorab Georges, oule adres lo la? Mon a donn ou dernyen parol avan nou vote.

### **HON BERNARD GEORGES**

Wi, mersi Mr Speaker. Mr Speaker, efektifman Onorab Pillay in lev en pwen, e parey toultan nou dir, nou napa okenn problemm avek sa pwen ki'n souleve, e ou'n adres sa. Mon ti anvi pran laparol bomaten pou koriz en *misconception*.

Anba Konstitisyon, Speaker avek *Leader* Lopozisyon i bezwen zwenn pou desid lord ki bann *Bill* pou ganny prezante. Sa se ler i annan 4, 5 *Bill*, zot, zot ava deside lekel ki vin premye,

lekel ki vin dezyenm eksetera. La nou annan zis 1 *Bill*. E se Gouvernman ki deside, akòz sa se son prerogativ, kan i pou anmenn en *Bill* dan Lasanble. Ler i annan plizyer *Bill*, zot, zot de zot ava diskit lord. Me ler i annan 1, sa prerogativ i reste avek Gouvernman. Mersi.

### **MR SPEAKER**

Mersi. Mon pa pou al pli lwen lo la. Mon pou zis fer remarke avek Onorab Georges ki mon konpran pwen Onorab Pillay, prensipalman, se sa eksepsyon ant *First Reading* ek *Second Reading* ki dan *Standing Order*. E se sa ki nou pe *bypass*.

Me parey mon'n dir nou'n fer tou sa ki posib. Osito ki sa *Bill* ti pare, mon ti notifie bann Manm ki sa *Bill* pe vin... Mon pe demande pou sa *Bill* ganny mete lo *Order Paper* pou permet zot komans travay lo sa *Bill*. E vreman nou'n ganny zis 4 zour *notice* letan nou'n annan sa *Bill* dan nou lanmen, e nou annan zis 1 zour ant *First Reading* ek *Second Reading*.

Me se sa mon krwar ki Lasanble i tenir kont. Onorab Pillay, mon le terminen avek sa diskisyon. Si ou pou fer en pwen, nou a pran li koman dernyen parol. Wi?

### **HON SEBASTIEN PILLAY**

Mersi Mr Speaker. Mr Speaker, mon totalman respe tou sa ki ou'n dir, e mon pou zis fer, *raise en matter of privilege* ki baze lo serten komantr ki Onorab Georges in fer.

Mr Speaker, nou annan devan nou en *Bill* ki annan 80 paz. 80 paz ki'n ganny tire par Onorab Georges li menm, e ki'n ganny re Gazete. E sa napa naryen pou fer avek ou Mr Speaker, mon le met lo rikord.

Onorab Georges i dir koumsa poudir anba Konstitisyon, ou ek mwan nou bezwen konsilte. Be sa ki'n arive se ki nou'n konsilte nou. Nou'n konsilte e nou ti'n agree lo lekel bann *Bills* ki pe vini. E sa enn pa ti ankor donn nou en lendikasyon kan i pe retournen. Mon pe met sa lo rikord Lasanble pou ki Lasanble pa ganny *mislead* - (pa ou Mr Speaker)- Lasanble pa ganny *mislead*.

Be mon bezwen dir ki mon apresye ki ou senpatiz avek largiman ki mon pe anmennen vizavi sa *7 day requirement*. E mon ti ava apresye ki lo kote Gouvernman, pa akòz i annan en mazorite ki i krwar i pou *bulldoze* son *way* dan Lasanble. Mersi Mr Speaker.

### **MR SPEAKER**

Mersi, nou a termin la. Mon a apel Manm pou vot lo sa Mosyon pou *waive 7 days' notice*. Manm ki an faver lev lanmen silvouple? Mersi. Manm ki kont? Lo Mosyon pou *waive 7 days' requirement* pou *Second Reading of Public Enterprises Bill, 2023* in ganny 16 Manm in vot pour, 0 kont, e 8 abstansyon.

Donk Mosyon in ganny aksepte par Lasanble, e nou a prosede avek sa *Bill*. Mon a demann madanm raporter pou apel Minis e son delegasyon pou sa *Bill* silvouple.

Bonzour e byenveni Minis Naadir Hassan, Minis pour Finans, Plan Nasyonal e Komers. E mon egalman swet bonzour e byenveni Mr Kalum Bandara, *Acting CEO* pour *Public Enterprises Monitoring Commission*. Mrs Irene Croise, *Executive Director* dan Biro Sekreter Deta dan Minister Finans. Mrs Irene Sirame, Reprezantan dan Biro *Attorney General*. E nou osi annan a kote Mrs Collette Jean-Louis, *Principal Business Analyst* dan *Public Enterprises Monitoring Commission*.

Mersi pou zot prezans e pou zot partisipasyon lo sa *Bill*. Nou a prezan pran Mosyon pou pran *Second Reading* sa *Bill*. Lo kote mazorite lekol ki ansarz sa *Bill* ozordi? Onorab Georges?

### **HON BERNARD GEORGES**

Mersi Mr Speaker. Mr Speaker, bonzour. Bonzour Minis avek ou delegasyon. Mr Speaker, anba *Order 69 (2)*, mon *move* ki *the Public Enterprises Bill, 2023*, i ganny lir en Dezyenm Fwa. Mersi.

### **MR SPEAKER**

Mersi. Mon a ganny segonnman pou sa *Bill* silvouple. Onorab Esparon?

### **HON REGINA ESPARON**

Mersi Mr Speaker, mon segonde ki pou ki sa *Bill* i ganny lir en Dezyenm Fwa, mersi.

### **MR SPEAKER**

Mersi, Mosyon in ganny segonde. Nou kapab prosede avek *Bill*. Mon envit Minis pou fer son lentrodiksyon lo *Bill*. Minis, ou annan laparol.

### **MINISTER NAADIR HASSAN**

Mersi Mr Speaker. Bonzour Mr Speaker. Bonzour Dirizan Lopoziyon, bonzour Dirizan Zafer Gouvernman. Bonzour tou bann Manm Onorab, e bonzour tou dimoun a lekout. Mr Speaker, ozordi dan Sesel i annan 31 lantrepriz piblik, ki enkli *subsidiaries* ki pe fonksyonn dan 14 sektor ki pe kontribye dan diferan laspe devlopman lo pei.

Pou komanse permet mwan pou prezant avek Lasanble, statistik pou montre lenportans lantrepriz piblik dan Sesel. Lafen Desanm, 2021, lantrepriz piblik ti annan en an total R35.6bilyon an term byen, ki vo plis ki 150poursan prodwi domestik brit, (*GDP*). Sa bann lantrepriz i osi anploy 7mil558 endividi ki reprezant 15poursan lafors travayer dan nou pei.

An term *dividend*, bann lantrepriz piblik ti pey Gouvernman en sonm R687milyon ki ekivalan 84poursan reveni ki pa *tax*. An plis, bann lantrepriz piblik i zwe en gran rol esansyel, pou form en lekonomi balanse, e osi pou kontribye anver devlopman sosyal ki relye avek devlopman lenfrastruktir. Provizyon servis piblik, marse ki annan konpetisyon balanse, byennet sosyal, servis finansyel, lenerzi, e osi bann servis litilite piblik.

Mr Speaker, i pa en sekre ki bann lantrepriz piblik i en topik lye avek plizyer alegasyon dan lepase. Sa bann alegasyon i enkli; lenterferans, mankman latransparans, mankman rann kont, mankman bonn governans, mankan meritokrasi, mankman konpetisyon, inefikasite dan loperasyon e performans finansyel, e

distorsyon dan marse, parmi lezot.

Koman en Gouvernman responsab, i nou devwar pou adres risk alegasyon e defi ki asosye ek bann lantrepriz piblik. Pou adres sa bann defi, nou devret enplimant en striktir bonn governans solid ki ankouraz latransparans e rann kont, asir bann lapwentman ki baze lo merit, e etabli sirveyans e sipervizyon ki efikas dan bann lantrepriz piblik.

An prenon bann mezir e aksyon proaktiv, nou pe asire ki i annan en amelyorasyon dan loperasyon e efikasite bann lantrepriz piblik, e zot abilite pou rann kont. Sa i pou osi ede redwir lenplikasyon negativ ki relye avek mankman bonn governans.

Mr Speaker, i annan serten lantrepriz piblik dan Sesel ki'n ganny etabli plizyer lannen pase, e serten ki'n ganny enkorpoze resaman. Pandan bann lannen, bokou sanzman legal e ekonomik in arive lokalman, e osi lo lasenn enternasyonal.

Aprè sa difikilte ekonomik ki nou ti eksperyanse an 2008, Gouvernman in pran plizyer linyativ anba Program Reform dan Sekter Servis Piblik pou entrodwi kad Lezislatif pou sipervizyon

efikas dan bann lantrepriz piblik Sesel.

Pandan lannen 2013, Lasanble Nasyonal ti aprouv *Public Enterprise Monitoring Commission Act*, koman premye Lalwa dan Sesel pour sirvey e etabli kad governans pour antrepriz piblik. Sa Lalwa i ankor anfor.

Mr Speaker, avek plizyer langazman kontinyel avek bann parti konsernen, e bann evalyasyon ki ekspoz defi e loportinite asosye avek lantrepriz piblik, Gouvernman i rekonnèt en nesesite pou entrodwi nouvo Lezislasyon pou ranforsi e solidifye bonn governans, latransparans, efikasite e performans lantrepriz piblik, anliny avek nouvo striktir governans. Sa linisyativ i enn bann priyorite stratezi ki Gouvernman in promet sa Lasanble pandan Ladres Bidze 2023.

Mr Speaker, koman Minis pour Finans, mon annan gran loner pou prezant nouvo Prozedlwa Lantrepriz Piblik, 2023 devan Lasanble. Sa Prozedlwa i annan pou lobzektif;

1) Anil Lalwa *Public Enterprise Commission Act*, 2013, Komisyon Lantrepriz Piblik, i kontinyen siperviz bann lantrepriz piblik, ranforsi striktir sirveyans bonn governans dan bann

lantrepriz piblik, e fer provizyon pou kouber bann lezot sityasyon ki kapab arive an relasyon avek fonksyonman Komisyon Lantrepriz Piblik, ou bann lantrepriz piblik zot menm.

Mr Speaker, anliny avek nouvo striktir bonn governans, Gouvernman pe rod laprouvasyon Lasanble pou sa nouvo Prozedlwa pou enplimant sanzman Polisi signifikan dan governans e sirveyans lantrepriz piblik dan Sesel.

Sa bann sanzman propoze i enkli;

1) Ki sa nouvo Prozedlwa i ganny servi koman en Lalwa komen ki donn provizyon aplikab pou tou lantrepriz piblik dan en sel Lalwa. Sa i pou elimin kontradiksyon bann provizyon dan bann Lalwa Lantrepriz Piblik.

Aprè laprouvasyon sa Prozedlwa, tou Lalwa ki etabli bann lantrepriz piblik pou ganny revize, pou asire ki bann provizyon zeneral ki'n ganny enkli dan zot Lalwa, i ganny retire. Me ki bann provizyon spesifik aplikab pou sak letablisman, i ganny mentenir.

Atraver sa nouvo Prozedlwa, pou annan nouvo prensip ek zouti bonn governans ki enkli; Kreasyon Komite Dominasyon Nasyonal pou lapwentman bann

Direkter lo *Board*. En prosedir seleksyon konpetitiv pou anploy Sef Egzekitif dan lantrepriz piblik, etabli en relasyon e rol kler pou bann parti konsernen, tel parey;

*PEMC, Board* Direkter e Sef Egzekitiv bann lantrepriz piblik. Ranforsi kapasite *Board* Direkter lantrepriz piblik pou asir bonn governans ek sirveyans bann biznes.

Etabli provizyon kalifikasyon e diskalifikasyon pou bann manm *Board* Direkter, e Sef Egzekitiv dan bann lantrepriz piblik.

Fer provizyon pou en *code* governans antrepriz piblik, plan stratejik, lentansyon korperasyon, e plan anyel pou bann lantrepriz piblik.

Fer provizyon pou bann Lagreman ek edikater lo performans bann manm *Board* ek Sef Egzekitiv dan bann lantrepriz piblik.

Fer provizyon, pran en letan rezonnab pou bann rapor par bann lantrepriz piblik.

Fer provizyon pou kreasyon bann lantrepriz piblik.

Fer provizyon pou konsekans ek sarz pou bann lofans ek non-konformite, e okenn lezot sanzman kle ki permet lantrepriz piblik pou

ganny gouvrenen e sirveye dan en fason efikas.

Mr Speaker, pou terminen, sa nouvo Prozedlwa Lantrepriz Piblik, i ofer en striktir armonize e kler pou bonn governans e sirveyans. E osi pou ranforsi fonksyonman sipervizyon ki soutenab pou bann lantrepriz piblik.

Lo sa *note* Mr Speaker, mon fer lapel avek Lasanble pou donn zot laprouvasyon pou sa nouvo Prozedlwa; Lantrepriz Piblik, 2023. Mersi Mr Speaker.

### **MR SPEAKER**

Mersi Minis pou ou lentrodiksyon. Deba i ava aprezan ouver pou bann Manm entervenir. Mon rapel bann Manm - mon fer en lapel ankor enn fwa pou zot reste lo size sa *Bill* silvouple, aköz tou de pa ki zot fer i permet en lot dimoun pran lokazyon pou reponn, e i *extend*.

Mon krwar sa i gran febles nou Lasanble an se moman. E mon ava fer sa lapel. Donk nou a komans entervansyon bann Manm. Onorab Hoareau? Si ou'n pare? Wi?

### **HON JOHN HOAREAU**

Mersi Mr Speaker. Bonzour Mr Speaker. Bonzour tou dimoun a lekout, bonzour Minis ek ou lekip, e mon bann ser koleg.



*Bill* ki devan nou i parey en lakle pou ogmant e ranforsi bonn governans, e rann kont dan bann lantrepriz piblik.

A plizyer moman, letan ki Prezidan ti *Leader* Lopozisyon dan 6nm Lasanble, i pa'n mank loportinite pou eksprim son dezapwentman lo bann lantrepriz piblik, ki ti zer sa biznes konmsi bann pti lanpir ki personn pa ti kapab touse, oubyen annan en dwa de regar lo sa ki ti pe arive.

I pa en sirpriz ki serten *SOEs* parey *IDC*, *SEYPEC*, Linyon Estate, e plizyer lezot ankor, a en serten pwen dan lepase, personn pa ti kapab kestonnen e demande. Ki pe arive lo nou bann zil? Ki pe arive avek nou bann *tankers*? Ki pe arive lo nou La Digue, ensidswit.

Serten *SOEs* ti fonksyonn parey bann pti lanperer kot zot souvandfwa ti form bann pti *click Senior Management* ki ti ede pou kasyet lenformasyon e sa ki pe arive. Mon pa pe dir ki zerans sa bann lantrepriz piblik ti ganny fer dan en fason koronpi, non. Me sa ki mon pe fer resorti se ki ti napa latransparans, e sa in fer ki pep Seselwa in touzour spekile lo kwa ki ti pe arive.

Prezidan in toultan demande ki bann lantrepriz piblik i ganny zere dan en

fason, kot i annan en lodit ki ganny fer par en lorganizasyon, ou oditer endepandan. E ki rapor anyel zot zerans bann lantrepriz i ganny prezante avek Lasanble. Sa i donn nou Lasanble, ki enn parmi sa 3 lebra governans nou pei, sa loportinite atraver *FPAC*, pou depouy sa dokiman. E si nesaser, pou vwar ki fason larzan Lepep i ganny depanse.

E sa i en keksoz enportan ki sa Lalwa in anmennen. Zisteman i a pe reponn sa lapel. Annefe pwen for sa *Bill*, se ki pe entrodwi ek Komisyon ek bann Komisyoner ki pou travay anba en kad legal pou standardiz bann diferan prosedir *oversight* pou sa 27 lantrepriz Leta ki tonm anba sa *Schedule 1*.

E sa i enkli lafason bann odit i ganny fer. Lekel ki diriz bann lenvestigasyon dan bann lantrepriz? Kan ki bann rapor anyel i ganny prodwi? Ki fason bann assets e sa lantrepriz i ganny vann, e lafason ki *dividend* i remet avek son *shareholder* ki Gouvernman.

I enportan pou note Mr Speaker, ki sa Gouvernman *LDS* ki o pouvwar, i krwar dan latransparans, rann kont e bonn governans, ki anglob lafason fer ki keksoz i fer Sesel e ki benefisye Lepep Seselwa kot koripsyon i ganny eliminen.

Nou bezwen fer de sort ki bann lantrepriz piblik i met an pratik bann standar pli o posib, e bann *best international practices*. Sa i pou fer ki Sesel i kontinyen ganny sa respe lo nivo mondyal koman en pei ki servi byen son resours a benefis son pep.

Mr Speaker, i vreman enportan, aköz defwa led enternasyonal i baze lo lafason ki bann Lalwa i met bann gardfou pou fer sir ki larzan bann *bailleur de fond* i ganny byen servi, e dan en fason kot nou minimiz koripsyon.

Mr Speaker, sa Lalwa i enn ki'n pran kont bokou bann problem ki'n arive dan lepase, avek bi pou sey met bann SOEs annord avek bann prensip bonn gouvènanans ki ganny promouvwar dan en dokiman ki apel *the Code of Corporate Governance of Public Enterprises*.

Par egzanp, nou'n vwar kot serten SOEs ki'n vann serten *asset* a en valer ki in pran laprouvasyon ek son *Board*, me *Board* pa'n fer konnen Minis Finans. Minis ki responsab sa lantrepriz. Dan sa ka, Gouvènanman ki *shareholder* prensipal sa lantrepriz, pa ti konnen ki sa lantrepriz pe vann, e aköz tel tranzaksyon.

Sa *Bill* in fer provizyon ki en *sub-committee* ki apel en

*Disposal Committee*, i diskite kwa ki pou ganny vann, e i obligatwar pou *Board* sa lantrepriz fer konnen Minis ki responsab li, sak *asset* ki pe vann si i par lao R1milyon *purchase value*.

An dizan sa, Mr Speaker, mon ti a kontan ki Minis dan son larepons, i dir nou ki fason in ariv lo sa valer *1million purchase value*, ki dan *Clause 90 (4)*. Aköz lenkyetid ki mon annan se ki pa tou lantrepriz ki son *total asset value* i parey. Alor i annan bann lantrepriz ki son *asset* i gran parey *Air Seychelles* oubyen *SEYPEC* ek *Tankers*. Tandis ki i annan lezot lantrepriz, parey Linyon Estate kot zot valer *company assets* i pli ba a en pti valer, zeneralman.

Kwa ki fer sa *purchase value* 1milyon vin sa norm ki zot in deside? Alor Minis si dan son repons i ti kapab donn nou sa bann leklersisman.

Mr Speaker, dan en dezyenm pwen mon le fer resorti, se dan legzanp kot sa Lalwa in amelyor kondisyon bann lafason ki bann PEMCs i zere. Mr Speaker, nou konnen poudir i annan bokou bann PEMCs ki pa ti pe donn okenn *dividend* Leta. I annan ki ti pe donner, i annan ki pa ti pe donner. E par rapor avek zot groser e kantite larzan ki zot fer, i pa ti toultan reflekte sa bon formilasyon dan biznes.

Alor ki zot ti fer, serten, zot ti akimil bokou larzan lo zot kont. Sa *Bill* dezormen pe fer provizyon ki *Board* Lantrepriz dan son *AGM*, i fer bann *proposal* lo distribisyon son profi, koman bann *dividend* pou Gouvernman. Byensir an prenon kont ki reveni ki pou bezwen pou li reenvesti pou kit son biznes soutenab, e konpetitiv.

Mr Speaker, apre tou Gouvernman in kree bann *SOEs* avek bi pou li rann en servis dan pei, e osi pou fer profi, pou premyerman kit li soutenab parey mon'n dir, e pou li osi anmenn valer azoute pou son *shareholder* ki Gouvernman.

Alor, i toutafe normal ki zot re patri serten larzan an plis dan kof Leta, ki i a kontinyen siport devlopman pei. Parey *Air Seychelles*, Mr Speaker, ki ti pe faid anba Gouvernman *US*, e son staff ti bezwen pran *pay cut*. Me ozordi nou vwar ki *Air Seychelles* anba nouvo *management*, e anba bann Lalwa ki pe ganny propoze, in osi fer serten demars pou li kapab *gère* son lakonpanyen dan en fason profitab.

E la *Air Seychelles* mon fyer pou dir i a pe pey Gouvernman *dividends*. An konklizyon, mon pou dir ki sa Lalwa in vin a en letan *oporten*, e osi vin koman en pwen

kardinal pou nou demokrasi. Sirtou apre 30an Laniverser Konstitisyon e Lasanble Nasyonal, kot nou pei pe konsolid son demokrasi e bonn governans.

E en letan kot nou pe osi analiz nou Konstitisyon, pou gete si vreman i pe delivre lo sa kalite governans pou soutenir en demokrasi modern, parey *motto* ou Lasanble i dir. Mon konnen ki sa Lalwa i pou anmenn en kad legal pou pli bon zerans bann lantrepriz piblik. Alor mon pou demann tou mon bann Manm, e tou koleg dan Lasanble pou vot an faver sa Lalwa. Mersi.

#### **MR SPEAKER**

Mersi Onorab. Mon a donn laparol Onorab Georges Romain.

#### **HON GEORGES ROMAIN**

Mersi Mr Speaker. Bonzour Mr Speaker. Bonzour minis ek ou delegasyon. Bonzour tou Manm koleg Onorab, e tou dimoun a lekout. Mr Speaker, ler mon pe regard sa *Bill* devan nou, mon vwar ki i pe anmenn en gran amelyorasyon dan lafason ki bann lantrepriz piblik, ki Gouvernman i annan lentere ladan pou ganny governen.

Premyerman, sa ki nou bezwen mazine se ki Gouvernman ki prensipalman annan lentere dan sa bann

antite, e alor i bezwen fer sir ki i annan en bon lizye lo leta sa bann antite e lafason ki zot pe opere.

Mr Speaker, menm si sa bann antite i annan en *Board* ki annan responsabilite pou fer sir ki sa antite pe byen performen, sa *Bill* pa pe propoze ki *PEMC* i vin ranplas zot. Me o kontrer Gouvernman pe anmenn en Lalwa, kot *PEMC* i vin en antite endepandan ki pou zwe en rol ki pou konplimant rol ki *Board* i zwe.

E sa Mr Speaker, i pou neserer pou plizyer rezon. An vi ki *PEMC* i endepandan, sa pou ede pou donn en evalyasyon ki pou obzektif enparsyal, e ki pou napa okenn konfli lentere koman en Komisyon an deor. I pou kapab zwe sa rol tre byen.

Mr Speaker, *PEMC* i osi zwe en rol enportan pou donn en lasirans Gouvernman, ki bann lantrepriz piblik i osi swiv bann Lalwa, regilasyon e Polisi Gouvernman ki an plas. Wi, zot *Board* i sipoze pe regard performans, Polisi e stratezi zot lakonpanyen. Me *PEMC* i azout en lot nivo proteksyon ki pou asire ki sa bann antite pe ganny zere dan en lankadremman legal, e pe onor zot lobligasyon anver Gouvernman korekteman.

Mr Speaker, ler ou annan en lot lizye ki pe regard en

antite, i fer sir ki sa bann antite piblik i vin pli alert, e dan en pozisyon pou zot rann en pli bon kont ek Gouvernman. Ler *PEMC* i evalye zot performans, i pou ede pou zet en dezyenm regard lo lafason ki zot zer zot finans. Asire ki i annan latransparans dan zot loperasyon, e osi redwi risk okenn koripsyon ki kapab annan avek resours piblik. Sa i vremen enportan, Mr Speaker.

Annou pran legzanp *Air Seychelles* ki i osi enn sa bann lantrepriz ki'n pas dan bokou difikilte finansyer, akoz bann desizyon ki pa'n byen kalkile. Menm avek zot *Board*, zot ti met pei dan en risk kot nou'n vwar Gouvernman ki'n bezwen entervenir pou redres sa sityasyon. Avek plis pouvwar ki *PEMC* pe gannyen ozordi, sa i pou ed Gouvernman pou pli byen konnen ki pe arive dan sa lakonpanyen, pou evite vwar li dan sa bann tel sityasyon.

Mr Speaker, annou pa bliye ki *PEMC* i annan plizyer endividi avek lekspertiz dan plizyer sekter, tel koman; Finans, Lodit, Gouvernans, Ladministrasyon Piblik. E ki tou sa i a ede pou ranforsi konesans *PEMC*, koman sa antite ki pe zet en koudey lo sa bann lantrepriz piblik, ki a fer sa proses vin pli efektiv.

Me annou pa bliye, ki *PEMC* son rol i pli lwen ki zis

sa bann lantrepriz piblik lo zot menm. I bezwen osi fer son analiz an gro pou regard performans bann lantrepriz piblik an zeneral, pou vwar ki bann defi ki zot pe rankontre koman en group. Ki kantite *dividends* ki Gouvernman i ekspekte kolekte ek sa bann antite? Ki bor i devret annan amelyorasyon lo nivo nasyonal pou ed sa bann antite, e osi pou pli byen kapab konsey Gouvernman.

Mr Speaker, pou Gouvernman i enportan ki zot annan sa antite ki endepandan avek *Board* pou donn li en kontrandi, i pou demontre ki Gouvernman i annan sistenm an plas pou asire ki larzan piblik pe byen ganny servi, e i pou osi demontre ki Gouvernman i annan komikman pou vwar latransparans dan sa bann antite.

Sa i ava ede pou ogmant konfyans ki piblik, Sekter Prive e lenvestiser i annan dan sa bann lantrepriz. Alors Mr Speaker, mon pou siport en tel *Bill* ki mon vwar i pe anmenn bokou plis pouvwar avek *PEMC* pou fer son travay pli efektiv, e donn Gouvernman garanti ki son lentera pe byen ganny proteze. Mersi Mr Speaker.

### **MR SPEAKER**

Mersi Onorab. Mon...Napa Manm ki'n lev lanmen pou entervenir lo sa *Bill*, so mon ti ava envit bann Manm silvouple. Sa ki annan nide entervenir. Wi mon'n war Onorab Loze in fek leve la. Silvouple, pa esper lo dernyen moman. Onorab Loze, ou annan laparol.

### **HON JOHAN LOZE**

Ah, mersi Mr Speaker, avek plezir. Mr Speaker, pou konmanse mon le etablir en baz. Annou etablir en keksoz byen kler isi, mwan koman en Manm Lasanble Nasyonal, mon osi en Manm *Bills Committee* Lasanble Nasyonal. E mon fer mon travay ki mon *Caucus* in konfye mwan pou fer fas avek *Bills Committee*.

Nou fer sesyon, nou zwenn avek *sponsor Bills*. Nou asize, nou lir *Bill*, nou korize, nou pas atraver. E *au fait* sa enn ki devan nou, nou'n fer nou en gro travay *to the point* kot *Bills Committee* ti finalman bezwen demann ek Gouvernman pou li *withdraw* son *Bill*, korize, re Gazete, re anmenn devan Lasanble.

Mr Speaker, mon en dimoun ki mon asize mon lir mon *Bill*, e mon pa aksepte okenn dimoun a okenn moman vini akiz mwan konmkwa mon pa lir *Bills*. Mon lir *Bill to the point* ki mon al tir bann keksoz *obscure* dan

en *Bill*. Sitan *obscure* ki Mr Chair ouswa Mr Deputy Chair ler mon fer sorti sa bann keksoz zot dir, ok tire sa enn. Tire silvouple, tire.

E mon *pick up* keksoz ki mon krwar i vin en kontribisyon pou *strengthen the Bill*. E, sa i ganny fer senpleman dan nide ki pei i ganny en pli bon Lalwa. I ganny fer avek lespri ki nou naz zaviron nou tou dan nou prop fason. Nou pran en gal banbou nou pik anba dan delo, dan labou. Zis pou pous kartye maron sa pei ki apel Sesel en pe pli devan pou benefisye nou pei e nou pep. So, nou lir *Bill*.

Now, Mr Speaker - mwan, mon pa apresye ki dimoun i vini i akiz mwan ki mon pa'n lir *Bill*, akoz zot pa kontan lafason ki mon koz lo *Bill*. Mon pou koz lo *Bill* lafason ki mwan mon koz lo *Bill*, *as long as* ki mon pe mentenir respe pou Lasanble, pou popilasyon Sesel, e pou esansyelman *the Chair of the House*. Mwan, mon pa dwa okenn madanm okenn papye ki mon pa ankor rann li. Alors, mon koz lo *Bill* dan lafason ki mon koze.

Mr Speaker, en keksoz ki nou bezwen etabli, se ki en kantite travay in ganny fer lo sa *Bill*. E ki dan lesansyel i en morso Lezislasyon ki pei i bezwen. Pei i bezwen pou

divers rezon. Pa pou zis lepase, akoz mon krwar nou tant pou bloke dan sa pei avek sa 43an ki'n pase. Nou pa pe diriz en pei ver 43an pase nou.

Nou pe diriz en pei ver le fitir. Nou bezwen sa *Bill* pou nou annan en direksyon kler dan lafason ki nou anvi gid e diriz nou pei ver le fitir. E mon santi ki posibleman sa *Bill* i kapab kontribye ver en *greater vision* pou sa pei ki *LDS* i manke dan son bann *leaders*. So, posibleman vizyon i a vin atraver Lezislasyon. Akoz zot *leadership*, zot pas tou zot letan koz lo 43an pase, ouswa si keksoz in ariv dan sa dernyen 2an ou non.

E pou sa rezon mon santi ki *Bill* li menm i neseser, e i bezwen ganny anmennen la dan sa moman ki *Bill* in ganny anmennen. E Mr Speaker, i annan en keksoz selman ki mon pa'n konpran kot in sorti la ozordi bomaten. Koman deba in komanse, mon'n tann size Mr Benoiton in leve.

Zot pa'n nonm son non, selman zot in dir pou dir i annan en *CEO* ti vann en *asset* Gouvernman, e Minis pa ti'n ganny enformen. Mr Speaker, be Minis i pa reprezante lo sa *Board*? Son Minister pa reprezante lo sa *Board*? Napa en reprezentan Minister Finans lo sa *Board* ki ozordi nou ganny dir *Board* pa'n enform Minis?

Prezan mon kestyonnen, serten zot bann lentansyon. Sa i leve *out of the blue* la lo bomaten, personn pa'n lev sa size, zis sa i leve. Prezan mon pe *wonder*, kwa ki pe pase? Akoz sa zafer *tanker* i leve la bomaten? E nou tou nou'n konnen ki la Sesel nou'n vwar Minis vin lo televizyon, vin demann nou oli sa pti *tanker* ki ti la? Pti lera in pran. Ki semen i ti pase? Pti semen ouswa gran semen? Apre *tanker* in reaparet.

E dan sa *process* - dan sa *process* - e zot ki'n entrodwi sa size la bomaten Mr Speaker - repitasyon *a good man* in ganny detri. Repitasyon Mr Benoiton en dimoun ki'n serve son pei, e son Gouvernman *throughout his entire career*, in ganny detri! E personn pa'n zanmen nobou kapab posed kouraz, vin devan pou dir ki sa ki sa msye ti fer ti legal. Ti napa naryen mal dan sa ki'n fer. I pa'n fer okenn trik.

E la ozordi nou ouver boubou en dimoun ankor, apre ki personn parmi nou la pa'n kapab korize. Be prezan letan ou pe get sa *Bill* la, sa *Disposal Committee* ki'n leve la, ki'n mete, la prezan ou konpran poudir zot pe *go back*, zot pe koriz sa ki zot ti fer an relasyon avek Mr Benoiton. *The Bill itself is very good*. Mon napa problem ek sa *Bill* mwan.

Be selman mon vwar zot pe entrodwi bann eleman ladan, parey sa *Disposal Committee*, parey 44 (1) ki prezan pe dir ou pou dir Minister i kapab proklanm en nenport ki *statutory corporation*, pou tonm anba *public enterprise*, ki *at the time SEYPEC* li ti en lakonpanyen anrezistre anba *Companies Act*.

Mon vwar zot la pe *go back*, pe *walk back* sa bann fot ki zot in fer. Be si zot in fer fot, zot pa ti kapab piblikman klersi non sa dimoun? Zot retournen ankor la bomaten pou *further* gat son repitasyon? Ki frazilite ki zot annan? *How fragile is this Minister?*

Be mon bezwen kestyonnen en keksoz koumsa. Akoz Minis i annan en labitid li, Mr Speaker. In deza mont lo televizyon deklare ki i annan 86 loto in perdi *State House*, apre sa in *die down* in *go quiet*. I paret mwan ki Minister *gets passionate about certain subjects*. I vini i dir nenport kwa. *But in this case, you cost a man his reputation. Put aside you cost him his job*. Zot in sali repitasyon Mr Benoiton, e la zot vini ankor bomaten zot ouver sa menm boubou?

E sa *Bill* la, sa *Bill* i en bon *Bill* apart sa bann bout ki zot in met ladan la. Mon pa

konnen si mon prezan mon pou apel li *the Benoiton Vindication Act*, ler i pase, ouswa si i pou vin *the Hassan Walk of Shame Act*. Akoz la in vin en *Walk of Shame Act* la prezan. La in vin lakanmizri sa ki zot in fer ki prezan zot pe sey *go back* pou al sey eklersi.

Be sa i pa fason pou *run* en pei sa. Sa i pa fason pou *run* en pei. Mon, mon pa ti pe al koz lo sa size ozordi bomaten. Zot ki'n konmanse. Zot ki'n entrodwi size. Byen boner zot premye Speaker, i vin zwe dan boubou en dimoun!

Mon'n kontribye mwan lo *Bills Committee* pou aranz sa *Bill*, e zot konn tre byen. I annan en kantite keksoz defwa nou war dan *Bill*, mon zis *smile* mon get bann teknisyen, mon dir zot, zot asire zot anvi al ek sa lo *floor* zot? Zot anvi *LOTO* tyonbo sa ler i lo *floor*? E mon fer sa dan lentere pou aranz *Bill*. Be zot toultan i paret mwan zot annan en kek keksoz par deryer zot latet. Zot annan en bann bout anplis, en bann bout ekstra ki zot bezwen mete pou fer pli gou.

*You've wronged a person!* Zot in mal fer anver li. E letan mon get sa *Bill* la ozordi, i kler ki Mr Benoiton ti napa okenn obligasyon legal pou azir dan lafason ki zot, zot ti mont lo televizyon pe tonm kriz pe dir li i ti'n devret azir. I ti napa.

Prezan ki zot pe mete. Ozordi ki zot pe entrodwi dan *Bill*.

Sa bann lobligasyon ki *back then* zot ti sanksyonn li, ti pini li. Zot bann dimoun ti monte partou piblikman denons li, maltret li, akoz en dimoun. En Minis pa'n kapab kontrol son lemosyon. E la ozordi nou Lasanble, i pou ganny servi pou *further contribute towards saccage* repitasyon en dimoun. Sa mon pa kapab aksepte. Mon pa kapab aksepte sa.

Mon krwar sa Msye i *deserve* en *public apology*. I *deserve* son repitasyon ganny *salvaged* par sa dimoun, ki li menm in sali repitasyon sa msye, ki prezan i pe sey *salvage* pou li ozordi atraver sa *Bill*? E mon swete. Mon swete ki sa i ava ganny fer avan ki sa lazournen travay in terminen.

Mr Speaker, mon pou terminen lo sa bout. Mon ti ann swete kapab koz dan en lot fason ozordi, be selman nou tou nou santi nou for lo serten size defwa letan i *occur*. Zis parey yer mon ti ganny dir pou dir mon mefyans i avek mwan. Mefyans i ek mwan, selman zot, zot pe negosye ek trwazyenm lafors. Lizour zot *LDS*, aswar zot trwazyenm lafors, selman mefyans i ek mwan.

*I hope* ou'n tande ki mon'n dir la Mr Speaker, mon



pa pou repete. Ler Loze i koze tandé! Mr Speaker, nou bezwen bouz *de l'avant* dan fason ki benefisye nou pei senpleman. Pir e senp. Nou bezwen bouz *de l'avant* avek bann azanda ki zis pou pei. Nou bezwen aret annan bann Lalwa ki vini aköz nou anvi fer martir kelken, fer malis sa lot. Nou bezwen aret vin ek bann Lalwa ki pou vin ozordi pou ganny servi devan Lakour demen, pou pini entel ouswa entel.

Nou bezwen aret annan sa bann sityasyon ki nou pe war devan nou ozordi. Ler zot anmenn Lezislasyon, vin avek en leker prop ek en lentansyon kler ki prop. Mon konnen mon ganny dir pou dir mon dan en Lopozisyon fay. Be sa Lopozisyon fay la Mr Speaker, i en Lopozisyon kot mon kapab koz onnet, fran, kler e net. Mon kapab dir sa ki lo mon leker. Mon pa vin en peroke pou repet naryen. Ler Loze i koze, Loze ki koze. E sa Lopozisyon fay la, in anmenn zot pou zot swiv li donn goute zanfan lekol.

Sa Lopozisyon fay in *lead* zot, in fer zot fer sa ki li i ti anvi zot fer. Ozordi, tou zanfan Sesel pe manz en goute gras a sa Lopozisyon fay. E ozordi nou koz linite dan sa pei. Koman zot fini koze zot vire zot zour mon gran ser.

Zot dir pou dir aktivis i donn *hmm*. Be! Mwan mon ti a kontan si sa parol linite i vin en vre linite. E si sa bann parol linite, bon gouvènan, bon zesyon i *translate* dan Lezislasyon ki vin san okenn *easter eggs*, *hidden agenda*, latrap ladan, parey mon trouve ozordi. Vin ek en leker pir. Vin ek en leker prop. Pa vin koriz zot bann fot atraver Lezislasyon. Pa vin kasyet zot pese personnel atraver Lezislasyon. Mersi Mr Speaker.

#### **MR SPEAKER**

Mersi Onorab. Onorab Hoareau ki size oule.?

#### **HON JOHN HOAREAU**

Mon annan en *point of order* Mr Speaker, anba 59 (7)(d), kot Onorab Loze in *impute improper motive* pou dir ki nou pe akiz Mr Benoiton, ensidswit. In anmenn non Mr Benoiton dan sa deba.

Mr Speaker, i kler ki ler mon'n fer mon lentervansyon mon'n koz an zeneral lo bann lantrepriz ki vann *asset* Gouvernman, e ki zot annan en responsabilite pou zot *Board* fer konnen Gouvernman poudir zot lantrepriz pe vann serten *asset* ki *sizeable*, ki *valuable*.

Mon pa'n nonm dan okenn fwa Mr Benoiton, e mwan mon

annan en gran respe pou Mr Benoiton parske mon konn li personnelman. I en zanmi pou mwan, e mon pa'n zanmen akiz Mr Benoiton pou okenn keksoz ki li i pe dir. I pe met sa non sa msye *into disrepute* la. Mersi.

**MR SPEAKER**

Ok. Mersi. Pwen ou *point of order* ki Onorab Loze *in impute improper motives*, i en pe difisil pou mwan. Selman mon ava aksepte ou komantr koman en klarifikasyon ki ou pa'n fer okenn alegasyon kont Mr Benoiton. Alor nou ava aksepte li koumsa. Mersi. Onorab Cosgrow?

**HON WALLACE COSGROW**

Bonzour Mr Speaker. Mersi Mr Speaker. Bonzour Minis. Bonzour ou delegasyon. Bonzour tou manm Onorab e bonzour tou piblik Seselwa ki pe ekoute. Mr Speaker i domaz, mon bezwen, vi ki person pa le lev lanmen lo kote Gouvernman. Zot anmenn zot *Bill*, e zot pa pe lev lanmen.

*(Interruption)*

**HON WALLACE COSGROW**

I domaz. I domaz...

**MR SPEAKER**

Silvouple! Nou a gard lord. Onorab, kontinyen avek ou ladres.

**HON WALLACE COSGROW**

Mersi Mr Speaker. Mr Speaker, i paret mwan zot kanmi zot prop *Bill*, e zot pe mank respe pou ou Speaker, ozordi bomaten. Mr Speaker, ozordi mon pran laparol, ankor mon pou refer lo mon dezapwentman ki mon ti refer yer ler nou ti pe koz lo sa *Bill Criminal Procedure Code* ki ti vin devan Lasanble.

Dezapwente Mr Speaker, akoz lafason ki ozordi biznes Gouvernman pe ganny antreprann dan Lasanble Nasyonal. Lafason ki bann *Bills* pe vin ver Lasanble Nasyonal pou ganny diskite, sa landrwa kot bann *Bills*, bann Lalwa i sipoze ganny diskite, mon vremen dezapwente.

Ozordi mon zwenn avek *Leader* Lopoziyon dan son ladres ki'n fer bomaten an sa ki konsern *désorganisation* lo kote Gouvernman lot kote latab *LDS*, pou zot kapab annan en *coherent system of* anmenn keksoz devan Lasanble.

Mr Speaker, i enportan fer resorti ki ozordi pou mwan koman en Manm *Bills Committee*, mon war ki poudir Gouvernman napa en azanda. Napa vremen en azanda, en

Kalandriye Lezislatif koman en Manm *Bills Committee*.

E yer nou'n fek diskite lo la, e *Bills* nou pe war i bezwen ganny fer *First Reading* ozordi. Fer *First Reading* segonn apre ki'n fer *First Reading*. Pou mwan sa i en dezapwentman total, e mon *wish* ki Gouvernman- Minis ozordi i la i pe asize pe ekoute. I ava anmenn sa konsern. Mon, mon met li koman en konsern Lasanble Nasyonal. Sa konsern devan *Cabinet*, devan Prezidan e devan son Gouvernman pou dir zot, be, nou bezwen planifye pli byen bann keksoz ki'n anmenn devan Lasanble.

Mon dir sa Mr Speaker, akoz ler nou ti koz lo sa *Bill*, ler nou ti pe get sa *Bill* dan *Bills Committee*, nou ti fer serten rekomandasyon. Parey Onorab Loze in dir, nou'n get li *lengthily* e nou'n fer serten rekomandasyon. E nou ti ekspekte ki *Bill* i ganny... Rekomandasyon i ganny amande, e dapre Lagreman ki nou ti gannyen. E ki sa ti ganny re gazete pou nou ganny *sufficient notice* pou nou kapab *deal* avek sa.

Me non, Mr Speaker. Nou war ki poudir... Mon pa konnen si bann... Serten lamannman ladan ki nou ti'n propoze ti bezwen ganny al diskite pli o, e ki pli o pa ti neserman *available* pou

kapab *deal* ek sa bann lamannman. So, sanmenm sa prezan nou, sa i vin tonm lo Lasanble Nasyonal pou *waive off* - tou kalite *waive* ki nou bezwen *waive*, zis pou kapab fer ozordi sa *Bill* pase pou legzisans Gouvernman.

Mr Speaker, AG i drafte Lalwa li, en? AG i drafte Lalwa, me par kont se bann Departman Gouvernman, se bann Minister ki vin avek Polisi Lalwa. Se zot ki vin ek Polisi Lalwa. Se zot ki bezwen... Zot ki vin avek lavyann pou met lo sa Lalwa si oule. Me si ozordi nou pa pe war Lalwa vin devan Lasanble Nasyonal. Pou mwan Mr Speaker, i *mean* zis en keksoz. I en defayans. En defayans sa Gouvernman ozordi.

En defayans, en lenkonpetans *Cabinet of Ministers*. E mwan, mon rapel en serten letan kot zot ti met presyon lo Gouvernman avan, pou dir anvoy *calendar of...Calendar* Lezislatif. Anvoy azanda Lezislatif. E nou, nou ti bezwen fer sir nou travay. Sa letan Lanvironnman mon rapel nou ti annan en lalis bann Lalwa ki nou ti bezwen travay pou vin devan *Cabinet*, pou fer sir vin devan Lasanble.

Ozordi nou pa pe war sa Mr Speaker. E mwan, mon krwar, parey sa ki *LOTO* in dir bomaten, mon krwar sa demann ki *LOTO* in dir pou

*press* avek Gouvernman ki zot bezwen respekte Lasanble Nasyonal, e zot bezwen met keksoz annord pou nou kapab nou osi planifye nou lekor.

Ou pa kapab *Gazette* en *Bill* ozordi, ekspekte nou, nou *deal* avek ozordi. 80 paz! Pou mwan, sa i pa akseptab. Ki manner tou bann Manm la... Mwan, mon sanse mon lo *Bills Committee*, mon'n kapab war serten eleman sa *Bill*, menm si in ganny amande. Be ki manner ou kapab ekspekte lezot Manm la ki pa lo *Bills Committee*, pou al antre dan 80 paz? So, *its very unfair* lo Lasanble Nasyonal par Gouvernman, Mr Speaker.

An dizan sa Mr Speaker, ler nou vin lo sa *Bill* li menm li, an zeneral lo provizyon sa *Bill* li menm li an zeneral, i pa... I napa gran, gran keksoz kontansye ladan, si mon kapab dir, akoz i plizoumwen en kontinyasyon *PEMC*. I plizoumwen letablisman serten bann lofis anba *enterprise... public enterprise... La mon'n* mank son non.

*Establishment of public enterprises.* So, bann lofis *CEO*, bann *Board*, bann lezot keksoz. E sa Lalwa, Mr Speaker, li menm li, parey mon'n dir fer sa bann provizyon. E nou konnen poudir ozordi bann *public enterprises... E Minis* in dir

dan son lentrodiksyon. Zot deza pe kontribye signifikan dan lekonomi Sesel. Signifikan.

En total en pe plis ki R6milyon... R600milyon, pardon, an term *dividend* ki antre dan kof Gouvernman. E sa nou pe koz zis *dividend*. Nou pa pe koz bann lezot retonbe. Travayer ki ganny anloye. Bann lezot *spinoff* ki annan lo lekonomi ki bann lantrepriz piblik i kontribye.

Me Mr Speaker, si nou get striktir sa bann lantrepriz. Mazorite sa bann lantrepriz, zot bann konpanyen, zot anrezistre anba bann konpanyen. E zot fonksyon anba Lalwa bann lakonpanyen. Zot fonksyon parey en bann biznes e zot ganny gide par Lalwa lakonpanyen, e zot ganny zere par zot bann *Board*.

Sa Lalwa ki devan nou ozordi, Mr Speaker, i annan serten eleman ladan. E mwan, mon bezwen dir mon santi ler nou ti pe get sa Lalwa, mon santi i annan serten eleman dan sa Lalwa ki pou mwan i restriktiv pou sa bann lakonpanyen. I annan en eleman kontrol ki pe sorti Gouvernman Santral ki pou al ver sa bann lantrepriz piblik.

Nou'n tann bann kritik bomaten lo *SOEs*, e Onorab Hoareau in premye pou koze lo kote *LDS*. Bann kritik ki zot in

fer lo bann lantrepriz piblik pandan sa bann dernyen letan ki... Sa bann letan ki lot Gouvernman ti o pouvwar. Apre letan Onorab Loze in klarifye, nou'n war ki Onorab Hoareau in vitman klersi son pozisyon.

Be sa in toultan leka Mr Speaker, akoz zanmen zot kapab vin fran avek sa bann *issues*. Tou kou in annan bann alegasyon, tou kou in annan bann koze, me mon krwar zot in realize. Ozordi piblik i *challenge* zot. I annan en kantite dimoun ki zot ti pe dir devret sorti, devret aret *run* lantrepriz, bann lantrepriz piblik, ki ozordi zot menm zot pe glorifye, Mr Speaker.

Zot in toultan dir serten keksoz, me zanmen zot in kapab *substantiate* sa ki zot pe dir. Ozordi Onorab Loze in vini in dir fran. In vini in dir fran. Si zot ti annan serten keksoz mal, zot ti ava vini, zot ti ava fran, zot ti ava etabli. E ozordi nou konnen poudir napa okenn naryen ki'n ganny etabli lo sa zafer, e ki sa bann dimoun pa neserman dan mal.

Mr Speaker, sa *Bill* parey mon pe dir, i... Mon santi i annan en eleman kontrol sorti kot Gouvernman Santral, e pou enpoz lo sa bann lantrepriz piblik, e redwir sa *freedom of* ki mannyer zot *operate* koman bann

lakonpanyen. Akoz zot bann lakonpanyen, bezwen fer desizyon biznes. Bezwen fer desizyon pou fer sir ki sa bann lakonpanyen i profitab.

Profitab pa zis pou zot, pa zis pou kontiny lakonpanyen, me profitab pou kapab *run* sa servis ki sa lakonpanyen ouswa korperasyon i deservi a piblik Seselwa, e osi a lekonomi Sesel. Zot bezwen profitab pou osi kapab donn sa *dividend* ki nou'n nonmen taler, Gouvernman pou kapab met larzan dan kof Leta, pou kapab *run* pei. Pou Minis dayer kapab *run* son bann program.

Me en kestyon ki mon ti a kontan poze, Mr Speaker, eski dan tou sa bann demars in annan konsiltasyon avek sa bann *SOEs*? Eski nou annan bann konsiltasyon serye? Eski nou annan bann konsiltasyon ek bann *CEOs*, ek bann *Boards*? E si Minis i kapab dir nou ki zot bann pwennvi ler zot in fer sa bann konsiltasyon si in annan?

Akoz i ava enportan konnen, akoz mwan mon koz avek detrwa, e mon konnen i annan en kantite dimoun ki, zot pa kont en *oversight*, me zot kont *or* zot pa tro an faver en lanmen forse par Gouvernman. Malgre ki Gouvernman *is the sole shareholder*, i *the main*

*shareholder - sole shareholder* - zot anvi - zot krwar ki poudir koman bann lantrepriz ki fonksyonn parey biznes, i bezwen annan serten *leeway* pou zot kapab fonksyonnen.

E sa Lalwa pou zot i en pe restriktiv. I annan en pake *reporting* ladan ki zot bezwen al fer. E i en Lalwa ki dan en sans, i en *one size fits all*. Ozordi ou pe pran en menm Lalwa ou pe enpoz lo en lakonpannyen parey *SEYPEC*, ki ozordi i annan tou sort kalite kapasite pou li fer diferan keksoz petet ki sa Lalwa i dir li. Me selman ou annan ou en lot lantrepriz piblik parey Linyon Estate, par egzanp, ki pa neseserman annan sa bann kapasite pou zot kapab *deal* ek sa Lalwa.

So, pou mwan mon krwar i en *one-size-fits-all*. E, pa zis mwan. Mon krwar i annan lezot dimoun osi ki *share* menm pwennvi, e ki petet zot bezwen asize gete ki mannyer zot aplik sa Lalwa avek bann diferan... *Or* aplik sa lantrepriz avek bann diferan lantrepriz piblik.

I annan en eleman dan Lalwa, Mr Speaker, avan mon terminen. I annan en eleman dan Lalwa ki mon krwar i ranforsi sa ki mon pe dir an term eleman kontrol santral, e sa se 42 (1), Mr Speaker. Seksyon 42(1), pouvwar Minis.

E mon, mon pa pou fer referans avek serten keksoz ki'n ganny dir bomaten, e mon santi ki petet 42(1) i a donn posibilite Minis, petet si i santi i annan serten keksoz ki pa'n neseserman al byen pou li aret lenvestigasyon. Minis petet zot ava deside kwa petet ki mon pe koz lo la. Zot ava sey konpran ki mon pe koz lo la.

Me sa seksyon Mr Speaker, pou mwan...E mon krwar *Bills Committee* nou ti fer sorti for 42(1), kot i donn Minis tro bokou pouvwar. Tro bokou pouvwar. E si Minis demen bomaten i santi i annan en lenvestigasyon ki pa pou dan son faver, ozordi Minis... Ou ozordi, demen i kapab en lot Minis. E Minis i annan tro bokou pouvwar pou li kapab aret nenport ki lenvestigasyon ki pe *go on* dan bann lantrepriz piblik.

Savedir si en lenvestigasyon in ganny antreprann par *Board*, Minis osi i ava annan pouvwar pou li. E se sa, koumsa ki mon pe enterpret li Minis. Ou ava klarifye si mon mal.

So, Mr Speaker, an zeneral sa Lalwa i napa en gran problem, me selman mon santi ki poudir i annan tro bokou kontrol ki pe al viz ver bann lantrepriz piblik, ki mon krwar nou bezwen asize get byen.

E mon krwar nou pa kapab kategoriz tou bann lantrepriz piblik parey. Nou bezwen asize gete ki mannyer nou aplik Lalwa, *or* si nou bezwen re kategoriz bann lantrepriz piblik dan le fitir. Avek sa Mr Speaker, mon a remersye ou.

**MR SPEAKER**

Mersi Onorab.

**MR SPEAKER**

Laparol i prezan pou Onorab Gill.

**HON CHURCHILL GILL**

Mersi Mr Speaker. Bonzour Minis ek ou delegasyon. Bonzour tou Manm ek tou dimoun a lekout. I annan detrwa keksoz ki'n ganny mansyonnen. Mwan, mon pou al tous detrwa pwen ki ti a voudre ganny klarifye, Minis, ler ou donn ou *Right of Reply*.

Mon premye pwen se dan Lalwa i dir ki *Pension Fund* avek labank pou sorti anba *PEMC* pou al anba *FSA*. Dan Lalwa osi i dir ki *FSA* pou lemoman i bezwen al *build* son kapasite, apre i bezwen al travay lo en *regulatory framework*.

So, petet vi ki sa bouze la pe ganny fer imedyat ler Lalwa i pase, sa *capacity* ek *regulatory framework* ki *SFA* pe al fer, dapre ki'n mansyonnen ki nou ti ganny

eksplike dan *Bills Committee*. Si nou kapab ganny en nide be, kantite letan pou pran sa pou zot fini *build* sa *regulatory framework* kot *FSA*, pou zot kapab zer sa bann nouvo adisyon ki pe vin kot zot?

An menm tan, i annan bann lantrepriz ki zot, zot pa profitab. Me selman apart ki *SPTC*, bann ki pirman pou servis, i annan bann ki *operate as a business* me selman zot pa profitab. Nou ti a kontan konnen, sa bann ki pou arive ek zot prezan, anba sa nouvo regilasyon ki pe fer, si i annan serten *course of action* ki pou ganny pran dan sa direksyon?

An menm tan, sa *asset* Minis in dir nou i R35bilyon, si mon'n tann ou byen. Avek en profi *dividend* ki ou dir Gouvernman i gannyen, anviron 640milyon. Mon santi ki *given* sa groser *asset*, sa *dividend* i klerman edike ki i annan lantrepriz ki definitivman pa pe *perform* alaoter.

E se sa ki mon premye kestyon ki pou arive, akoz en gran dekalaz i annan ek en *asset* 35bilyon pou ou kapab anmas en *dividend* zis 640milyon. I ase sibstansyel. Me selman sa groser *asset*, definitivman nou ti devret pe kapab anmas pli byen si tou sa bann lantrepriz ti pe fonksyonnn parey zot devret fonksyonnen.

E parmi sa bann lantrepriz, ti annan en bann ki Oditer Zeneral - pa li ki ti odit zot akoz son manda pa ti *allow* li pou li odit zot, eski prezan oditer pou kapab, son manda pou ganny *extend* ki i kapab odit tou sa bann lantrepriz?

E mon lot pwen se konsernan *clause* 32 (3). Anba sa *Clause* i dir Komisyon konsiltasyon avek Minis pou determinen saler anliny avek *public salary framework*. E mon klarifikasyon se ozordi nou deza annan dimoun dan lanplwa dan sa bann lantrepriz, e ki zot saler i pa anliny avek *public salary framework as such*. Ki pou arive prezan ler sa Lalwa i vin anfors? Eski sa bann dimoun pou vwar zot saler ganny redwi pou vin inline ek *public salary framework or otherwise*?

E mon dernyen klarifikasyon ki mon ti a kontan gannyen, aköz ki Minis ki bezwen desid kantite *dividend*? Vi ki sa bann lantrepriz zot tou zot annan zot *Board* e zot *CEO*. Zot ki *au fait* avek zot loperasyon, avek zot bann diferan depans, ek zot bann *abilities*.

Mon santi ki *Board* ek son *CEO*, ti pou dan en pli bon pozisyon pou zot kapab desid *dividend*, vi ki zot konnen son lannen fiskal ki pou swiv, ki bann komikman zot annan, e

ki bann kalite depans e lezot keksoz ki zot annan? Mersi.

### **MR SPEAKER**

Mersi. Mersi Onorab. Mon apel Onorab Herminie pou pran laparol.

### **HON WILBERT HERMINIE**

Mersi Mr Speaker. Bonzour Mr Speaker. Bonzour Minis ek ou delegasyon, e tou koleg Onorab. Mr Speaker, ler mon'n pas dan sa Prozedlwa, mon war i en bon Prozedlwa ki'n ganny travay lo la par bann teknisyen, me solman mon ti annan serten konsern e rezervasyon ki mon ti anvi met devan Minis, epi Minis i kapab klersi pou nou.

Ou konnen, mon konnen ki Onorab Georges pa kontan ler nou koz lo mefyans, me solman nou bezwen dir ankor nou annan sa mefyans, aköz serten keksoz ki nou'n war, ki mon mon'n war dan sa Prozedlwa. Ou konnen mon kontan ler zot koz lo latransparans, me solman zot pa pratik li. Zot koz lo *accountability* me zot pa pratik li.

Mon dezapwente ler zot koz lo bonn gouvernans me zot pa pratik li. Aköz mon'n dir sa, Mr Speaker? Ler mon pe get *clause* 100 dan sa Lalwa, i montre ki degre kontrol zot le anmennen. Sa *clause* i dir ki Minis pou *overrule* desizyon



bann *Board* dan *national interest*, oubyen si pe kontradwir Polisi. La lanmenm la, i annan en ta landrwa pou en ta keksoz pase. Sanmenm sa nou dir nou napa konfyans ler i annan bann laliny koumsa dan bann *Bill*.

Minis i kapab bezwen eksplik nou kwa ki i pe *mean* ler i pe met *national interest*, akoz pou mwan sa i pa kler ditou. Akoz bokou desizyon i ganny pran dan kasyet, ki nou, nou pa ni menm konnen. Polisi i sanze de zour de landmen. Par egzanp, zis get sa Polisi lo...*Environmental levy* lo lasanm. De zour a landmen i sanze.

Sa pou mwan i montre ki i annan serten keksoz ki'n ganny kasyet dan sa *Bill*. Kantmenm bann teknisyen in fer en bon travay, be selman i annan serten keksoz ki nou war ki pa kler. Par egzanp; Onorab Cosgrow in touse, lenvestigasyon pe ganny fer. Pou ki rezon ki en lenvestigasyon i bezwen ganny *terminate*?

I enportan pou nou konnen, akoz mon ti a vwar li dan pli bon fason fer, dan bon gouvrenans ki en lenvestigasyon i a ganny *concluded* e en rapor i ava sorti. *Be it positive or negative*. Be ki rezon ki Minis i annan sa pouvwar pou termin en lenvestigasyon ki in ganny

*initiate*? I montre ou ki i annan serten keksoz ki kapab pe ganny arive deryer rido ki nou pa konnen.

So, sa i fer nou, lo kote *US* vreman mefyan. E parey mon'n dir, Minis nou pe koz ek ou byen kalmeman. Pe demann ou serten lesplikasyon, akoz ou ki'n prezant sa *Bill*. Nou bezwen met konsern piblik devan ou. Mon konnen Onorab Georges, atraver ou, Mr Speaker, pa kontan ler nou reprezant Lepep Seselwa e demann kestyon lo lapar Lepep Seselwa.

Me nou lo kote *US*, nou pou kontinyen demande nou. Bann lenformasyon ki Lepep pe demann nou pou demande, nou met li devan Minis. Minis, ou annan ou bann teknisyen ki'n ed ou, ki'n *brief* ou lo sa *Bill*, ou ava eksplike. Mon pa oule lo kote latab zot pou vin nerv ek nou akoz nou pe demann kestyon lo lapar Lepep Seselwa. Mersi Mr Speaker.

#### **MR SPEAKER**

Mersi Onorab. Mon a pas laparol Onorab Flory Larue.

#### **HON FLORY LARUE**

Bonzour Mr Speaker. Bonzour Minis avek ou delegasyon. Mr Speaker, devan nou, nou annan en *Bill* ki pe get bann *assets* ki Leta i annan. Zot

bann SOEs, zot bann *State-Owned Enterprise*. E Mr Speaker, mon ti a kontan lir dan *Bill*, dan *Schedule*, sa lalis ki sa Lalwa pou aplik...Sa bann lakonpanyen ki sa Lalwa pou aplik pou zot.

Mr Speaker, nou annan *Seychelles Public Transport Corporation, SPTC*. Nou annan *Property Management Corporation, PMC*. Nou annan *Air Seychelles Limited, Seychelles Civil Aviation Authority, SCAA*. Nou annan *Seychelles Ports Authority*.

Nou annan *Island Development Company Limited, Green Island Construction Company Limited, Green Tree Investment Company Limited, Seychelles Petroleum Company Limited, Seychelles Progress, Seychelles Patriot, Seychelles Pioneer, Seychelles Prelude, Petro Seychelles Limited, L'Union Estate Company, PUC*.

*Seychelles Parks and Gardens Authority, Seychelles Postal Services Limited, Seychelles Trading Company Limited, Société Seychelloise d'Investissement Limited, Bois De Rose Investment Limited, Paradis Des Enfants Limited, Seychelles Pension Fund, Financial Services Authority, 2020 Development Company Limited, National Information Services Agency, ek Seychelles Fishing Authority*.

Mr Speaker, dan sa lalis i annan lakonpanyen ki ankor pe *wrap up*, ki zot pa pe fer okenn biznes e zot pe fermen. I annan lakonpanyen ki pou *move* apre. Me selman pou le moman, sa i lalis ki nou annan. Dan sa lalis lakonpanyen, Mr Speaker, nou vwar ki bokou i donn nou bann servis ki Seselwa i *ajour* avek. Tel ki; *Seychelles Public Transport Corporation, SPTC*, i dan lavi bokou Seselwa toulezour e i transport nou lafors travayer.

*Air Seychelles* tou dimoun i konnen Gouvernman i son propriyeter. E nou tann bann lezot lotorite ki donn nou bann Lalwa pou gid nou pei pou nou kapab bouze, tel ki; *SCAA e SFA*. Alor i en melanz kalite lakonpanyen. Me parkont, nou'n ganny dir ki zot in anrezistre anba *Companies Act*, e zot bann lakonpanyen prive, apart ki lefe ek son *shareholder* i mazoriter, prensipalman dan sa bann, se Gouvernman Sesel.

Mr Speaker, nou Prezidan in deza dir nou ki nou bezwen regard mannyer nou pei i marse koman en biznes. Sa i lo kote governans. I dir sa aköz en biznes i sipoze zer son *assets* ki i annan pou li kapab anmenn en benefis pli efikas posibil, pou bann dimoun ki deservi sa keksoz. Lo kote nou

Gouvernman, se Lepep Seselwa ki benefisye letan en Gouvernman i ganny byen zere par bann dimoun ki travay dan *civil service*.

Dan kad sa bann lakonpanyen ki bokou zot in ganny formen bokou lannen pase, Mr Speaker, dan en sistenm ki konpletman diferan avek sa enn ki nou ladan ozordi. En kad politik diferan, sosyalis kominis ki ti fer ki nou annan serten fason panse. Nou vwar nou ozordi avek sa bann lakonpanyen. Me i annan osi bann nouvo ki pe ganny formen.

Avek lefe ki lemonn in bouze, lafason ki sa bann lakonpanyen i ganny zere, i pa toultan son fason pli efikas posib. E la nou vwar Lalwa pe vin an plas, pou donn nou en gidans pou nou bouz devan, pou sorti dan sa dernyen Lalwa 2013, pou bouz devan avek en Lalwa pli solid ki serten Manm lo lot kote latap in menm dir nou ki i en bon Lalwa.

Mr Speaker, letan nou vwar ki nou annan sa lalis lakonpanyen ki son *shareholder* mazoriter i Gouvernman Sesel, tou sa ki sa bann lakonpanyen i fer, sirtou koman en lakonpanyen ki'n enkorpoze, i pou anmenn en profi maksimal pou pei. Son profi finansyer i enn ki Minis

Finans i gard bokou lize lo la. Me i annan serten ki ankor parey en servis ki nou anmenn.

La nou pou bezwen refer avek *SPTC*, kot i ganny sibvansyonnen par Gouvernman pou nou kapab gard en pri bis pli ba pou nou popilasyon, akoz sa i en bezwen nasyonal.

Nou vwar *STC*, *Seychelles Trading Company*, ki en lakonpanyen ki ozordi nou tann Gouvernman mansyonn li souvan pou li kapab ede fer desann pri lavi.

Mr Speaker, letan nou ganny dir lo lot kote latap ki nou pe anmenn plis kontrol, ki nou pe anmenn en lanmen forse anndan dan sa bann lakonpanyen, Mr Speaker. Akoz koman bann lakonpanyen korpore zot sipoze annan kekfwa plis *leeway*.

Mr Speaker, nou demann nou lekor akoz ki nou Gouvernman ozordi i vwar ki sa bann lantrepriz Gouvernman, bann *SOEs* i bezwen annan en lanmen forse, parey sa mo in ganny servi lot kote latap, ouswa en *oversight* pli for.

*STC* nou konnen en letan, Mr Speaker, ti pe pey *rent* ziska R850mil avek en parti politik Mr Speaker. Son *Board* Direkter ti war sa normal, ki zot *lease* en

propriyete avek en parti politik, e zot lwe li pou R850mil par mwan, Mr Speaker.

Sa bann desizyon koumsa, si ozordi Minis in deside ki in propoze avek *Attorney General* e i pe met devan nou ki kekfwa i annan desizyon ki bezwen ranverse Mr Speaker, eski si sa Lalwa ti anfors, sa ti pou en bann desizyon ki Minis ti pou kapab *step up* pou li bouz devan pou li dir, be non, sa pa dan lentere pei, e i pa dan lentere nasyonal, be dan lentere en parti politik, Mr Speaker?

Mr Speaker, sa i enn bann legzanp. I annan plizyer legzanp kot serten labi dan bann SOEs in ganny, nou'n ganny... Bann lenterpretasyon lot kote kot i dir nou'n ganny... Nou'n mazine ki kekfwa ti annan bann frod. Nou'n fer bann lakizasyon dan lepase. Kekfwa sa bann lakonpanyen ti opak, e nou pa vwar ki pe pase ladan. Alor nou ti met bann lakizasyon ouswa bann *statement* pou dir ki nou krwar ti pe pase ladan Mr Speaker.

Minis dan son lentervansyon in dir nou ki sa Lalwa pe vin devan pou Gouvernman adres sa bann kalite fason panse ki pep Seselwa i annan lo bann antite, ki letan ou regarde i prensipalman pou

Gouvernman, ki fer ki i pou Lepep Seselwa. Sa, Mr Speaker, i montre ki nou annan en Minis ki en politisyen, akoz i en *politically appointed post*. Li ki *mover* sa *Bill*, Mr Speaker.

Mr Speaker, i bezwen annan li en vizyon. I pa kapab Minis, napa en vizyon. Nou dir nou Minis i frazil. Mr Speaker, sa Minis ki la pa frazil ditou li, *ok?* Nou Minis i konn konte premyerman.

Nou Minis i vini i fer bann desizyon for e brav. Mr Speaker, sa bann ki ti Minis avan ki ti frazil, i krwar ki kekfwa pou dir nou fer nou krwar ki ozordi nou Minis osi i frazil. Me non, Mr Speaker, nou annan en kantite konfyans dan nou Minis.

**(APPLAUSE)**

### **HON FLORY LARUE**

E sa enn ki la i dir nou ki li i atraver sa *Bill*, i an faver bann aksyon pou *increase sufficiency*, e pou rann kont, e pou anmenn bonn gouvernans. Mr Speaker, se pa sa ki nou pep ti vote? Se pa sa ki pep Seselwa ti demande? Nou'n ganny dir ki annan serten *CEO* ki'n la en kantite letan, e ozordi nou pe *praise* zot.

Mr Speaker, mon bezwen adrese sa pwen akoz mwan, mon enn ki'n koz for anver sa

lakonpanyen. Me pa non zis son *CEO*, Mr Speaker. Pa koman son kapasite personnel. Mon napa *issue* ek en dimoun personnel. Premyerman sa msye mon pa konn li mon Mr Speaker. Mon konn son frer aköz mon ti travay ek li, Mr Speaker. Me mon pa konn sa msye personnelman.

Me parkont, letan ou dan en pozisyon kot ou pe zer 14 zil ki pou pep Seselwa, ki pou Larepublik. Wi, Mr Speaker, koman en sitwayen, koman en Manm dan en parti politik, mon ti demande ki i annan latransparans pou mon konnen ki i pe fer lo sa bann zil. Ki i pe fer ek nou larzan? Kote nou larzan i ete? Ki manner i fer son bann desizyon?

Nou pa kapab les en lanpir, en dimoun larg pou li fer sa ki i le. Si ozordi nou sanz Lalwa e i konformen, e i travay e i donn nou, nou bann larepons ki nou bezwen, i ava reste. Oli problem, Mr Speaker? Me si i pa kapab, i a *step out*, i a sorti.

Me selman, wi, nou pou fer sa louvraz pou nou anmenn latransparans dan sa bann lakonpanyen, ki en letan person pa ti konnen ki pe pase. Ni Prezidan, person. Zis son *CEO* ki ti pran son desizyon li menm, parey letan zot ti pey R850 *rent* tou le

mwan avek en parti politik, en ptipti *building*, Mr Speaker. Sa bann desizyon ti ganny pran dan bann *SOEs*.

Mr Speaker, letan nou pe regard sa bann *SOEs*, annou regard enn spesifik ki ziskan ozordi mon pa ankor kapab konpran ki son bi li, Mr Speaker. Ankor sa lot nou konnen i annan detrwa lotel, avyon i monte desann. Enn de Seselwa i al *visit* sa bann zil atraver enn de pti *guesthouse*. Sa enn ki la, Mr Speaker, mon ti a kontan anmenn latansyon pep Seselwa. *2020 Development Company Limited*, Mr Speaker.

Mr Speaker, ki si sa, sa? Ozordi nou ganny dir, parey mon dir ankor, nou pe anmenn en lanmen forse. Eski nou'n demann sa bann *Board* ki zot panse lo sa Lalwa? Nou dir ki i annan serten lakonpanyen pou kapab zwenn sa ki sa Lalwa pe demande. Serten pa pou zwenn.

Mr Speaker, ou konnen aköz serten i zwenn? Serten i fer larzan pou pei. Serten ti fer larzan pou bann ki deryer, Mr Speaker.

Letan nou vwar bann ki ti pli feb, ki li i ti ganny manipile pou anrisir serten. La, nou annan problem. E la Minis pa kapab prezan dir pou annan 2 kalite *SOEs*. Enn ki anfors Lalwa en pe, en lot nou

fer en lot pti Lalwa pou li pa anfers bokou.

Mr Speaker, tou lakonpanyen ki Gouvernman i *own*, dapre nou Minis e sa vizyon ki i annan, akoz i pa frazil... se pou anmenn en profi, en benefis, pou ki Mr Speaker? Pa pou li akoz li i annan son saler li. Kantmenm i *underpaid* koman en Minis dan Gouvernman Seselwa, i annan son valer li, Mr Speaker, ki li i anmennen pou pep Seselwa. Se sa ki Minis pe mete atraver sa Lalwa. Pep Seselwa i ganny en benefis dapre son *asset*, Mr Speaker.

Nou annan en Manm lo lot kote latab ki'n dir nou letan nou annan *asset* lavaler 35 ekek bilyon, e *dividends* i ptigin. I byen i demann sa kestyon. Ozordi nou'n ganny dir lot kote latab, Mr Speaker, zot lib. Zot lib pou eksprim zot lekor, *ok*, Mr Speaker. Zot lib pou zot dir sa ki zot le, akoz Mr Speaker, nou'n donn zot sa laliberte.

E letan en Manm i vini i dir, *assets* ki sa bann *SOEs* i annan dan bilyon, *dividends* li i dan milyon, bezwen demande be akoz? Minis pe met en lord Mr Speaker. Pep Seselwa in demande, Manm *US* lot kote latab osi i met lanfaz lo la. Mr Speaker, sa bann keksoz ki nou, nou pe demande dan nou pei.

E retourn kot sa lakonpanyen Mr Speaker. Sa lakonpanyen i en lakonpanyen ki li son manda i dir ki i sipoze i enkorpore depi 2012. Son manda i fer devlopman lenfrastruktir, Mr Speaker. Ti annan li 3 zil. *Iles Soleil*. I annan 3 sit spesifikman. *Iles Soleil*, *Iles Aurore*, ek *Victoria Waterfront*. Oli?

Oli depi 2012, Mr Speaker. Kontrer *S.I* in bezwen sorti lannen pase kot Gouvernman in bezwen donn zot en bann milyon. En nouvo *Board* i bezwen kapab ganny apwente pou kapab met en lord. Sa dernyen *Board* ti annan 3 dimoun ladan depi 2012. Mr Barry Faure, Mrs Sabrina Agathine, Mr Yves Choppy.

La Mr Speaker, an Out 2021, nouvo *Board* in ganny apwente anba sa Gouvernman. E la zot annan zot, zot group dimoun. Zot annan zot, zot group dimoun. Zot annan zot *Chairperson* avek 1, 2, 3, 4, 5 manm ankor. I fer 6 dimoun, Mr Speaker, olye sa, pou kapab fer en travay ou nou pei. E la Gouvernman in donn zot premye debousman atraver en *S.I* pou zot kapab konmans bouz devan, fer en plan, avek sit ki Seselwa i sipoze benefisye, Mr Speaker.

Se sa ki sa Lalwa pe anmennen. Progre, pou nou kapab bouz devan. Pa zis koze, koze. *Iles Soleil, Iles Soleil, Iles Aurore, Iles Soleil, Iles Aurore.* Naryen pa arive Mr Speaker. Sa ki sa Lalwa pou fer. Mouvman. Bouz devan, Seselwa a benefisyè Mr Speaker.

Mr Speaker, letan nou pe regard sa Lalwa e nou pe dir ki, mannyer nou pe fer, letan nou pe al met sa bann lord e nou pe ranforsi sa bann keksoz ki nou pe anmennen, tel ki, Mr Speaker, *annual general meeting.* I ladan dan sa Lalwa. Ozordi dan sa Lalwa ki nou pe met devan, sa lantrepriz i bezwen...Dan seksyon 88, i bezwen *hold* en *Shareholders Meeting* tou le lannen, tou le *financial year.*

Zot pou fer zot en *meeting*, e zot pou fer *the annual general meeting shall be held in public*, Mr Speaker. Savedir pep Seselwa i a kapab ale dan son bann *meeting* pou al gete ki pe arive lo son bann zil. Sa ki enterese letan *IDC* i fer son *meeting*, i ava al gete, i ava al demande. I ava annan en *query* koumsa ki nou anmenn Seselwa abor Mr Speaker.

I dir nou dan sa *Bill* ki nou pou protez sa bann *assets.* Dan seksyon 89. Sa *Board* ki ganny apwente Mr Speaker, ki i bezwen fer? I

bezwen protez *the assets of the public against theft, misuse, loss, or any other risk,* Mr Speaker, se sa ki Lalwa pe anmenn lanmen forse?

Alor, annou get byen ki nou dir. Nou konnen kot nou sorti. I dir aret koz 43an. Wi! Mon oule pa le koz lo *2020 Development.* Mon anvi pa koz lo zot dir mwan sa *CEO* sepa konbyen lannen i la, mwan mon pa kontan li personnelman. mwan, mon pe di depi 82 ou la, la nou'n ariv 2023. Kote nou pe ale avek en lakonpanyen? Sa bann kestyon ki mon demande.

Letan nou demann tousala Mr Speaker, nou bezwen retourn kot nou sorti, pou nou konnen kot nou pe ale. E nou Minis, e nou Gouvernman ozordi avek son vizyon, i pe montre pep Seselwa ki i anvi enkli li dan son bann *SOEs*, pou li osi mont devan pou li donn lanmen pou dir, montre son lopinyon ki i annan. Pou nou kapab fer en pei ki pli for, pou ki Mr Speaker? Pou pep Seselwa. Akoz tou sa bann lakonpanyen la, pou pep Seselwa. Mersi Mr Speaker.

**(APPLAUSE)**

### **MR SPEAKER**

Mersi Onorab. Bon, mon krwar mon a apel pou en poz

la. Nou a kapab re pran travay 11er10. Mersi.

**(BREAK)**

**MR SPEAKER**

Laparol i pou Onorab Sathya Naidu.

**HON SATHYA NAIDU**

Bonzour Mr Speaker. Bonzour Minis Hassan ek son delegasyon. Bonzour tou koleg Onorab, e byensir en bonzour spesyal pou zabitan St Louis ki a lekout e ki pe swiv sa sesyon.

Enn bann pwen ki bann Manm Onorab lot kote latab in fer referans avek lo en baz kontinyel se, lefe ki nou'n bezwen *waive off* sa 7 zour. Me selman koman en Manm *Bills Committee*, mon'n asiz avek mon bann koleg lo lot kote latab pou pros 3 sesyon nou kapab dir.

E nou'n travay longman, e vre zot in fer bann kontribisyon tre valab ki'n kapab ed sa *Bill* vin devan Lasanble dan sa laform ki ladan. E se sa rol koman en Manm Komite, e nou tou nou ganny en *allowance* pou fer sa travay.

E an relasyon avek sa konsern menm, enn bann rezon nou'n bezwen *withdraw* lo nou kote, se akoz Komite in sanze ki i annan en kantite lamannman. E volim

lamannman ti pou'n fer ki ler ti pou'n ariv dan Staz Komite, nou ti pou'n pas 2 zour. E se lo sa baz ki nou'n dir *withdraw*, e reprodwi. E i annan ankor lamannman ki pe al ganny prezante pli tar.

Me, lesansyel i reste nou'n ganny en nide kler lo ki sa *Bill* i anvizaze fer. E mon krwar pa Onorab ti pou kapab koz pou pros 25minit lo sa *Bill* si pa ti konn naryen. Be i kler ki i ti'n konn son *Bill*, e in met devan serten konsern. Alors an relasyon avek sa, mon krwar mon'n fer keksoz en pe pli kler.

An relasyon avek *Bill* ki devan nou, byensir i pe tir *PEMC*, i pe ranplas li avek sa *Public Enterprise Commission*, e Lalwa setfwasi nou pou, atraver bann lamannman pou byensir fer sir ki i morde.

I annan en bon pe Lalwa dan nou pei ozordi ki ou pa pou kapab neserman met li ann aplikasyon pou kapab fer sir ou prodwi bann rezilta. Ou prodwi bann *outcomes* pou fer sir ki sa antite pe deservi son responsabilite 100poursan. E avek letan, Lalwa i sanze pou akomod bann nouvo bezwen.

E, dan sa 27 lantrepriz, i annan serten ki'n ganny prominans kot par legzanp; *Air Seychelles* dan Lasanble ti'n ganny diskite a 2 repriz, 2 diferan sesyon, pou nou kapab konpran sityasyon finansyel



nou aryen nasyonal, *and what was going to be the worst possible outcome*. Akoz zis akoz, i pa'n ganny byen zere koman en lakonpanyen, ki pou Leta.

E finalman, atraver travay ki'n ganny fer avek Minis Hassan ek son delegasyon, e bann lezot Manm ki'n enplike dan sa travay. Nou'n nobou kapab fer sir ki nou aryen nasyonal i ankor pe anvole, i pe al kot bann destinasyon. E mon ti a voudre si Minis pou dan en pozisyon pou dir nou konbyen, si an ka i annan okenn peyman an term *dividend* ki pe al ganny fer par *Air Seychelles* sa lannen?

E zisteman an relasyon avek *dividends*. Mon panse pou annan serten bann *SOEs* ki pa pou kapab prodwi en *dividend*, par egzanp; *SPTC*. Akoz *logic dictates* ki ler Gouvernman ankor pe sibvansyon loperasyon *SPTC*, i pa neserman ki i pou kapab prodwi en *dividend*.

*PMC, Property Management Corporation*. 'Company' rather. An relasyon avek sa, ozordi nou'n met apepre R50milyon pou adres bann *problem maintenance* an zeneral dan pei. Be si *PEMC* dan lepase, nou ti'n kapab adres bann *problem maintenance*, par egzanp; pou bann dimoun *Ex-Geers*, zot pa

ti pou trouv zot dan sa sityasyon ki zot ladan ozordi. Me selman mon apresye nou pe fer le lesansyel pou nou kapab adres sa defi. Me ankor en fwa. Ki mannyer eski zot pou kapab raport en *dividend*?

E i annan en bon pe lezot *SOEs* ki setfwasi in nobou kapab donn nou en *dividend*, an konparezon avek 3an, 4an. Ankor en fwa i ti a bon si Minis i ti pou kapab soumet avek nou pou dir bann *SOEs* ki pa'n raport en *dividend* pou 5an, 4an, me ozordi zot pe donn en *dividend*.

An relasyon avek sa, zisteman, eski zot pou kapab donn nou. Pa neserman ozordi - me pli tar - en *forecast* lo lekel bann *SOEs* ki pe al prodwi en *dividend*? E lekel bann *SOEs* ki pa pe al prodwi? E an menm tan mon'n regard *website PEMC*.

I paret pa tou *SOEs* pe met devan en *annual report*. Kekfwa sa en keksoz avek *Public Enterprise Commission*. Nou pou bezwen fer sir ki tou bann *SOEs* zot *annual report* i *online* pou piblik an zeneral lir. E nou osi koman lezislater perform nou fonksyon, pou nou kapab asire ki tou sa bann *SOEs* zot pe delire ver zot fonksyon.

E atraver sa *Bill*, si i annan en keksoz kler se nou pe fer sir tou sa bann lantrepriz pe pran zot

responsabilite. Tou bann endividi ki pe travay dan bann diferan fonksyon pe pran zot responsabilite, akoz finalman i pou Leta, e sa ki pou Leta i osi pou pep Seselwa. E nou ganny dir, pa koze lo sa ki'n arive 43an pase. Be nou bezwen koze pou nou kapab aprann bann lesan pou pa repet bann fot. So, si an ka dan le fitir i pou annan en *Cabinet of Ministers*, ouswa en Minis ki dir, mon pou *forgo*.

Silvouple *forgo*. Akoz konmela sa pep pou koze. Sa pep pou demande ki pe arive? Serten i dir kwa? *What's the walk of shame? Everyday that person is walking the walk of shame*. Mon pa pou al lo detay. Pep Seselwa i ase entelizan pou konpran sa.

Me, zisteman an relasyon avek sa, i enportan ki bann SOEs i zwenn lekspektasyon ki nou pep i annan. E ler nou regard *STC*, enn bann rol se pou li kapab *anchor the prices*. E nou pe fer sa. Nou'n sey met *RRP*, pa'n neserman marse. Lopozisyon in gognard nou. Ozordi nou annan *MRP*, pou nou kapab fer sir ki *at least* sa 14 komodite dan tou bann laboutik, i vann menm pri. E i pe ganny fer. E kot pa pe ganny fer, i enportan pep i vin devan pou nou kapab dir pou fer sir ki bann marsan i reazir ver sa.

E ler nou regard *GICC*. Ozordi Libreri Nasyonal pe fer konstriksyon nou libreri. E tre byento nou pe al ouver pou bann zenn ki'n atann pou sepa konbyen lannen. Finalman antre dan en landrwa kot zot pou kapab etidye, e fer bann resers, e bokou plis ankor pou zot epanouisman.

E atraver *GICC*, wi, depi Gouvernman presedan nou kapab dir in annan sa program lo kote *condos*. Nou ankor pe kontinyen. E nou ankor pe kontinyen malgre lensertitid lekonomi ki nou koman en Gouvernman nou'n erite. E nou pe fer progre pou kapab bes kou konstriksyon. E an relasyon avek sa, nou menm tann Onorab Lemiel koman *Chairperson COGA*, dan Nouvel, pou dir ki zot satisfè, pou dir ki nou pe fer en bon travay lo bann lasirans ki'n ganny fer.

Lasirans tel ki ozordi nou war Proze Kanmaron in byen demare. *STC*, manman, dimoun pe atann. I annan en bon pe ki pe dir mon pe atann pou sa lot *batch*. Sa ti en proze ki ti la dan lepase, me nou tou nou konnen kwa ki ti'n arive sa letan. E fodre ki i pa repete. Be ankor enn fwa i en sikse nou Gouvernman.

E sa Onorab...I byensir pe fer en travay pou Lasanble, i pa la ozordi, me se li ki ti'n dir. Prezan, menm zour

menm, ou tann en lot Onorab dan Lasanble dir le kontrè. Parfwa, ou a dir zot deregle, Mr Speaker.

(laughter)

**HON SATHYA NAIDU**

Mr Speaker, ozordi nou'n en Gouvernman ki serye, en Gouvernman ki responsab, en Gouvernman ki pa le repet fot 43an, en Gouvernman ki le anmenn nou pep anver prosperite, e sa lamannman, sa *Bill* ki devan nou i pe fer le lesansyel pou kapab fer sir, ki nou annan bann *SOEs* ki pe delivre lo zot bann target. E mon swet Komisyon bonn sans dan sa travay ki devan zot. Mersi Mr Speaker.

(APPLAUSE)

**MR SPEAKER**

Mersi Onorab. Mon a donn laparol Onorab Uranie.

**HON ROCKY URANIE**

Mersi Mr Speaker. Bonzour Minis avek ou delegasyon, tou koleg Onorab e byensir en bonzour spesyal tou zabitan Zil Pros ki a lekout.

Mr Speaker i enportan pou nenport ki Gouvernman annan lizye lo son bann *assets*, dan lespri bonn gouvènanans ki Gouvernman ti'n deza etabli, nou bezwen konpran loperasyon sa bann

lantrepriz piblik. Nou bezwen byen *monitor* zot performans e kit en lizye lo nou larzan ki sa bann lantrepriz i fer.

Sa bann lantrepriz in kontribye bokou dan nou lekonomi pei, e alors nou bezwen apresye travay ki'n ganny fer par sa bann dimoun dan sa bann lantrepriz. Byensir nou bezwen konpran rol Gouvernman koman *shareholder* dan bann lantrepriz piblik, me nou bezwen veye byen ki Gouvernman pa tro enterfer avek bann *Board* ki kapab fer keksoz tourn en lot fason.

Tou lantrepriz piblik i bezwen ganny byen raporte lo la e byensir i bezwen rann kont e osi si keksoz pa pe marse nou bezwen gete, si fodre annan bann sanksyon nou bezwen met an plas. Koman en pti pei nou bezwen servi byen nou bann resours ki nou annan e fer zot reste soutenab.

Mr Speaker nou'n war plizyer lager dan lepase kont *IDC*, kont *Green Island* en bann demagozi in ganny fer. En bann lakizasyon in ganny fer kont *IDC* e sa lager in anmennen in *convince* plizyer dimoun sirtou bann siporter *LDS* ki ti annan bokou keksoz ki ti pe mal pase kot *IDC*.

E la ozordi nou war ki bann siporter i ankor reste konfize e pe esper serten

dimoun ganny pou, atraver ou Mr Speaker Onorab Larue i enn ki'n anmenn sa lager *non-stop* kont *IDC e Green Island*. Ozordi ki nou war sanmenm sa ki nou apel parey nou dir ler ou kras anler i tonm lo ou figir, ozordi i sanz zistwar.

Mr Speaker nou osi tann li menm Onorab ankor dir plizyer fwa Minis in vin la in dir en teknokrat, me ennlèr i en politisyen, ennlèr i resanz ankor en kou i vin teknokrat e la ankor nou tann Onorab Larue i dir i tourn en politisyen e zot bezwen konnen ki zot anvè vini ler zot vin la dan sa Lasanble.

Mr Speaker 2an edmi zot la, zot pe *manage* Linyon *Estate* zot in sanz tou keksoz aköz dapre zot Linyon *Estate* pa ti pe ganny zere byen. Me 2an edmi zot la e Digwa i ankor pe espere ki pou arive, oli sa progre ki Linyon *Estate* i sipoze fer tou keksoz i ankor dan sonm.

Zot in swazir zot en *Board* zanmi, en *Board* zanmi zot in met Linyon *Estate* me ziske la naryen pa pe ganny fer e pa pe bouze. E alor Mr Speaker nou pa konnen ki pou arive avek Linyon *Estate* aköz keksoz pa tro kler Mr Speaker.

So, Mr Speaker sa Lalwa li menm parey nou dir ti deza la plizyer keksoz i la, pe zis pe ganny bouze, bann pti lamannman ki pe vini e parey

plizyer bann Onorab in dir ladan kekfwà i annan enn de pti zafer, ki nou bezwen ki fer nou reste en pti pe mefyan par ler lo serten keksoz.

E alors Mr Speaker mon ti a kontan petet Minis ti a klersi sa bann pwen ki bann Onorab in dir pou nou ganny en pe plis lesplikasyon lo la. Mersi Mr Speaker.

### **MR SPEAKER**

Mersi Onorab, wi Onorab Larue mon konnen sa Manm in fer referans avek ou.

### **HON FLORY LARUE**

*Point of order.* Mersi Mr Speaker.

### **MR SPEAKER**

Onorab, silvouple.

### **HON FLORY LARUE**

*Under Order 59(7)(d)* ankor mwan mon *state* mon *point of order...*

*(Interruption)*

### **MR SPEAKER**

Eskiz mwan bann Manm Onorab ki'n kri ki *Order?* mon a demande ki *order* e mon a les sa Manm fer son *point of order* si mon krwar i annan zistifikasyon pou donn li laparol. Letan zot, zot lev *point of order* mon pa neserman demande ki *point of order*.

Onorab, silvouple bref ki oule adrese?

**HON FLORY LARUE**

Mr Speaker anba 59(7)(d), mon pe dir ki Onorab ki'n koz avan mwan la in *impute improper motive* letan in mansyonn mon non pou dir mon konfize ki mon pe dir. Mon pa vin fer okenn konfizyon, e letan i pe fer sa dan lafason ki in fer i pe konfiz Seselwa.

Zis akoz mon annan mwan en lopinyon politik Mr Speaker, i pa fer ki mon pa rekonnet en pozisyon ofisyel ki en zofisye Gouvernman i annan. I pa *mean* ki mon pa dakor avek bann keksoz ki'n arive, alor pa ensilte sa dimoun ki la depi 1982 pandan zot letan, zis akoz mwan mon'n annan en *issue* lo sa lakonpanyen ki mannyer sa lakonpanyen in marse. Mersi.

**(APPLAUSE)**

**MR SPEAKER**

Bon. Onorab,

*(Off-Mic)*

**MR SPEAKER**

Non. Onorab bes ou lanmen silvouple, non nou pa pou kapab fer sa en deba ki ale kontinyelman. Onorab Larue mon a dir mon'n ekout ou

klarifikasyon lo ki ti ou lentansyon, me selman dan kote Onorab Uranie, mon pa krwar si sa pwen in *impute improper motive* i vremen en lakizasyon tro grav ki in fer, ki pou demann mwan pou aret deba pou kontinyen.

So, nou pou termin la mon a kontinyen avek Onorab Loizeau. Onorab Loizeau ou annan laparol.

**HON NORBERT LOIZEAU**

Mersi Mr Speaker. Bonzour Minis ek ou delegasyon. Bonzour tou Manm e tou Seselwa a lekout.

Mr Speaker pou komanse mon anvi dir ek Onorab Larue mersi pou donn en apersi bann dimoun deor ki pe ekoute lekel sa bann *public enterprise* ki'n ganny liste, akoz bokou dimoun ki pe ekoute sirtou i annan bokou bann dimoun aze zot pa azour ek sa bann keksoz, e zot dir mwan dir Onorab Larue mersi pou fer zot konn sa.

Mr Speaker, sa *Bill* ki devan nou i en *Bill* ki mwan mon panse ti merit vin bokou letan avan. I merit vin pli bokou letan avan, plis lannen avan Mr Speaker akoz mwan mannyer mon get sa *Bill*, sa *Bill* in vin met lord dan en dezord ki ti annan dan bann Lantrepriz Piblik. Sa i mon lopinyon Mr Speaker. Akoz mon pe dir sa? Pandan bann

letan avan souvan fwa ti annan lenterferans politik ki ti antre dan sa bann lantrepriz piblik e sa Mr Speaker se sa ki ti gat tou keksoz.

E ou pou kapab dakor avek mwan e Minis pou dakor ek mwan, souvandfwa bann dimoun ki lo latet sa bann lorganizasyon, ou ti bezwen dimoun ki ti byen konnekte. Akoz ki ou bezwen byen konekte? Akoz ou ti pou ganny lord sorti pli o. Ou ti pou ganny dirize lo ki ou pou fer. E se pou sa rezon Mr Speaker ozordi i annan bokou dimoun pe reponn kestyon. I annan bokou ki pe dir ki mon pa ti konnen, mon'n ganny dir fer sa.

Me ozordi sa Lalwa i vin a en bon moman, pou nou kapab rezourd tousala. E dan bann lannen ki'n pase Mr Speaker mon annan en pe letan ki mon en Manm dan Lasanble Nasyonal, bokou fwa nou tann koz lo latransparans, rann kont, *oversight* me pa ti egziste. I pa ti en keksoz i ti zis parol ki ti ganny koze, me selman sa pa ti egziste dan sa bann lantrepriz piblik.

Akoz Mr Speaker? Setaki ki ansarz ti fer sa ki zot anvi e zot ti napa okenn rann kont, senpleman Mr Speaker aköz zot ti pe ganny soutire from serten dimoun pli o alors zot ti bezwen travay dan sa fason. E sa *Bill* Mr Speaker li, pou

mwan in vin koman en gard. En gard ki pou fer sir ki i annan en lizye lo tou tranzaksyon e fonksyonman ki ganny fer dan sa lantrepriz.

Ou kapab mazine Mr Speaker leksperyans lepace in montre nou, ki bokou sa bann lantrepriz i pa'n anmenn nou dibyen. La dan mon pe mazin enn, mon mazin *SMB* - souvandfwa ti annan bann lantrepriz ki ti sanz non e lepok i ti *SERECO* ti ariv serten sityasyon ladan i sanz non i vin *SMB* e annou mazine Mr Speaker anba *SMB* si sa lartik ti annan en tel Lalwa parey ozordi *ACCS* pa ti ava pe rod 50milyon ki ti antre lo kont *SMB*.

**(APPLAUSE)**

### **HON NORBERT LOIZEAU**

Apri ti sorti san konnen kot in ale, mon pa pou al pli lwen lo la vi ki i *subjudice* ou pou dir mwan. Me selman Mr Speaker avek en Lalwa parey sa ti pou kapab ganny proteze, kot ti pou annan en *trace* kote sa larzan i ete. E *Air Seychelles* par egzanzp -Onorab Hoareau in fer sorti en bon pwen, *Air Seychelles* ti'n tonm dan en depi e ozordi nou kontan ki *Air Seychelles* pe fer en profi toudmenm. I pa en gran profi, me selman i en profi.

Ler nou get Linyon Mr Speaker mon mazin dan 6enm

Lasanble, Linyon *Estate* ti annan en lepok mon krwar i ti drwa pres R15milyon *tax*. Lekel ki ti ansarz Linyon *Estate*? Se en group sa bann dimoun ki ti pe ganny dirize par serten dimoun pli o, kot lontan Linyon *Estate*, petet Onorab Uranie pa konnen vi ki li, akoz li i met dimoun devan sant devlopman i pa ti met sa bann dimoun Linyon o sant devlopman parey nou, nou pe met zot ozordi Mr Speaker.

Lontan ti annan dezord Linyon e ler nou ti antre *FPAC* ti antre Linyon, sa bann letan Onorab Pillay ti lo *FPAC* ti pe aprann avek Onorab Ramkalawan sa letan. I ti pe aprann kot Linyon *Estate* lan apre - si mon byen zot a koriz mwan - Linyon ti fer en profil an apre.

Kot ozordi Linyon napa en sef ki dir “touy en koson pou mwan. Mon le en koson ozordi” e ler sa i arive Mr Speaker sa bann letan avan travayer ki i fer? I touy enn i partaz zot 10, akoz sef in pran. Aprezan tou sa bann keksoz ti reste an maske person pa ti koz lo la.

E ozordi keksoz i annord, ozordi nou pe koz lo *IDC*? Wi, nou’n koz lo *IDC* nou’n koze lo son fonksyonman ler nou, nou ti dan Lopoziyon. Akoz *IDC* ti pe fonksyon lo li menm, nou pa ti konnen ki ti pe arive laba. Ozordi *IDC* i

tonm anba Vis-Prezidan. E mwan mon’n al *visit* zil Mr Speaker, mon’n al *visit* zil avek Onorab Lemiel ki’n dir koman *Chairman COGA* “mon satisfes lafason ki zil pe ganny antreprann.” E in *praise CEO*.

Pa mwan ki ti *praise*, mon pa ti koze koman Vis-*Chair* Onorab Lemiel ti *praise* li. E ozordi si i annan ki annan problem, Onorab Larue si ti annan problem avek *CEO* ozordi i pa pe fer li akoz? I napa, keksoz pe deroul byen keksoz pe deroul dan lord nou pe ganny lenformasyon e ozordi pou bann ki santi i annan keksoz mal ki sa msye in fer.

I annan *AML Bill* ki’n pase, Lalwa pou Anti-Koripsyon ou ti kapab al kot *FIU*, anmenn en *case* kont sa msye zot. Aprezan ozordi ki ozordi zot, zot in pli pa kontan sa msye - anmenn en *case*. Anmenn en *case* kont sa msye e sa msye i pare li pou vin reponn.

Mr Speaker ozordi ler sa *Bill* in vin - depi yer mon pe ekoute mwan - sak fwa nou prezant en nouvo Lalwa, Lopoziyon i per. Lopoziyon i mefyan. Zot dir ou si napa en dimoun ki nou pe mazine pou al penaliz sa atraver Lalwa. Mr Speaker savedir i montre ou ki zot sak fwa zot ti fer en Lalwa zot ti fer li pou en dimoun.

**(APPLAUSE)**

**HON NORBERT LOIZEAU**

E aprezan - e aprezan Mr Speaker ler nou ki pe fer en Lalwa a bonnfwa pou fer sir ki bann regleman ava byen kot Gouvernman i ava anmas plis Lopozisyon pa kontan li. Lopozisyon pa kontan toultan zot met en keksoz, en dimoun pou ganny pini e ozordi mon kontan.

Onorab SG, Onorab Cosgrow, SG Parti Lepep (eskiz mwan Mr Speaker) in dir ki i satisfè ozordi vreman i annan 6milyon *dividend*. Me si sa Lalwa ti annan en Lalwa ki pe get tou sa bann keksoz, ozordi mon asire *dividend* ki Gouvernman ti pou anmase ti pou bokou plis ki 6milyon, ki li in koz lo la, 600 milyon - wi 600milyon Mr Speaker.

Ozordi, ozordi nou pa ti pe pous, nou pa ti ava pe pous sa kartye maron ki Onorab Loze in koze. Nou pa ti ava pe pouse sa kartye maron. Ozordi nou ti ava dan en *super yacht*, kot nou pe *glide*. Akoz? keksoz ti pou ganny deroule byen. E mwan mon apresye sa Lalwa Mr Speaker akoz mon war i pou annan lord. I pou annan latransparans, i pou annan sa vre rann kont ki nou toultan nou pa'n koz lo la dan Lasanble.

E en morso ki mwan mon enterese avek - Onorab Larue in fer sorti byen sa - se seksyon 89 kot i pou protez bann *asset* sa bann *public enterprise*. Be sa en keksoz primordyal pou nou.

E mwan Mr Speaker avek sa detrwa mo mon anvi dir avek Minis, mon kontan sa Lalwa in vini e si i ti'n vin pli boner, pli lontan Mr Speaker i ti pou anmenn bokou benefis pou nou pei kot petet atraver sa bann *public enterprise* plis larzan Gouvernman ti pou al gannyen, pa 6milyon me bokou plis. Mersi Mr Speaker.

**(APPLAUSE)**

**MR SPEAKER**

Mersi Onorab, laparol pou Onorab Audrey Vidot.

**HON AUDREY VIDOT**

Mersi Mr Speaker. Bonzour Mr Speaker tou Manm Onorab, Minis ek ou delegasyon e tou manm piblik ki a lekout, en bonzour spesyal pou zabitan Roche Caiman.

Mr Speaker atraver ou, mon bezwen dir ki fodre dimoun pa tro, tro krwar sa ki Onorab Loizeau in dir. Akoz dernyen fwa si nou rapel tre byen, Onorab Loizeau ti koz en mansonz dan Lasanble lo sa size kanmiyon *PMC*, apre nou ti vwar kot *PMC* ti vin denons li dan Lasanble Nas... letan ti



fer son *press conference*, alors nou bezwen fer sir kwa ki nou dir.

Mr Speaker, Ladministrasyon LDS in ganny en manda pou fer pli byen, si ladministrasyon i vreman responsab parey nou'n tann Minis dir devan nou Lasanble bomaten, e parey mon koleg Onorab Cosgrow in fer sorti. Akoz ki zot napa en kalandriye? akoz ki zot bezwen servi Lasanble Nasyonal atraver zot mazorite pou zot abiz nou *Standing Order* e kontinyelman vin sot staz lord pou fer zot Lalwa pase.

Si i enportan, si zot konnen i annan Lalwa ki en priyorite organiz zot, annan en kalandriye programm travay. Zot sipoze pli responsab ki sa. Mr Speaker toudmenm sa larogans pouwar pou servi zot mazorite, nou lo sa kote latab nou rekonnet ki sa Lalwa i annan son lenportans. E si i annan son lenportans byensir i byen ki piblik i ganny byen leklersisman lo la.

E Mr Speaker, Lalwa son lenportans i bezwen fer sir pou asire ki i annan en regar atraver lenstiti pou asire ki i annan lord e bon gouvernans dan nou bann lantrepriz piblik. E Mr Speaker i responsabilite sak Gouvernman pou zot ranforsi Lalwa, e asire ki sa bann striktir Gouvernans i marse.

Me konsern ki nou pou kontinyen repete lo sa kote latab, se ki nou, nou annan nou mefyans antre zot laba lo kote LDS. Zot senserite sa ladministrasyon, espesyalman kot i konsern bann Minis dan sa ladministrasyon e ki i evidan pou piblik ozordi ki kapab konfirman ki sa bann Minis pa konsistan e onnet parfwa dan zot bann repons, e menm bann parol ki zot dir devan nou Lasanble, akoz apre ler zot al an piblik, lo medya zot fer lezot *statement* ki kontradwir sa ki ganny dir dan Lasanble Nasyonal.

E se lo sa bann preteks ki nou lo sa kote latab nou kontinyelman mefye zot ler zot vin avek bann Lalwa ki parey zot dir i kapab annan bann bon fason pou annan kontrol bon gouvernans me, nou mefye zot.

Mr Speaker toudmenm nou lo sa kote latab nou rekonnet travay ki bann *sponsors* sa Lalwa bann profesyonnel ki pe fer zot louvraz pou anmenn Lalwa devan Lasanble, pou zot diskite avek Komite *Bill Committee*. Me nou trakase e nou senpatiz avek zot parfwa ler sa bann Lalwa zot ganny demande pou travay lo la, i annan ki pa neserman vin fran avek zot azanda.

Zot azanda visye ki permet zot servi sa bann

profesyonnel, pou zot vin avek bann amannman lo nivo pou sanz sa bann Lalwa. Mr Speaker Lalwa i kapab bon, sa ki nou konnen poudir pou dan responsabilite pou govern byen e pou enplimant li me nou konsern i sa bann dimoun ki responsab e la i vin lo nivo Minis pou li kapab pran e enplimant li e asire ki i annan zistis e bon Gouvernans ki pe ganny fer, e la kot nou dir nou, nou mefye zot.

E wi, nou annan tou rezon pou mefye bann Minis. E nou, nou en listre nou aköz mou mefye zot. Mon pou donn legzanp; ler Minis Hassan atraver ou Mr Speaker i ti dir ki lo medya ki napa logmantasyon dan *allowance*, dan nouvo *allowance* pou bann Minis a sa letan i ti pe dir Seselwa fer sakrifis nou dan dir zot in elekte en kof vid.

Me apre ki nou ti vwar? Dan *PNQ LOTO* ki ti la dan Lasanble Minis Derjaques ti demanti Minis Hassan e i ti dir tou sa bann nouvo *allowance* ki zot bann Minis zot in gannyen lala kot mon dir aköz zot pa konsistans e zot pa onnet ler zot koz avek Lepep Seselwa.

Mr Speaker ki mannyer nou kapab konfyè sa Gouvernman - e la ler mon dir sa, atraver ou mon bezwen dir avek Onorab Larue poudir ler i pe dir son Minis i *underpaid*

en kantite Seselwa la deor osi ki pe travay dir ki *underpaid*. Me selman ler Prezidan i vin dan Lasanble pou fer son diskour i pa dir sa bann dimoun pe byen travay, o kontrè i blanm zot pou inefikasite son *leadership*.

La ankor i montre ou ki mannyer zot mal onnet. Erezman nou lo sa kot latab nou annan rikord, lenformasyon kwa ki nou koze dan sa Lasanble e nou kapab *substantiate* sa ki nou dir dan Lasanble e menm lo nivo nou distrik pou asire ki lenformasyon ki nou, nou pase, ki nou, nou dir pe enport sa ki ganny dir, nou, nou kapab zistifye.

Mr Speaker nou lo sa kote latab nou konsyans i kler, kler, kler, kler e mwan menm si lo lot kote latab zot pe mirmire mwan Audrey Vidot ne Sanders, mwan mon konsyans i kler e mon pou kontinyen mars mon latet anler. Aköz mwan mon konnen kwa ki mon koze e ler mon fer keksoz, mon fer sir mon annan mon fe pe enport sa ki annan pou li dir!

Se pou sa rezon ki mon pou redir ankor dan sa Lasanble parey mon ti dir yer, zot dir nou en Lopozisyon fay? Zot dir fer eleksyon demen zot ki pou gannyen? Nou, nou dir zot *bring it on, bring it on* aköz nou, nou'n pare nou. Nou pa

bezwen al negosye ek okenn *third party* pou nou kapab vin ranport eleksyon 2025.

Mr Speaker Lalwa i devan nou, nou annan en travay pou fer annou fer li. Si zot santi annan keksoz ki'n kase zot ki annan manda pou aranze, zot ki pe *rule border* fer li e nou, nou pa bezwen tyonbo zot lanmen zot pa pti piti zot. Fer zot travay parey Lepep Seselwa in donn zot konfyans pou fer *do it!* Mersi Mr Speaker.

### **MR SPEAKER**

Mersi Onorab. Laparol pou Onorab Aglae.

### **HON EGBERT AGLAE**

Mersi Mr Speaker, Minis ek ou *panel* bonzour, tou Manm Onorab e tou dimoun ki a lekout. Mr Speaker *Bill* ki la devan nou i konsern lasirans, regilasyon lo bann lantrepriz piblik ki dayer i anmenn reveni dan kof Gouvernman pou kapab siport son bann program Bidzeter.

E an dizan sa Mr Speaker plizyer sa bann lantrepriz in souvan o sant bann kritik Lopozisyon lepase, e zot in anmenn diferan mon bezwen dir lakizasyon e osi persepsyon lo serten sa bann lantrepriz baze lo zot zirans e osi bann ki ti lo latet sa bann lorganizasyon.

E pou mwan Minis dan ou lentrodiksyon i annan 3 pwen ki mwan mon'n kapte ki mon krwar lanfaz i merit ganny mete lo la, e mon pou elabor en pti git. Me avan mon dir sa Mr Speaker mon ti a kontan met detrwa keksoz kler.

Atraver ou Mr Speaker non Onorab Lemiel in ganny servi dan sa Lasanble baze lo son pozisyon koman *Chairman COGA*, ki dayer i enn son responsabilite. Olye fer son travay an menm tan i en komite bipartizan, akoz i annan Lopozisyon e parti ki dan Gouvernman ladan. E si ler in fer son *interview* in dir pou dir i satisfte ek travay ki pe ganny fer lo sa bann zil, en mwan tan ki mon'n dan politik e dan 6enm Lasanble nou pa'n zanmen kritik travay ki pe ganny fer lo okenn nou bann zil e menm kritik sa ki pe zer sa bann zil ouswa sa ki lo *Board* sa bann zil.

Se dayer *LDS*, *SNP* ki'n touzour anmenn en lager asarnen kont *IDC* kont Mr Glenney Savy isi dan sa Lasanble. E menm an deor dan zot ban zournal, dan zot bann papye nou ti souvan fwa war bann piblikasyon e ozordi Onorab Henrie pa la Mr Speaker, e Mr Speaker ou osi ou'n en editer bann zournal Regar, lot ou konn tre byen sa bann keksoz.

So, mon pa anvi vin ek en lapros ipokrizi ozordi pou mwan akoz *LDS* ki pe gouvrenen e ki pe *oversee* nou bann zil ki zot monte desann detanzantan pou al fer ban pti *trip* prive. Mon pa pou fer lipokrizi pou mwan *boycott* nou bann souvrennte e lafason ki pe zere e si pe anmenn pei *dividends*. Nou pa kapab kontinyen avek sa bann kalite pratik lipokrizi, ki ozordi letan zot ti kriye dan lepase atraver ou Mr Speaker Onorab Larue menm si i pou ankoler se li ki ti anmenn bann pozisyon vreman, vreman anbarasan, radikal lo nivo *IDC*.

E menm ti kriye sa bann pti *Green* piti. Mon pa bliye mon ti dan beme lasanble mwan. Nou bezwen atansyon akoz ozordi se sanmenm sa ki nou ti pe kraze kritike, se sanmenm ki nou pe donn lanmen promote e anbelir. So,

E mwan Mr Speaker si atraver ou sa ki'n ganny dir ozordi dan sa Lasanble lo *IDC* mon pa konnen si pou annan reperkisyon avek sa msye laba Beau Vallon, me selman annou get byen ki nou dir e annou reflexir.

En lot size ki mon pou touse la, mon pou la pti kou lo sa ki Minis in dir. Minis in koz lo lefikasite, ou'n koz lo latransparans, ou'n fer mansyon lo *meritocracy* nou

bezwen osi serye e taler mon pou tous en pti bout dan Lartik 23, 24sa *Bill*.

Letan nou pe koz lo *meritocracy* nou pou bezwen pran kont osi, lekel ki nou pe apwente e nou bezwen osi konsyan poudir i annan *nepotism* ki pe arive dan bann lantrepriz piblik e bann pozisyon ki zot pe apwente dan Gouvernman ozordi. Nou pa kapab *denied* sa *fact* e nou bezwen osi reflexir letan nou pe koz lo Lartik 23 dan sa *Bill* e 24 kot i konsern pozisyon Sef Egzekitiv, e osi kot i fer referans Lartik 22 kot i konsern *disclosure conflict of interest*.

E letan mon'n lir Lalwa mwan mon ti a kontan zot al pli devan, kot i konsern *conflict of interest*, deklarasyon zot lentere dan okenn sa bann lantrepriz i pa merit aplik zis pou *CEO*. Nou bezwen kler tors avek fanmir ki annan biznes ki pe fer biznes avek sa lantrepriz.

Dalon, zanmi nou konnen nou, nou bezwen fer sir al kler sa bann tors byen parey zot ti dir i annan sa bann tors 12 batri ki zot ti annan ki apre 2020 la bann tors in tennyen la, realim sa bann tors 12 batri al klere annou al get en kou. Akoz i ankor annan koripsyon ki pe pase.

En lot keksoz ankor Mr Speaker ki mon ti a kontan met devan se ki nou bezwen ganny valer pou larzan ki ganny investi dan nou bann lantrepriz. Letan nou pe koz valer pou larzan i annan lantrepriz ki pe fer plizyer milyon profi anyelman. Pa akoz ou pe fer sa gran *margin of profit* ki ou kapab annan bann lese fer ki pou depans larzan manner li i anvi, san pran kont poudir sak pti sou i pou dan lentere pep.

E la pou nou kapab annan lefikasite se sa en fason ki mon krwar poudir nou bezwen gete kot i kapab annan bann restriktirasyon pou anmenn plis lefikasite, koup en pe lo bann gro proze anbisye ki serten lantrepriz. Nou'n pas dan en faz nou, faz ekonomik sirtou *COVID*, koup en pe sa bann gro proze anbisye e retourn larzan akoz manner mon konpran pei pe fer fas avek bann devizite - Minis Finans i la bezwen rod larzan pou bous serten trou - pou kapab anmenn sa Bidze kot i ti prezante kot i ti sipoze arive.

E manner mon konpran osi reveni *tax* pa pe neserman *forecast* parey i sipoze. So, i bann keksoz ki letan nou ti koze isi, letan nou ti pe pas atraver bann problem *COVID* nou ti dir ek Gouvernman aret en pe sa

bann gro proze anbisye, kapital retourn larzan en pti gin dan nou landrwa kot i merite kot pep pe bezwen kot pep pe soufer.

Me zot pa ti ekout nou, zot in kontinyen avek zot biznes ozordi. En lot pwen ki mon pou touse Mr Speaker se kot i konsern lapwentman bann *Board*, lapwentman e letan mon pe gete Minis i annan en kantite pouwar anba sa Lalwa pou li pran bann desizyon e menm donn direktiv *Board*, ok?

Me mwan mon swete ki osi letan *Board* in ganny apwente e *Board* i vin avek bann desizyon, se ki Minis pa la zis pou donn en direktiv ouswa pou donn lord. I bezwen ekoute osi sa ki *Board* i dir si pa kapab fer, si i en risk annou ekoute nou dir.

E letan mon pe koz risk Mr Speaker, *Air Seychelles* i en size ki'n ganny sorti osi dan sa deba e bokou pe ganny dir *Air Seychelles* i dan bann difikilte finansyel, *Air Seychelles* in *faid* e se zot ki'n vini pou *rescue Air Seychelles*.

Me selman ler ou fer serten analiz, e mwan mon'n fer serten resers ozordi 2023 i annan plis ki 64 *airline* ki'n bezwen ferm laport ouswa in bezwen fer *merger*. E osi mon'n al pli devan mwan en lakonpanyen *airlines* si ou pou al dan sa biznes parey

*Seychelles airline* ti anvi ne, i en biznes ki i pa neserman profitab. I annan en kantite risk ki atas avek e plizyer lakonpanyen in war li dan difikilte, andete pou plizyer milyon dolar aköz difikilte ki zot in fer avek marse.

E *Air Seychelles* i pa enn leka li, *Air Seychelles* in pas dan difikilte. E si nou pou dir move zeran nou bezwen kapab kalifye rezon ki zot dir move zeran. Mr Speaker okenn dimoun ki dan en biznes letan ou pe fer *loss*, byensir ou pa pou kapab pey ou det aköz ou pe fer *loss*.

E ou war li difisil pou pey ou det, e Gouvernman in touzour pe enzekte pou sey kapab kit li a laflot malgre i ti pe fer *loss* aköz nou santi poudir *Air Seychelles* i en *pride of the nationals*, ok? I annan *national carrier* ki'n anmenn nou bokou, bokou *pride*. E *Air Seychelles* in size avek son bann *crew*, in size bokou *award* li ki in ganyen enternasyonal.

E letan mon pe koz pou fer *loss* ou pa kapab pey ou bann det sa in ale in akimile *over the years* sa. E se la ki i war nou'n anmas nou en gro en serten det avek *Air Seychelles*, me selman mwan pou mwan Mr Speaker mwan mon salye tou bann travayer *Air Seychelles* depi son Pilot, depi son bann *cabin crew*, depi

son *ground handling*, depi son sekretarya ki'n fer bann bon travay dan lepase e ozordi pou sey kit sa *pride* kontinyen anvole.

E an terminan Mr Speaker, mon krwar osi i enportan ki anba Lartik 24 sa *Bill*, kot i konsern *termination, resignation, removal, vacancy of the Chief Executive Officer*, mwan mon'n 6em Lasanble mon'n get en pe Lalwa en pe Lalwa in pas dan mon lanmen mon'n lir mwan en. Me selman i annan serten bann bout ladan premye fwa mon war dan Lalwa.

Mon krwar sa i annan ki vin dan Polisi, me selman zot in met li dan Lalwa li menm mon pa konnen si zot pe koriz serten anomaly ouswa si tou Lalwa ler pou vini kot i konsern lapwentman *Chief Executive Officer* repas dan tou sa bann Lalwa al fer bann lamannman met tou parey.

Mon krwar i enportan sa e pou lantrepriz piblik zot pe fer tou sa, mon napa problem ek sa e mon swete ki bann aksyon ouswa reaksyon ki'n arive avek serten travayer dan bann lantrepriz piblik, nou pa zis *jump* lo bann konklizyon ki pa fonde avan ki nou pran bann desizyon ki pou andomaz repitasyon serten sa bann dimoun.

E mwan mon pou lans en lapel an terminan ki tou bann

CEO ki pe ganny apwente, regard byen sa Lalwa silvouple sa ki dir e anmenn nou bann lantrepriz piblik dan en fason korek.

E sa mon pou koz osi pou enn bann lantrepriz ki mon'n koz lo la dan lepase souvan se PUC ki mon santi poudir PUC malgre nou'n annan bann Lalwa ki'n ganny amande, i annan Lalwa ki pe vini ki konsern li, i devret ganny revwar son loperasyon mwan mon santi e war kote nou kapab annan bann restriktirasyon e koupir;- en manner ki son loperasyon, i pa pou bezwen sa sitan gran kapital e osi a pas avek konsonmater bann profi ki ava fer ki en manner ki sa bil delo, sa bil elektrik ki nou peye osi i kapab desann.

E an gro Mr Speaker sa bann lantrepriz piblik bokou ladan pe rann bann servis ki enportan e pli zot rann en pli bon servis, mon krwar pli Lepep Seselwa pou ganny en pli bon *deal*. Mersi Mr Speaker.

### **MR SPEAKER**

Mersi. Mersi Onorab. Bon, akoz serten langazman ki mon anvii respekte mon pou aret deba la pou le moman, pou nou rebran apre midi e nou a rezwenn 2er. Me selman mon anvii zis fer remarke an ka piblik i mazine poudir nou pe

koup nou letan travay kourt, i pa leka akoz dan lord Lasanble program pou Lasanble travay i ziska midi.

Nou ale laplipar ditan ziskan midi edmi, e mon oule zis ki piblik i remarke ki nou pa pe travay an mwens ozordi, nou abitye travay anplis. Mersi bokou nou a rezwenn 2er.

### **(BREAK)**

### **MR SPEAKER**

Bonn apre midi tou dimoun, Minis bann zofisye dan ou delegasyon e bann piblik. Mon regre mon *apologies* senser pou retar ki akoz nou ti'n ganny pri dan en travay komite.

Bon, mon napa lot Manm lo lalis pou entervenir, Onorab Georges ou oule entervenir? Mon en pti pe dezapwente ki zot pa'n lev lanmen avan pou mwan konnen kot nou pe ale, me selman vi ki nou ankor dan staz deba Onorab Georges ou annan laparol.

### **HON BERNARD GEORGES**

Mersi Mr Speaker. Mr speaker mon ti anvii lev mon lanmen avan, akoz mon ti konnen ki imedyatman apre ki mon'n lev mon lanmen Onorab Pillay pou lev sa ki pou li e mon krwar se egzakteman sa ki'n arive.

Mr Speaker devan nou, nou annan en prozedlwa ki

parey Minis in fer resorti bomaten, i annan pou bi ankadre e donn en direksyon travay bann *public enterprises* dan nou pei, sa ki nou ti apel a en serten letan bann *parastatals* ki nou apel li bann *SOEs*.

E la prezan dan sa Lalwa nou apel li bann *public enterprise*, e *public enterprises* Onorab Flory Larue bomaten in lir nou sa lalis *public enterprises* e nou konpran ki zot *range* atraver en larz levantay aksyon.

Serten i bann gro lantrepriz ki fer en kantite larzan e ki pey gro *dividend*, *Nouvobanq*, *SEYPEC*, serten i bann lantrepriz ki bokou pli pti e ki kekfwa par fer en kontribisyon enorm dan nou Bidze dan nou reveni nasyonal me zot annan kantmenm en responsabilite.

Pou kapab ankadre en sistenm bonn governans parey Minis in dir, i bezwen annan en lankadreman pou siperviz e pou donn en direksyon bann *SOEs*. Onorab Wallace Cosgrow i trouve ki sa se en *one-size-fits-all*, annefe mon pa war sa koman en problemm Mr Speaker, *in fact* mon war li koman en lavantaz.

Ou bezwen ki ou ptipti ki ou gran, swiv menm lareg e menm prensip. Dan nou pei nou annan en *Companies Act* e li i detay bann lareg ki tou

bann konpanyi i bezwen swiv ki en pti lakonpanyen *PTY* ant en msye ek en madanm pou koup zerb oubyen fer en pe *maintenance* dan lakour, oubyen ki i *Seybrew* ki pey oubyen *Amalgamated Tobacco* ki pey en kantite *tax* tou le-z-an en kantite *excise* tou-le-z-an lo, lo zot resours lo zot travay, lo zot profi ki zot fer.

Si ou kapab annan en Lalwa ki govern tou groser konpanyi mon pa vwar ki mannyer ou kapab annan en Lalwa ki pou met bann paramet, ki pou met bann striktir an plas pou bonn governans pou sipervizyon bann *SOEs*.

Alor lo sa pwen mon pa vwar en defayans dan sa enn Lalwa, sa Lalwa i annan parey bann ki'n koz avan mwan e bann nou ki'n lir sa Lalwa akoz i paret ki i annan en bann ki pa'n lir Lalwa akoz dapre zot, zot pa'n ganny sifizaman letan pou zot fer li - malgre ki zot apel zot lekor Lezislater e sa Lalwa in ganny Gazete depi Vandredi ki fer ki pou okenn dimoun ki ti anvi lir en Lalwa 80 paz, nou ti annan Sanmdi, Dimans, Lendi ek Mardi. A lavalier 20 paz par zour mon pa war ki mannyer en dimoun ki apel son lekor en Lezislater pa ti'n kapab lir sa Lalwa.

Me tou fason pou bann nou ki'n lir sa Lalwa nou ava vwar ki i annan en serten



kantite detay, lo ki manner bann SOEs pou *manage* zot lekor, bann rapor ki zot bezwen fer. Ki manner bann *Board* pou ganny apwente, ki manner zot striktir *management* pou ete, ki manner zot, zot Sef Egzekitif pou ganny apwente.

Ki manner zot kapab ganny *investigate* e *investigation* in komanse, ki manner i kapab arete, tousala se dan lankadremman sa Lalwa. Mon pa vwar Mr Speaker e mon krwar ki menm lo kote minoriter, zot in aksepte ki sa Lalwa napa okenn defayans ladan, se en Lalwa ki ti la avan e ki pe ganny perfeksyonnen ozordi.

*Public enterprise management*, pa nou ki'n envante i ti la avan e la sa ki pe arive se ki sa Lalwa pe ranplas e pe perfeksyonn sa ki ti la avan. Donk lo kote son striktir, lo kote son konteni, lo kote son lentansyon deryer son Polisi, mon pa krwar nou annan en gran kantite keksoz pou fer menm si, menm si nou dan sa tim ki mefye tou keksoz ki kote mazoriter e Gouvernman Sesel i fer.

E mon krwar bann Manm ki'n koze in eksprim sa dezir, oubyen sa swe, oubyen sa lentansyon. Par kont Mr Speaker e mon bezwen dir sa o depar, mon partaz serten rezerv ki serten Manm in

souleve lo restriksyon lo kontrol, lo restriksyon san travay *the field of work* ki sa bann SOEs sa bann *public enterprises* i bezwen fer.

E restriksyon lo sa ki zot bann *Board* ek zot *management* i kapab fer ou plito sa eleman kontrol ki annan lo la. E sa mon partaze aköz pou bann nou ki annan en lespri liberal, regilasyon i en keksoz ki pa ale avek nou. Nou anvi en *minimum* regilasyon ki posib pou donn sa antite tou son laliberte pou li kapab, pou li kapab azir.

Me Mr Speaker i annan en me, me nou bezwen konsyan ki sa ki nou pe fer la se nou pe regard bann *public enterprises* e sa mo *public* i enportan. Nou pa pe regar en *private company*, nou pa pe regard en konpany kot dimoun in *subscribe* zot larzan ki zot in investir dan en lakonpanyen e ki zot annan en *board* ki annan pou bi *maximize* zot profi anver kontre tou.

Se pa sa ki nou pe regarde la, nou pe regard bann *Board* bann lantrepriz kot Gouvernman i swa i *sole shareholder* swa i annan en mazorite *shareholder*, *shareholding* swa i annan en lenvestisman ki'n fer dan sa, dan sa antite.

Alor e tan donnen ki Gouvernman *is the principal*

*shareholder*, annou dir ki pou fer largiman kourt ki se Gouvernman ki *shareholder* sa bann lantrepriz. Gouvernman i la pou administre byen Lepep Seselwa.

Sakenn parmi nou isi dan sa pei, sa 100mil nou ki apel nou lekor Seselwa se nou ki annan en par dan sa bann *public enterprises*. Alor i normal malgre ki sa i al kont en lespri liberal, i normal ki i bezwen annan en serten eleman kontrol en serten eleman direksyon dan lafason ki sa bann *public enterprises* pou *manage* zot lekor e dan fason ki *Board* pou bezwen travay.

I pa en kestyon nou pa kapab dir parey serten in dir la isi dan sa Lasanble, me serten largiman an deor ki si ou pou bezwen met kontrol lo lafason ki en *Board* pou travay pa vo lapenn ou annan en *Board*. Zis les Minister *manage* sa bann lantrepriz.

Sa mon krwar se en lespri en lide a kour term, aköz efektivman aköz Gouvernman tou Gouvernman, tou Gouvernman, atraver lemonn e atraver listwar, i pa meyer *manager* en antite komersyal, e sa nou rekonnet.

Se pou sa rezon ki ler i annan en laspe komersyal dan travay Gouvernman, Gouvernman i retir sa anba son lezel e i met li dan en

antite separe. Aköz en antite separe i toultan pli byen *manage* en antite komersyal.

Se pou sa rezon ki depi lepok avan lendepandans nou ti komans annan bann *parastatal enterprises*, aköz Gouvernman ti'n konpran sa pa zis isi Sesel pa nou ki'n envant sa konsep me atraver lemonn. E donk, e donk, etandonnen ki Gouvernman ki en *shareholder* pe administre byen son sitwayen Lepep Seselwa ki zot, ki nou ki annan en par dan sa keksoz, Gouvernman i bezwen e i annan en lobligasyon pou fer sir ki *management* sa bann lantrepriz i o pli o nivo ki posib.

E ki Gouvernman i annan en *droit de regard* parey nou dir lo lafason ki sa bann antite i ganny *manage*. Alor nou bezwen aksepte ki lo en kote Gouvernman pe *hive off* en serten son aktivite dan en lantrepriz piblik, me lo menm kote Gouvernman i *still* bezwen annan en *droit de regard* lo sa antite piblik.

E sa *droit de regard* i vin dan 3 fason; 1 se ki Gouvernman ki apwent sa *Board* ki pe regard sa antite.

Dezyenmman se ki parey sa Lalwa i dir Gouvernman ava annan en Manm lo sa *Board*, sa line Ministry i ava annan en Manm lo sa *Board* ki pou fer,

ki pou azir, ki pou azir lo non sa *line Ministry*.

E trwazyenmman ki sa *Board* pou bezwen azir dan serten paramet ki nou met devan zot. Alor Mr Speaker parey mon'n dir lo en kote ou anvi ki sa *Board* i annan o tan lotonomi ki posib, me pou en antite piblik sa *Board* i bezwen realize ki i pa kapab azir koman i ti ava fer dan en antite prive akoz i annan en serten responsabilite vizavi Gouvernman.

E kontrol i ganny egzerse par lao sa *Board* par Minis oubyen Minis Finans, par sa *line minister* oubyen par Minis Finans. Alor sa striktir in ganny byen etabli, e ki si sa ki pou ofer nou oubyen ki sa ki pou fer mwan dir ki sa Lalwa i enn ki malgre i annan serten restriksyon oubyen i annan serten paramet ki gid travay en *Board* ki sa ki pou permet mwan dir malgre sa mon siport sa Lalwa, malgre ki mwan dan mon for enteryer mon krwar ki *Board* i devret annan lendepandans pou li azir.

Rezon ki mon pou dir ki sa Lalwa i *ok*, ki fer sa bon balans se premyerman akoz i annan posibilite touzour pou annan en enteraksyon ant *Board* avek Minis. Se pa akoz Minis i annan en *droit de regard* i annan en posibilite pou li azir, donn direktiv

eksetera ki i pou fer li toulezour.

Akoz ler sa pou arive *obviously* sa *Board* pa pou kapab fonksyonnen i pou annan en *fracture*. Sa ki la i en posibilite ki donn Minis en *power*, en pouwar pou li azir ler i krwar ki i byen e dan lentere nasyonal e taler mon ava retourn lo sa lespri lentere nasyonal.

Donk premye rezon ki mwan mon pou dir sa Lalwa i koresponn a legzizans nou pei ozordi, se akoz efektifman i reponn a legzizans nou pei ozordi. E i neserer e i fer en bon balans - pa dan tou ka Mr Speaker, akoz toultan pou annan serten antite ki poudir ki zot pa kontan ki zot annan sa, sa lizye Gouvernman lo zot toultan e i annan en bann ki pou dir ki zot byen *happy* ki zot annan sa, akoz zot santi zot en pe plis proteze.

Donk, pou annan lo nivo sak antite en *none one-size-fits-all*. Lankadremman i parey me sakenn parmi sa bann antite pou azir avek en serten degre lendepandans plizoumwen, serten plis, lezot mwens.

E en Gouvernman responsab - parey sa Gouvernman ki nou annan ozordi - pou konnen kan zot kapab enterfer e kan ki zot pa devret enterfer. Donk, sa se premye rezon akoz mon krwar

ki sa Lalwa i *achieve* - malgre mon rezerv - i *achieve* sa balans.

Dezyenm rezon akoz mon pou siport sa Lalwa e mon krwar ki in ariv a en bon nivo ou plito ki in ganny drafte dan lafason ki in ganny drafte, e ki mon pou siport li, se akoz i pe ariv a en moman kot nou pe transform sa ki ti la avan e wi nou pou bezwen dir transform sa ki ti pe pase e sa ki'n pase pandan 43an e antre dan en nouvo konsep gouvènanans dan sa pei.

Annefe Mr Speaker sa ki nou pe fer e sa ki sa Lalwa pe fer, se pe met lord dan sa ki zot, zot in met dezord ladan. E nou bezwen Mr Speaker pa zanmen bliy sa. Sa Lalwa ozordi dan lafason ki in ganny drafte i pe vin met lord kot ti annan dezord.

Alor silvouple bann ki'n met dezord la i pa moman pou zot konplent, i moman pou zot asize e ekoute. E Mr Speaker mon ava dir zot akoz mon dir sa;

Premyerman sa Lalwa ozordi mannyer i ete pa ti pou permet - pa ti pou kapab permet en lakonpanyen parey *Air Seychelles* al fer sa nivo *borrowing* ki in fer avek *Etihad* pou ki en zour i pou dwa \$200milyon. I pa ti pou kapab arive akoz Minis ki annan en *droit de regard* pa ti pou les sa arive.

Alor mon bann zanmi lo kote minoriter, ki'n anmenn akoz zot ti napa sa striktir neserer oubyen si zot ti annan zot pa ti pe azir dan lentere nasyonal pa konplent. Sa Lalwa pe vin met lord dan zot dezord e pe anpese ki okenn antite demen i trouv li kot *Air Seychelles* ti trouv li le 24 Oktob 2020.

Dezyenm legzanp 2020 *Development Limited*, nou tou nou vwar ki'n arive avek 2020 *Development Limited*. Kot pa'n annan ase sipervizyon e ozordi en keksoz ki ti'n devret fini dapre, dapre son tit son *public enterprise* depi 2020 la in ariv 2023 lanmwatye pa ankor ni fer e det partou kote.

Lala en lot dezord ki sa Lalwa pe vin met lord ladan. Se pou sa rezon (Onorab Herminie), se sa rezon ki annan *clause 100* dan sa Lalwa. Lala rezon si zot pe rode akoz i annan sa *clause 100* dan sa Lalwa, se pou anpes annan problem *Air Seychelles* e pou anpes annan defayans *2020 development* ankor dan nou pei.

E Mr Speaker menm Onorab i demande "ki si sa, sa konsep *national interest*?" Kote nou'n al rod sa konsep lentere nasyonal? Mr Speaker mon repons i senp, al demann zot dirizan pandan sa dernyen 43an akoz se zot ki'n envant sa konsep 'lentere nasyonal.'

Mwan mon rapel tre byen an 1977 apre ki en serten msye in decide kit pei i ti devret ganny dirize par li e non pa par sa dimoun ki lamazorite Seselwa ti'n swazir, se li ki dan en Lalwa ki apel *the Lands Acquisition Act* ki'n decide anmenn en konsepe 'national interest.'

Ou a kapab pran en later dan lentere nasyonal. Ou pa bezwen dir, ki ou pe al fer avek, ou pa bezwen dir ki ou bezwen li pou en rezon piblik, ou pa bezwen dir ki ou pe al fer en lopital oubyen ou pe al met en lema televizyon, oubyen ou pe al fer en *pavement*, ou pran li anba lentere nasyonal.

Alor nou bann zanmi ki pe asiz lo kote minoriter, pa vin demann nou ki si sa ki sa Lalwa pe dir ler nou koz lo lentere nasyonal, al Ankour al lir en seri zizman li Lakour in pase ki'n eksplik zot e Lepep Seselwa ki savedir 'lentere nasyonal'.

Mr Speaker bokou in ganny dir egzaktman parey yer pa neserman lo sa Lalwa, me lo prosedir ki nou'n adopte dan sa Lasanble. Byen boner nou'n ganny dir ki sa bann zafer *First Reading* ek *Second Reading* dan konteks sa Lalwa pe ariv tro souvan - pa devret arive.

Me sa ki sa bann dimoun pa dir nou se ki pa nou ki envante sa *First Reading* en

zour en *Second Reading* landmen. Si nou retourn an aryer e nou al regard travay dezyenm, trwazyenm, katriyenm, senkyenm Lasanble nou ava vwar i annan en kantite, kantite legzanp ki zot Gouvernman ti fer *First Reading* ek *Second Reading* menm zour.

**(APPLAUSE)**

### **HON BERNARD GEORGES**

Alors silvouple, alor silvouple respekte nou *Standing Order*. Respekte ki nou *Standing Orders* i annan sa provizyon ladan, akoz i annan serten ka kot nou pou bezwen anmenn en *First Reading* ek en *Second Reading* vitman. E sa i enn sa bann case. Si zot Lezislater parey zot kontan dir ki zot ete zot a konpran ki Lezislasyon i bezwen pase dan letan kot i devret pase.

E se pou sa rezon parey mon'n dir ki *Standing Orders* i permet sa ki nou'n fer yer e sa ki nou'n fer plizyer fwa dan lepase e sa ki zot, zot in fer ler se zot manm ki ti asiz dan sa sez kot mwan mon size ozordi.

Me Mr Speaker ki vreman problemm ki bann Manm lo lot kote latab in annan akoz sa *Bill* in ganny lir pou Premye Fwa yer e pou Dezyenm Fwa ozordi, ler lamazorite sa *Bill* i egzaktman parey sa enn ki ti vin devan zot

e zot in vwar pandan tou sa bann semenn.

Ki sa ki'n anpes zot *focus* lo sa detrwa seksyon ki'n sanze. Ki sa ki'n sanze telman ki zot, zot in bezwen fer en *teat* avek lefe ki nou'n lir li Premye Fwa yer e nou pe lir li Dezyenm Fwa ozordi.

E si, e si zot vwar ki i annan bann defayans dan sa *Bill* ki zot in koz lo la depi ler zot pe koze bomaten, oli zot proze lamannman pou sa *Bill* pou zot fer sir ki sa defayans i sorti? Oli i annan 8 oubyen 9 zot la, enn, de, trwa, kat, sis i annan 8 zot la, oli zot lamannman? Oli zot lamannman?

Depi Vandredi sa *Bill* in ganny Gazete zot ti annan Sanmdi, zot annan Dimans, zot ti annan Lendi, zot ti annan Mardi pa zis pou lir nou pou fer Lasanble, pou fer lamannman. Ni enn zot pa'n anmennen, ni en comma, ni en virgil, ni en 'N', ni en 'the' zot pa'n anmennen, solman koze tou koze pou zot.

Me Mr Speaker, konnen ki nou, nou'n fer nou, sa tim ki la? Nou, nou'n asize Vandredi, nou'n asize Sanmdi, nou'n asize Dimans, nou'n asize Lendi nou'n lir sa *Bill* nou'n depouy li depi premye ziska dernyen nou'n fer en santenn lamannman ki dan sa *tracked version* la ozordi.

**(APPLAUSE)**

**HON BERNARD GEORGES**

Alor ler mon dir ki dan sa pei e dan sa Lasanble, i annan en kote ki travay e en kote ki konplent, mon pa pe koz manti Mr Speaker, akoz sel keksoz ki zot fer mefyan e alor pa travay zis konplent, opoze, argye, *point of order*;- la bomaten menm nou'n ganny nou en *matter of privileged* se tou ki zot konnen, se tou ki zot konnen, se tou ki zot bon.

*(Off-Mic)*

**MR SPEAKER**

Bann Manm silvouple, aret enteronp deba. Onorab Georges

**HON BERNARD GEORGES**

Mr Speaker an mezir ki mon pe regard lafason ki nou Lasanble pe ale avek bokou lapenn ek bokou tristes, mon vwar - e eskiz mwan mon bann zanmi lo lot kote latab pou dir zot sa. Mon war 7 pasaze pe anbark dan en bis, lontan bann konminyon ti apel Oli Li, La I La, *Sweet Lips*, eksetera.

La ozordi i annan en kanmiyon ki apel →Mefyans e mon war 7 zot e mon war 7 zot in anbarke, drayver, drayver i anba volan i lev kanmiyon i pa konnen si i pe al Takamaka, si i pe al Bel Ombre zis i *drive*, zis

i *drive* ziska ler bennzin i fini dan son kanmiyon.

Se sa ki nou pe war la ozordi, depi yer Mr Speaker e mon bann zanmi mon annan bokou respe pou zot, me silvouple, silvouple sey fer zot travay parey zot in ganny peye pou fer. Sey fer en kontribisyon pou fer avanse sa pei. E dan sa konteks Mr Speaker, dan sa konteks nou'n ganny dir ki lafason ki nou fer avanse sa pei se avek en gal banbou lo en kartye maron.

Mwan Mr Speaker an konklizyon, mon anvi dir en sel keksoz, en kartye maron avek en gal banbou se sa ki nou'n trouve ler nou'n vin o pouvwar le 24 oktob 2020.

**(APPLAUSE)**

**HON BERNARD GEORGES**

La ozordi, la ozordi a ki sa Gouvernman pe fer e sa ki sa Gouvernman apre midi avek sa *Bill* i montre ki in sa lepok kartye maron avek gal banbou in fini. Ozordi parey Onorab Bel Air Onorab Loizeau in dir “ozordi nou dan en *super yacht*” Mr Speaker avek 3 masin, 300 sevo deryer!

**(APPLAUSE)**

**HON BERNARD GEORGES**

Enn sa bann masin i apel Wavel Ramkalawan, dezyenm

masin i apel Ahmed Afif e 3enm masin la i la i apel Naddy Hassan se zot Mr Speaker.

**(APPLAUSE)**

**HON BERNARD GEORGES**

Se zot avek zot lekipaz ki pe fer marse sa pei. E ler zot vin dan sa Lasanble Minis mon dir ou sa ozordi atraver ou Mr Speaker ou annan pou zis fye lo sa kote latab pou ed ou fer marse sa *super yacht*. Pa fye lo zot laba akoz zot, zot pe anmenn ou lo brizan.

Mr Speaker mon ti anvi an konklizyon reasir Minis ki son *Bill* pou pase apre midi, malgre tou sa bann koze ki nou'n tande, tou sa bann mefyans ki lot kote i annan e mon dir zot kontinyen mefye zot nou, nou napa problem nou, nou pe kontinyen travay.

Mr Speaker avek sa detrwa mo mon anvi reasir Minis e sirtou reasir Lepep Seselwa ki pe vin dan bann *meeting* distrik an gran nonm, ki zot annan en Gouvernman ki pe travay e dan sa Lasanble zot annan en lanmwatye ki pe defann zot lentere. Mersi Mr Speaker.

**(APPLAUSE)**

**MR SPEAKER**

Mersi Onorab. Onorab Pillay ou annan laparol.

### **HON SEBASTIEN PILLAY**

Mersi Mr Speaker. E mon remerisi entervenans avan mwan pou son bann bon mo lankourazman e son bann bon, bon parol a nou legar, nou vreman apresye.

Zis an pasan Mr Speaker lapolis fek *call* mwan la, i annan en gro konminyon ki apel *Right of Way* dan krwaze Mamelles ranpli ek bann lagrenn bat latet ki bannla pe rod son drayver depi 2020. Mon pa konnen si zot in war li, me selman Lapolis in *issue* en *missing person report* pou gete kote son drayver i ete.

Mr Speaker - ou konnen mon kontan ki Lepep Seselwa pe war nou vre kouler, apre tou sa lannen ki nou'n propoz nou lekor koman bann gran defander la demokrasi. Ozordi nou mars dan *super yacht*, bwar *champagne* dan *first class* e manz *caviar* 31 fwa dan 31 mwan.

*So that's* - Mr Speaker sa i *ok* ek nou aköz i zot ki o pouwwar, zot ki pe *rule border* e zot fer mannyer zot anvi. E si nou pa anvi mwan mon koz koumsa, nou pa koz parey nou'n koze.

Akoz Mr Speaker ler *the chief guide*, sa *chief man* lo lot kote latab i dir mwan in lir Lalwa, e i dir poudir bann

lantrepriz piblik parey *Nouvobanq*- be i pa'n lir Lalwa, aköz si i ti lir Lalwa i ti ava war poudir anba sa *schedule* napa *Nouvobanq*. Napa *Nouvobanq*; napa *Seychelles Market International Banking Corporation* - napa.

I ti devret lir Lendi, i ti devret lir Sanmdi, i ti devret lir Dimans, apre i lir Lendi en pti kou. Apard sa Mr Speaker ler son koleg ki pe kontinyen donn li sipor laba deryer i vin nonm *Société Seychelloise d'Investissement*, mon envit li pou al get *press release* Minister Finans date 2021 *SSI* pe *close down*, depi 2021 pe *close down SSI*.

Ou konpran, konmsi nou zis, i annan i zis rabase depi Sizyenm Lasanble koz lo *Green* piti, *Green* isi, *Green* laba, ti sipoze met sa boug al kot Anti Koripsyon, napa ki pa pou fer apre pa mwan ki ti *boycott* sa imsye pa mwan ki ti sa! Be zot Seselwa prezan pe war zot vre kouler zot zis koze, koze, koze, koze apre zot blanm nou!

Mr Speaker mon pa kapab ganny en konpran ler entervenans ki'n koz avan mwan in pran bann pwen ki mon kote latab in met devan lo konsern ki zot annan lendepandans bann *Board* pou fonksyonnen e dir i dakor ek sa. Apre i tret nou konmkwa ki nou pa'n lir Lalwa.



Konmsi ki nou kapab konpran? Ki nou kapab konpran? Be prezan in ariv en staz dan sa Lasanble konmsi depi '77 letan nou nonm Mr Rene annou dir osi poudir nou ti en bann bon zanmi Mr Rene. Nou ti annan Mr Rene lo nou *speed dial* nou osi, nou ti kapab *call* Mr Rene. Annou admet bann realite annou pa pran zis bann zekli anvoy lo kanmarad.

Annou dir Mr Rene in fer en kantite keksoz ki nou, nou admet bann keksoz akoz pa tro, tro byen koz ditor lo lanmor. Lo defen, sirtou ler defen ti byen ek nou, defen ti estim nou, defen ti *call* nou, defen ti estim nou e nou ti koz ek defen. Annou arete sa.

Akoz nou osi nou annan sa bann lenformasyon, mwan mon pa pou fer parey bann dan lepase ki vin met tou keksoz ki mon konnen deor la.

Me nou osi nou annan lenformasyon, nou annan levidans. Bann ki ti al dan prizon pou ekout sa ki prizonnyen i dir pou enformen - nou konnen sa. Ozordi sanmenm sa bann ki pe marse dan avyon pe ale vini, pe koz Sesel labous plen, nou konnen sa. Nou annan levidans.

Be ou konnen ki nou fer nou, nou tenir ou konnen akoz, akoz nou *believe* dan sa travay ki bezwen ganny fer. Akoz nou *believe* dan sa travay

ki bezwen ganny fer? Akoz si zot oule ki nou, nou pran sa 43an - be Mr Speaker atraver ou avek tou respe ki mon annan pou mon koleg Onorab, Tou sa problemm Mamelles lekel ki'n *MNA* Mamelles plis letan?

So i pa pou pran son bout li? Nou, nou a pran nou bout. Prezan ou a dir 43an Sesel ti etabli an 1977 apre sa pa'n ariv naryen. Selman, selman nou al *Qatar* pou nou al prezant Sesel koman en legzanp, en pti pei ki'n *achieve high income development*.

43an ki Sesel in *fail*, nou al *Qatar* pou al reprezant Sesel koman en pti pei ki'n *achieve high income development*. Be eski zot realize ki zot dir e ki zot fer? Minis in vin ek en Lalwa devan nou, nou pa'n dir poudir son Lalwa pa bon, nou'n dir nou annan konsern e bann konsern *genuine* ki nou oule Minis dan son leksperyans sa dimoun ki'n travay avek son Lalwa pou li eksplike.

E i son devwar pou vin eksplike devan Lasanble e ki dayer mon ava dir Minis. Malgre mon pa antyerman satisfe avek son komansman prezantasyon in fer pli byen ki Vis-Prezidan yer ki'n napa en statistik pou donn nou, akoz in vin avek en *assumption* in vin avek en lekspektasyon ki Lasanble pou zis aprouv

nenport kwa ki'n met devan li, e ki dayer in ganny dir par mon koleg *Leader* lo lot kote latab anmennen nou, nou pou aprouve.

Se sa. Nou, nou pe met nou konsern devan e i nou rol koman Manm Lasanble pou met konsern devan. La osi zot pa kontan nou met konsern devan annou ferm Lasanble Nasyonal, annou fermen e nou ava *rule by decree*, akoz i paret ki poudir parey sa msye ti dir Mont Buxton menm i ti dir oule vin en *mini* Albert Rene, oubyen oule vin sa akoz ou blanm Mr Rene pou *être* en dimoun ki ti en diktater.

Akoz mon vwar ou pe fer tou bann keksoz ki dan menm paz sa bann diktater, *meeting* politik piblik. Nou Manm Lasanble nou, nou annan nou drwa nou annan nou plas dan sa Lasanble, nou annan nou devwar e nou plas i ganny garanti par Konstitisyon e si nou sipoze bann gran defander Konstitisyon annou respe sa.

Mr Speaker Lalwa ki'n vin devan nou i koz lo plizyer size. E nou, nou annan konsern. Par egzanp mon premye konsern ki mon annan se ki akoz ki bann labank pa dan sa *schedule*. E mon konnen Minis dan son leksplikasyon mon pe ekspekte kekfwa rezonnman se ki bann Labank i tonm

anba *regulatory purview* Labank Santral.

Me pa Labank Santral ki annan bann *shares* dan bann labank. Se Lepep Seselwa e si mon pa tronpe se PS, Minister Finans ki sipoze detanter bann *shares* ki nou annan dan en Labank *Nouvobanq* par egzanp.

So mwan mon ti ava pli konfortab pou vwar ki malgre ki Labank Santral i annan son rol regilatwar ek sipervizyon, me an sa ki konsern nou bann *shares* dan labank *Nouvobanq*, se Minis pou Finans ki responsab.

Akoz la nou fek tande i annan bann sityasyon ki'n pase kot sa labank, sa i ava permet nou pou fer ki i annan en dezyenm lizye ki pe regard lentere nou bann *shares* dan sa labank. Pa son *credentials* - pa son bann eleman fonksyonman, sa i ava rol Labank Santral.

Be nou, nou pa vwar bann labank ladan, so byensir nou devlop en *mistrust*, en mefyans, akoz ki i pe ganny fer dan sa fason. Eski Labank Santral i pe pran lentere nou *shares* dan sa labank e i *dividend* ki sa labank pou pey nou, or Labank Santral pou pran lentere fer sir ki sa labank i fonksyon, dapre son bann regilasyon dapre bann eleman ki dan *Financial Institutions Act*?

Mon krwar *it will be the former that is my opinion*. Petet mon mal, e sa mon bezwen kapab dir ek Lepep Seselwa akoz *Nouvobanq* i en eleman enportan dan nou striktir finansyel. E annefe labank oubyen en antite Gouvernman ki kapab fer en kontribisyon sibstansyel dan reveni pei.

Akoz apre tou ti poste bann profi rikord resaman. Menm largiman pou *Commercial Bank*. So ler nou pa vwar li ladan, nou konsernen. En lot eleman ki nou pa vwar ladan nou pa vwar *Seychelles Pension Fund* ladan. *Now* i pa en *SOE* wi, me i bezwen annan en kad regilatwar ki anvlop li. Zot menm zot, zot koz lo la selman ler in ariv ler pou zot koz lo ladan Lalwa zot pa kapab.

So nou demann Minis e Minis i eksplike i dir nou akoz lekel ki pou regarde, zis pou nou tir tou sa bann deba akoz apre tou *Pension Fund* nou to ki la anndan tou Seselwa i met son larzan ladan. Ankor enn fwa mon kapab mal dan lafason ki mon pe war keksoz. Me eski la fason ki nou pe fer i pou permet li pou li realiz sa ki i bezwen fer vizavi nou bann kontribyan?

En lot eleman enportan Mr Speaker ki mon bezwen koz lo la, e mon pou dir dan sa fason. Si mon ti annan en lagonm pou sak fwa ler

Onorab Georges ti dan Lopoziyon i ti *boycott* en keksoz ki Gouvernman pou fer i ti fer, i ti pou napa naryen lo map Sesel.

Akoz la ozordi zot pe defann lefe ki nou annan tou sa bann konpanyen *tankers* ki aparet lo sa Lalwa, napa naryen pou fer ek Minis sa. Sa ti sa letan politik ki sa lot parti ti pe anmennen. Fer nou *tanker* anmenn delwil isi, akfer nou pe rod *tanker*, ozordi nou ki pe koz lo profi rikord ki *SEYPEC* pe fer.

E 43an nou'n en kales kase selman. Mwan mon pa antre dan desizyon ki Minis i bezwen fe *as per son policy* e son travay ki i bezwen fer me koman en Manm Lasanble mon annan drwa demann serten kestyon ki valab vizavi la fason ki Gouvernman i oule fer serten keksoz.

En lot size enportan, nou koz lo lotonomi. Mon lekspektasyon sete ler nou ganny nouvo Lalwa *PMC* i pa asiz ankor anba lebra Minister Finans. Akoz se ki Minister Finans i *dictate* lakantite *staff* e lakantite resours ki i pou gannyen.

Mon kontan vwar poudir anba seksyon 5(2) nou koz lo lotonomi pou sa lenstitisyon. Me anba seksyon 17 nou retir sa lotonomi par redonn Minis pouvwar pou donn direktiv Komisyon.

E ler mon regard anba seksyon 17(2) Minis ki pou demann bann SOEs e so pou mwan mon bezwen demann mon lekòr se;

Eski nou anvi en Antite ki asize la, ki regard sa bann keksoz dan en fason *neutral*, oubyen nou anvi en keksoz ki anba *full* kontrol Gouvènman ki pou dir sa bann antite ki pou fer?

E Gouvènman pa fini i rebran en dezyenm doz kontrol mon kapab konpran ek son largiman petet Minis i ava eksplik plis, anba seksyon 100 i retoun sa eleman ki se bann Minis ki annan kontrol lo sa ki pe pase.

Be mwan mon rapel ler mon ti anmenn kestyon lo *Travizory*, zanmen nou ti'n deza ganny dir poudir *Law Chamber* ki ti asosye avek Minis Derjaques ti ki pe fer travay legal pou *Travizory*. Ki ti en konpanyen ki ti anba son responsabilite. E sa pa'n ariv dan 43an, i fek arive la!

So kestyon ki nou bezwen demande se eski nou *trust* zot ler zot pa oule donn nou lenformasyon?

En lot eleman Mr Speaker annou pran sa eleman disparisyon bann loto *State House*. Ok, Minis ti fer serten *statement* i son drwa pou fer *statement* akòz Minis i bezwen fer *statement* i en Minis.

Be ler nou *counter* son *statement* ki i annan avek zofisye Gouvènman ki ti vin la, e mwan mon ti personnelman demann ek sa zofisye Gouvènman pou lir sa pou donn nou, pou montre nou sa lalis, ou ti a met mwan deor Mr Speaker. Vis-Prezidan ti ale;- 86 loto in ganny retrouve i la aprezan.

So kestyon ki mon pou demande se eski nou *trust* ki alors en detanter en lofis politik ki anba kontrol en lot politisyen, pou vin donn nou lenformasyon korek lo desizyon ki i pou pran vizavi *Public Enterprise Monitoring Commission*?

Kan nou largiman *all along* e mon rapel ler ti annan diskisyon lo reformasyon sa Lalwa, sete pou an en *PMC* ki *autonomous* e kwazi endepandan. Les li raport direk ek Prezidan, akòz Prezidan i annan rol Sef Deta e Sef Egzekitiv e koman Sef Deta ler nou koz lo bann *state-owned enterprises* i tonm anba son responsabilite.

Be i pa kapab pe raport *along* en *reporting line* kot i annan lezot endividi ki kapab enfliyans son desizyon. Be prezan i annan en lot pwen kardinal ankor ki mon bezwen met lo latib, ki fer nou krwar poudir i annan en *mistrust*. Minis dan son prezantasyon

pa'n koz ek nou ditou lo lenportans sa Lalwa pou *IMF*.

Me selman dan en kominikasyon ki mwan mon'n gannyen kominikasyon i dir poudir sa Lalwa i enportan pou *IMF* e zot bezwen li fer si ki in pase *by* le 31 Me, be akoz zot pa dir nou sa bout? E apre lo mon koleg lo lot kote latab i a dir nou poudir nou zis viv an pasaze.

Mr Speaker Seselwa pou realize poudir pa nou i pasaze, lo sa bato nou menm i pe tir delo, nou menm ki dan masin, nou menm ki pe netway vit, nou menm ki pe fer tou keksoz e i annan en group dimoun kot zot ete zot? Zot pe asize devan lo *super yacht* pe bwar *champagne* ek manz *caviar*.

Prezan ki arive *yacht* in vin sitan lour, ki salte ki'n larivyer Maryann nou pa ankor kapab tire depi ler nou'n ganny eleksyon. Napa *point of order* la, ou'n koze mon'n reste trankil, *ok*.

### **MR SPEAKER**

Silvouple, *Order!*

### **HON SEBASTIEN PILLAY**

Mr Speaker, mwan mon krwar poudir ler mon get Minis, Minis i anv *achieve* en keksoz li i paret mwan li, i kler sa akoz i en zenn Seselwa e mon konnen i en dimoun ki entelizan e i anna lanbisyon.

*Ok* me i pa *operate* li tousel li i *operate within* en konteks, e i mon rol pou prezant en lot *viewpoint* avek li i dakor, i pa dakor pe enport. Me mon'n prezant ki avek ou e mon'n fer mon louvraz pou mwan dir ou.

*At the end of the day* ler ou sorti koman Minis Finans Sesel la ou, ler ou'n Minis Finans en pei parey Sesel ou laport i ouver. *For everybody!* Mon napa okenn dout ki demen ou riske kot *World Bank*, demen ou riske kot *IMF*, demen ou riske partou, napa problem ek sa. Konpran.

E mon pou fyer ler mon war ou pe ariv sa bann nivo akoz ou pou en Seselwa ki'n ariv en nivo.

Me i pa eskiz lefe ki mon pa kapab fer mon louvraz pou dir ou kot mon annan konsern dan keksoz ki ou anmenn devan, *whether* mon byen oubyen mon mal, mon bezwen met devan ou.

E se sa ki mon pe fer ozordi apre midi Mr Speaker e ki mon pa ganny en konpran akoz *Leader Parti Mazoriter* pa ankor kapab aksepte ki i pa en diktater e mon pa lo en bitasyon *somewhere* pe travay pou en msye ki ansarz mwan.

*E no matter what* ki arive dan sa pei personn pa pou met ledwa anba mon nennen pou dir mwan ki piu fer ler mon asiz la dan sa sez. *Sorry!*

Mr Speaker mwan yer swar en zenn fiy i *call* mwan, *ok*, en fiy i apel Aisha in *call* Onorab Zialor. Onorab Zialor i dir ek li koumsa poudir be bann *US* dan Gouvernman pe fer sabotaz. Mwan mon dir ek li poudir mwan pe enport ki ou siporte, anvoy mwan ou bann dokiman mon pou al rode ki'n arive ek ou.

Mon pa pou servi okenn largiman pou okenn dimoun ki *call* mwan pou dir ou tel keksoz i koumsa. Ou *call* mwan ou pe rod en led, si i en keksoz ki konsern en departman Gouvernman pa pe *attend* tou mon pou rode, *that's my role, that's my job*.

*I don't care* ki ou ete; ou *LDS*, ou *US*, ou *third force*, mon pa *care* mwan! *And that's the whole point* ki nou bezwen fer. I konnen ki mon pe dir li, dir li *deny*.

Rezon mon pe dir sa Mr Speaker, se akoz mwan mon vin avek en konviksyon ler mon vin la anndan en konviksyon pou mwan fer en travay pou Lepep Seselwa e realiz lanbisyon ki sa pep i annan.

Akoz ler zot pou'n sorti o pouvwar nou ki pou bezwen osi vin o pouvwar pou anmas sa ki zot in fer e nou, nou pa oule zot *spoil* sa pei ler nou, nou vin o pouvwar. I senp a e deza zot in kre en bon pe keksoz ki pe vin bann

*impediment* pou nou kapab *move forward*, e sa ki nou, nou bezwen fer se rod en solisyon lo ki mannyer nou kapa bouz pli devan.

Mr Speaker mon vin lo en lot pwen. E sa, sa ki konsern bann antite e fonksyon *Public Enterprise Monitoring Commission*. Ki mwan mon konsernen avek se ki mon vwar sa bann fonksyon i en pe limite. Ler mon regard son bann fonksyon in war li en pe limite.

Mon konpran striktir ki Minister Finans i annan, i annan diferan lezot striktir ki Minister Finans i servi pou li *monitor* kwa ki pe pase *across* Gouvernman. I byen.

Be eski pa ti ava pli ideal pou *increase* sa bann fonksyon. Si nou ti oule fer en Lalwa ki konpletman depar en depar konplet avek sa ki nou ti annan pou nou al sa nouvo nivo - sa lot nivo, nou ti kapab *extend* sa bann fonksyon.

Akoz ler nou regard fonksyon sa Komisyon Mr Speaker, pou mwan mon ti a kontan vwar en pe plis travay an sa ki konsern bann eleman risk asosye avek bann *SOEs*. Me plito nou'n met sa dan lanmen en Minis, akoz se Minis ki bezwen fer *risk assessment* lo bann *major move forward* ki *SOE* i bezwen fer.

E dezavantaz avek sa se ki *at the end of the day* en *SOE* i ganny- i perdi sa sans konfidans pou li kontinyen bouz devan e toultan i bezwen pe *second guess* son lekor vizavi sa dimoun ki sipoze ansarz li. Tousala i bann pwen fondamantal ki nou lo nou kote nou'n avans devan.

E nou'n annan rezon dir ou annan mefyans aköz Minis li e la mon kontinyen lo sa pwen i pa'n kapab dir nou poudir sa in annan en koneksyon avek *IMF*. So ou ti a kontan konnen ki koneksyon sa i annan ek *IMF*.

E bokou konversasyon ki mon'n gannyen ek *World Bank* ek *IMF*, souvandfwa zot koz ou lo siprim *state-owned enterprises* ki pou mwan pa fer sans. In deza annan konversasyon par egzanp ki *World Bank* in dir ou ki rol *STC* dan nou lekonomi.

Be eski nou pou *go according to* sa ki *World Bank* in dir ou oubyen nou pou konsider nou kontakte nou pei? Tousala i bann kestyon ki lozik aköz nou annan en Lalwa enportan ki pe vin devan nou e nou annan drwa koman Manm Lasanble pou prezant nou bann konsern e koz lo la.

An konklizyon Mr Speaker, nou'n ganny dir si nou annan en probleman ek Lalwa anmenn lamannman, so mon krwar mon bezwen dir

ek mon koleg pran li en desizyon.

Avan sa i pe dir mwan i pare menm dan son *speech* Bidze, son *speech* *SONA* i dir mon annan mon mazorite e mon pou servi mon mazorite.

*Ok*, mon'n anmenn lamannman mon'n anmenn Mosyon pou *repeal S.I.* ki fer monte laz Sekirite Sosyal i pa'n siport mwan selman dan *meeting* piblik Prezidan i dir pe al konsidere. Mon pa konnen ki i pe konsidere kan i annan en nouvo *S.I.* ki'n pase e li i ti la ek mwan i pa'n fer naryen.

Me selman i asize dan *meeting* piblik i ekoute la i dir mwan anmenn lamannman be mon'n anmennen lamannman dan Lalwa *Mayor of Victoria*? Oli sa Lalwa?

Konmsi aret koz mon lo anmenn lamannman aköz ler nou anmennen ou pa oule ou pa dakor. So ou bezwen pran en desizyon ki oule, swa ou pare pou les nou partisipe swa ou pa pare pou les nou partisipe swa ou servi ou mazorite, swa ou pou fer la *dictature*, Mr Speaker mwan mon pe enport.

Fer sa ki oule, dir sa ki oule, tap ou tanbour, zwe ou gitar, anbank dan ou kanmiyon ki'n pri laba Mamelles, al met *fuel* ladan, fer sa ki oule ou. Me selman ou pa pou anpes okenn Manm *US*

koze ler zot anvi koze dan sa Lasanble.

Ou pa pou fer i ou pa pou entimid okenn Manm *US* ki swa i Onorab Herminie, ki swa i Onorab Aglae ki swa i Onorab Gill, ki swa i Onorab Vidot, ki swa i Onorab Cosgrow, ki swa i Onorab Loze ler zot koze.

Akoz tou sa bann Manm ki la i annan menm drwa egal avek ou pou la dan Lasanble. E mon ti ava envit ou pou komans respekte sa fe ki ou'n swadizan defann pandan sa plizyer lannen. Avek sa mon remersi ou Mr Speaker.

**(APPLAUSE)**

### **MR SPEAKER**

Mersi Onorab. Mon a koriz ou lo en pti pwen. Zanmen mon'n met ou deor, akoz ou'n demann en kestyon. Mon'n met ou deor akoz ou konportman dan Lasanble i annan en diferans. E ou a remarke ki mon pa'n met ou deor menm si ou'n dir en keksoz ki mon krwar i pa vre. Mersi.

Mon annan 2 Manm ki'n lev lanmen, Onorab William ou *desist. Ok.* Onorab Arissol mon ti war ou'n lev lanmen ti pou demann soz- *ok* mon pa pou kapab *deny* ou drwa pou koze me selman anba *Order 57(11)* mon a limit ou letan mon a donn ou maksimonm 15 minit.

### **HON SANDY ARISSOL**

Mersi Mr Speaker. Mon anvi dir ou mersi pou sa 15 minit ki ou'n donn mwan. E mwan anvi komanse lo not ki Onorab Pillay in dir poudir personn pa pou anpes li koze ek son lekip dan Lasanble Nasyonal.

Mon anvi mon osi koman *Chief Whip* lo sa kote lataf fer kler poudir napa okenn mon Manm lo *LDS* ki annan lentansyon anpes bann Manm *US* koze lo lot kote lataf.

Zot lib pou zot dir e demann milyon *PNQ* e demann *Kestyon Without Notice*, fer zot deliberasyon, dir sa ki zot oule, *walk out* ler zot anvi, pa asiste Lasanble, pa asiste bann sesyon ki nou fer, pa fer okenn bann negosyasyon deryer rido parey zot dir ek nou. Zot lib pou zot fer sa ki zot anvi e napa personn lo nou kote lataf ki pou anpes zot koze.

Pa bliye sete nou dan *LDS* ki'n anmenn laliberte lekspresyon dan sa pei, e pa nou ki pou kas sa Mr Speaker.

Mon komans koumsa parske ou konnen i annan en kantite keksoz ki'n ganny dir e i enportan pou nou pran kont tou sa ki'n ganny dir apre midi.

Me i ana en mo ki nou'n remarke ki *US* i servi depi nou'n antre dezyenm term se sa mo mefyans. Tou keksoz zot



koz lo la zot koz lo mefyans. Letan Minister Lasante ti envit nou bann Manm Lasanble atraver Biro Madanm Clerk, Biro Speaker zot pa ti partisipe zot ti refize.

Parske pou zot sete en keksoz ki ti ganny fer deryer rido alors zot pa ti *deal* deryer rido. Me mwan dan enn mon deliberasyon 2 semenn pase mon ti envit zot pou vin *meeting* piblik ki pe ganny organize par Prezidan Larepublik parske pa pe fer deryer rido sa, pe fer devan rido dan gran kler devan medya, bann *link* ou kapab swazir al lo la *Australie*, Langleter, tou dimoun i vwar *still* zot refize partisipe.

Prezan mon en pe konfize parske mon pe rode kot sa mefyans i vini, prezan Manm ki pa asiste *meeting* li i vini i dir ek nou *bring it on* eleksyon. Be ki mannyer ou kapab *bring it on* eleksyon ou'n *win* par 5 vot dan ou distrik? E zis *meeting* ki'n ganny fer dan ou distrik ou'n fini perdi ou distrik, e ou vini avek en Mosyon *bring it on* Mr Speaker. Sa se Onorab Vidot.

So mefyans, akoz mefyans mon a dir zot zistwar mefyans zot a kapab *deny*. Zistwar mefyans i vin letan en dimoun ki ganny son *case* kot Lakour i *win* son *case* e i ganny son larzan. Ou konnen ki zot dir li Mr Speaker, pa

pran sa larzan demann en pe plis sa dimoun i refize i dir ek zot non, mon'n *win* mon *case*, mon bezwen ganny mon larzan.

Zot dir ek li non, refize, rod en pe plis e fer en travay pou zot. Alor sa dimoun i war zot koman en i mefyans, i mefye zot.

Dezyenm legzanp, letan i annan bann mirmirasyon antre zot pa konnen lekel ki pou vin Prezidan Parti, pa konnen lekel ki pou vin *Leader* Parti, pe rode lekel bann ki pi vin bann Sekreter bann pozisyon kle dan parti. E menm dan zot bann fonksyon dan serten piknik kot zot in ale, bann dimoun pe koze pe dir annou veye nou bezwen pa lager antre kanmarad parske bann dimoun lo lot kote i war nou.

Alor tousala i bann mefyans ki egziste Mr Speaker e menm gran sef in ganny *challenge*, parske i annan en larzan konsiltan ki i pe pran ki bannla pe sey konsilte li pou pa pran, me asiste lezot dimoun ki dan bezwen.

Tousala i bann mefyans ki zot pa dir nou. Prezan dan zot tou zot konfizyon zot vini, akoz zot pa tro konnen si zot pou partisip avek nou, si zot pou al avek Lasanble ki zot pou fer. Alor zot tou zot vin lo sa moto mefyans, "nou mefyans

zot, nou pa krwar dan zot, nou pa tro konnen ki zot pe fer. “

Selman en keksoz enteresan lo sa proze Lalwa bann premye Manm ki'n koze i dir ek ou, ou konnen nou'n ganny en pti gin letan nou pa'n ganny bokou letan pou get sa *Bill*, Gouvernman in vini in bouloz nou. Selman si nou get rikord Mr Speaker dan mon 15 minit tou Manm lot kote *US* in koze san eksepsyon.

Selman zot pa'n ganny letan pou get *Bill* zot, en bann in vini in dir ki e nou seksyon 22, seksyon 41(1), seksyon 32(3) lot in dir nou *clause* 100, *clause* 27.

Sa i montre poudir parey Onorab Georges in dir nou annan en Lopozisyon ki pa enterese pou donn lankourazman naryen li, i pa enterese pou travay avek Gouvernman li son bi se mefyan e refiz tou keksoz.

Mon kontan letan Onorab Pillay in mansyonn an relasyon avek lamannman ki i ti anmennen pou *Mayor Victoria's Bill*, be ki'n arive avek sa *Bill*? In ganny *withdraw*. Letan i ganny *withdraw* tou son lamannman i tonm avek ziska ler i ava retournen, i ava kapab fer propozisyon nouvo lamannman e i a vin lo latap parey nou pe fer e nou ava annan sa diskisyon kler ki nou

pe fer. I enportan sa Mr Speaker.

Be letan Onorab Wallace Cosgrow i vini i dir ek nou koumsa poudir sa *Bill* la, i en pe annan tro bokou kontrol lo la i annan en kantite kontrol. Be mon mazine li i kontan sa vye sistenm avan, kot ti napa kontrol kot sakenn i vini i fer son kalite dezord.

Parey kot *SBFA*, en pti pe dan Zarden Botanik en pti pe partou, partou kot tou dimoun sakenn napa kontrol, tou Minis i lav lanmen apre ou tann tou kalite rapor i vin kot Lasanble Nasyonal e bann ki ti dir pou *forgo* nou pa pou pran apre finalman zot pran.

So nou bezwen annan kontrol, nou bezwen annan en Gouvernman ozordi ki serye, ki annan sa bann kontrol ki Onorab Wallace pa dakor Mr Speaker.

Me letan Onorab Larue in komanse Onorab Larue in dir en keksoz enportan. Sa proze Lalwa pe koz lo bann *asset* Gouvernman. Be letan en Gouvernman i annan *asset* - mon'n tann Minis dir si mon pa tronpe 35.6bilyon, 7mil travayer, 687milyon ki vo 84poursan reveni.

Be zot be pa en pti git *asset* sa! Si nou koman en Gouvernman serye nou pa met lanmen lo la, annan kontrol konnen ki pe pase nou pou *end up* parey 2020, pon pa

fini, later i ganny vann kontrol antre kanmarad - pas lo mwan - "pa fer mwan pey sa bout - fer mwan pey sa pti bout - donn mwan sa kontra netwayaz - mwan menm mon ki pou sekirite.

Aprezan sa finalman sa enn i get sa enn, sa enn i get lot, loti get lot. Nou pa anvi al dan sa sityasyon Mr Speaker. Nou pa anvi al dan sa sityasyon ansyen *SMB*. Kanmaron ki ti arive avek? Ti komanse, ti aret dan semen?

Linyon Estate La Digue ki ti arive? Koson ti ganny partaze antre fanmir. Sipoze sonny 1500 zot sonny 600 apre zot pran zot menm. La ozordi zot vini zot vini zot dir ek nou koumsa tou dimoun lo *Board* nou zanmi, tou dimoun lo *Board* nou fanmir, be Linyon Estate avan lekel ki ti lo la mon fanmir, mon zanmi?

*SMB* sa letan lekel ki ti ansarz sa mon frer, mon tonton, mon kouzen, mon kouzin? Ozordi tou keksoz pa bon pou Lopoziyon Mr Speaker, me par kont letan tou keksoz pa bon pou zot annou get en kou *STC*. *STC* ozordi pe asire ki i pe revwar son bann pri komodite tanzantan.

La mon aprann ki i annan en konstrikasyon en *cold store* pou nou kapab *store* plis fasilite plis manze ankor. *STC* pe revwar ki mannyer i kapab

anmenn manze zannimo dan pei pour ki i kapab vin en pe pli meyer marse.

*PUC*, *PUC* dan tou sa difikilte lavi ki i pe fer fas avek zot pe sey *manage* sa gro elektrisite, pour ki sa Seselwa son kou *utilities* i redwir.

*IDC* ozordi mon kontan letan zot koz lo *IDC*. Zot dir lo nou letan nou ti dan Lopoziyon nou ti konplent nou pa ti kontan Mr Savy, nou pa ti konnen ki pe arive.

Mr Speaker nou koman en Lopoziyon sa letan ki ti annan en mazorite, parey zot in dir nou ti nou drwa pou nou kestyonnen rode ki pe arive.

E ou konnen ki nou ti fer, *Leader* Lopoziyon sa letan Onorab Ramkalawan ki ti annan en mazorite, ki ti kapab met presyon Gouvernman en keksoz ki zot pa kapab fer lot kote zis zot pou gronnyen, zot pour ronfle, zot pou fer tapaz, met presyon lo nou, nou non;- li i ti kre en Komite ki ti apel Komite Zil.

I ti ganny sans tou lede kote parti al *visit* tou bann zil ki annan pou fer ek Sesel, gete ki *IDC* pe fer, rode kot problenm i ete, sa ki nou'n ti fer, nou pa tou asize zis nou ti mirmire, nou pa ti dir nou mefye Gouvernman sa letan mefyans, mefyans, mefyans. Me nou ti fer aksyon.

Mon'n tann Onorab dir poudir en lepok nou ti annan

en gro tors 12 batri, wi, wi, wi nou'n kler en kantite landrwa nou dan *FPAC*, me la zot sipoze annan en tors 24 batri. Be kisisa ki zot in klere? Pa nou ti ganny dir ki zot pe al rod zot 50milyon. Nou pa ankor tann naryen ziska prezan. *Ok?*

Nou ti ganny dir tousala me nou, nou ti kapab fer en travay. Letan mon pe koz lo *IDC* ozordi mon fyer ler mon ti *La Chine* avek bann lezot mon bann koleg mon aprann ki poudir *prawns* Coetivy pe ganny vann. Be tousala i bann travay ki pe ganny fer.

*SEYPEC* ozordi *SEYPEC* pe asire menm pri *fuel* aletranze i montre nou pe sey *manage* tou pou asire ki balans ki pour ki pri i stabilize.

*Air Seychelles*, letan nou ti vin zwenn pei *Air Seychelles* avek sa fardo ki nou ti vin zwenn. Me ozordi tou dimoun i fyer. Nou letan nou ti dan Lopozisyon ki nou ti fer nou ti anmenn *Air Seychelles* avek son *Board* dan Lasanble, kestyonnen, rod lenformasyon.

Rode ki problem, gete ki mannyer nou kapab sofgard bann travayer Seselwa ki laba, get bann pri Mahe, Praslin pou asire ki tou dimoun i *happy*. Sa ki nou ti fer koman en lopoziyon sa letan. Nou pa ti mefyan, nou ti sey ed Gouvernman an menm tan an

mazinan bann travayer Seselwa.

Linyon Estate La Digue mon'n koz lo la, be letan Onorab Loze i vini i vin dir ek nou poudir li Onorab Loze ler i koze se li ki koze e li ki prepar son koze, i vre aköz zis li ki tandé ler i koze! Personn pa tandé letan i koze. Sa i *ok* sa nou'n ganny en konpran sa Mr Speaker, nou pa pou kapab al tro lwen avek sa.

Me sa ki mon kontan ozordi sa 88 paz ki nou'n ganny dir Gouvernman in vin avek en keksoz ki serye, pour ki pei i bouz dan en lot direksyon.

Sa zafer vini dir nou, nou pe asize pe manz *caviar* pe bwar *champagne* la, sa i bann ilizyon ki zot pe kontinyen viv ladan, ki zot mazin ki zot ti fer dan lepase. Alors zot pe reve pou zot vin ankor pou zot kontinyen bwar zot *champagne*, mazin zot aki pou zot manz *caviar*, pou zot monte desann, zot kontinyen mazin sa zot.

Se pour sa rezon zot pe dir ek nou fer eleksyon demen bomaten. Non, nou pa pou fer eleksyon demen bomaten nou. Nou annan en manda pou nou servi sa pep, nou pourswiv nou manda nou pou apre ki nou pou fer eleksyon.

E tou bann ki pe kriy "*bring it on*", zot a kontinyen fer en pe travay, asiste bann

*meeting*, bann *meeting* i byen enteresan.

E letan ou ekout zot ou vwar ki zot pe swiv *meeting* tre byen mersi e pour sa mon ti a kontan felisit mon Prezidan avek tou bann Minis ek tou bann *MNAs* pou zot kontinyen fer sa bann *meeting* kot bann dimoun Seselwa ordiner Seselwa i kapab demann kestyon e osi kapab klersi plizyer dout ki egziste.

Mon ti a kontan osi profite felisit Onorab Georges;- mon'n aprann poudir ou'n Mamelles pou plizyer lannen e naryen pa'n ganny fer, sa ki in bezwen rapel bann dimoun deor Onorab Georges in Mamelles pou plizyer lannen me sete Gouvernman 43an ki ti la, ki ti anpes li fer sa ki i ti anvi fer Mamelles.

Me Onorab Georges ozordi i ankor Mamelles anba nouvo ladministrasyon apre 2an edmi e i annan keksoz ki pe bouze dan son distrik, e i annan keksoz ki pou bouze dan son distrik bann lannen ki a pe vini.

E avek sa detrwa mo Mr Speaker mon anvi reasir Minis e remersye tou mon bann Manm ki'n fer travay an relasyon avek sa *Bill* e remersye tou bann profesyonnel ki asiz avek Minis devan bann ki lo lot latab akize e tou bann ki dan

*background* ki kontinyen fer travay byen pou sa pei.

Fodre pa nou bouskil nou bann profesyonnel. Annou ankouraz zot donn zot sipor parske zot fer en kantite travay pou nou pei, pour ki nou pei i bouz de lavan avek sa nouvo vizyon ki nou, nou anvi Mr Speaker. Mon kit 2 minit pou ou Mr Speaker. Mersi bokou.

**(APPLAUSE)**

**MR SPEAKER**

Mersi Onorab. Bon nou a termin deba la. E mon a envit Minis pou fer son repons e konklizyon.

**MINISTER NAADIR HASSAN**

Mersi Mr Speaker. Mr Speaker mon ti a kontan premyerman remersi bann Manm lo kote *LDS* ki'n donn sipor sa *Bill*. E spesifikman *Leader Government Business* ki mon krwar ou'n fer en louvraz enkrwayab lo eksplik merit sa *Bill*. Ou'n fer sa pli byen kekfwa ki mwan mon ti pou'n kapab fer, so mersi.

Me zis avan mon kontinyen Mr Speaker mon ti a kontan zis klarifye en keksoz. Ozordi *Bill* ki mon'n anmenn pou prezante i apel *Public Enterprise Bill* 2023. I pa apel *Bill* Mefyans parey mon tann bokou koze lo la. So mon krwar i enportan mon fer

sa klarifikasyon akoz i paret mwan i annan ki en pe konfize lo ki *Bill* mon'n anmennen ozordi.

Mr Speaker, mon pou premyerman pas en pe an gro lo bann keksoz ki'n ganny dir par bann Manm. Me avan mon komanse mon krwar i enportan ki mon etabli sa *concept* governans dan bann antrepriz piblik. Sa bann antrepriz piblik i ganny *owned by* Gouvernman.

So Gouvernman *is the shareholder* ladan, *ok?* I zis parey si mon annan en lakonpanyen prive e lakonpanyen prive i ganny *owned by* son *shareholder* e *shareholder* li i apwent en *Board* pou enplimant-*formulate* bann stratezi ki dan benefis *shareholder, ok?*

E *Board of Directors* li i annan sa manda pou *ensure* ki sa i arive. *So the Board of Directors works on behalf of shareholder.* Sa nou bezwen konpran kler. E parey mon'n mansyonnen *shareholder* se Gouvernman. E Polisi ki afekte bann lantrepriz piblik, i responsabilite Prezidan e son *Cabinet of Ministers.*

E sa responsabilite i ganny *delegate* avek bann Minis ki sa bann antrepriz i tonm anba zot pou asire ki Polisi *Shareholder* i ganny enplimante. So ler nou koz lo lotonomi, lo diferan laspe

lenterferans Minis, nou bezwen konpran poudir Minis i annan en responsabilite *as shareholder.*

I zis parey dan en lakonpanyen prive kot *shareholder through the AGM* zot ki apwent the *Board of Directors* pou defann zot lenter e zot annan *power* pou *dismiss the Board of Directors* ki pa pe al dan direksyon lenter *shareholder.*

E sa i ganny *replicate* dan governans lantrepriz piblik e sa i akoz ki Minis in ganny *delegated* sa *power to President and Cabinet of Ministers* pou reprezant lenter *shareholder.*

So mon krwar i bon ki mon fer sa kler pou nou konpran konteks sa Lalwa. E *Public Enterprise Monitoring Commission* kot i vini. Se li *at* en lot *layer* governans par lao *Board ok, Board* i annan sa responsabilite pou enplimant stratezi *formulate* stratezi e i enplimante.

Me *PEMC* i la pou li asire ki sa pe ganny fer, ki *management* pe delivre ki *Board* pe delivre e li i raport avek Minis pou li al kot *Cabinet* pou dir lobzektif *shareholders* pe ganny *achieve.*

So sa i lozik sa *flow* governans ki ankadre dan sa Lalwa. Mr Speaker i annan bokou ki'n ganny dir lo kote

Lopozisyon, bokou pa'n lo sa Lalwa li menm - mon'n ekoute mon sey regarde ki *clause* zot pe koz lo la. Me mon pa'n vremen war ki *clause* akoz se bann koze ki ti an deor sa Lalwa.

Mon ava adres premyerman bann *issues* spesifik ki'n leve, ki mon kapab war ki mannyer i relye ek Lalwa. E apre kekfwa mon ava zis mansyonn en pe lo bann komanter zeneral.

Premyerman Onorab Gill ki'n demann en klarifikasyon lo kote *FSA*. Wi *capacity building FSA* i en keksoz ki *ongoing*. Annefe mon annan en *meeting* avek *Board FSA* ek *Senior Management* pou diskit egzaktaman sa ki mannyer nou bouz devan, i annan plizyer Lorganizasyon Enternasyonal ki pare pou ed nou kontinyen *build capacity FSA*.

Ou kestyon lo kote bann *non-profit organization* ki bann *SOE*. Wi, i annan bann *SOE* ki annan plis en manda sosyal i pa la pou maksimiz profi, so toultan nou bezwen regard li avek en loptik diferan e i pa anpes nou regarde ki pe mars *optimally in terms of* son loperasyon. Me nou konpran poudir i pa la pou li fer profi. So sa i toultan dan bann analiz i ganny pran en konteks.

Lo kote ou'n mansyonnen lo sa *asset-based*

e si nou pe ganny sa *return* lo sa *asset*. An se moman ler mon'n gete i apepre zis anba 2poursan i pa tro move. Me i annan en gran divers kalite loperasyon bann *SOEs*. So i annan ki zot *return of asset* i pli o i annan ki pli ba e sa i balanse.

Me nou pou bezwen asire ki *given* manda sa bann antite, son spesifik manda etabli sa ki nou apel bann *KPIs* ki sa bann *return on asset* ki nou bezwen gannyen lo la? E sa i louvraz ki *PEMC* li menm li i pou *oversee* e gete si zot pe kot sa bann *benchmark*.

Lo kote *dividend* ti annan en klarifikasyon lo *dividends*. *Dividends* se *shareholder* ki annan en lentere lo *dividend* akoz li ki ganny sa *dividend*, e ler ou regard *the Dividend Policy* lo *Cabinet* ti aprouve en pe plis ki lan pase ki fondamantalman i dir ou ki i annan en konversasyon *between the shareholder PEMC* ek *Board* pou etabli lekspektasyon lo *dividend*.

*Ok*, so i en konversasyon i en konsiltasyon ant sa 3. *Ok*. Pou mwan adres komanter ki Onorab Loze in pase, annefe Onorab Loze in koz bokou, me i pa'n dir bokou.

Me i napa en *clause* spesifik ki in mansyonnen ki i annan konsern lo la, annefe in mansyonnen mon krwar in dir sa i en bon Lalwa. Me in fer

serten akizisyon anver mwan ki kekfwa mon ava repons Mr Speaker.

Onorab Loze i dir ki mon get *passionate, emotional*, mon fer bann *statement*. Mon pa tro konnen si i pe refer a mwan ouswa son lekor, akoz dernyen fwa ler mon'n get Lasanble i ti pe defann en dimoun ki'n ganny arete ki pa'n ganny sarze, me selman apre mon war poudir sa dimoun in ganny sarze. So mon pa tro konpran ki i ti pe sey dir Onorab Loze.

Mon mazine kekfwa i en pe konfize, me in dir bokou keksoz parey dan lenvestigasyon *SEYPEC*. Annefe i annan en rapor lo lenvestigasyon *SEYPEC* ki *available* ki met bann fe lo ki'n arive e bann Lalwa ki'n ganny kase.

Mon pa konnen si i annan akse sa rapor, akoz dan lepase bokou rapor i napa akse avek li i pa konnen ki bor i ete parey rapor *IMF*, kontrer i annan dezyenm rapor *IMF* mon ava anvoy en kopi pou li akoz toultan i ganny problem pou li ganny akse.

E en rapor *SEYPEC* tou kot ki klerman etabli louvraz ki *PMC* in fer ki etabli bann Lalwa ki'n ganny kase. Mon ankouraz *Chair FPAC* pou lir sa rapor ki bann teknisyen ki'n prepare *by the way*.

E en lot komanter ki Onorab Loze in pas lo la se, mon pa tro konnen kote sa enn i vini lo zafer Lopoziyon fay, mon pa'n annan okenn *clause* dan Lalwa ler mon regarde ki pas lo en Lopoziyon fay. Me mon pa konnen si i annan keksoz ki fatig Lopoziyon ki zot pe koz bokou lo Lopoziyon fay. Me mwan dan sa Lalwa mon prezante Mr Speaker i pa adres sa *issue* Lopoziyon fay.

Mr Speaker komanter pou Onorab sorti kot Onorab Herminie, son konsern se ki bokou mefyans. Ankor parey mon'n dir mon pa tro war dan sa lalwa bann *clause* lo mefyans ni sa Lalwa li menm. Me selman ki mon kapab dir ou konnen ler ou ekout e mon war en *pattern* ki pe ganny etabli lo loz lo mefyans Gouvernman, ou bezwen mefyans bann Minis.

E i *remind* mwan ou konnen en dimoun ki i en voler in toultan vole, e ozordi ler in *retire* ou a dir i krwar tou dimoun pe vol li. Mon pa konnen sa i persepsyon ki mon gannyen, ler nou pe koz lo mefyans.

Me sa Lalwa i kler napa naryen pou kasyet dan sa Lalwa. Mon pa tro konnen ki mefyans i annan. In mansyonn definisyon *national interest* - mon mazine *Leader Biznes- Government Business*



in pas lo la ki sa i pa en keksoz ki nou ki'n envante.

E Onorab Cosgrow ou'n mansyonn seksyon 42 ki donn pouvwar Minis pou sispann en lenvestigasyon, me seksyon 42(1) i *link* avek seksyon 35(1) li. So Minis pa kapab anpes en lenvestigasyon ki'n Komisyon in konmanse li menm.

Me i annan en provizyon dan 35(1) ki dir Minis li menm li i kapab *initiate* en lenvestigasyon. So *as* sa dimoun ki'n *initiate* sa lenvestigasyon, seksyon 42(1) i donn Minis sa pouvwar pou sispann sa lenvestigasyon ki li me pa en lenvestigasyon ki *Commission* li in komanse.

Lo kote konsiltasyon ek *SOE*, wi i annan 2 staz konsiltasyon ki'n ganny fer. Komisyon in ganny *response from 4 SOE* selman lo la avek bann komanter.

Lo kote ou konsern lo kontrol *of central government* mon krwar mon'n eksplik rasyonnel aköz Minis i bezwen annan en kontrol, *ok*?

Lo komanter *regarding* dezapwentman ki ou annan, sa enn mon pa tro kapab ed ou i pou riske annan plis dezapwentman pou ou *in the next few years* Onorab. So *get use to it*.

Komanter lo seksyon 90(4) ki koz lo sa valer 1milyon, *ok*. E rasyonnal pou sa, *ok*. Mon krwar nou bezwen

ganny en balans lo en valer ki anmenn en, ki pa tro o me pa tro ba. Aköz nou pa oule tou *disposal of asset* ki en antite pe fer i bezwen vin kot Minis, i vin zis en birokrasi. Oule valer ki annan en serten signifkans ki vini pou *approval*.

E mon mazinen sa sonm R1milyon i lye avek sa *clause* ki dan seksyon 17(1) *Public Financial Management Act* ki dir okenn *public body* ki *dispose of an asset of more than R1million* i bezwen permisyon Minis Finans.

E annefe kekfwa Onorab Loze i a kontan pou tann sa, *this is the clause* ki ti *apply* dan *case SEYPEC*. Me si ou lir sa rapor *SEYPEC* ou pou war poudir sa *clause* ti ganny *breached*.

Lo kote Onorab Vidot konsern ki in leve li apard ki in dir i an prensip i war sa en bon Lalwa, se ki nou annan en azanda visye - mon pa tro war, kekfwa i ti kapab klarifye pou mwan pli tar ki sa *clause* ki annan en azanda visye lo la aköz mon pa pe war. Pli tar kekfwa i ava klarifye sa pou mwan, *ok*, napa problem.

Lo kote Onorab Uranie ou'n mansyonn spesifikman Linyon *Estate* e ou ti'n demann pou klersi serten keksoz lo Linyon *Estate*.

E sel keksoz ki mon pou kapab klersi lo Linyon *Estate* se ki Linyon *Estate* pa pe fer

loss, Linyon *Estate* napa koripsyon ki pe arive dan Linyon *Estate*, so sa bann keksoz mon kapab klarifye pou ou lo Linyon *Estate*. Lo Lalwa li menm mon pa tro krwar gran demann bokou kestyon.

E finalman Mr Speaker, mon a pran bann komanter sorti kot *Leader* Lopozisyon. Mon apresye ki finalman aporte ki in koz lo bokou keksoz apard Lalwa in *focus* lo Lalwa.

E kestyon ki in demande 1) lo akoz ki *Pension Fund* pa tonm anba sa Lalwa. *Pension Fund* i dan *schedule* tou i tonm anba en Minis Onorab - tou bann Antite *ok*? Me parey ou konnen i annan nouvo Lalwa *Pension Fund* ki pe ganny travay lo la ki fer provizyon pou plis ki en *Pension Fund*.

E sa responsabilite pou ganny pase avek *FSA* akoz son manda i pli parey pou li *regulate Pension Fund, ok*?

Lo kote labank Onorab kekfwa zis mon a *go back in time* pou mwan eksplik ou sa. Annefe an *practice* i annan plizyer lannen ki *PMC*- pratik napa sa responsabilite pour *regulate* bann labank. Sa ti menm dan letan ou Gouvernman kot ler mwan mon ti ankor Labank Santral.

Nou ti *sign* en *MOU* avek *PEMC* pou nou fer, pou Labank Santral sa letan kot

mon ti travay, pou fer sa *louvraz on behalf of PEMC*. Me pou raport bann *findings*, bann konsern *share* bann lenformasyon avek *PEMC*. E rezon i tre kler.

Nou bezwen travay dan en fason efektif nou pa *duplicate* louvraz *PEMC* i annan plizyer defi lo *staffing*, lo lekspertiz e a sa letan kot ou parti ti ankor dan Gouvernman, nou ti agree *Central Bank*, Minister Finans, *PEMC* ki sa responsabilite pou pas avek Labank Santral.

Sa Lalwa i pe formaliz sa relasyon ki deza egziste. Mon konnen kekfwa ou annan en diferan pwennvi, me sa i rasyonnal akoz sa mekanizm ti ganny *setup*.

Lo kote pouvwar Minis, sa mon krwar mon'n eksplike avek sa rasyonnal lo governans. Avek sa Mr Speaker zis avan mon terminen zis pou mon dir ki pou dan mon *summary*; se enn bann premye keksoz mon ti dir ler mon ti ganny apwente Minis mon ti vin dan Lasanble se ki mon pa satisfè avek governans bokou *SOEs*. E mon'n met en kantite zefor pou adres sa *issue*.

Si ou pou demann mwan si mon 100poursan satisfè ozordi non, me mon kapab dir ki mon'n war en *improvement*. Me nou bezwen kontinyen sa travay. E sa Lalwa pou donn

nou plis zouti pou nou kapab delivre e asire ki bann *SOE* pe *meet* zot manda, e i pa pe poz en risk fiskal pou Gouvernman.

Nou pa oule ankor en *Air Seychelles* arive. Sa pei pa kapab *handle* en *issue Air Seychelles* ankor. I pou napa sa abilite finansyer pou li fer li. E sa aköz ozordi nou pe met en kantite *focus* lo la.

Ou konnen *even* bann *issue SEYPEC tankers*, mon'n mansyonnen enn fwa devan lapres poudir mon ti'n demann nouvo *Board SEYPEC* ek *Management* ou regarde performans bann *tankers* e sa i en keksoz ki mon pou fer *SEYPEC* vin koz lo la.

Aküz bann *tankers* in perdi en kantite larzan. La mon dir en *statement* apre i annan ki pour- e sa pa pou sa lannen me *over the lifetime of the tanker business*, (non, non Onorab mon pou fer *SEYPEC* vin eksplike ek Lasanble lo kantite larzan ki'n ganny perdi.)

So nou pa kapab annan ankor 2020! Nou pa kapab annan ankor *Air Seychelles!* Nou pa kapab annan sa bann *mess* ankor dan sa pei. E anba sa ladministrasyon nou pou fer sir ki nou bann *state-owned enterprise* pa vin en risk pou pei.

Avek sa Mr Speaker mon ti a kontan demann Lasanble

pou siport sa *Bill* aköz sa i anmenn en keksoz bon pou pei. Mersi.

**(APPLAUSE)**

**MR SPEAKER**

Mersi Minis. Mon ava envit Manm pou vot lo *Bill general merit* dan *Second Reading*.

Manm ki an faver aprouv sa *Bill* lev lanmen. Mersi Manm ki kont? Lo *general merit of Public Enterprises Bill, 2023* 16 Manm in vot pour, 0 kont e 8 in *abstain*. *Bill* in aprouve, pou *Second Reading*. Madanm Clerk a fer *Second Reading*.

**MADAM CLERK**

Mersi Mr Speaker. *A Bill for an Act to provide for the continuation of the Public Enterprise Monitoring Commission, to strengthen the governance framework for the oversight and monitoring of public enterprises, to repeal the Public Enterprise Monitoring Commission Act, 2013 and to provide for other incidental or connected matters*. Mersi Mr Speaker.

**MR SPEAKER**

Mersi madanm Clerk. Bon nou'n ariv ler pou nou pran bann *amendment*, i en latas ase konsekan. Donk nou a pran en *break*. Me selman permet mwan pou akoursi zot

*break* en pti gin, nou a retourn 4er 15. Mersi.

**(BREAK)**

**MR SPEAKER**

Bon. Bonn apre midi ankou tou dimoun. Nou a pas dan *Committee Stage* pou amannman. Serzan?

*Bills Committee Vice-Chair* pou pran laparol pou amannman?

**HON JOHN HOAREAU**

Yes. Mersi Mr Chair. Mr Chair avan ki nou konmans lo lamannman mon ti ava kontan fer resorti ki sa *Bill* parey in ganny dir, in vin kot nou en pe letan pase e nou'n fer 3 sesyon travay lo la.

*Bill* in retourn kot Minister pou re-*Gazette* e dan son laform ki in ganny re-*Gazette* nou osi nou'n war serten *mistakes* ladan ki nou pou fer resorti ozordi.

Me avan nou komanse pou al lo sa bann diferan pwen ki nou'n fer lamannman, mon ti a kontan dir ki, pou lenter letan bann ki annan *comments* o bor ki'n mete "*agree*", vedit nou'n agree avek *panel* lo sa bann pwen, nou pa pou pas lo la.

Tandis ki nou pou pas lo bann ki, sirtou i annan bann *issues* ki nou bezwen diskite. *Ok*. Nou ava al lo premye pwen anba, lo paz 8 anba

"*interpretations*" i annan sa definisyon pou "*public corporation*" ki *LGB* ti'n *flag* ki dan *clause* 44 i dir ki Minis i kapab deklar en lenterpret konman en *statutory corporation*.

So nou pe *inquire* akou sa bout dan dezyenm laliny *after the word "law"* kot i dir "*other than Companies Act*".

So si Minis ti kapab klarifye avek *panel* akou ki "*other than Companies Act*".

**MR SPEAKER**

Byen. Minis, *panel* nou pa pas zot laparol. *Yes Minister*.

**MINISTER NAADIR HASSAN**

*Thank you* Mr Chair. Rezon ki mon oule donner se ki sa definisyon i *align* avek son *public corporation in the Public Financial Management Act*. So nou'n deside pou swiv menm definisyon ki nou annan dan sa lalwa pou nou pa al an dekalaz *between the two laws*.

**MR SPEAKER**

Onorab Georges ou annan komanter?

**HON BERNARD GEORGES**

Wi Mr Speaker. Mersi Mr Speaker. Mersi Minis pou ou leksplikasyon. Mannyen mon vwar Mr Speaker e *subject to correction*, mon vwar *public corporation* ek *public enterprise* zis anba li koumsa i

annan en konfli. Si nou komans avek *public enterprise*.

“A *public enterprise means any public corporation establishes under any law under the Companies Act*”. Ok. Son sel keksoz ki *define en public enterprise se ki Gouvernman i annan en controlling interest*.

*Perfect, full dakor avek sa. So tou bann antite kot gouvernman i annan en controlling interest i en public enterprise including en public corporation.*

*So at a public corporation any corporation establishes under any written law other than the Companies Act in other words it has to be a statutory body.*

*And sel fason ki ou kapab etablir en korperasyon unless ou fer ki anba the Companies ACT or I suppose under the international business, konmela aköz ou kapab travay, but let's forget the IBC for the time being. Sel fason ou kapab fer en corporation other than a written law se, sorry other than the Companies Act se anba en Lalwa and it becomes a statutory corporation.*

*So en public corporation ki ganny etablir par en Lalwa parey IDC par egzantp, ki'n ganny setup anba Companies Act. Si nou garde sa definisyon it's not a public corporation, it's*

*a public enterprise. Eski se sa ki nou anvi?*

*Or eski nou anvi ki en public corporation is any corporation established under a written law or the Companies Act? So as long as the capital is only a partial only by the government.*

*Ou war se sa kestyon ki mwan mon annan lo sa other than the Companies Act. It may be aligned with the Public Finance Management Act but is that ACT itself correct? If that's the case. Me i en kestyon, mon napa okenn gran problemn avek but it's just that I'm trying to wrap my head around it.*

#### **MR SPEAKER**

*Thank you. Panel i annan en lopinyon lo la? Antretan letan panel i konsidere les nou a pran komanter Leader Lopozisyon, kekfw a i a kapab deal avek an menm tan.*

#### **HON SEBASTIEN PILLAY**

*Mersi Mr Speaker e mersi Minis pou ou Right of Reply. Mon note avek bokou lantouzyazm Mr Speaker ki ou pa'n dir Minis naryen ler in get nou kote latab.*

#### **MR SPEAKER**

*Onorab nou'n ariv lo Staz Komite silvouple. We're on the point.*

#### **HON SEBASTIEN PILLAY**

Selman parey i dir nou'n ganny peye koman *MNA* e nou bezwen fer sir nou fer nou louvraz.

Definisyon ki devan nou avek lot definisyon ki vin apre. Tou lede i koz *established under any written law*. Anler i koz *established by or under any written law*.

Pou mwan dan mon lopinyon enn i *redundant* akoz sa enn dezyenm in pran tou. *Why do we need a public corporation?*

Akoz as soon ki i ganny *established* anba sa *law*, it is a *public enterprise*. E presan ou'n dir ki son *capital* i *provided wholly or partly provided by government* ki deza annan ba legzanp bann *public enterprise* ki *capital* i ganny *provided wholly or partly by government?*

Par egzanp *PMC, Property Management Corporation*, son *capital* i ganny *provide solely by government, either by Bidze or by son retainer - by son recurrent* ki anmase lo bann *rent* ki - bann lakaz ki bann dimoun pe peye.

So eski nou kapab ganny en konpran *why we need this definition now?* Mersi.

### **MR SPEAKER**

Minis ou'n pare pou adrese?

### **MINISTER NAADIR HASSAN**

Mersi. Mr Chair. Ler mon pe get sa 2 definisyon, so esansyelman *public corporation* e *public enterprise* the distinction that you want to make se ki, i annan en group ki'n ganny formen anba en *written law* e *public enterprise* li i broad, i include sa group ki ganny formen anba en *specific law* but also those that are done under the *Companies Act*.

So that's the essence of the differentiation between the two, because *public corporation* i dir ou *any written law* other than the *Companies Act*.

*Public enterprise* i capture tou li, ok? So the question then that comes se, why is there a need to differentiate between those that is setup under a law and those that is inclusive of bann ki formen anba *Companies Act*.

And if we go, si nou al pli ba dan bann diferan clause, i pou annan landrwa kot i annan bann clause kot ki pou spesifik zis pou en group, me pa pou tou. So I think this is where we need to make this differentiation. Selman mon krwar the issue is Onorab Georges mon pa'n tro capture byen your concerns in terms of?

### **HON BERNARD GEORGES**

Mersi Mr Chair. Mon pe esper ou donn mwan laparol Mr Chair.

**MR SPEAKER**

Wi si nou'n aksepte deklarasyon Minis.

**HON BERNARD GEORGES**

Wi, wi. Non, mon konpran Mr Chair. *We are legislators e si nou, nou anvi define in a chair as a table, the chair becomes a table.*

*So the problem is malgre ki mon konpran drift Minis - in the normal parlance a public corporation is going to be a corporation whether it's a statutory corporation, or whether it's established under the Companies Act, in the normal parlance i pou en public corporation, akoz so long as its capital is wholly or partially provided by government by way of grant loan or other form.*

Sa ki nou pe fer la nou pe define public corporation in a more restrictive manner, just for the purposes of this Act. Konpran? *So if that's the intention, then that's fine let's go along with it.* Mersi.

**MR SPEAKER**

Onorab Pillay. Wi.

**HON SEBASTIEN PILLAY**

Mersi Mr Speaker. Dan sa Lalwa 80 paz i annan zis 2

referans avek sa mo "*public corporation*", dan sa *definition section, 1*) i koz lo sa "*definition public corporation*" e lot i koz lo sa definisyon "*public enterprise*".

Napa rezon pou annan en definisyon pou *public corporation* akoz ou definisyon "*public enterprise*" i deza capture en "*public corporation*".

Ler ou lir son definisyon i dir ou "*means any public corporation born or the body which is established under any written law including then Companies Act*".

So i kapab pa'n ganny fer par *Company's Act* and i pou still en "*public corporation*". Legzanp *Seychelles National Parks and Gardens Authority* i ganny fer anba en *statutory instrument*. *SFA* i ganny fer anba en *statutory instrument*, ou konpran?

*So the point is why do we need that definition there unless there is something toward?*

Rezon mon pe demann sa kestyon Mr Speaker, akoz i annan en keksoz ki Minis pa'n reponn dan son *summing up*. Dan mesaz ki mwan mon'n gannyen i se ki sa Lalwa i pertinan pou *IMF*.

Mon'n ganny en mesaz ki dir mwan sa Lalwa i pertinan pou *IMF*, dir nou petet akoz sa Lalwa i pertinan pou *IMF* pou

mwan sey konpran *whether* i en keksoz ki pe ganny demande an deor *externally* pour ki nou, nou bezwen *comply*?

Oubyen i en keksoz ki Minster Finans i santi ki i bezwen *include*, pou li kapab armoniz e fer sir ki i annan en *template* pou li definir tou sa bann antite. E sa pa'n ganny fer Mr Speaker.

So avek tou respe ki mon annan pou Minis malgre in pas en bon pe letan pou li donn nou lektir, apel nou voler en kantite keksoz in dir me *at least* fer nou konpran akoz sa Lalwa i enportan pou *IMF*?

La ou loportinite dir nou *and then* prezan nou a konpran akoz nou bezwen annan 2 definisyon ki *basically say the same thing*, me ki apre enn nou a fer referans avek ditou dan sa Lalwa. Mersi Mr Speaker.

### **MR SPEAKER**

Mersi. Onorab Loze ou ti'n lev lanmen lo menm pwen?

### **HON JOHAN LOZE**

Yes Mr Speaker. Sa morso "*other than the Company's Act*" la, Minis taler in anvoy mwan lo son rapor *PEMC* lo *SEYPEC*.

Be son *main finding* ki *PEMC* dan sa rapor ti fer, anba *main findings* limero 1. *the sale of Seychelles Pride has been undertaken in isolation of*

*relevant laws and legislation except for the Company's Act.*

*So we are back to the point earlier.* Nou pe fer keksoz *to bring back in line* bann desizyon *man-child* ki nou ti'n fer vizavi lavant *Seychelles Pride*. Mersi Mr Speaker.

### **MR SPEAKER**

*Ok.* Minis adrese silvouple.

### **MINISTER NAADIR HASSAN**

Mersi Mr Chair. Mr Chair ankor mon repete lo kote komanter Onorab Loze, sa napa naryen pou fer, mon krwar dernyen fwa mon adres sa *issue*.

Zis pou eksplik en pe kekfw dan mon larepons monn mank sa bout ki Onorab *Leader* Lopozisyon in mansyonnen lo si sa en *requirement IMF*. Non Onorab ou sours pa korek, i pa en *requirement IMF*.

Nou annan en program ek *World Bank* ok, ki apel en *DPO* e ladan *World Bank* i vini i gete be ki bann reform ki nou Gouvernman nou pe fer, e baze lo la, nou agree en *list of reform* ki nou pe fer. E enn bann reform ki Gouvernman pe fer, se lo bann *public enterprise*.

E nou agree ek zot pou dir pou ganny *budget support* anba sa *DPO program*, *the enactment of the Public Enterprise Bill* i en benchmark



pou nou ganny *budget support disbursement*.

*So this is what it is napa naryen pou fer ek IMF, i annan pou fer ek program ki nou, nou agree ek World Bank anba zot DPA program. Mersi.*

### **MR SPEAKER**

Onorab Georges wi. Ou'n pare wi, *sorry* ou pa'n tann mwan,

### **HON BERNARD GEORGES**

*Sorry* Mr Chair mon pa ti'n konpran, ki ou ti'n mansyonn mwan. Wi Mr Chair mon krwar mon pe konpran.

Annefe mon pa krwar ki tou lede i parey. E mon pa krwar ki nou devret *kill the definition of public corporation*, akoz i annan sa bout ki enportan *which is the last clause, with a capital wholly or partially provided by the government by way of grant, loan or other form*. Se sa ki fer en *public corporation*.

Mon problem mwan se ki mon krwar parey Mr Bandara in dir dan son *comments that this definition as it is written is a definition of the statutory corporation and not of a public corporation*.

Alor se sa. *This is a perfect definition of a statutory corporation, but not necessarily of a public corporation*. Alors swa nou sanz "*public corporation*" nou fer li vin

"*statutory corporation*" e nou sanz plas.

Or mwan mon ti ava propoze si nou gard li la se ki nou tir sa fraz "*or under any written law other than the Company's Act*". So that is it. "*Corporation established with capital wholly or partially*" eksetera. Mersi.

### **HON SEBASTIEN PILLAY**

Mersi Mr Speaker. Mr Speaker premyerman dan lentere *full disclosure* pou piblik mon sours i Speaker li menm ki mesaz ki mwan mon ti gannyen se ki;

"*MOF asks for urgent consideration because he needs it by May 31<sup>st</sup> to fulfil an IMF requirement*". Ok? So mon pe go according to lenformasyon ki mwan mon annan.

Now mon konnen ki i ti deza annan diskisyon avek *World Bank regarding* nou bann SOEs e mon'n zwenn-mon ti deza zwenn avek sa bann dimoun avek Mr Tirant sa letan, kot zot ti pe koz lo sa *revamping of the Public Enterprise Monitoring Commission Act*. Sa mon konpran.

So i enportan ki piblik i realize pou dir parey Onorab Loizeau ti war ki ler mon koze i en keksoz ki mon koze i laverite.

Dezyenmman Mr Speaker, sa ki Onorab Georges in dir i korek. Akoz *we are talking about the statutory corporation, but is a statutory corporation a public corporation? That's the question* ki nou bezwen reponn.

E pour mwan sa mon war poudir ler nou *extend* sa definisyon parey i ete, nou pa pe neserman koz lo zis en "*statutory corporation*" se sa ki kre en problem pou mwan, e ki fer sir poudir ki fer prezan, dan en fason definisyon nou riske an en problem. Akoz i annan bann desizyon enportan ki sa bann keksoz, sa bann antite i bezwen pran.

Zis pou eksplik mon pwen Mr Speaker, si par egzanp *PUC* son *Board* *let's say* en korperasyon - son *Board* i deside poudir be mon pou donn en *bonus*. E *Cabinet* osi i dir baze lo Polisi i pa an faver *bonus*, anba sa Lalwa mon pou vin lo la taler Minis i annan direktiv ki i kapab donneren *regarding* sa. Akoz i pou en Polisi ki Gouvernman in pran - ou war?

E se sa problem e sa definisyon sa bann travayer i kapab *challenge* lotorite Minis pou li kapab fer desizyon baze lo definisyon ki relye ek Lalwa. E se sa ki nou bezwen fer sir nou met o kler. Mersi Mr Speaker.

### **MINISTER NAADIR HASSAN**

Mersi Mr Chair. Mr Chair mon krwar sa konfizyon kekwfa i Onorab Georges, *yes you are right*, kekwfa nou pa devret define li as the "*public corporation*" me "*statutory corporation*".

E i enportan pou kit li akoz si ou get seksyon 44 ki *declaration and a public enterprise* 44(1) ki dir "*The Minister may by order published in the Gazette declare a statutory corporation to be a public enterprise*".

So the solution to this se change it from "*public corporation*" to "*statutory corporation*". Mon krwar sa i rezourd sa problem. Mersi.

### **MR SPEAKER**

Nou a kontinyen Onorab Hoareau.

### **HON JOHN HOAREAU**

Mersi. Nou ava kontinyen. *Public enterprise* i annan en pti *mistake* la ki'n ganny *agree* lo la. Mon al lo *subsidiary*. Mon ava les Onorab Georges eksplik son pwen la.

### **MR SPEAKER**

Onorab Georges ou annan laparol la.

### **HON BERNARD GEORGES**

Mersi Mr Chair. Mr Chair i en tre senp pwen, mon pe regarde

akoz nou annan sa mo “*outstanding*”. Mr Bandara in ofer en lesplikasyon *but in my mind a subsidiary is a company in which 50 percent or more of the voting shares are owned by another company.*

Mon pa war akoz nou annan sa mo “*outstanding*”. Pou mwan *the outstanding sends the wrong message* sa se ki *outstanding voting shares* se bann *shares* kekfwa ki pa ankor ganny *issued* - oubyen *being issued* me i pa ankor ganny *allotted* eksetera *and that I don’t this is the intention.*

E mwan ti pe demande *why don’t we just kill the word “outstanding”?* Mersi.

#### **MR SPEAKER**

Minis.

#### **MINISTER NAADIR HASSAN**

*Thank you Mr Chair. Thank you* Onorab. Mon agree avek Onorab Georges mon krwar ou kapab tir “*outstanding*” la, akoz i donn en lendikasyon ki i bann *unsubscribed shares* ki pa ankor ganny *allotted*. *Thanks.*

#### **MR SPEAKER**

*Thank you, settled.* Onorab Hoareau.

#### **HON JOHN HOAREAU**

Prezan mou pou al lo *clause 4* lo paz 9 ankor. Lo paz 9 mon mazine ki sa *chapeau* si oule

sa premye fraz la i devret aret kot *ownership*.

“*This Act applies to all public enterprises in which the government has majority ownership*”. Olye met sa bout “*of investment*” mon ti a kontan Minis i fer en deklarasyon lo la.

#### **MR SPEAKER**

Minis wi. E eski sa i neser? Les Onorab Pillay met son pwen apre Minis kapab fer e sel ladres. Anr so i en lot pwen les li. Minis. *Ale go ahead, go ahead* Onorab Pillay.

#### **HON SEBASTIEN PILLAY**

Mr Speaker si nou get sa definisyon ki la, i dir kot nou annan dan *clause 4* sa ki enteresan i koz lo “*majority ownership of investment*” be ler mon retourn anler dan definisyon e *public enterprise* i pa koz lo “*majority ownership*”.

E si nou retourn kot en “*statutory corporation*” ki osi en “*public enterprise* i koz lo “*wholly or partly*”.

E *there is no mention of majority ownership. So the point I’m making for instance* Mr Speaker, eski nou annan par egzantp si nou annan en korperasyon par egzantp *IOT* par egzantp, nou napa en *majority ownership* dan *IOT*. Be nou annan en *substantial shareholding* dan *IOT*.

*It wouldn't apply but in which case the definition anler i pa fer kler poudir nou pe koz lo bann enterprises, kot Gouvernman pou annan full kontrol.*

**MR SPEAKER**

*Thank you. Minister.*

**HON SEBASTIEN PILLAY**

*Controlling shares ladan Mr Speaker.*

**MR SPEAKER**

*Ale. Minister.*

**MINISTER NAADIR HASSAN**

*Thank you Mr Chair. Definisyon "public enterprise" i dir;*

*"means any public Corporation, board or other body which was or is established under any written law including the Company's Act where the Government has the controlling interest". So the controlling interest would be 50percent or more.*

*Lo spesifik kekyon Onorab Hoareau si nou kapab tir investment sa nou napa lobzeksyon I think i pa add anything to the clause. Mersi.*

**MR SPEAKER**

*Sorry Minis ki ou-?*

**MINISTER NAADIR HASSAN**

*Wi Mr Chair lo seksyon 4, clause 4. Ki dir "this Act*

*applies to all public enterprise in which the government has majority ownership of investment", nou ok pou nou delete "of investment" ki a vin "in which the government has majority ownership. "*

**MR SPEAKER**

*Ok, so Onorab Uranie ti'n lev lanmen.*

**HON ROCKY URANIE**

*Wi Mr Speaker. Annefe sa pwen ki LOTO in fer mon ti pe vin lo lanmenm, akoz ler mon pe gete mon'n war sa mo "majority" e anler ti annan zafer "wholly" ek "partly".*

*Prezan mon pe demande parey bann nenport ki lantrepriz ki Gouvernman si i fer krwar en lakonpanyen li i annan 52poursan Gouvernman li i annan 48 poursan, eski ou pe dir mwan poudir la savedir Gouvernman i pa pou vremen Minister pa pou vremen annan kontrol lo sa bout poursantaz ki nou annan dan sa bann lantrepriz?*

**MR SPEAKER**

*Wi mon sipoze Minis in fini. Minis.*

**MINISTER NAADIR HASSAN**

*Wi Mr Chair. Mersi Onorab pou sa kekyon. Annou servi en legzanp pratik, annou pran IOT kot nou annan 60/40 ownership;-*

*“The requirements of this Act will not apply to IOT e it should not apply, it’s the intention and it will not apply and this is what it’s reflected in the Act”.* Mersi.

**MR SPEAKER**

*Thank you.* Onorab Pillay, wi?

**HON SEBASTIEN PILLAY**

Mersi Mr Speaker. Mr Speaker *ok*, so mon konpran *the intention that it will not apply*.

*But the question* ki mwan mon ti pe klarifye, nou'n toultan annan en problemm avek sa sityasyon nou *shareholding* dan *IOT* e sak fwa nou annan en *issue* lapey, konpansasyon bann regilasyon *employment*, i vin en problemm aköz *IOT* i sipoze *operate* anba *SITZ*, *right*?

*Now*, ou pe dir ek mwan poudir sa gro 40poursan ki nou annan dan *IOT* pa pe *apply* la, so *where would it apply*? Likel ki pou get li, lekel ki pou annan *oversight* lo li?

Akoz mon ti ava ekspekte poudir ler nou pe koz en *Public Enterprise Monitoring Commission*, mon konnen nou pe koz *“public enterprise” only solely where* nou pe koz *the word “public” and “enterprise” as it relating to own by government*.

E mon ti ava ekspekte osi *whilst it relates to shareholding, there is a*

*structure that is put in place pou manage sa bann shareholding.*

Akoz nou bezwen asire ki i fer sans pou nou *maintain* sa *shareholding* dan sa konpanyen. Par egzanp *SPF* i annan *shareholding* dan *Cable & Wireless*. *Somebody has to be able to monitor whether these shares are paying the dividend* ki i pe peye.

So se sa ki mon konsern mon ti ekspekte ki sa Lalwa i kapab *capture* sa Mr Speaker, me la mon pe war i pa pe kapab e nou bezwen ganny en konpran si nou devret fer li vin la, oubyen nou pa kapab fer li vin la. I bezwen annan en landrwa ki ganny *captured*. Sa i mon kestyon. Mersi.

**MR SPEAKER**

Minis?

**MINISTER NAADIR HASSAN**

Mersi Mr Chair. Mersi Onorab. Onorab pratikman i pa pou posib. Aköz ou konnen ki i pou parey en lot *shareholder* i annan *controlling interest* li, prezan mon pe pas en Lalwa ou pe dir ek li, me nou Gouvernman nou ki pou kontrol ou.

An pratik i pa pou kapab marse, ou pa pou annan *any entity* ki pou pare pou al ek Gouvernman dan en *partnership*, *where government is a minority*

*shareholder si ou pe dir ek li even though you have controlling interest.*

*As a shareholder but you subject to a law that gives the government so much power over you. I pa pou, i pou zis pa marse, so that's why I said i pa lentansyon sa Lalwa pou kouver sa bann kalite shareholding. Me nou lentere i devret ganny - i ganny reprezante par bann manm ki nou apwent on the Board, ok?*

*E mekanizm ki nou annan ozordi se sa bann Board members i raport ek Minister Finans e nou, nou monitor as Minister Finans because in terms of government agency Minister Finans is the one ki li i monitor performans kot nou, nou annan minority shareholding. Mersi.*

### **MR SPEAKER**

*Mersi. So dapre sa ki mon konpran nou'n settle clause 4 la - nou pe al, wi Onorab Cosgrow?*

### **HON WALLACE COSGROW**

*Mersi Mr Speaker. Mr Speaker mon pa konnen si zot in fini settled lo sa pwen LOTO, me selman mwan mon annan en lot pwen lo clause 4 ki mon ti a kontan met devan e annefe clause 4 i lir koumsa;*

*"This Act applies to all public enterprises in which the*

*government has majority ownership" nou'n tir "investment," en ?*

*Me selman si nou pran legzanp labank, Nouvobanq ozordi Gouvernman i annan majority ownership, me sa Lalwa ozordi i pa pe kouver Nouvobanq e si nou al Schedule 1 pli ba nou pou war i pa pe kouver Nouvobanq.*

*So i annan en discrepancy la dan sa definisyon lo ki la or sa laplikasyon of the Act, avek en lakonpanyen parey Nouvobanq ki Gouvernman i annan en controlling share or controlling ownership.*

*So ki mannyer nou proceed avek sa? E kan mannyer nou deal avek Nouvobanq Lalwa i donn PEMC pouwar pou oversee Nouvobanq. Me administrativman zot in fer en lot zafer avek Nouvobanq so si Minis i kapab klarifye sa e mon hope mon pa dezapwente.*

### **MR SPEAKER**

*Byen, Minis.*

### **MINISTER NAADIR HASSAN**

*Mersi Mr Chair. Mersi Onorab pou sa pwen. Ou konnen dan definisyon mon state poudir i bann entities ki anba Schedule 1, mon pa konnen kekfwa pou if there's a need legalman to further clarify this senpleman;-*

*“this Act applies to all public enterprise in which the government has majority ownership as per Schedule 1”, something along those lines. Solve the problem. Mersi.*

### **MR SPEAKER**

Onorab Pillay. Sorry mon krwar i ankor lot pwen, i ankor lo son pwen, mon a pas kot ou apre Onorab Loze.

### **HON SEBASTIEN PILLAY**

Mersi Mr Speaker. Mr Speaker sa pwen i ekstrememan enportan pou Lasanble ek sa Lalwa. Akoz sa pwen ki pou definir tou sa levantay bann *enterprises owned by* Gouvernman, ki pou tonm anba sa Lalwa.

E la nou deza annan en diverzans lo lopinyon an sa ki konsern bann labank. Sa ki Onorab Cosgrow in dir, i al dan laliny sa ki Minis in dir.

Akoz Minis in koz lo performans menm bann ki nou pa *majority shareholding* i ganny *monitor* par Minister Finans. E nou, nou largiman i se ki sa Lalwa i *set out monitoring of shareholding* kot mon annan en *majority stake* dan en *state-owned enterprise*.

E *for all intent and purposes* *Nouvobanq* i devret en *public enterprise*. I pa kapab - malgre ki ou dir mwan mon Gouvernman ki ti siny sa *MOU*, mwan mon kapab

dezagree avek sa ki'n ganny fer.

Akoz mon pa krwar poudir *that is the best approach*, akoz mon pa santi e mon pa konfidan ki Labank Santral - mon pa pe koz lo son *regulatory requirement* e son *statutory mandate* - pou fer sa travay ou bezwen ganny fer e *that creates an issue* pou nou.

E mon kontan ou pe koz *specifies under Schedule 1*, eski ou pe dir nou la ki *IMF* li i pa oule ki *Nouvobanq* i tonm anba en anba sa Lalwa ki la, or nou *PPO* ki nou annan pa fer provizyon pour ki sa i tonm anba sa Lalwa ki la?

Mon ti ava espekte, akoz sa reveni ki sa antite i anmennen. Mon konsernen Mr Speaker avek sa bout Mr Speaker. Mersi.

### **MR SPEAKER**

Minis adrese silvouple.

### **MINISTER NAADIR HASSAN**

Mersi Mr Chair. Mersi Onorab pou ou konsern. Mon krwar i annan 2 kestyon, mon'n adres premye kestyon lo kote Onorab Cosgrow mon konfortab pou met li sa *Schedule 1*, lo dezyenm kestyon *IMF* i konfortab - *IMF* napa en *view* lo la.

Me lo sa *issue of* kouver labank e pa kouver labank, mon krwar nou pou bezwen

agree ki mon *view* ek ou *view* i diferan.

E *I am not convinced by your view* e kekfwa ou osi ou pa *convince* avek mon *view*. Me mwan mon pou mentenir mon pozisyon lo sa enn ki mon pa war nesosite pou *include* labank lo la. So sa i mon desizyon final Mr Chair. Mersi.

### **MR SPEAKER**

Ou bezwen pas lo la aköz mwan mon santi poudir sa ki Onorab Pillay pe demande, se ki Minis i sanz *scope* sa Lalwa. E sa i vin en lot soz. Petet sa ki Minis i kapab fer e ki si i bezwen en lot veikil pou kouver labank, i ava bezwen rod en lot, me evidaman i pa'n sezi ki sa Lalwa i pou aplik pou labank.

*Sorry* mon annan 2 pwen. Mon annan 2 dimoun ki'n lev lanmen - 3 *in fact* - silvouple nou bezwen *move on*. Onorab Loze.

### **HON JOHAN LOZE**

Mersi Mr Speaker. Mr Speaker 4 i komans avek "*this Act applies*", Act nou ki fer si Act i dir i *state* konmkwa ki Lalwa i la i ava *monitor*, analiz performans *shares* dan en lakonpanyen parey *IOT* kot Gouvernman i annan *minority shares* e pou li raport *back* ek Gouvernman, Act in dir *so the Act will apply*. I a permet *PEMC* annan en serten *amount*

*of monitoring* lo bann lakonpanyen kot nou annan *minority shares*.

Mon konnen posibleman i pa en keksoz ki nou pa pou amande la ozordi, be selman si zot kapab konsidere *in the future* pour *bring* sa bann lakonpanyen kot nou annan *minority holdings under the fold of PEMC not the company themselves*.

Be selman *the monitoring and analysis of the performance of the shares of the government*. Aköz Minis in dir nou sistenm ki nou pe servi an se moman se ki *Board members reports back to the Ministry of Finance*. E i satisfè ek sa be ki ti arive ek *tanker* alors? Ou *Board member* pa ti *report back*?

### **MR SPEAKER**

*Ok*. Mon krwar Minis in fini eksprim li lo la ki sa Lalwa i pa aplik pour *minority shares*, so *let's leave it there* nou bezwen *move on*. Onorab Uranie ti'n lev lanmen?

### **HON ROCKY URANIE**

Wi Mr Speaker. Annefe ou form par *SADC* nou, e nou ti asiste en kozri *SADC* sirtou kot i annan pou fer avek nou bann *assets* aköz nou, nou *open* avek *foreign investment* pou vini.

So ler bann *foreign investment* pou vini *usually*



parfwa zot oule pran pli gro *share*, si Gouvernman pou al ladan, Gouvernman pran pli *pti share*.

Me pou en laspe sekirite pei pou nou kapab protez nou bann *assets* osi, mon krwar nou bezwen regar, fer sir ki sa bann Lalwa ki nou pe vin avek osi nou annan serten keksoz ki kapab dan en serten *oversight* lo sa bann lakonpanyen, lo sa bann lantrepriz ki sa bann lakonpanyen i vin kree an partenarya avek Gouvernman.

Sa i zis en pwen ki mon ti anvri fer sorti. Mersi.

### **MR SPEAKER**

Mersi. Me selman Minis in fini dir ki poudir i pa lentansyon dan Lalwa pou aplik dan sa ka, *so please let's move on*. Onorab Cosgrow ti'n lev lanmen avan apre Onorab Georges.

### **HON WALLACE COSGROW**

Yes Mr Speaker. Mersi. Mr Speaker sa zafer seksyon 4 i al pli lwen, en? I al an relasyon avek seksyon 91 an sa ki konsern *dividend*.

*Now*, kan mannyer Gouvernman pou *instruct*, or pou ganny en konversasyon avek *Nouvobanq* or any other bank kot i annan en *controlling share*, lo size *dividend* si sa labank pa tonm anba *purview* sa Lalwa, e sa Lalwa i *set out*

*the mechanism* pou *deal* avek *dividend*?

Me si sa labank or sa *entity* pa tonm anba *purview* sa Lalwa *then* pou mwan mon pa konnen ki mannyer anba ki *legal basis* ou pou al demann avek *Nouvobanq* en *dividend ex amount* tou le lannen si i pa kapab ganny *cater for* anba *clause 4*? So i al bokou pli lwen ki nou pe diskite anler Mr Speaker. Mersi.

### **MR SPEAKER**

Mersi. Minis wi.

### **MINISTER NAADIR HASSAN**

Mersi Mr Chair. Mersi Onorab pou ou kestyon. Annefe mon kontan ou'n lev sa *issue*, akoz sa i listre parfetman akoz i pa devret dan sa Lalwa. *Dividend* labank i ganny aprouve par Labank Santral ok.

*So even if* Minister Finans Gouvernman i dir ek *Nouvobanq* mon oule R300milyon sa lannen. Pa kapab *enforce because any dividend of any banks in Seychelles* se Labank Santral i bezwen aprouve pou ou pey sa *dividends, ok*?

*So* repons pou ou kestyon i parey dan nenport ki lakonpanyen ki *shareholders* i annan *shares* ladan, *shareholder* i apwent son *members of the Board*.

*In terms of setting the dividend expectations, the*

*shareholder* i koz ek son bann *Board members* i dir, lala mon lekspektasyon e baze lo la, lo performans lo *setting* stratezi lobzektif *KPIs of the bank* en *dividend expectation is set*.

Me Gouvernman pa pou zanmen kapab al dir ek en labank ki *dividend* i oule. Napa en pei dan lemond kot en Gouvernman pou kapab kot i *shareholder*, pou dir ek en labank ki *dividend* mon oule. E sa i listre parfetman aköz ou pa kapab annan sa pou *apply* pou labank, sa Lalwa. Mersi.

### **MR SPEAKER**

Mersi Minis. Mon bezwen apel bann Manm pou nou pa al dan bann propozisyon ki an deor sa Lalwa, nou bezwen aksepte sa Lalwa mannyer i ete la. Onorab Pillay. Onorab Georges in? Mon pa'n war ou'n lev ou lanmen ankor oule entervenir? *Yes*.

### **HON BERNARD GEORGES**

Mr Chair mon ti anvi *move on* avek *clause 4* e mon pa anvi *curtail* deba, me mon ti anvi *take up 2 things*. Premyerman pour benefis *Senior Legal Officer* ki pe *track* sa *Bill*.

Mon krwar sa ki nou'n dakor e Minis in dakor pou mete *at the end "and specified in Schedule 1"*, so *government has a majority ownership "and specified in Schedule 1"* pou fer sir ki sa 2 keksoz.

Me mon retourn avek ou permisyon lo sa 2 mo "*of investment*" ki nou'n tire. Aköz vremen parey Minis in dir i pa azout naryen *to majority ownership, unless* sa "*of*" ti en *typo and it meant "or"*, ki en *common typo* ki "*the government has a majority ownership or investment*".

*Is that the intention or not? No? "Just majority ownership"*. Mersi.

### **MR SPEAKER**

Mersi. Onorab Pillay.

### **HON SEBASTIEN PILLAY**

Mersi Mr Speaker. Mr Speaker konsyan ki Minis in dir i pa pe sanz son Lalwa. Mwan mon pa kontan fer *exercise in futility* pou anmenn en lamannman ki pou ganny *defeated* si Gouvernman pa oule fer. Mon napa en mazorite.

*But if I had a majority* mon ti pou anmenn en lamannman pou met labank anba sa *Schedule*.

*Now*, mon kestyon pou Minis, ou le eksplisitman eksprim *majority ownership as meaning control? Is that correct? Majority ownership as meaning control*.

*But then* aköz ou pa'n konsistan avek definisyon *public enterprise* anler kot ou dir *controlling interest?*

Ou'n annan en definisyon anler kot ou'n dir *if*

*I am not mistaken..... blah, blah, blah “where the Government has controlling interest”. And then ou section 5 ou sanz “interest” ou mean “ownership”.*

*So why don't be consistent with that? E met controlling interest or whether ou le, i pa sa ki ou le dir ankor enn fwa, i sa ki ou, ou anvi Minis. Mersi.*

**MR SPEAKER**

*Minis. Yes Minister.*

**MINISTER NAADIR HASSAN**

*Mersi Mr Chair. Mersi Onorab. Mr Chair kekfwa mon ava pas avek AG's Office. Mwan mon Polisi, mon state what is the policy intension. In terms of the legal drafting mon ava envit AG's Office pou mont lo la. Mersi.*

**MR SPEAKER**

*Yes, Madam.*

**LEGAL DRAFTSPERSON**  
**IRENE SIRAME**

*Avek ou permisyon Mr Chair it does not make any difference. The way it is status quo i sipoze ganny maintained. I pa fer okenn diferans. Parey i ete mon war li i ok.*

**MR SPEAKER**

*Ok thank you. Si Manm napa continuous objection nou ava kontinyen. Onorab Hoareau.*

**HON JOHN HOAREAU**

*Mersi Mr Chair. Mr Chair lo paz 10 i annan 2, 2 insertion ki nou'n fini agree lo la. Nou pa pou al lo la.*

*E nou al lo paz 11. Lo paz 11, 7 (c)(2).*

**MR SPEAKER**

*Sorry mon krwar kekfwa nou pe al en pe tro vit. Onorab Pillay. Go ahead Onorab Pillay.*

**HON SEBASTIEN PILLAY**

*Mersi Mr Speaker. Mr Speaker mon annan en klarifikasyon regarding clause 5 (2). 5 (2) i dir: -*

*“Notwithstanding any other laws, the Commission shall have full administrative autonomy in discharging its functions under this Act”.*

*Pli ba lo seksyon 17 i dir ki “The Minister may give to the Commission such directives as appear to him or her to be just and proper, for the effective discharge of the functions of the Commission under this Act”.*

*Which would include administrative authority. So, mon ti ava kontan ki nou met en proviso la “notwithstanding any other law inclusive of section 17 (2).”*

*E nou donn administrative autonomy sa Public Enterprise Monitoring*

*Commission. Akoz otherwise then nou right back to where we are now, kot Minis i annan kontrol lo Komisyon.*

**MR SPEAKER**

Minis.

**MINISTER NAADIR HASSAN**

Mersi Mr Chair. Mersi Onorab. Onorab diferans ant sa 2 Seksyon se ki enn;- i koz lo *administrative control*, 17 pe koz lo *functional*. Totalman diferan. Mon pa war ki manner seksyon 17 (1) i enpakte lo *the administrative autonomy*. Akoz seksyon 17 (1) pe koz lo *functional reporting*. *Well functional instruction to the Commission.*

Mon pa vreman war en nesosite pou annan en lamannman la. Mersi.

**MR SPEAKER**

Les *Legal Counsel* adrese apre nou ava kontinyen.

**LEGAL DRAFTSPERSON**

**IRENE SIRAME**

*Thank you, Mr Chair. Going back to Clause 4, eski mon byen for drafting sake, eski mon byen letan mon lir sa clause as follows: -*

*“This Act applies to all public enterprises in which the Government has majority ownership as specified in Schedule 1.”*

*Thank you, Mr Chair.*

**MR SPEAKER**

*Yes, mon krwar ti sa ki kot nou ti'n arive. Selman ok nou'n ariv lo 5 la. Onorab Pillay.*

**HON SEBASTIEN PILLAY**

Mersi Mr Speaker. Mr Speaker mon pa le *labour* sa pwen. Be sa *clause is written as “shall have full administrative autonomy in discharging its functions”*.

*So, it impacts its functionality. So, 17 (1) Minis ki pou donn li direktiv. Be 5 nou donn li administrative autonomy.*

*As it stands la ozordi, PEMC in annan en debt ceiling, pa en debt ceiling, en budget ceiling ki i bezwen comply to. I bezwen comply to circulars as it relates to bann, to employment.*

*Which in the case of the Auditor General, it is different akoz the Auditor General has basically the same mandate.*

*So si nou kre en antite ki for, why would we give the Minister back control? Pou mwan sa Minis i annan kontrol. Li menm li ki apwent sa CEO, li menm li ki dan lapwentman Komisyoner. E li menm li ki pou donn directive sa Komisyon.*

*Sanmenm sa nou annan en problem pou nou kapab agree, Lalwa dan lamazorite son bann clause i byen, be i*

annan bann *clause* ki kre bann keksoz ki retourn nou *right back to where we are*. Pa sipoze pa pe *move* nou devan.

E mon pa war ki manner nou pa pe war sa la. Mr Speaker *Sorry* mon'n repran laparol avan ou'n donn Onorab Audrey Vidot parol. *Sorry*.

**MR SPEAKER**

Wi. Nou ava ekout pwen Onorab Vidot, wi.

**HON AUDREY VIDOT**

Mersi Mr Speaker. Mr Speaker en pe letan mon pe mon lanmen. Me toultan, i paret mwan sa kote la nou pa tro, tro ganny gete byen, byen.

Mwan - anefe zisteman letan Minis ti pe fer son repons, son Drwa Repons, mon ti dir ki mon pou fer resorti aköz mon'n fer serten *statement* dan mon lentervansyon.

Se zisteman lo sa 2 *clause* 5 (2) avek 17 (1). Ler ou dir ou pe donn en lotonomi en Komisyon pou li kapab annan zwe son rol pou bon gouvernans.

Apre ou vini ou dir ki dan en lot *clause* kot ou pou annan, ou pou donn direktiv, ou pou donn pouwar ankor dan lanmen Minis pou li annan plis kontrol.

E ler nou lo sa kote latab nou'n fer sorti sa bann pwen

nou dan lentervansyon, nou pa'n ganny felisite nou. O kontrè nou'n ganny kritike ek Minis. Me sa ki enteresan dan sa bann *issues* ki nou'n leve Onorab Georges in fer resorti ki i annan tro bokou kontrol atraver lo kote bout Minis.

Me sa bann, selman nou pe demann lotonomi, pou sa bann dimoun, pou sa bann *Board* oubyen Komisyon pou li kapab fer son travay.

Alors Minis ou bezwen kler, onnet. Se pou sa rezon ki mon dir poudir zot annan en problem.

**MR SPEAKER**

Ok. Minis, wi.

**MINISTER NAADIR HASSAN**

Mersi Mr Chair. Mersi Onorab. Mr Chair mwan mon pozisyon i kler, i annan en diferans *between 'administrative autonomy' and 'functional autonomy'*.

E mon war okenn nesosite pou fer okenn lamannman. Mersi.

**MR SPEAKER**

Manm i aksepte sa? *Ok* si napa en *amendment* ki ganny propoze. Nou ava kontinyen. Onorab Georges. Wi?

**HON BERNARD GEORGES**

Mersi Mr Chair. Mr Chair mon ti pe al dir egzaktèman sa. Si bann Manm lo kote minoriter

ti enterese pou amann sa, zot ti'n anmenn en amannman parey nou, nou'n anmenn plizyer ozordi.

Zot pa kapab vey dan lapas ozordi, epi anmennen pwen ki en pwen, en *substantial amendment* ki re vir tou keksoz lo son latet, e dir ler mon ti koze taler mon ti mansyonn sa alor mon anvi fer sorti la, san ki zot in anvoye en amannman pou ki nou, nou ti ava kapab e Minis ti ava kapab regarde.

Mon krwar nou bezwen en pti pe pli serye dan lafason ki nou fer nou travay. Mersi.

### **MR SPEAKER**

Ok. Well mon krwar Onorab Loze ti'n lev lanmen avan taler i ava dir mwan mon pa'n war li. Onorab Loze.

### **HON JOHAN LOZE**

Mersi Mr Speaker. Mr Speaker mwan mon ti pe sers en klarifikasyon avek AG's Office. 5 (3) "*each organ of the State shall assist the Commission*".

Mon vwar sa is a *very wide brushstroke*. So, mon ti pe anvi demann AG' Office si i annan en definition *for organ of State anywhere* dan bann lorganonn Sesel. Akoz diferan landrwa i annan diferan lenterpretasyon.

Si ou pou al dan Lenn, *organ of State* i *Legislative Executive* avek *Judiciary*. Be

Sesel mon le konnen kwa ki ganny defini legalman *as organs of State*?

Apré Mr Speaker, silvouple sa term vey dan lapas, zot gel ek nou zot dir nou travay, donn zot lanmen pou pous zot *super yacht* avek 3 jet deryer, la nou travay nou pe aktyelman pous zot *super yacht* pou zot, 25 sez vid pe asiz trankil apard Onorab Georges, i gele menm! Mersi Mr Speaker.

### **MR SPEAKER**

Mwan mon ava kon lo mon difikilte pou mwan. Mwan mon lentere, mon lentere se pou *move on* lo sa *Bill*. So ler in ariv en serten nivo diskisyon ki Minis in donn en pozisyon, si napa en lamannman ki pe propoze, *we have to move on*.

Onorab Pillay, silvouple.

### **HON SEBASTIEN PILLAY**

Mersi Mr Speaker. E mon apresye ou *predicament* ki ou ladan e mon senserman anvi ede ki nou bouze.

Me selman Mr Speaker mon bezwen klarifye en keksoz. I pe fer dezyenm fwa ki mon tann Onorab Georges dir bann lamannman ki li in anmennen. Ki nou'n anmennen.

Be mon tann Onorab Hoareau pe lir lamannman *Bills Committee*. Konmsi, konmsi mon ti a kontan ki

Onorab i pran en moman refleksyon. Aret les son mazorite mont dan son latet. Silvouple, i lamannman *Bills Committee* pa ou lamannman. Akoz se Onorab Hoareau ki pe *move*. *Otherwise* Mr Speaker ou konnen ki nou pou fer, nou pou aret partisip dan *Bills Committee*.

Akoz i fer dezyenm fwa nou ganny sa bann komantr. Lot fwa ti par en Vis-Prezidan, lamannman son kote latab. Be nou bann Manm in travay dan *Bills Committee*.

*So come on* Mr Speaker avek tou respe, annou *show respect for...*

### **MR SPEAKER**

*Good, good in fact* ou siport mon pwen Onorab. Parske si *Bills Committee* in fer bann amannman ki la, pwennvi Lopozisyon in deza ganny reflekte dan bann amannman. Onorab Georges ou pe al antre dan sa largiman?

### **HON BERNARD GEORGES**

Mersi Mr Chair. Mr Chair byen koze i fer byen konpran. Nou'n dir plizyer fwa, *Bills Committee* napa okenn lotorite pou anmenn okenn lamannman.

Tou lamannman i bezwen ganny anmennen par en Manm. *Ok*. E Onorab Hoareau pe anmenn sa bann lamannman ki nou *Caucus* in

donn li pou anmennen. E i pe anmenn sa dan son non.

Alors pa koz *Bills Committee*, *Bills Committee* pa'n zwenn depi sa soz in re Gazete. Nou *Caucus* ki'n travay, nou *Caucus* ki'n anmenn sa bann lamannman.

Alor annou konpran sa silvouple. Si zot, zot pa'n amenn lamannman, Zot pe vey dan lapas. Mersi.

### **MR SPEAKER**

*Ok* mon pe zis, *ahh* non. *Yes* Onorab Pillay.

### **HON SEBASTIEN PILLAY**

Mr Speaker mon ti ava kontan demann ou koman Speaker. Donn en *Ruling* enn fwa pou tou. Akoz la i fer dezyenm fwa sa *statement* i ganny fer. Avek *toute* larogans e avek konfidans ki nou, nou pa *matter* lo *Bills Committee*.

Mon pa kontan sa kalite *statement* Mr Speaker. Mon respe ou en kantite e mon kontan apre midi bann keksoz ki ou'n dir ki nou le fer keksoz avanse, i byen.

Me selman mon krwar ou devret kosyonn Onorab Georges. I devret ganny kosyonnen Mr Speaker! Akoz sa *statement* ki in fer pa korek.

Sa *email* ki nou'n gannyen i mansyonn *Bills Committee*. Se sa *email* ki Clerk in anvoy nou. E se sa ki mon'n lir Onorab Georges,

depi Vandredi, Sanmdi, Dimans, Lendi *ok*, ki mon'n travay.

So, mon pa kontan sa *statement*. E mon ti ava kontan Mr Speaker ou fer Onorab Georges *retract* sa *statement* ki i fer, akoz i en mank respe pou bann Manm US ki lo *Bills Committee*. I en mank respe pou nou Mr Speaker! Mersi.

**MR SPEAKER**

Eskiz mwan, mon krwar sa pe *divert* mon latansyon *from the Bill*. So, i ava en size ki mon ava kapab konsidere pli tar. Be annou kontinyen.

*Ok* kot nou'n arive la? Dernyen pozisyon se Minis, Minis in dir i pa war kontradiksyon ant 5(3) ek 17 (1). *Ok*. Amwen ki Manm i le kontinyen obzekte sa nou ava aksepte.

*So, we will move on.*

**HON JOHN HOAREAU**

Mersi Mr Chair. Mr Chair nou'n ariv lo paz 11. 7 (c) (2) kot i dir "*there shall be paid out of the fund*". Nou le ki sa mo '*fund*' i ganny defini la. vedir ganny mete "*fund of the Commission*".

**MR SPEAKER**

Minis i annan en komanter. *Yes*, nou pe koz lo *Executive Director*.

**EXECUTIVE DIRECTOR  
OFFICE OF THE  
SECRETARY OF STATE  
IRENE CROISE**

Mersi Mr Speaker. Bonn apre midi tou Onorab. Pou *fund* anba 7 (1) in ganny spesifye, be selman nou pou fer li konsistan. Nou pou met "*fund of the Commission*" instead of '*fund*'.

**MR SPEAKER**

*Ok. Go on* Onorab Hoareau.

**HON JOHN HOAREAU**

Mersi. Nou al lo.

**MR SPEAKER**

*Yes Sorry*. Mon pa'n, *yes* Onorab Loze.

**HON JOHAN LOZE**

Mr Speaker ou'n donn mwan laparol mon'n demann en senp leklersisman, *and for some reason* mon'n ganny inyore.

Mon'n zis senpleman demande eski i egziste en definisyon *for organs of State anywhere* dan lorganon Sesel? Se tou.

**MR SPEAKER**

*Ok panel*, Minis. Likel ki pou adres sa? *Counsel*.

**LEGAL DRAFTSPERSON  
IRENE SIRAME**

*No, it does not exist as far as....*



**HON JOHAN LOZE**

Mr Speaker *but then what are we trying to say by 'organ of State'?* Kwa sa, sa animal la?

**MR SPEAKER**

Ok. Ou ankor lo menm pwen Onorab Pillay? *Yes ok.* Adrese apre nou ava ganny en sel repons.

**HON SEBASTIEN PILLAY**

Mersi Mr Speaker. Mr Speaker problemm i vin aköz nou'n servi sa definisyon pou dekrir *everything that fall under the State.* And then nou met li as *organ of State.*

Me Onorab Loze i annan en pwen. *There is no definition for those organs of State. So, what exactly is meant par sa ki zot pe sey dir organ of State?* Konpran?

*We have to take this seriously* aköz nou le ki sa Lalwa ler i sorti i sorti byen. Nou setyenm Lasanble fodre nou bann Lalwa i lo en standar.

Onorab Georges i konnen ler nou, nou koze i byen nou.

**MR SPEAKER**

Ok. Vi ki *Counsel* in dir napa definisyon *organ*, eski i annan en lot mo ki kapab ganny mete la ki *capture the intention of* lekel ki devret ed Komisyon pou perform son fonksyon?

Yes Onorab Georges?

**HON BERNARD GEORGES**

Mr Chair Mersi. I pa aköz napa en definisyon ki nou pa kapab servi sa. *It is a well-known term of art. Organ of States se every MDA, every part of the structure of the State will assist the Commission to perform its function.*

Mon krwar ler nou napa en definisyon *we fall back on the general linguistic definition.* Mersi.

**MR SPEAKER**

Minis?

**MINISTER NAADIR HASSAN**

Mersi Mr Chair. Zis pou donn *policy intention of sa clause.* Se ki tou antite Gouvernman i la pou ed PEMC dan son louvraz ki i fer. *So that was the policy intention.* E ler mon regard enterpretasyon Onorab Georges mon krwar sa *policy intention is covered by the wording.* Mersi.

**MR SPEAKER**

Onorab Loze.

**HON JOHAN LOZE**

Mr Speaker be Minis in kler li. In dir tou antite Gouvernman. Be pa dir an Angle sa? Pa nobou ekrir an Angle sa ki Minis in dir la? I kler li.

Rezon ki mon lev sa pwen se ki sa term *organ at State* parey Onorab Georges in dir *general definition, the art of*

*whatever it is - different countries it means different things. Si ou pou al dan Konstitisyon Lenn i defini dan zot Konstitisyon koman Lezislatif, Egzekitiv avek Zidisyer.*

*Nou isi nou fall back lo general interpretation. Be nou annan en imprecision of language. E Minis in dir en keksoz an Kreol la ki precise, ki kler.*

**MR SPEAKER**

*Wi mon ti ava dir Minis konsider sa parske i en pwen ki Onorab Loze in fer ki mon aksepte, in linguistic term an organ of State can also mean the Assembly par egzanp.*

*So eski i enkli sa? Minis.*

**MINISTER NAADIR HASSAN**

*Mersi Mr Chair. Mr Chair mwan mon'n eksplik from a policy intention kwa ki nou ti anvi i antre la, me mon ava pas avek AG's Office pou donn en konfirmasyon.*

*Mwan mon'n state the policy intention, eski AG's Office i feel poudir sa policy intention in ganny capture la or not, mon pa en avoka. Mersi.*

**MR SPEAKER**

*Mersi. AG's Office. Counsel.*

**LEGAL DRAFTSPERSON**  
**IRENE SIRAME**

*As far as I am concerned it has been captured. Because in our Constitution it is clear, organ of Government means the Legislature, the Executive, and the Judiciary.*

**MR SPEAKER**

*Yes.?*

**HON SEBASTIEN PILLAY**

*Mr Speaker I understand what you mean. It is an organ of Government not of the State. You see an organ of the State ki ou mon pe koz lo la par egzanp in terms of CAA.*

*CAA has its own independence. The National Assembly has its own independence. The Judiciary has its independence.*

*You cannot force them to comply with anything that the Commission will ask. They will act within their mandate as it relates to work, travay ki Komisyon pou fer.*

*What you are saying la se ki sa Lalwa pe supersede lendepandans Lasanble Nasyonal. E mwan mon bezwen par egzanp ki dir "assist the Commission to perform its function effectively", non.*

*Mon pou fer oversight pou asire ki the Commission i perform son function effectively. It is the other way round.*

*The Commission i ava asiste mwan koman Lasanble Nasyonal dan mon fonksyon. I ava asiste Zidisyer dan son fonksyon.*

*So, you have to be clear about sa akoz ou pe kre en constitutional ambiguity ki pa sipoze la. Lentansyon policy-makers se zot le ki bann antite Gouvernman as it relates to ACCS, as it relates to lezot, i bezwen asiste li dan son travay.*

*But even then, ou bezwen get zot lenterpretasyon. Akoz par egzanp Lalwa ICCS pa i dir ou poudir ACCS shall act independent of okenn sa?*

*Be ou pe met en lobligasyon lo li to assist the Commission. The Commission can seek the assistance of ACCS. Ki en Law Enforcement Authority ki en, quasi en independent body.*

*It can seek the assistance of the Auditor General. Ki ganny govern anba son prop Lalwa. Konpran?*

**MR SPEAKER**

*Eski panel, Manm ti ava kontan konsider oubyen propoz en lamannman that would read something like “each organ of the Executive Government”? Minis.*

**MINISTER NAADIR HASSAN**

*Mersi Mr Chair. Mr Chair Legal Draftsperson annan en*

*propozisyon pou fer lo la. Mersi.*

**MR SPEAKER**

*Yes please. Madam Counsel avans mikro avek ou silvouple. Mon'n konpran ou'n dir Government in the place of State la, se sa?*

**LEGAL DRAFTSPERSON  
IRENE SIRAME**

*Mr Chair mon pe propoz Government entity.*

**MR SPEAKER**

*In place of ‘State’? Ok? Madanm Counsel relir sa bout sa fraz silvouple ki ou pe propoze. Madanm Counsel.*

**LEGAL DRAFTSPERSON  
IRENE SIRAME**

*Savedir mon pe propoz ‘each Government entity shall assist the Commission to perform its function effectively’.*

**MR SPEAKER**

*Onorab Georges.*

**HON BERNARD GEORGES**

*Mersi Mr Chair. Mr Chair wi it is better, but the problem is i ankor still open-ended akoz mon krwar ki nou still kapab define nou lekor, oubyen Judiciary as a Government entity. Because there are 3 branches of Government.*

*Eski mon ti ava kapab propoze e se pou sa rezon ki*

mon'n ankouraz Onorab Loze pou retourn lo la, akoz *it is an important consideration*.

Eski mon, akoz mon vwar egzaktaman pwen ki Onorab Leader Lopozisyon in fer. Nou bezwen mentenir nou lendepandans e *definitely Judiciary* pou bezwen mentenir sa ki pou li.

*How about this, "each organ of the State shall, without compromising its authority and independence, assist the Commission to perform its functions effectively."*

Sa i donn en *escape hatch* akoz se sa mo "*shall*".

### **MR SPEAKER**

Yes Onorab Pillay.

### **HON SEBASTIEN PILLAY**

Mersi Mr Speaker. *Might we be going about this the wrong way?* Nou pe obliz bann *organs of State to assist the Commission*.

Akoz nou pa dir *the Commission* i kapab ganny lasistans bann *organs of State* dan *delivery of son fonksyon*.

Eski sa pou *depart* tro bokou *form sa policy initiative* ki Gouvernman i annan.

Mon konpran ki Gouvernman i le dir. Bann antite pou bezwen asiste sa Komisyon dan performans son fonksyon. I annan diferan antite ki fer diferan fonksyon

Sesel. E sa i enkli bann *MDAs*, bann departman, bann Minister, bann lezot aktivite. Ki kapab *Tender Board* i kapab lezot.

*But without compromising* mon konpran sa ki Onorab Georges in dir me nou met li apre *Executive branch* petet.

### **MR SPEAKER**

Wi, non rezon ki mon war, mon pa tro anvri antre dan deba be selman mon krwar poudir Minis in dir poudir son lentansyon sete *MDAs and similar institutions*.

So klerman sa *Judiciary* avek *Legislature* pa ti dan son lentansyon. Minis ou le retourn lo la *please?*

### **MINISTER NAADIR HASSAN**

Mersi Mr Chair. Mr Chair mon ava propoze ki nou met *each organ of the Executive, of the Executive branch shall assist the Commission to perform its functions*.

### **MR SPEAKER**

Ok. Tre byen. Manm i aksepte sa? *Good*. Onorab Hoareau nou a kontinyen.

### **HON JOHN HOAREAU**

Mersi Mr Chair. Mr Chair lo paz 11 ankor 8 (1) nou fini agree lo la so nou pa pou perdi letan lo la.

Nou ava al lo paz 12. 10 (b). Mon ava les Onorab Georges eksplik en pti kou sa propozisyon ki i annan.

**MR SPEAKER**

Onorab Georges.

**HON BERNARD GEORGES**

Yes, mersi Mr Chair, *in fact* mon vwar ki *Acting CEO* in dakor. Mon ti anvi, aköz nou, i annan en definisyon *principal officers* an ler ki al en pe pli lwen ki sa enn. E mon ti pe zis propoze ki nou *add public officers as well*.

So *'is serving as the chief executive officer, member of the Board of any enterprise, public officer - sorry Principal officers'* eksetera.

*'Chief executive officer or member of the Board of any public enterprise, its subsidiaries, joint venture, or associate; so, in serving as chief executive officer, principal officer or member of the Board of any public enterprise'* eksetera.

**MR SPEAKER**

*Thank you.* Mon krwar sa i kler. Minis, *panel*. Yes Mrs Croise.

**EXECUTIVE DIRECTOR  
OFFICE OF THE  
SECRETARY OF STATE  
IRENE CROISE**

Mr Chair *we agree on the proposal.*

**MR SPEAKER**

*Thank you. This is settled.* Onorab Hoareau.

**HON JOHN HOAREAU**

*Ok we move on to page 13. Page 13 Clause 14 (1) (a) ki nou pe suggest.*

**MR SPEAKER**

*Sorry eskiz mwan. Kekfwa nou'n sote.* Onorab Cosgrow.

**HON WALLACE COSGROW**

Mersi Mr Speaker. Mr Speaker mon le zis troun lo 9 anler *appointment of Commissioners.*

Mon war i annan en pti pe kontradiksyon la *appointment of Commissioners.* Minis li menm i partisip dan apwentman Komisyoner. Anba sa *clause 9 (1)*. Me solman Minis li osi i kapab donn direksyon si mon pa tronpe konn Komisyoner pli tar dan Lalwa Mr Speaker.

Mon pe sey rod sa *clause*. Be solman i annan sa konfizyon ant lapwentman Komisyoner apre Minis i osi kapab donn direktiv Komisyoner. So Mr Speaker mon pe gete si eski sa pou nou, nou war li i korek Mr Speaker mon pe zis rod sa *clause* mon pa pe war li.

Me solman si Minis pa krwar i annan serten konfli ladan la Mr Speaker? Mersi.

**MR SPEAKER**

Minis ou'n konpran kote nou ete?

**MINISTER NAADIR HASSAN**

Mersi Mr Chair. Mersi Onorab. So, seksyon 9 (1) (2) i eksplik prosedir pou apwent *the* - sa ki *previously* nou ti dir *the Board of* - sa nou apel zot *the Commissioner. The Board of Commissioners, ok.*

*Which* i ganny apwente *upon recommendation of the Minister. Well, the President appoints upon recommendation of the Minister.* E *clause* ki ou pe, ki *clause* egzakteman pli tar ki ou dir ou annan *conflict* Onorab? 17.

**HON WALLACE COSGROW**

Mr Speaker mon'n perdi li la. Mon pou, *let me get back to it and then I will get back to.*

**MINISTER NAADIR HASSAN**

Seksyon 17 (1). *“The Minister may give to the Commission such directives as appear to him to be just and proper for the effective discharge of the functions of the Commission”.*

Sa i prerogativ Minis pou donn serten direktiv lo fonksyon. I *link up* avek sa ki nou ti pe koz lo la taler ki ti

annan sa dezagreman lo *administrative autonomy and functional autonomy, which are two different things.*

So, mon anliny avek sa ki mon'n mansyonnen taler mon pa war en konfli. Mersi.

**HON WALLACE COSGROW**

Wi Mr Speaker egzakteman se akoz mon krwar Minis pa'n war sa difikilte ant *administrative autonomy* avek sa *functional directive* ki, sa *functional directive* ki zot donnen. E mon krwar sanmenm sa petet ki Minis pa pe - mon pa konnen si ou pare pou bouze lo sa enn anvi ki ou pa'n pare pou bouze lo lot, lo sa enn *previously*.

Akoz mwan mon war i annan en konfli la, vi ki Minis pe apwente apre Minis i osi donn direktiv. So eski napa en konfli Mr Speaker dan sa laliny?

E i *tie in* lo sa pwen ki mon'n fer boner dan mon lentervansyon boner, kot i annan tro bokou lenterferans. Konmsi Minis i annan tro bokou pouvwar lo sa Komisyon, lo sa antite li menm Mr Speaker.

**MR SPEAKER**

Minis.

**MINISTER NAADIR HASSAN**

Mersi Mr Speaker, Mersi Onorab. Mr Chair i pa fer

premye Lalwa ki mon vin prezante kot i annan bokou kestyon konsern lo pouvwar Minis sorti kot parti Lopoziyon.

Me dan en sistenm, Sesel i annan en sistenm Egzekitiv, en - annou pa bliye Konstitisyon in *set up* en sistenm Egzekitiv, e Egzekitiv i annan responsabilite pou fonksyonman bann *organs of the Executive branch*.

Sa i bann prerogativ ki Prezidan ler i ganny elekte avek popilasyon i ganny sa manda, e sa manda *through the Cabinet of Ministers*, e dan *Ministers* zot menm i *delegate* sa responsabilite ki lepep i donn li.

So, mon konnen ler ou dan lopoziyon ou war pouvwar Minis i bokou, ler ou dan Gouvernman ou pa war li bokou. Me sa i loptik ou pou get li.

Mon asire Onorab ler i ti Minis i ti pou argimant lot kote, la i pou. Be i senpleman loptik ki ou pe get li e mon pa war okenn konfli. Mersi.

### **MR SPEAKER**

Onorab Cosgrow mon ava aksepte en pwen ki Minis in fer;- sa size pouvwar Minis in en size ki nou'n diskite kontinyelman dan bann Lalwa.

*Obviously, the intention is for it to be there. So mwan mon*

krwar ou bezwen aksepte poudir sa i lentansyon sa Lalwa.

Onorab Vidot.

### **HON AUDREY VIDOT**

Mr Speaker, nou respekte lo sa size nou. Me selman sa ki nou baze lo repons ki Minis in donn Onorab Cosgrow. Gouvernman in sanze e lo zot *Cabinet* i annan en Minis ki ler i ti dan sizyenm Lasanble, i ti annan en *issue* avek sa zafer kontrol pou Minis. E la ozordi i dan *Cabinet*.

Eski zot, letan zot in pran pouvwar, zot in, konmsi in nepli zot prensip oubyen zot in zis decide pou zot kontinyen avek sa pratik? Ou konpran?

Konmsi eklersi. Koumsa nou pa bezwen demann ankor Mr Speaker.

### **MR SPEAKER**

Minis not sa pwen. Me selman mon krwar nou pa kapab aret diskisyon lo sa Lalwa, pou nou antre dan sa diskisyon filozofik. Nou zis dezwen aksepte poudir *that is the principle* ki'n ganny servi la.

So, eskiz mwan. Onorab Hoareau ou ava kapab kontinyen.

### **HON JOHN HOAREAU**

Mersi Mr Chair. Mr Chair lo paz 13, 14 (1) (a) mon pa war okenn sir ki zot in endike ki zot

dakor avek so mon pou raise sa.

*'The office of a Commissioner shall become vacant, (a) upon resignation' of the Commissioner by' e nou insert 'after giving notice of twenty-eight days in writing to the President'.*

*Ok? And then (c) nou pe retir...*

**MR SPEAKER**

Eskiz mwan ou bezwen, ou pa bezwen *approval* Minis lo la, in dakor?

**HON JOHN HOAREAU**

Zot in *indicate* ki zot dakor. Zot *indicate* ki zot dakor.

**MR SPEAKER**

*Ok. Onorab Gill. Kot ou ete?*

**HON CHURCHILL GILL**

Mersi Mr Speaker. Lo menm *clause* me selman (b) avan ki li i al (c). ler sa paragraf i fini, i fini 2 fwa ek *Minister. 'By the responsible Minister or the Minister;*

*Is it ok sa? Koumsanmenm zot ti le? Ok.*

**HON JOHN HOAREAU**

*Yes 'the Minister' i mean the Minister for Finance. Responsible Minister i son line Minister.*

*Ok (c) 'upon disqualification from serving as*

*a Commissioner under the Section 10', 'the' i ganny remove.*

*Ok paz 14 i ok zot in agree. Paz 15 osi zot in agree. Paz-*

**MR SPEAKER**

*One second mon krwar i annan kestyon kot nou'n pase la. Onorab Pillay.*

**HON SEBASTIEN PILLAY**

Mersi Mr Speaker, mon le *refer* lo *clause 17*.

**MR SPEAKER**

*Yes.*

**HON SEBASTIEN PILLAY**

*Ok. Clause 17 mon annan en konsern ok. Nou ti'n fini deal avek bann size Komisyoner anler. Me an ski konsern Clause 17 (1).*

*'The Minister may give to the Commission such directives as appear to him just and proper.'*

Prezan in osi dir poudir Minis i annan serten kontrol vizavi bann *Policy* ki Gouvernman i met an plas.

Nou'n annan 2 legzanp resaman kot bann *policy* ki Gouvernman in met an plas, enn regarding par egzanp logmantasyon saler.

E lot regarding *payment of thirteenth month salaries* ki ler nou'n ekout bann *Board*



koze, zot, zot napa problemm pou zot peye.

Par egzanp annou *refer to PUC* par egzanp. Eski Minis pa krwar poudir sa pouvwar, e dan lespri en pti pe liberalis ki Onorab Georges in koz lo la, mon *hope* ki i siport mwan la.

*That means* ki ou annan kontrol lo en desizyon ki sa *Board* in fer apre ki in fer son *due diligence* e i krwar i kapab siport sa ki i pe fer?

E mon konsern se ki prezan *vacillation* lo nivo Gouvernman pou fer ki sa bann *Board* pa pou kapab *enact* sa bann pozisyon ki zot pran.

So eski Minis i kapab eksplik nou, kwa ki i pe *mean by 'directives'*? An ski konsern sa *clause 17 (1)*.

Dan *17 (2)* mon pa konnen si in fini ganny korize. Nou pe koz *'the Minister, the responsible Ministers with the consent of the Minister'*. Mon war en *'the'* i manke dan sa *clause*.

Ya i mank en, i mank en *'the'* la dan sa *clause*. In retire. Ok. So eski Minis i kapab eksplik *17 (1)* Mr Speaker? Pa eksplike me klarifye lo sa *directive*. Akoz nou'n koz lo *autonomy for administrative function for the Commission*. Be la nou pe koz spesifikman to bann *SOE's* akoz *PEMC last year* li ki ti pe *issue* let avek

bann *SOE's* pou zot pa pey trezyenm mwan saler.

Mersi Mr Speaker.

### **MINISTER NAADIR HASSAN**

Mersi Mr Chair. Mersi Onorab. Onorab seksyon *17 (1)* i seksyon mon krwar mon'n eksplik plis *in terms of* son rasyonal e akoz ki Egzekitiv i devret dan en pozisyon. Mon mazine kekfw a ou ti'n sorti ler mon'n eksplik mon pozisyon avek Onorab Cosgrow.

Akoz ki Egzekitiv i devret annan pouvwar pou donn direktiv Komisyon. Ok. So mon pa le al ankor ladan dan kontrent letan Mr Chair akoz mon'n eksplik bokou lo seksyon *17 (1)*. Mersi.

### **MR SPEAKER**

*Thank you*. Mon pa konnen lekel ki. Les mon ava les *LOTO* fini avek son pwen. Me selman nou pa pou kapab kontinyen diskite sa. *LOTO?*

### **HON SEBASTIEN PILLAY**

Mersi Mr Speaker. Mon konpran ki ou pe dir. Me Minis mon pe regard bann *statement* ki'n ganny *carried* dan medya ler *PEMC* ti *issue* sa let.

E enn ou bann *statement* ou sete ki, sa i *PEMC* apre ki in fer son travay. E sa ti an relasyon avek bann let ki ti

sirkile *regarding PEMC* ti ekrir *PUC*.

Ou pe dir ek mwan poudir ou le *retain* serten kontrol. Me dan medya ou ti dir en lot keksoz diferan. So klarifye pou mwan *which is which* la? Savedir ler *PEMC* pou *issue* en let par egzanp avek *Board SCAA* pou pa pey son travayer pa egzanp logmantasyon *or anything, or issue* avek *PUC* pou pa pey trezyenm mwan *or bonous*, eski ki *PEMC* ki pe *issue* sa let? Oubyen se Minis ki pe *issue* sa let an traver *PEMC*? Nou bezwen ganny sa kler Mr Speaker. Se sa en *sticking point* ki nou, nou annan lo sa Lalwa.

Si nou ti napa sa bann problem, nou ti pe siporte sa Lalwa Mr Speaker. Be nou annan bann problem, bann keksoz ki nou pa, nou'n santi poudir i annan bann lenterferans dan travay bann *SOE's* e sirtou ban desizyon bann *Board* e travay *PEMC* ki pou nou pa fer sans Mr Speaker.

E Minis i dir en keksoz *and then* fer en lot. So, i dir nou in eksplik, be eksplik nou sa *statement* ki i ti fer.

### **MR SPEAKER**

Non, i ava eksplik nou sa Lalwa. Minis?

### **MINISTER NAADIR HASSAN**

Mersi Mr Chair. Mersi Onorab. mon byen konpran ou sa ki ou le mon dir pou ou *purpose* politik mon krwar, mon konpran byen ki ou le mon dir.

Me mon la pou mon reponn kestyon lo sa .... Mr Speaker mon napa plis pou dir akoz ozordi mon la pou koz lo *clause* dan, *clause* 17 (1) ek (2). Mon pa konnen ki Onorab i le mon dir. Mersi.

### **MR SPEAKER**

Onorab Cosgrow.

### **HON WALLACE COSGROW**

Ya, Mr Speaker pou mwan sey *convince* Minis *otherwise* lo sa *clause* 17 (1) en? Si mon pran son largiman ki i ti fer boner avek nou an se ki konsern *Nouvobanq* e lefe ki *or labank*.

E lefe ki *Central Bank* pa pou *allow* Gouvernman pou *dictate the dividend payment to the shareholder*. I pou respekte desizyon *Board*.

So si nou pran sa nou *extend* li *to the* - konmsi nou *extend the same courtesy* to sa bann *Board of* sa bann *enterprises*. E ou koman Minis *or whoever* koman Minis, i osi donn serten respe serten lotonomi sa bann *Board* pou fer serten desizyon.

E ki Minis pa antre dan desizyon sa bann, zis parey lo kote labank, ou *extend the same courtesy* avek sa bann *SOEs* e ki Minis i limit son

enteraksyon avek sa bann SOEs dan en fason kot i respekte osi serten lotonomi, pa lotonomi me selman serten pouvwar sa bann *Board* pou fer serten travay.

So si mon kapab *sway* ou lo sa kote pou nou kapab tir en pe, *dilute* en pe bann *powers* ki Minis i annan anba 17 (1). Mersi.

**MR SPEAKER**

Minis.

**MINISTER NAADIR HASSAN**

Mersi Mr Chair. Mersi Onorab. Kekfwa Onorab pou reponn ou kestyon, mon ava demann ou en kestyon. Si ou, non, non zis pou mon *illustrate* en pwen mon bezwen *illustrate* en pwen.

**MR SPEAKER**

Non, en kestyon retorik. En kestyon retorik.

**MINISTER NAADIR HASSAN**

Ok Onorab. Mon ava met li dan en konteks en dimoun fiksyonnel. *So individual x* i annan li en lakonpanyen, i *owner of* sa lakonpanyen *ok?* E i annan de lezot *owner y, z,* *ok* li i *majority shareholder* li.

I apwent en *Board* pou *run* son lakonpanyen *ok,* ou pe *follow* mwan la? Sa *Board* pa pe *act in accordance* avek lentere *shareholder*.

Eski *shareholder* i devret annan pouvwar pou li *dismiss* sa *Board,* ou donn direktiv sa *Board?*

**MR SPEAKER**

Ok. Look, Minis.

**MINISTER NAADIR HASSAN**

Mon le eksplik, Mr Chair mon le eksplik Onorab akoz pou labank i diferan.

*The bank* i spesyal li, *it is a regulated entity.* I diferan avek en antite ki pa ganny *related.*

Lezot lakonpanyen anba *Companies Act* *this is the way it works.* Me en labank akoz i *hold depositors funds* sanmenm sa i annan ekstra restriksyon lo li. Zis pou mon klersi sa pwen. Mersi.

**MR SPEAKER**

Mersi, mon krwar i kler ki Minis in dir pa son lentansyon pou li sanz sa *policy* ki in mete la - sa prensip. A mwen ki Lasanble i le *override* e re ekrir sa Lalwa, nou pou bezwen *move on* pase lo la.

Onorab Pillay, wi- nou *move on.*

**HON SEBASTIEN PILLAY**

Mersi Mr Speaker. Mon pou fer mon dernyen komanter lo sa size baze lo sa ki Minis in dir nou.

Minis i liste en pwen fasinan, i dir nou poudir sa de

endividi *x* ek *y* dan sirkonstans kot sa *Board* pa pe *act* dan lentere Gouvernman.

Eski Minis pe dir mon ki dan lentere ki travayer *PUC* kot *Board* ti dakor pou donn sa logmantasyon, e Gouvernman son desizyon pa ti baze lo lefe ki *PUC* pa kapab peye. Ti baze lo lefe ki ti'n pran en desizyon *across the board as en policy decision* pou tou bann *SOEs* pa peye. Sa ki mon pwen.

Sa ti napa naryen pou fer avek sa antite. E *this is the problem* ki nou pe, diferans ki nou pe annan menm si Minis i servi son legzanp fiktif.

Son legzanp fiktif son largiman i tonbe par son prop lesplikasyon. Akoz sa ki nou pe dir ek li, e si li i pe dir nou sa, mon napa okenn lentere fer politik ek sa Mr Speaker, non pa sa.

Ok Mr Speaker, eski Minis pe dir ek bann travayer *PUC* demen ki si zot *Board* i deside apre travay ki zot in fer, zot konpanyen in fer profi e i kapab pey zot en bonous.

Si Gouvernman pa pe kapab peye dan lezot antite, zot pa pou ganny peye akoz i pou en *policy* Gouvernman ki *PUC* pou bezwen *comply* malgre son *Board* in deside lo baz prodiktivite, pou donn son bann travayer?

*This is what the, I rest my case* Mr Speaker. *This is what he is telling us.* Nou pa sanze nou kit li parey, *fair enough*, napa problemm.

### **MR SPEAKER**

Please nou pa Kapab ziz sa Lalwa an term ka spesifik ki kapab arive soz. Nou bezwen les li sa.

Onorab Loze ou ankor lo sa pwen la ou?

### **HON JOHAN LOZE**

Non Mr Speaker. Mon ti'n lev mon lanmen avan e separeman. Mon *just a little bit down*, mon ti le *point out* en keksoz lo 18 (1) anba *protection for actions taken under his Act. Ok?*

18 (1) i states, “no commissioner shall assume any management responsibility or be involved in the day-to-day administration of the Commission or any public enterprise and any Commissioner who fails to comply with this provision shall be personally liable for any loss or damage caused”.

Mon kekyon ki mwan mon ti le leklersisman ki mon le rode, ou *point out* lo komansman en *clear infraction* - “No Commissioner shall assume any management responsibility”.

Be ou preskripsyon ki ou mete i pa adres ki in

*assume management responsibility* ki i pa ti devret, ou preskripsyon i plito adres ki si i *fail to comply*, i pou annan *personal liability for loss or damage caused*.

Be ou enfraksyon ki ou'n *state* anler i pa ganny adrese li. I adres si, be si napa *loss or damage caused*, i ok li, in ... in fer en keksoz ki ou dir li pa fer e ou pa adres sa.

E prezan mon ti annan en lot kestyon. Akoz sa i tonm anba *protection for actions taken under his Act? How is this a protection for action taken under this Act?* Mersi Mr Speaker.

#### **MR SPEAKER**

Mersi. Minis ou le adrese? Minis I annan en repons sorti kot *panel* oubyen-?

#### **MINISTER NAADIR HASSAN**

Mr Chair mon ava pas laparol avek AG's Office pou sa enn.

#### **MR SPEAKER**

Yes, Madanm Counsel.

#### **LEGAL DRAFTSPERSON** **IRENE SIRAME**

Mr Chair mon ti ava kontan Onorab i repet e pti kou son kestyon *please*. Mon ti ava kontan Mr Loze, ou repet ou kestyon.

#### **MR SPEAKER**

Klarifye silvouple Onorab.

#### **HON JOHAN LOZE**

Yes, Mr Speaker. Mon le adres 18 (1) anba *protection for actions under this Act*.

18(1) i komanse. "No Commissioner shall assume any management responsibility or be involved in the day-to-day administration of the Commission or any public enterprise".

Bon, sa ou'n dir klerman sa ou'n set out ki i pa devret fer. 'And any Commissioner who fails to comply with the provision shall be personally liable for any loss or damage caused'.

Mon kestyon ki mon pe demande mwan, ou'n *state* en enfraksyon lo komansman. "No Commissioner shall assume any management responsibility or be involved in the day-to-day administration of the Commission or any public enterprise". Ou'n dir kler.

Now your prescription ki ou mete for this infraction se, "and any Commissioner who fails to comply with this provision shall be personally liable for any loss or damage caused".

But your prescription i adres *loss or damage caused*. It does not address the fact ki he has caused an infraction ki ou'n dir li pa fer. Which is to take, to get involved in the day-

*to-day administration. You do not address this.*

*So, this person can ... par taking the day-to-day administration of the Commission or of a public enterprise and if he does not cause, incur any loss or damage, he walks away into the sunset scout free, no penalties.*

*And prezan mon'n further enquire why is this protection for actions taken, protections for actions taken under this Act? How is this a protection for an action taken under this Act?*

**LEGAL DRAFTSPERSON**  
**IRENE SIRAME**

*Mr, Chair I think we have, kekfw a i ariv en kot nou'n - i pa en mistake me selman annan de ler dan drafting ou ganny caught up avek so many words.*

*I believe that it should, there should be a full stop in the third line after "enterprise." And the rest of the word should be deleted accordingly. Should be deleted.*

**MR SPEAKER**

*Yes, Onorab Georges in lev lanmen avan.*

**HON BERNARD GEORGES**

*Mersi Mr Chair. Mr Chair, permet mwan retourn lo sa pozisyon. Mon - Mr Speaker*

*mon ti a reponn sa kestyon avek ou permisyon dan en fason diferan.*

*Mon pa vwar ki neseserman i annan en - ki sa dezyenm parti sa clause 18 (1) i pa swiv avek son enn premye.*

*Akoz sel keksoz 18 (1) pe dir se si i annan sa lenfraksyon e si i annan okenn loss or damage, sa Commissioner pou vin responsab.*

*Generally, pou son lofans ki i komet, by assuming management responsibility, in anyway whether or not there is any loss or damage caused i ganny kouver anba clause 84 (d) - 94 (d) ki dir 'any offence under this Act, any contravention of this Act is an offence'.*

*Alors sa premye bout i ava ganny captured by 94 (d) sa dezyenm bout i "civil liability for loss or damage". Mon pa vwar ki i annan en problemn.*

*As for the second question of Onorab, mon krwar protection i ganny it is the headnote. E si i pa apply to 18 (1) i sertennman apply to 18 (2) and 18 (3) and 18 (4). Tousala se bann proteksyon ki sa Lalwa i donn li.*

*Mr Chair, eski mon kapab pandan ki mon annan, non mon ava retourn lo la apre. Mon annan en lot keksoz pou koz lo la. Mersi.*

**MR SPEAKER**

Mersi. Onorab Pillay si ou le adres sa apre ou ava pran repons Minis.

**HON SEBASTIEN PILLAY**

Mersi Mr Chairman, Mr Chairman mon krwar pwen Onorab Loze se ki 18 (1) - 18 (1) napa plas la.

*Akoz protection for action taken under this Act is protection for action that in good faith. So that applies to number 2, it applies to 3. Akoz 3 - 18 (3) i dir poudir okenn expenses incurred blah, blah, blah dan en suit pou ganny recovered dan en fason.*

So, sa i deal avek bann aksyon ki'n ganny fer *in good faith*. Be premye aksyon i pa en aksyon ki'n ganny fer *in good faith*.

Premye aksyon i en aksyon ki'n ganny fer *in bad faith* akoz ou'n dir li poudir pa bezwen la pran en responsabilite. Ou konpran?

*So, there should be, i pa sipoze pe ganny okenn protection la. This clause 18 (1) should not be here. 18 (1) i devret desann anba kot i liability pou bann aksyon ki i pou fer ki mal.*

*So that means ki sa i bezwen ganny retire kot i ete and then 18 (2) i devret vin 18 (1) and then subsequently 18*

*(3) i ava vin 2 and the 4 i ava vin 3.*

*Because (1) does not make sense where it is. (1) i en liability ki sa Commissioner pou incur akoz in fer en aksyon in bad faith.*

Sa clause ki la i sipoze protez bann aksyon ki *done in good faith*. Wi Mr Speaker. Mersi. Nou'n lir *Bill* nou, en?

**MR SPEAKER**

Mon vreman pa konnen si en sizesyon i kapab ede oubyen non. *Obviously*, mon sezi sa pwen poudir i annan diferan kalite aksyon la. *Would it help if this, the heading is protection or responsibility for actions taken under this Act?*

Wi akoz sa premye i responsabilite en Komisyoner. Lezot i *provide protection* pou soz lo la. Mon zis met sa pou konsiderasyon an ka. Minis?

**MINISTER NAADIR HASSAN**

Mersi Mr Chair, mon pe zis regarde kekfwa si nou *move* sa 18 (1) anba seksyon 94 kot i koz 'offences and non-compliance.'

**MR SPEAKER**

Ok si Minis i propoz sa Manm i aksepte.

**MINISTER NAADIR HASSAN**

Non, non. Non, non, non, non, i pa pou marse Mr Chair, akoz sa i *non-compliance, it is not*

*from the perspective of the Commissioners but the public enterprise.*

Non, non, i pa pou bon dan 94.

**MR SPEAKER**

*Thank you.* Onorab Pillay, wi?

**HON SEBASTIEN PILLAY**

I pa pou kapab al anba 94, i pou bezwen vin avan 94. Akoz i pou en ofans anba sa Lalwa li. I pou en lofans, e i pou en lofans ki annan en penalti ek li.

I deza en lofans, nou'n fini fer li vin en lofans e i annan en penalti ki li ki pou pey sa *loss or damage*.

94 li i *about* en dimoun ki pa pe donn lenformasyon, so 94 i ava *prescribed* bann lofans ki ava enkli en *Commissioner* ki pran sa *management responsibility* pou oubyen sa lot bout. Kot la i vin *liable*.

Akoz i pa, nou pa kapab donn li en proteksyon pou sa. I bezwen sorti kot i ete anler. Ki mon pe sizere, ou ava annan en 94 1 (a) oubyen en 94 (a) ki ava dir nou pran sa *clause 18 (1)* i ava vin sa nouvo 94 (a) then ou ava annan 94.

Akoz i deza en lofans anba sa Lalwa ki i pe komet.

**MR SPEAKER**

Yes Onorab Georges.

**HON BERNARD GEORGES**

Mersi Mr Chair. Mr Chair mon krwar ki, mon pa vwar *frankly* akoz nou pe pas letan lo la. E mon pe mazine ki erezman i annan *meeting* Au Cap ozordi, akoz si bann dimoun dan lakour ti pe vey nou e ki zot ti napa en lot keksoz pou veye, zot ti'n komet swisid depi byen lontan avek lafason ki nou pe ale.

E mon pa pe koz zis pou lot kote, mon pe koz lo tou lede kote akoz mon mazine sa ki nou pe fer la i *super boring* pou okenn dimoun ki pe swiv nou.

Mon, en *headnote* zanmen pou kouver tou sa ki annan dan son seksyon ki swiv. I zis donn en lendikasyon.

*So perhaps to soz*, annou mete parey ou'n sizere. Ou ti'n sizer en?

**MR SPEAKER**

Mon ti propoz *responsibility and protection*.

**HON BERNARD GEORGES**

Wi *responsibility and protection for actions taken*. *That* fini avek. Mon krwar nou'n *deal* avek sa akoz *in any event* konsern Onorab Loze i ganny kouver anba 94 (d). *Over and above* sa i pe komet en lofans ki i kapab ganny pourswiv anba 94 (d).

Pandan ki mon annan laparol Mr Speaker avan ki



mon perdi. Si nou retourn lo 17 (2) Onorab Pillay in fer en propozisyon pli boner e mon dakor avek li. Mon pa krwar ki nou'n *capture* li.

E mon pe koz la pou *Senior Legal Officer* ki pe swiv e ki pe *track*. Mon krwar ki a lafen premye laliny dan 17 (2) nou bezwen *insert* en "*the*" *with the consent of the Minister* ki manke *for the time being*. E mon krwar Onorab Hoareau pli boner in mansyonn sa "*the*" ki nou ti'n siprimen en pti pe pli boner.

E ankor enn fwa pandan ki mon annan laparol e ankor enn fwa an traver, mon pe koz avek *Senior Legal Officer* atraver ou Mr Chair, e nou'n tonm dakor deza (*Mrs Croise or mademoiselle Croise? Madame? Mademoiselle Croise* in dir nou pli boner ki *fund of the Commission* i pou ganny partou e nou vwar ki 18 (3) ek (4) sa mo i aparet.

Sa fraz i aparet, e mon krwar ki partou kot nou'n deside i pou '*fund*' *with a small (f) ek Commission with a capital C*. Mersi.

#### **MR SPEAKER**

*Thank you. Yes, Onorab Pillay ki pwen kot nou ete?*

#### **HON SEBASTIEN PILLAY**

Mr Speaker mwan mon krwar ki nou bezwen annan, nou bezwen annan en separasyon

ant proteksyon pou aksyon ki ganny fer *in good faith e liability for action taken under this Act*.

Akoz enn, ou *liable* pou ou pran en aksyon pou, en aksyon ki'n ganny fer, ki ou pa sipoze fer. Lot ou ganny proteze pou en aksyon ki ou'n fer dan bonnfwa.

Si nou lir 18 (1), 18 (1) i koz lo en *personal liability* ki ou annan personnelman. So, sa i bezwen ganny dir klerman. Mon pe sizere nou reorganiz sa *clause* pou ki sa 18(1) i ava, ou ava annan 2 bout dan 18, enn ki koz lo *protection* enn ki koz lo *liability*.

Or ou met *liability and protections for actions taken under this Act*.

#### **MR SPEAKER**

*Well liability* i pase la mon krwar, wi. *Liability and protection*. Si Minis i dakor avek sa? *Yes Minister. Ok Minis in dakor so accepted*.

Onorab Hoareau *next one*.

#### **HON JOHN HOAREAU**

Mersi Mr Chair. Mr Chair nou pou bouz lo paz 15 ki napa, ki lezot keksoz in ganny agree lo la.

E 16 osi parey tou keksoz in ganny agree.

#### **MR SPEAKER**

Yes Onorab Loze. En moman.

**HON JOHAN LOZE**

Mersi Mr Speaker. Mon ti annan zis en konsern lo paz 16, 20 (3). *“The President shall, upon recommendation of the Commission, determine the terms and conditions of service of the Chief Executive Officer”*.

Mr Speaker mon, la ki Minis i la mon zis anvi met sa pwen devan. Be mon santi nou pou banaliz en pe tro Lofis Prezidan. *Why the Head of State of Larepublik Sesel pou la pou determin terms and conditions for their appointment of Chief Executive Officer konmsi?*

Be sa les avek *quelqu’un d’autre* ek *the Minister*. At best annou dir *the Minister*. Be pa mon Prezidan - i en pe, i nwizib sa enn Mr Speaker I am sorry.

**MR SPEAKER**

Ok Minis ou annan pwen lo la?

**MINISTER NAADIR HASSAN**

Mersi Mr Chair. Mr Chair ler mon regard sa *clause, the President is usually the appointing authority*. E *as the appointing authority* i apwent sa dimoun lo son *terms and conditions*.

*But an pratik the terms and conditions* i ganny propoze ek Prezidan e li i apwent sa dimoun lo sa bann *terms and condition*.

Mwan mon regarde senpleman ki *given the President is the appointing authority then* i zis fer sans pou ki i osi annan sa *terms and, li osi determine the terms and conditions of service*. Mersi.

**MR SPEAKER**

*Thank you*. Onorab Pillay?

**HON SEBASTIEN PILLAY**

Mersi Mr Speaker. Mr Speaker. Onorab Loze i annan en pwen, akoz nou'n ganny kondisyonnen depi sizyenm Lasanble en gran parti par Onorab Ferrari ki ti kont sa.

E Onorab Georges sa letan osi ti kont sa. La in sanze la. Sa zafer Prezidan apwente e set kondisyon, akoz?

*PEMC* i sipoze set en *Remuneration Policy across bann SOEs* - mon korek la? *Because that was what the work* ki sa tim Ameriken in vin fer.

Be si pou annan en *Renumeration Policy across SOEs*, ki mannyer prezan nou pou annan en lot determinasyon kondisyon pou *CEO PEMC* li menm?

Pa i sipoze pe *comply to en policy* ki'n deza agree? I bezwen annan en keksoz ki dir poudir *having regards to government policy at the time*.

Nou bezwen *water* li *down* en pe, akoz sinon nou pou *right back to where we were* avan kot bann dimoun ki ganny apwente i desid zot saler, konpran? Mon pa war personn pe koze lo lot kote laba be-

**MR SPEAKER**

Non be kontinyen ou, ou koze ou, kontan ou annan laparol. Ok. En moman. *Order please! Order please!*

*(Interruption)*

**HON SEBASTIEN PILLAY**

*Order!* Mr Speaker mon pwen i se ki Prezidan pe fer sa lo rekomandasyon *Commission*. Mwan mon krwar *Commission* i bezwen *have regard to Government Policy at the time*. Akoz i pou bezwen *comply to* lezot keksoz ki an plas, akoz ou Minis Finans, ou bezwen mon krwar la ozordi, probableman dan, *in the near future* ou pe al *set out* en *policy regarding remuneration across* bann SOEs.

So, mon pa konnen si ou annan, si ou le met sa pou ki i ava vin anba ou *purview* en pti pe. Mersi.

**MR SPEAKER**

Mersi Minis ou le adres sa, apre nou ava pran lot pwen?

**MINISTER NAADIR HASSAN**

Yes, Mr Chair mersi. Onorab zis pou mwan klarifye la nou pe koz lo *appointment of the Chief Executive Officer of the Commission* en, pa *the public enterprise*.

*The public enterprise* li son *remuneration and benefits* i tonm anba seksyon 11 ki dir “*The salaries, allowances, benefits and other terms and conditions of service of the members*” non, non sorry.

*Ok this is for the Commission ok. Ok* met parey *ok-ok*. Ki nou ava fer nou ava swiv parey seksyon 11 kot nou ava dir ‘*shall be determined by the Government’s Remuneration Policy*’.

**MR SPEAKER**

Ok. Onorab Georges.

**HON BERNARD GEORGES**

Mersi Mr Chair, Mr Chair mon krwar i mon responsabilite koman reprezantan Gouvernman dan sa Lasanble, pou reponn en alegasyon ki ler Onorab Ferrari ti dan sa Lasanble, i pa ti dakor e Onorab Georges osi ki ti dan sa Lasanble pa ti dakor avek sa zafer Prezidan i apwent en *Chief Executive Officer* e i donn li son manda travay.

Efektivman Mr Chair efektivman. E si nou al lo *clause 20*, nou ava vwar ki mannyer nou lalit pandan sa long letan ki nou'n dan

Lopozisyon, in *achieve* sa ki nou ti anvi.

Akoz anba en Gouvernman *US Clause 20* ti pou lir “*the President shall appoint the Chief Executive Officer*”.

Anba en Gouvernman *LDS Clause 20* i dir “*The President shall, upon the recommendation of the Commission and in consultation with the Minister, appoint the CEO*”.

Lala diferans Mr Speaker, lala sa ki le 24 Oktob 2020 in anmennen pou Sesel.

**(APPLAUSE)**

**MR SPEAKER**

Bon, i annan pwen sibstantif ki'n ganny mansyonnen. Nou'n terminen avek pwen ki Minis in fer lo 23. In kler ki sanzman in fer.

Ok Onorab Pillay ki - kot ou pe? Son lanmen i ankor anler. Ok Onorab Cosgrow.

**HON WALLACE COSGROW**

Non Mr Speaker mon pwen i lo 20 (3). Mon krwar ou ti'n ganny Lagreman dan *Bills Committee* kot nou ti pou sanz sa, nou ti pou dir *as per Remuneration Policy*. E mon kontan in ganny dir - in ganny fer resorti ki nou met li *as per the Government's Renumeration Policy*.

Akoz *LOTO* in fer en pwen enportan. Nou pou al fer en *Remuneration Policy* pou bann, or *PEMC* pou fer en *policy* pou bann *SOEs* pou zot sivre aköz i annan en bon pe konplent dan lepase konmkwa poudir sakenn i regle son saler isi laba, e mon pou donn zot en Polisi pou zot swiv, me solman sa lorganizasyon ki pe *oversee* zot li i pa swiv *the government policy*.

Pou mon i mal e sanmenm sa ki nou ti dir ki i devret swiv *the government policy*. E mon apresye ki sa rekomandasyon *Bills Committee* Mr Chair in antre ladan.

Apré Mr Chair mon krwar apre midi si nou al lo sa ki Onorab Georges in dir taler zafer swisid, mon krwar nou tou li kote isi nou pou mor aköz nou pe tro koze, laba lot kote zot tou pou ankor vivan aköz personn pa pe dir naryen. Mersi Mr Speaker.

**MR SPEAKER**

*Well* ale. Pa antre, Onorab Cosgrow sa pa dan *Bill*. Onorab *LOTO* nou'n fini avek sa pwen.

**HON SEBASTIEN PILLAY**

Mersi Mr Speaker efektivman nou bezwen fini ek sa pwen aköz granmersi nou la dan *US* pou fer sa bann keksoz. Aköz lot kote laba zot ankor pe

dormi mon p konnen ki pe arive.

Mr Speaker, eski nou kapab ganny, *can we get the draftsperson, the representative of AG's Office to read the clause as it will be amended with the addendum that has been made by the Minister.*

Eski nou kapab ganny sa? *So that* nou ganny li kler Mr Speaker *so that* ler i sorti i sa ki nou lentansyon.

**MR SPEAKER**

Minis ou ki'n propoze silvouple repet sa *clause* an antye. *Yes Minister?*

**MINISTER NAADIR HASSAN**

Mersi Mr Chair. *"The President shall, upon recommendation of the Commission, determine the terms and conditions of service of the Chief Executive Officer in line with the Government Remuneration Policy".*

**HON SEBASTIEN PILLAY**

Mersi bokou Mr Speaker. Onorab Georges ou note?

**MR SPEAKER**

Wi ok tre byen. *Next point, that is done* Onorab Hoareau *next point.*

**HON JOHN HOAREAU**

*And shall be determined by the Government Remuneration Policy.*

**MR SPEAKER**

Ok. Kote ou ete Onorab Gill?

**HON CHURCHILL GILL**

*(Off-Mic)*

**MR SPEAKER**

Lo sanmenm sa enn, *ok, 23.*

**HON CHURCHILL GILL**

Ya klarifikasyon lo la. Ler nou fini pas sa Lalwa, vi ki sa lalis sa bann *enterprise zot already existing*, ler nou fini pas sa Lalwa nou pou annan bann dimoun ki zot, zot saler in fini determinen zot, e i annan ki zot saler pou.

**MR SPEAKER**

Sorry i pa *enterprise* la nou pe koz *Commission.*

**HON CHURCHILL GILL**

*Uh – ok, sorry.*

**MR SPEAKER**

*Thank you.* Onorab Hoareau.

**HON JOHN HOAREAU**

Bon nou pou kontinyen lo paz 17 ki mon vwar tou keksoz in ganny *agree.*

Lo paz 18-

**MR SPEAKER**

Onorab Georges, wi.

**HON BERNARD GEORGES**

Mersi Mr Chair. Briyevman mon pe retourn lo paz 16,

*clause 21 (j) right at the bottom. Nou bezwen pran en desizyon koman en Lasanble si nou pou capitalize 'Director' Capital D oubyen en pti 'd. '*

Rezon ki sa i annan sa note se ki Mr Bandara in souleve se ki serten landrwa i *small 'd,'* serten landrwa i *capital 'D.'* Alors nou bezwen annan en linanimite e *for the time being* sa versyon in tir li *capital* in met li *small 'd. '*

Me *obviously* se Lasanble ki pou pran en desizyon si nou anvi. Akoz dan serten lezot landrwa, *Minister* par egzanp i *capital M - Commissioner* i *capital C.* Alors mon ti anvi zis demann sa keston. Mersi.

### **MR SPEAKER**

Mersi. *Well* mon war poudir *Acting CEO* in propoz *capital 'D.'* Eski zot, dan *tracked version.* Eski zot aksepte sa? Onorab Aglae.

### **HON EGBERT AGLAE**

*(Off-Mic)*

### **MR SPEAKER**

Sa en lot. *So, is it accepted capital 'D'?* Ok Minis i dir *it goes.* Onorab, mon krwar Onorab Uranie ti'n lev lanmen avan.

### **HON ROCKY URANIE**

Mersi Mr Speaker. Mwan mon le tourn lo pwen *21 (a).* "A *person shall be disqualified*

*from being appointed as Chief Executive Officer where he or she-*"

Dan plas petet met "serves as" met "is already". Akoz ou deza en *Chief Executive Officer* la ou. Ou pou ganny *disqualify for being a Chief Executive Officer* la ou, ou ganny *disqualified for being a Chief Executive Officer.*

Petet remove the "serves as" put "is already". Si i ok ek zot.

### **MR SPEAKER**

Minis.

### **MINISTER NAADIR HASSAN**

Mersi Mr Chair. Mersi Onorab. Mon war "serves" i *already* kouver sa. Mon pa tro war nesese pou amande. Mersi.

### **MR SPEAKER**

Wi, anefe mon krwar wi "serves" i dir i deza la. Onorab Aglae.

### **HON EGBERT AGLAE**

Mersi Mr Speaker. Mr Speaker mwan, Mr Chair mwan mon le konn rezondet *(j)* mwan. Akoz anler depi *(a)* ti *(i)* ou'n met bann kondisyon ki en dimoun i kapab ganny *disqualified as to become a Chief Executive Officer.*

Me lo *(j)* i pa neserman eksplike pou ki bann rezon osi ki ou kapab zis *prohibit* en dimoun *from being Director,*

*being concerned.* Konmsi anler ou'n *set* bann kondisyon ou napa problemm ou'n *convicted*, ou'n *ganny felony*, ou'n *unsound mind*, ou annan lentere personnel.

Be anba ki kondisyon ki ou zis dir i pa pou kapab?

**MR SPEAKER**

*Thank you.* Minis ou le adres sa? Wi okenn lot, Onorab Pillay letan Minis pe konsidere *go ahead*.

**HON SEBASTIEN PILLAY**

Wi lentansyon, mon konpran lentansyon Gouvernman be selman pwen Onorab Aglae se ki, Minis pe *extend* son levantay, Gouvernman pe *extend* son levantay ase larz pou diskalifye serten dimoun.

Prezan kestyon ki Gouvernman i bezwen mazine an relasyon ek sa, akoz i dir *prohibited to be Director*. Nou pou annan nou en *limit pool of professionals* ki ou pou al tonm ladan apre.

Akoz Sesel i pti, pti li. Sa nou problemm. Mersi.

**MR SPEAKER**

Minis ou pe konsider sa? Mon sipoze pwen se ki ou pe *exclude* en kantite dimoun ki pou dan en kantite aktivite, ki kekfw pa ni menm tro enportan.

*Yes Minister?*

**MINISTER NAADIR HASSAN**

Mersi Mr Chair. Mersi Onorab pou sa *input*. Kekfw si mon fer provizyon kot nou senpleman dir "*is a person who is prohibit form being a Director of a company*" - "*Director of a company as decided by the Court*" or *something along these lines?*

**MR SPEAKER**

*Sorry* si en *layman's point of view*. Si *prohibited* ti aplik pou *from being a Director or from taking part in the promotion*. I mean if the person is *prohibited from doing these*, la mon ti a konpran.

Konmsi si *prohibited* ki aplik pou tou lede sa kalite dimoun. Yes, Onorab Pillay?

**HON SEBASTIEN PILLAY**

Problemm la ou'n entrodwir diferan kategori anba sa *prohibition* ki ou'n mete. *Ok so let's say* ou'n fini deal avek *insolvency* anler, sivedir *obviously* i pa kapab vin en Direkter, i en *insolvent*.

*So, what will be the reasons* ki pou *prohibit* en dimoun *from being a Director already?* Prezan *not only* ki ou pe *prohibit* li *from being Director, from being concern or taking part in the promotion formation or management of any commercial activity*.

Mon pe sey konpran ou *gist of what exactly* do you

want. Konmsi ou *mean* en dimoun ki pa kapab fer promosyon pou en biznes, pa kapab envit lenvestisman pou en biznes. *It is kind of wide. So, I do not know exactly* ki ou pe rode la?

**MR SPEAKER**

Minister ou pou adres sa? Yes Minister.

**MINISTER NAADIR HASSAN**

Mersi Mr Chair. Mr Chair, ler nou'n diskite lo *panel* nou santi ki nou kapab *remove 21 (j)* akoz sa ki i pe sey fer mon krwar in fini ganny kouver anba bann lezot *clause 21*. Mersi.

**MR SPEAKER**

Ok so *delete (j)*. Members aksepte? I 6er 15 nou'n asize pou 2erdtan petet Manm ti ava prefere nou pran en *short break* 15 minit e apre nou ava rebran 6er edmi. *Agreed?* Nou ava pran en poz la nou ava rezwenn 6er edmi. *Thank you.*

**(BREAK)**

**MR SPEAKER**

Mon a zis met a latansyon bann Manm ki teknisyen in *advise* mwan ki nou batri i kapab komans *run out*. So i en lot rezon pour *speed up*. Me... batri nou *microphone*... batri nou *microphone* e osi nou batri personnel.

Nou ava kontinyen me selman mon pour dir bann Manm ki nou pour *focus* lo bann *amendment*, ki mannyer regilasyon i demann nou. E nou pa pour antre dan bann diskisyon filozofi ki *external* lo soz lo la. Nou pou *focus* lo *amendment we accept the amendment, or we don't accept it*.

Minis kot ou - wi Minis.?

**MINISTER NAADIR HASSAN**

Mersi Mr Chair. Mr Chair zis *to go back* lo en pwen ki nou ti pe diskite avan *break* ki mon'n konsilte avek Onorab Georges avek Onorab Hoareau. *21(j) rather than delete* ki nou pe propoze ki i *read* koumsa, "*is a person who is prohibited from being a Director of a company by the Court*". Mersi.

**MR SPEAKER**

Setou. Ok. Ok. Manm *accepted*. Ok tre byen. Onorab Hoareau kontinyen.

**HON JOHN HOAREAU**

Mersi Mr Chair. Mr Chair nou'n ariv lo paz 17. So mon vwar lo la ki tou keksoz in ganny agree, mon pa konnen si i annan okenn kestyon.

**MR SPEAKER**

*Sorry*, nou pour evit bann kestyon diskite. Yes Onorab Herminie.



**HON WILBERT HERMINIE**

Mersi Mr Speaker. Lo paz 17 24(1) partou dan sa seksyon i met “*The Chief Executive Officer*”, me solman 24(1) i lir “*The Office of a Chief Executive Officer*”, mon pe zis demande ki rezondet la? Si partou i “*The*” si i korek?

**MR SPEAKER**

Sorry Onorab sanmenm sa ki mon fek dir i pa'n notifie koman en *amendment*, e Minis ou kapab zis konfirman poudir i korek?

**MINISTER NAADIR HASSAN**

*Thank you*, Mr Chair. Wi nou konfirman i *ok*. Mersi.

**MR SPEAKER**

*Ok. Thank you.* Onorab Hoareau.

**HON JOHN HOAREAU**

*Ok* nou al lo paz 18. Lo paz 18 25(c), “*be the accounting officer of the funds of the Commission*” ankor. Mon krwar in *agree*. *Yeah,. Ok?*

**MR SPEAKER**

*Sorry* mon pa'n-

**HON JOHN HOAREAU**

*So we continue again...*

**MR SPEAKER**

*Ok* Onorab. Onorab Pillay ou pe kestyonn sa *amendment*?

**HON SEBASTIEN PILLAY**

Wi Mr Speaker. Akoz *the accounting officer is not the accounting officer of the funds of the Commission. The accounting officer is the accounting officer of the Commission. CEO is the accounting officer of the Commission, that is the nomenclature.* Sa i lafason ki nou defini bann *accounting officers*. I pa *only for the funds of the Commission.*

**MR SPEAKER**

*So...*

**HON SEBASTIEN PILLAY**

Akoz anler i dir “*i manage and direct the day-to-day activities*”. So i *accounting officer of the Commission.* Pwen final. Mon krwar Onorab Loizeau i dakor ek sa enn li non?

**MR SPEAKER**

Anfen mon - byen mon krwar poudir pwen Onorab Pillay i lozik. I en *accounting officer*, i pa zis pour *fund*. Onorab Hoareau Manm ou kapab aksepte sa?

**HON JOHN HOAREAU**

Mon ti a demann *panel* petet pour pronons zot lo la.

**MR SPEAKER**

*Panel?* Minis?

**MINISTER NAADIR HASSAN**

Mersi Mr Chair. Mon pa vwar okenn problem ek 25(c) aköz efektivman ki i pe dir se ki *the CEO* son responsabilite, *is to be the accounting officer in terms of budget* ki ganny appropriated to the entity. So *I don't see a problem there*. Mersi.

**MR SPEAKER**

*Ok. Thank you.*

**HON JOHN HOAREAU**

Mersi Mr Chair. Mr Chair ...

**MR SPEAKER**

*Sorry* Onorab Pillay. Ou ankor annan ou lanmen - sa nou kapab settle sa?

**HON SEBASTIEN PILLAY**

Mersi Mr Chairman. Mr Chairman tou bann antite ler Lasanble Nasyonal i fer son *oversight*, sa dimoun ki vini i *accounting officer of* sa antite.

**MR SPEAKER**

Wi.

**HON SEBASTIEN PILLAY**

En *PS* i *accounting officer of* son departman e i *accounting officer for the fund of the departman and everything else*.

**MR SPEAKER**

Wi.

**HON SEBASTIEN PILLAY**

Mon pe vwar la nou pe kree en lot kondisyon kot nou dir li *accounting officer of the funds*. Mon pwen i se ki *for the purpose of oversight* Lasanble Nasyonal, sa dimoun i devret *accounting officer of the Commission*.

*Now, look* mon konnen mon pa ganny sa *luxury of* Minis vin diskrit ek mwan parey in fer taler.

Me selman mon ti a kontan i pran konsyans ki sa dimoun i responsab sa Komisyon. E i pa pour fer okenn konfizyon avek son *Chairman of the Board*. La nou pe koz sa Komisyon *as an* antite.

**MR SPEAKER**

*Sorry*. Wi be selman, be selman...

**HON SEBASTIEN PILLAY**

Mon ti a propoze *delete "of the funds of the Commission"* e pour zis dir *"accounting officer of the Commission"*.

**MR SPEAKER**

*Well*. Mon pa vwar ki i fer telman diferans, *if he is the accounting officer, it applies with the funds of the Commission*. Minis? *Ok* Minis in fini dir poudir i korek manner i ete. Nou a kontinyen.

**HON JOHN HOAREAU**

Mersi Mr Chair. Nou kontinyen lo paz 19. Osi nou'n agree lo paz 20 osi nou'n agree lo tou, wi nou'n agree lo tou.

Paz 21 osi menm parey.

**MR SPEAKER**

Onorab Georges.

**HON BERNARD GEORGES**

Mersi Mr Chair. Sorry Mr Chair lo 20 Acting CEO in lev enn pti pwen lo 27(e), 27(e). E in dir, “carry out on-site and off-site inspections or investigations of the public enterprise” but it should be – it should go further, it should say, “of the public enterprise as well as officials, event or transactions”.

Mon krwar nou bezwen regard enn pti pe sa. So, kekfwaw nou devret dan sa ka remove “of a public enterprise”, so that’s its “general on-site and off-site inspections or investigations” pour pli fasil.

**MR SPEAKER**

Minis.

**HON BERNARD GEORGES**

27(e). 27(e) reads *chapeau*, “the Commission shall have the power to - (e) carry out on-site and off-site inspections or investigations as deemed necessary for the purpose of carrying out its functions;”

*The proposed amendments is “investigations of a public enterprise”. But the margin, the note says it should be wider than that, it should be investigation not only of the public enterprise but also of any officials or transaction carried out, eksetera.*

*So mwan mon pe propoze to come, to get in line with what this acting CEO is proposing that we removed “the proposed insertion of a public enterprise” so that a bit wider...*

**MR SPEAKER**

Mon vwar ou lentansyon Minis i ok avek sa. So that’s accepted si Manm i aksepte? Onorab Hoareau.

**HON JOHN HOAREAU**

Bon nou kontinyen lo paz 21. Again, agreed. Lo paz 22 i annan en demann for consistency lo anba clause 29(a).

**MR SPEAKER**

Yes, one minute. Let’s! Wi Onorab Hoareau fini ek ou pwen. Onorab Hoareau fini ek ou pwen kot ou'n arive 29. Ou'n fini?

**HON JOHN HOAREAU**

Yes 29 its agreed.

**MR SPEAKER**

Ok. Onorab Pillay where are you please?

**HON SEBASTIEN PILLAY**

Mersi Mr Chairman. Mr Chairman sa 28 i about son *reporting obligations which includes reporting obligations towards Lasanble Nasyonal. Now mon vwar ki dir “With respect to the fiscal risks at the end of each calendar year, or within such longer period as the Minister may approve”, me prezan sa rapor i annan en submission ki bezwen ganny fer to the National Assembly as per the PFM Act Regulation 25(e).*

Me si Minis pe *approve en longer period, and that means dan sa rapor pa pour ariv kot Lasanble Nasyonal within the said period, that it is given.*

Ou pe konpran mwan la Mr Speaker?

**MR SPEAKER**

*Well mon vwar kote ou pe soz. Mon a les Minis adrese mon pa tro konnen ki lentansyon. Minis?*

**MINISTER NAADIR HASSAN**

Mr Chair mersi. Nou pe zis regard enn pti kou, donn nou de segonn. Mersi.

**MR SPEAKER**

*Yes Minister?*

**MINISTER NAADIR HASSAN**

Mersi Mr Chair. Si nou zis senpleman. Ki *clause* ou ti pe dir 28?

**MR SPEAKER**

*Sorry Onorab Pillay ou kapab state egzakteman ki sanzman ou pe propoze koumsa...*

**HON SEBASTIEN PILLAY**

*Ok mwan Minis in vin avek en policy initiative ki sa rapor fiscal risk ki sipoze vin at the end of each calendar year. Prezan Minis pe include en proviso kot i kapab osi extend sa period within which sa report i ganny submitted.*

Me tou sa bann rapor anba 28 i *then has to be submitted to the National Assembly as provided for in relation to 25(e) of the PFM Act.*

Sa ki mwan mon pe dir se ki, *there should not be a longer period for the report. The report should be submitted within that calendar year for the fiscal risk of that calendar year and then compiled and submitted to the National Assembly.*

**MR SPEAKER**

*Ok.*

**HON SEBASTIEN PILLAY**

*Akoz then ou pou annan en rapor ki pour ganny submitted without the fiscal risk e ki Lasanble pa pour annan en picture konplet pozisyon sa*

*SOE which is not what we want.*

**MR SPEAKER**

Savedir pour *conflict* avek *PF. Public Finance Management Act*. Minis ou le pronons ou lekor lo la? *Yes Minister?*

**MINISTER NAADIR HASSAN**

Mersi Mr Chair. Si zis nou azout en sa. *“In line with the Regulation 25(e) of the PFM, 2014”*.

**MR SPEAKER**

Yes. Propoze kote ou pour *insert* sa klerman Minis? Koumsa nou kapab fini avek li.

**MINISTER NAADIR HASSAN**

So, 28(1) *With respect – non-sorry* 21.

**MR SPEAKER**

28(1).

**MINISTER NAADIR HASSAN**

Ok 28(1) *“With respect to the fiscal risks analysis report for public enterprises, the Commission shall, after the end of each year, or within such longer period as the Minister may approve in line with Regulation 25(e) of the PFM, Regulation 2014”*.

**MR SPEAKER**

*Ok that’s proposed. Manm i aksepte sa? Thank you. Onorab Hoareau next.*

**HON JOHN HOAREAU**

Mersi Mr Chair. Nou kontinyen lo paz 23, napa nanryen lo la. 24. Wi 24 i annan *clause* 35(1) ki dir *“The Minister may direct the Commission to investigate”*. So nou pe demande *what about the responsible Minister? Akoz anvi ki the report is submitted to the responsible Minister as well as the Minister, so nou pe gete ki si la nou kapab met osi en inclusion, “the responsible Minister”?*

**MR SPEAKER**

*Yes, Minister?*

**MINISTER NAADIR HASSAN**

Mersi Mr Chair. Mon krwar kekfwa ti annan tro bokou dimoun pe donn lord *Commission* i vin en problemn. *What I suggest is the Minister or the responsible Minister in consultation with the Minister may direct.*

*Because you don’t want 13,15 Minis pe donn lord the Commission. You want a focal point, ki vini. So if you extend it, parey ou pe propoze, ou pe donn tro bokou dimoun pour donn lord the Commission. So...*

**MR SPEAKER**

Ok. So i annan en propozisyon la. Nou a koz lo sa propozisyon silvouple. Onorab Cosgrow.

**HON WALLACE COSGROW**

Mr Speaker mwan mon pwennvi lo la i se ki si ou pe get *part*, sa *part* ki nou pe koz lo la i *special investigation by the Commission*. So mwan mon krwar *the Minister* i reste korek akoz zis i *the Minister of the Commission*. Savedir nou pe koz sa Minis ki annan pouvwar lo sa Komisyon, akoz *it's special investigation powers of that Commission*.

E sa *Minister* mon pa krwar nou bezwen *extend* li *to the responsible Minister* osi. Sa i mon pwennvi Mr Speaker. Mon pa konnen ki Onorab, Onorab Hoareau i panse.

**MR SPEAKER**

*In other words*, ou pe propoze ki i reste mannyer i ete. Yes Onorab Pillay.

**HON SEBASTIEN PILLAY**

Mersi Mr Speaker. Mon le met devan Minis ki i bezwen konsider koriz en *anomaly* ki pe *crop up* dan bann Lalwa. Akoz *as and when* ki Gouvernman i kontinyen annan bann *policies* e bann *circulars* *regarding appointments*, bann Lalwa parkont i dir en keksoz diferan.

Anba Seksyon 32(1) sa Komisyon i sipoze annan pouvwar pour apwent tou bann zofisye ki li i anvi, i krwar i neser.

Be mon krwar i bezwen annan en *proviso* ki bezwen *in line with Government Policy*. Akoz *then that would mean* ki sa *circular would apply to it*. *Otherwise* ou pour ganny sa *discrepancy* ki egziste.

Akoz *as it stands* la sa Komisyon i sipoze annan pouvwar pour li fer sa bann apwentman li. Me ou annan en *Government Policy as it relates to appointments and recruitment*. Ki ganny fer atraver en sirkiler ki ganny *issued by the Public Service Bureau*.

**MR SPEAKER**

So, eskiz mwan Onorab mon pa konpran. Ou'n sorti lo 35(1) la?

**HON SEBASTIEN PILLAY**

Wi akoz nou'n sot *clause* 32.

**MR SPEAKER**

Ou'n retourn lo 32. Ok?

**HON SEBASTIEN PILLAY**

I pa pour long sa.

**MR SPEAKER**

Wi.

**HON SEBASTIEN PILLAY**

Akoz. Sa ki nou bezwen fer se ki nou pa kree *anomaly* dan bann Lalwa. Akoz en Lalwa i sipoze en - donn en pouwar en *statutory power* en Komisyon. En *statutory power* i trump en *policy* Mr Speaker.

Akoz baze lo zizman Ziz Govinden, en *policy* napa menm lefe ki en Lalwa.

**MR SPEAKER**

Be ki propozisyon sanzman ou le fer la?

**HON SEBASTIEN PILLAY**

Mon'n dir *in line with Government Policy*.

**MR SPEAKER**

Dan *clause 32(1)*.

**HON SEBASTIEN PILLAY**

*“Shall have the power to appoint as it may deem necessary in line with Government Policy”*.

**MR SPEAKER**

Ok Minis ki ou mazin en lo la? Yes Ms Croise?

**EXECUTIVE DIRECTOR  
OFFICE OF THE  
SECRETARY OF STATE**

**IRENE CROISE**

Mr Chair *we proposed to add “in line with Government Policy”*.

**MR SPEAKER**

Ok. I ganny propoze. Manm? *No objection?* Ok nou a retourn kot Onorab Hoareau, ou ti'n ariv lo 35. Onorab Loze ou lo 35 ou?

**HON JOHAN LOZE**

Mr Speaker, sorry. Mon ti annan zis a *small caution* mon ti anv *raise* lo 36(a), *“recruit, hire, or acquire any resources required to perform an investigation;”*. Mon zis anv *raise* en pti *caution to the Minister* lo *acquire any resources*. *It is very broad opened-ended* e annou pa bliye ACCS in vin pran R63milyon av ek nou lannen pase. *So just a word of caution Mr Speaker*.

**MR SPEAKER**

Minis eski ou krwar *“acquire”* i an danze?

**MINISTER NAADIR HASSAN**

Mersi Mr Chair. In *practice* e *recruit, hire, or acquire any resources obviously you need to have the funds*. So si ou napa *funds* ou pa kapab go *above what you’ve been funded*, so mon konpran konsern Onorab Loze.

Me selman mon pe mazin en *practice, at the end of the day* se Minister Finans ki pour *deside in terms of resources that you will get*. So *the investigator will recruit, hire or acquire resours in line*

avek son Lagreman bidzeter ki i annan ek Minister Finans.

**MR SPEAKER**

Ok. Mon krwar Onorab Loze in aksepte. So nou'n fini avèk 35.

**HON JOHN HOAREAU**

Nou pa ankor fini avèk 35 akòz i annan en *inconsistency* ki pour arive akòz...

**MR SPEAKER**

Ale.

**HON JOHN HOAREAU**

Si *the Minister* ki *initiate* en *special investigation the report should be to the Minister* be akòz ler ou pe get dan 36,37 ki bor sa *investigation* i ganny *reported to*. Nou vwar poudir i met *responsible Minister*.

So *either* nou *choose one or the other*. Si nou pour, si *Minister* ki *initiate* son *investigation*. So *the report should come to him*. If *it's a responsible Minister*, then it shall be *the responsible Minister*. So mon bezwen en klarifikasyon lo la.

**MR SPEAKER**

Ok. Ale Minis adrese silvouple.

**MINISTER NAADIR HASSAN**

Mersi Mr Chair. Mersi Onorab. Mon lopinyon lo la se ki i devret "*the Minister*" akòz

parey mon'n dir boner, nou pa kapab annan diferan dimoun ki pe donn lenstriksyon *for special investigation*.

Si i annan en *responsible Minister* ki annan en konsern *on the SOE, then, on the public enterprise then i refer to the Minister* ki i li i *initiate the special investigation*. Mersi.

**MR SPEAKER**

Ok Minis i an faver ki sa. Onorab Georges.

**HON BERNARD GEORGES**

Mersi Mr Chair. Mr Chair wi mon konpran, me lafason ki'n ganny drafte *if the Minister initiates* anba 37, rapor i ganny *donnen to the responsible Minister*.

Mon krwar se sa ki Onorab pe demande. So Minis i *initiate*, rapor i al kot *responsible Minister*. Si *responsible Minister* i anvi *initiate*, i al kot Minis i dir *initiate*. Me rapor i vin kot *responsible Minister*. I annan en dekalaz. So *in order to do away with that*, nou bezwen dir ki rapor *comes back to the Minister*.

*But the problem is, in practice, Minis ki define as Minis Finans i anvi investigate en keksoz dan Minister Transpor oubyen dan SCAA, ki tonm anba Minister Transpor. How will the Minister of Transport feel if the Minister go*



over his head and initiate a thing, an investigation and the report goes back to the Minister of Finance. Eski pa pour annan en may zanbek la? Mersi.

**MR SPEAKER**

Yes Minister?

**MINISTER NAADIR HASSAN**

Mersi Mr Chair. Mersi Onorab. Mon krwar nou bezwen sey antisip tou sort sityasyon ki kapab arive. I kapab ariv en sityasyon kot en *responsible Minister* pa neserman pe akt dan en *lentera in terms of the fiscal risk to Government*. So this is why the Minister ki li Minis Finans i annan en *overarching mandate to look at fiscal risk should be able to go over the responsible Minister*.

So for the purpose of this kot mon krwar the *inconsistency* i egziste se ki shall be reported to the Minister. Prezan as a matter of practice the Minister then, can inform the responsible Minister of the findings or the President.

I think in practice this is the way it should work.

**MR SPEAKER**

Yes Onorab Georges.

**HON BERNARD GEORGES**

Full dakor Mr Chair. Full dakor ki se koumsa. So, but what is wrong with saying “the

Minister or the responsible Minister may initiate an investigation and the report will go to the Minister or the responsible Minister as the case may be?”.

I permet sa *overarching overview*, me i permet osi en *responsible Minister*, demann en *special investigation* dan en ka ki pa vreman en *fiscal risk issue*.

**MINISTER NAADIR HASSAN**

Mersi Mr Chair. Mon kapab reponn Onorab. *The only problem that I see, I see where you’re coming from* se ki, the investigation should not only be limited to the Minister initiating it. My only concern is from a functional perspective, ou pour annan diferan Minis that could theoretically donn direksyon Komisyon.

So maybe the compromise would be, the responsible Minister through the Minister responsible, i fer sa.

**MR SPEAKER**

Ok. Yes, Onorab Pillay ou pwen?

**HON SEBASTIEN PILLAY**

Mersi Mr Speaker. Mr Speaker se sa pwen ki nou ti pe fer taler, ki kree en konfli. Mwan mon konpran ki Minis i bezwen annan en Minis ki responsab pour *maintain* en serten lord e direksyon.

E sa ki Onorab Georges pe dir i fer sans, dan le sans ki sa *responsible Minister* osi, i devret kapab *initiate* en *investigation*. E ler sa rapor ki sa *responsible Minister* in *initiate* i vini, i pa kapab al *solely* kot *the Minister for Finance*. I bezwen osi retourn kot *the responsible Minister* par egzanp si Minis pour Transpor in fer en lenvestigasyon lo *SPTC* e i le sanz keksoz dan *SPTC*.

Rapor pa kapab vin zis kot ou. Rapor i bezwen vin kot li osi pour li kapab fer son travay *regarding SPTC*. Ou konpran? So i bezwen annan en *mechanism* ki sa rapor i al kot sa dimoun ki pour fer sa diferans ek sa rapor.

Prezan dezyenmman Mr Speaker, I annan en pwen ki nou bezwen konsidere osi. Lefe ki nou pe donn sa Komisyon sa pouwar e sa resours pour fer sa envestigasyon, nou pe *cut out* en antite enportan, *from initiating* en lenvestigasyon lo *SOE* si i santi i neserer annan en lenvestigasyon. E sa se Lasanble Nasyonal.

Akoz la *as it stands* prezan *the National Assembly* napa en fason pour li inisye lenvestigasyon aköz fodre absoliman, ki Komisyon pe ganny en lord avek Minis, ouswa Lasanble Nasyonal pe demann Komisyon, nou napa

en *interface* apard ki ler nou ganny sa rapor.

*Unless* nou azoute ki dan *Finance e Public Accounts Committee may - not necessarily according to the law, because what we've seen is that* dan serten ka dan bann Lalwa, *FPAC* pa kapab *initiate* lenvestigasyon *without going through the Minister of Finance*.

*So that is the issue* ki nou bezwen *sort out*. Aköz i annan en *point of call* ki egziste dan lirarsi Gouvernman. E ou pa kapab si ou - Lasanble pa kapab *overstep* son *power* pour li o - sirtou ler en *legal* sa i ganny met an plas. Ou kapab fors li atraver Konstitisyon *but is that the way we want to go all the time?*

Akoz la *as it stands* Oditer Zeneral nou ti entrodwi en provizyon pour donn li, pour ki i kapab fer serten lenvestigasyon lo *behalf* Lasanble Nasyonal. Petet sa i en *bridge* ki nou kapab *cross* pli tar, me annou adres sa problemn rapor.

E prezan mon ti a kontan Minis, eski ou pare pour konsidere ki sa rapor, sa lenvestigasyon i osi ganny *tabled*, oubyen i ganny *submit to the Finance Public Account Committee* Lasanble Nasyonal? Mersi Mr Speaker.

**MR SPEAKER**

Minis. Wi.

**MINISTER NAADIR HASSAN**

Mersi Mr Chair. Mersi Onorab. Mon agree ki *the Minister can initiate en special investigation or the responsible Minister in consultation with the Minister can initiate and the report would be submitted to the Minister, which will then circulate a copy to the responsible Minister.*

Mon krwar nou *achieve the same objective* si nou sey, nou kapab drafte sa Polisi *intention. On your second point the report being made to the National Assembly.* Mon pa vwar aköz i sipoze annan okenn problem, lo la. I annan en provizyon si mon pa tronpe *for the submission of sa dan sa Lalwa.*

Me si napa mon met li la. Mon napa lobzeksyon ki sa i ganny *submitted to the FPAC.*

**MR SPEAKER**

Wi. I sanble mwan nou annan en *wording* en pe konplike la, pour spesifye. Minis ou pour kapab pran - *sorry* mon a *deal* ek lanmen ki'n ganny leve avan. Onorab Georges.

**HON BERNARD GEORGES**

Mersi Mr Chair. Mr Chair mon ti pe vin propoz sa lamannman.

**MR SPEAKER**

Ok.

**HON BERNARD GEORGES**

Pour nou kapab *move on.* Mon ti vin propoze ki dan 35(1) nou dir "*The Minister or the responsible Minister or the responsible Minister in consultation with the Minister may direct the Commission to investigate*", eksetera

**MR SPEAKER**

Ok.

**HON BERNARD GEORGES**

Epi ler nou ariv lo 37. Nou fer, nou mete partou dan 37(5) - *sorry* 37 non, non, non tyonbo, tyonbo 37(5). 37(4), 37(5) ek 37(6) nou *limited to "the Minister"* nou pa met "*responsible Minister*".

*So either the Minister or the Minister responsible Minister in consultation with the Minister or the Commission under 35 i kapab initiate en special investigation. Me apard from the one initiated by the Commission, ler Minister or responsible Minister i initiate, the report comes back to the Minister, so that the Minister can then send it down to the responsible Minister.*

Sa ki mon pe propoze Mr Chair *for us to be able to move on.* Onorab Pillay.

**MR SPEAKER**

*Yes please.* Onorab Pillay?

**HON SEBASTIEN PILLAY**

Wi Mr Speaker. Eski anba 37(6) ou pe konsidere poudir “*shall communicate the report of an investigation to the Minister*”, apre ou bezwen azoute “*who shall*”, ki pour bezwen donn li avek *responsible Minister*.

E prezan mon ti a kontan ou azoute ... “*report at the end and shall submit a copy of the report to the National Assembly*”. Which means a *copy of the report will go to the FPAC, atraver ou Speaker*.

**MR SPEAKER**

Wi. Mon krwar Minis in dir poudir kekfwa sa pa neseler. Me selman *it doesn't exclude it, it's a guarantee a safety*.

**HON SEBASTIEN PILLAY**

I neseler akoz an relasyon avek en lenvestigasyon nou napa pouvwar pour resevwar sa rapor.

**MR SPEAKER**

Ok.

**HON SEBASTIEN PILLAY**

An relasyon ek rapor performans *fiscal risks*, nou annan pouvwar akoz 25(e) anba PFM i *relate* zis lo rapor performans. I pa pour *relate* avek en lenvestigasyon.

**MR SPEAKER**

Minis, wi?

**MINISTER NAADIR HASSAN**

Mersi Mr Speaker. I *mean* si mon pa tronpe *the existing legislation already provides for the FPAC to request any documentation from Government. From that perspective*, mon krwar zot annan akse.

Me mon napa okenn lobzeksyon ki rapor i ganny *submitted* ek FPAC *but the power of the FPAC already exist in reality*. Mersi.

**MR SPEAKER**

Ok. Yes?

**HON SEBASTIEN PILLAY**

Ok nou pa *dwell* lo la, zis pour mwan eksplike. Anba nou provizyon ki nou, nou annan nou kapab *initiate*, be nou pa pour resevwar ler i pe ganny fer.

Sa i en nouvo provizyon ki mannyer i pe ganny entrodwir an relasyon ek lenvestigasyon. Se pour sa rezon, vi ki i en nouvo provizyon mon pe propoze ki nou fer en *submission of the copy of the investigation to the FPAC*.

Akoz nou'n fini enkli FPAC *as being able to call in the executive officer* e bann lezot dimoun ki responsab pour sa antite. Se pour sa rezon ki mon pa konnen si

Onorab Georges i devret zis re-regard ou lamannman to section 6, 36-31-36 sorry is it 37(6)?

Akoz se li ki dir kote rapor i ganny *submitted*. E si ou kapab relir ou lamannman silvouple avek ou permisyon Mr Chairman.

**MR SPEAKER**

6- 37(6).

**HON BERNARD GEORGES**

Wi. Mersi Mr Chair. Mr Chair mon 37(6) i nou ava zis tir “*or responsible Minister, as the case may be*” e i ava lir, “*The Commission shall communicate the report of an investigation to the Minister or the Board of the public enterprise*” eksetera “*for implementation*”.

*Well I don't know that it should be “all the Board” it should be “and the Board”. Presumably “and the Board”. So that's it, and then prezan Lasanble i kapab call up en rapor at any time.*

**MR SPEAKER**

Ok, Onorab Pillay nou bezwen terminen.

**HON SEBASTIEN PILLAY**

Wi e mon pe propoze ki prezan *at the end, “for implementation of the recommendations in the report” ok,” of the public enterprise or the Board and the*

*Minister shall cause a copy, shall submit a copy of the report to the Finance and Public Account Committee”.*

**MR SPEAKER**

Minis ou dakor avek sa?

**MINISTER NAADIR HASSAN**

Mersi Mr Chair. Mr Chair mon pa vwar okenn lobzeksyon. Solman parey mon dir, mon santi poudir *the Assembly already* zot annan *access for ...*

**HON SEBASTIEN PILLAY**

*(Off-Mic)*

**MINISTER NAADIR HASSAN**

Mr Speaker. Mr Chair mon napa okenn lobzeksyon.

**MR SPEAKER**

Ok nou ava aksepte sa. *To be able to say...Onorab Georges?*

**HON BERNARD GEORGES**

Mr Chair mon vwar en problem la mwan. Akoz *I don't think and I stand to be corrected*, mon krwar pa i annan okenn Lalwa ki dir ki en rapor *would be submitted to a Committee of the Assembly. The - usually, it's submitted to the Assembly.*

E apre Lasanble i *disseminate* li dan son Komite *and I stand to be corrected*. Me mon pa rapel, ki annan okenn

lenstans kot nou kapab anvoy - kot Gouvernman i kapab anvoy rapor direktman kot en Komite *including the FPAC*.

E mwan mon annan en rezervasyon ki okenn sa bann *special investigation reports* i vin devan Lasanble. *Some of them might be, might contain privileged information, eksetera.*

Mon pa pe *demeaned* nou rol - nou annan toultan en rol *oversight*. Me mon pa konnen si nou rol *oversight* i al, i *extend to receiving all the reports of all special investigation*. Mersi.

### **MR SPEAKER**

Nou bezwen terminen lo la. Onorab Pillay fer ou pwen. Si Minis i santi poudir *its already covered* nou a les...

### **HON SEBASTIEN PILLAY**

Mr Speaker mwan mon *Chairman FPAC and I am telling you it's not covered*. Akoz an relasyon avek *initiating a report*, nou deza annan *ample* provisions e Konstitisyon avek nou *Terms of Reference* pour fer li, menm anba nou *Standing Orders*.

Nou pe entrodwir en nouvo provizyon pour annan en *special investigation* par en antite ki pour ganny resours pour fer sa lenvestigasyon ki *FPAC* napa. Zis parey Oditer Zeneral, sa antite pour kapab

prezan fer rekomandasyon avek bann *law enforcement agency* ki Oditer Zeneral pa kapab fer e i pa fer, dan *most cases*.

Prezan ki nou pe vin lo la nou. Nou pe dir poudir pour *avoid* sa sityasyon kot en rapor i ganny *disseminate* partou dan Lasanble e ki i sorti, ou *submit* li *to the Committee, which is already* anba en - i deza annan en protokol ki mannyer i tret lenformasyon.

Now si Onorab Georges i le en legzanp par egzanp *Defense Committee* an relasyon avek Lalwa *SIS - Seychelles Intelligences Service Act*. I resevwar rapor *SIS* direk. *Ok it's in the law. You know* i dan Lalwa *SIS* e ki'n kree sa kondisyon pour sa Komite resevwar sa rapor.

So sa ki mon pe zis demande se ki nou enkli - *now*, si i le *submit* rapor *to the Speaker* ki le *disseminate* apre, mon napa problemm me selman ou bezwen annan en landrwa. Akoz par egzanp, *as far as i know* dan bann pei *Commonwealth* en *Public Accounts Committee*, dan tou lamazorite pei *Commonwealth*, i ganny akse ek okenn *special investigation* ki pe ganny fer, an relasyon avek *financial issues*, oubyen *risk issues that relates to* bann antite Gouvernman.

Mon a donn ou en legzanp par egzanp *Westminster* la *PAC* pe *investigate* konpanyen *rail*. Ok. Zot in ganny en *special investigation report* fer par en dimoun ki'n ganny apwente. So nou napa nanryen pour kasyet.

Sa ki nou kapab annan akoz anba *National Assembly Privileges and Immunities Act*, si en Manm Lasanble i *disseminate* lenformasyon ki'n ganny donn li, donn avek li dan en fason konfidansyel, ou Mr Speaker ou annan pouvwar pour ou met serten sanksyon lo sa Manm Lasanble. So *I don't see where the problem is. Unless* Gouvernman i annan keksoz i le kasyet.

**MR SPEAKER**

Minis, wi.

**MINISTER NAADIR HASSAN**

Mersi. Mersi Mr Speaker. Mon'n ekout en pe diskisyon *from LGB and LOTO*. Sel difikilte ki mon pe vwar la, se i pour annan serten *investigation* dan *report which will have certain commercial aspect, ok?*

E serten sa bann *issues* i annan bann *non-disclosure*. Mon pe mazine ki mannyer nou kapab donn akse Lasanble Nasyonal, *legislature* avek sa bann *investigation, at the same time safeguarding*

bann *commercial agreements* ki egziste.

So sa kekfwa enn pti gin sa *dilemma* ki nou annan la *in terms of*, ki mannyer sa *access is given. Whether is given to the Speaker and the Speaker would be, guided in terms of* serten direktiv ki'n gannyen *from* Minis lo kote konfidansyalite lenformasyon, ki mannyer i ganny donnen.

Sa mon krwar i en keksoz ki nou bezwen deside...

**MR SPEAKER**

Bon nou bezwen, mon konsernen ki i en pwen sibstansyel, ki sanz en pe direksyon e ki nou napa en *amendment* ki nou pe soz lo la. Onorab Pillay?

**HON SEBASTIEN PILLAY**

Mr Speaker mon'n propoze *amendment*. Ou konnen nou problem ki nou pa pe realize...

**MR SPEAKER**

Ok.

**HON SEBASTIEN PILLAY**

..se ki napa landrwa ki dir poudir Lasanble, oubyen *FPAC or whatever Committee* ki pour ganny en *purview* pour regard *SOEs in the future..*

**MR SPEAKER**

Ok.

**HON SEBASTIEN PILLAY**

...pour konnen si i annan en *special investigation*. E prezan nou pe donn pouvwat Gouvernman pour fer en *special investigation* ki kapab *brush under the carpet*.

Akoz *there's no intention* pour fer *special investigation public*. I pa pour dir - I pa dir ou *anywhere, where the special investigation can be made public*. In fact...

**MR SPEAKER**

En *substantial amendment* ki mon pa...

**HON SEBASTIEN PILLAY**

*It's not a substantial amendment Mr Speaker. What is the problem of submitting the report of a special investigation to the National Assembly, kan Oditer Zeneral i fer en special investigation e i submit en rapor to the National Assembly? What is the problem?*

**MR SPEAKER**

Wi be...

**HON SEBASTIEN PILLAY**

Ou vwar. Se sa nou *issue*, nou *issue* se ki...

**MR SPEAKER**

Non-Minis. Minis entrodwir en lot soz. Se si i annan *commercial agreement* avek

serten antite ki sa i bezwen antre dan rapor.

**HON SEBASTIEN PILLAY**

Wi be Mr Speaker. Anba *National Assembly Privileges and Immunities Act*. I dir ou klerman si ou'n resevwar en rapor ki annan lenformasyon ki konfidansyel *by their nature secret*, ou pa kapab devwale koman en Manm Lasanble.

Ou pou pe - ou pou - *it is grounds for you to be, to be sanctioned*. Ou konpran? Ou deza annan en provizyon ki sa. So akoz nou pa pe *trust* provizyon ki Lasanble Nasyonal i annan vizavi Manm e nou le kasyet si nou *pe initiate en special investigation in the future?*

**MR SPEAKER**

Byen. Ok. Onorab Georges.

**HON BERNARD GEORGES**

Mr Chair mersi. Mon konsern taler in en pe ganny adrese par Minis. E mon konsern se sa, se ki Lasanble nou annan *oversight over Government*. Me nou napa *oversight over entities in which Government has a stake*. Nou napa sa *oversight*. E se sa problemn.

E akoz nou napa, nou kapab annan en *oversight* lo Minis Finans, akoz in *invest* dan serten antite. Me nou kapab - nou napa *oversight* lo lafason ki sa bann antite i *run*



zot lekòr. *Because government is only a shareholder in those entities.*

*Government is not the owner of those entities and it's not-it's not gover.... E se sa mon - mon pa konnen i vin tar, san ki nou'n ganny en sans regard bann lenplikasyon. And this is - mon pe zis raise sa, koman en konsern.*

### **MR SPEAKER**

Mon krwar sa i montre ki dir i en pwen ase konplike. Si i devret *apply* dan sa ka. *So short of an amendment* mon sipoze ki nou les li manner i ete e nou kontinyen.

Wi be i pa en *amendment*. Mon pe sizere ki i en *consequential amendment*, akòz i annan sa bann konplikasyon. I annan - pour Manm desid lo la, i pour bezwen - nou pour bezwen antre dan en deba, ase konsekan. *Yes?*

### **HON SEBASTIEN PILLAY**

Mr Speaker, ou, ou Chairman Lasanble *and you are the President of the National Assembly and the Speaker of the National Assembly all rolled into one*. *E this is a democratic institution*, ki sipoze *on par* ek lezot lenstitisyon demokratik dan tou pei.

*Maurice* i annan en gro problemn avek *Bill Special*

*Purpose Vehicles* e sanmenm sa ki pe fer larzan ale. Akòz son Parlman pa pe kapab al *to the extent of being able to fer oversight* lo sa ki Onorab Georges in dir.

Be ladan nou'n kree en kondisyon pour ki sa *CEO* ki pour aparet devan *FPAC*. *Right? But on what basis? There has to be a basis and the point that I'm making*. Ou pe koz mwan –

Savedir mon pour vot lo resours, mon pour vot lo resours pour fer en *special investigation* me selman mon pa pour ganny drwa konn rezilta sa *special investigation*. *What is this?* Ou le dir mwan koman Manm Lasanble nou pa konsernen ek sa? *And in fact, Mr Speaker I'll raise you something else.*

Dan sa Lasanble Prezidan Larepublik li menm, an relasyon avek rapor, avek Kontra ki ti annan pou fer avek *FIU.*, i ti fer sa pwen, i ti dir poudir napa lenformasyon ki sipoze *by their nature secret* an sa ki konsern Lasanble Nasyonal, en pwen ki ti ganny siporte par Onorab Basil Hoareau.

Akòz dan performans son fonksyon Lasanble Nasyonal, i annan menm pouwar ki Lakour Siprenm. *But that is only* si mon konnen i annan en *special investigation*.

Mon pare pour rest *my case* si i annan en provizyon ki nou kapab mete ki *FPAC* i ganny enformen, ki i annan en *special investigation which is being conducted. I'll stop at that.*

Mon ava aret la, koumsa i ava donn mwan, nou ava ganny en *compromise.*

Ou pa le donn mwan rapor, *at least* mon konnen ou'n *initiate* en *special investigation* ki mon kapab demann ou, *what was the outcome of the special investigation?*

**MR SPEAKER**

Wi. *But my point is...*

**HON SEBASTIEN PILLAY**

*But this is not consequential Mr Speaker.*

**MR SPEAKER**

...lefe ki nou annan tou sa bann diskisyon i prouve ki poudir nou pe koz lo en pwen ki konsekan, ki *consequential.* Se pour sa ki mon ganny difikilte lo ki mannyer nou pour prosede.

So mon pour les Minis fer dernyen soz, si i kapab adres ou dernyen pwen ki ou'n leve e apre nou pour bezwen *move on.* Minis?

**MINISTER NAADIR HASSAN**

Mersi Mr Chair. Mr Chair parey ou'n dir i en kestyon ki

ler nou fer sa bann lamannman nou bezwen regard son lenplikasyon, e 7er en kar diswar i, nou tou nou pa dan en leta lespri kot nou vremen pe *comprehend* tou lenplikasyon bann lamannman ki nou fer.

*So at this point,* mon retisan pour anmenn en lamannman, ki kapab annan serten lenplikasyon ki nou pa pe konpran pour lemoman.

I en lamannman ki kekfwa dan fitir nou kapab anmenn ler nou'n vremen diskrit li dan en dele letan ki apropiye. Mersi.

**MR SPEAKER**

Ok annefe. *Sorry, sorry* Onorab Pillay. *Then the text* i bezwen *stand,* si nou aksepte sa. Ok Onorab Hoareau, kontinyen *please.*

**HON JOHN HOAREAU**

Mersi Mr Chair. Mr Chair zis pour *recap* enn pti pe 35(1) i lir koumsa *“The Minister or the responsible Minister through the Minister may direct the Commission to investigate any matter relating to the affairs of a public enterprise”.*

Apre anba 37(5) i lir koumsa, *“Any criminal offences reported by the investigator to the Commission shall be immediately reported to the Minister”*, nou pe tir sa bout *“as the case may be”*, i

kontinyen “*and relevant law enforcement agencies*”. Ok.

6 i lir koumsa, “*The Commission shall communicate the report of an investigation to the Minister and the Board of public enterprise for implementation of the recommendations in the report*”, full stop.

**MR SPEAKER**

*Sa wording.*

**HON JOHN HOAREAU**

*Ok.*

**MR SPEAKER**

Onorab Pillay nou pa pour kapab retourn lo sa pwen. Yes.

**HON JOHN HOAREAU**

Nou ale. Nou ale Mr Speaker. Nou al lo...

**MR SPEAKER**

Wi?

**HON SEBASTIEN PILLAY**

Mersi Mr Speaker. Onorab Porice ti pe propoz en lamannman ek mwan la. Mr Speaker mon le ganny en klarifikasyon;- *only criminal, only criminal matters pour ganny submitted to the relevant enforcement agencies*, dan sa rapor. Ok?

*But what happens to those matters that are not criminal? To those matters that are administrative? Ok? Ki i*

*annan pou fer avek functional issues within the SOE, par egzanp al – parey zot in dir, zot fek koz lo Air Seychelles. Now mon pa pe koz submit a report to the National Assembly mwan. Who else knows about this now? Personn. Nobody else knows.*

*The clause is a restricted clause, pour Gouvernman contain en keksoz within Gouvernman. Now I am not asking to submit it to the National Assembly. I’m talking to the Minister, akoz will be on his watch ki sa i arive.*

*There is no other outlet, any criminal offences reported by the investigator to the Commission shall be immediately reported. Now nou pe koz criminal offences. But who votes for the budget of the Commission? Lasanble Nasyonal.*

Non-mon pa pe retourn lo rapor mwan. Sa ki mon pe retourn lo la se le fe ki nou pe koz lo zis *criminal offences*. Me *what about lezot keksoz?*

I dir...

**MR SPEAKER**

Non krwar dan lezot *clause* i annan prosedir pour raport back to the Board and the Commission is obligated to take it up. Mon'n lir sa dan sa Lalwa mwan.

**HON SEBASTIEN PILLAY**

*I report back to the Minister to the responsible Minister or the Board of public enterprise for implementation of the recommendations in the report. Now lekel ki vwar e fer oversight lo implementation of the recommendations in the report? Who does the oversight on that?*

**MR SPEAKER**

*Well.*

**HON SEBASTIEN PILLAY**

*Napa personn, akoz the only thing ki, the only oversight body i nou. Mon pa pe dir donn nou en rapor la mwan. Menm rekomandasyon nou pa kapab gannyen?*

**MR SPEAKER**

*En pwen konplike Onorab. Se pour sa ki i look difisil. Konsider li san en amannman ki ganny ekrir. Onorab Georges?*

**HON BERNARD GEORGES**

*Mersi Mr Chair. Mr Chair mon a ed Onorab. Nou vot en Bidze pour Departman Lapolis. Si Komisyoner Lapolis i anvi fer en investigation lo ki mannyer Kordgard Beau Vallon i ganny run, eski nou demann en rapor sa? Of course not.*

*Nou pa kapab dir se aköz nou'n donn li larzan pour li fer travay son Minister, ki fodre sak fwa ki annan en rapor, sak*

*fwa ki annan en lanket, i vin kot nou. This is exactly the same point. I understand, i understand probableman lanpler i diferan.*

*Me mon krwar Minis in fer en bon propozisyon. Given the late hour and given the fact ki nou pa'n annan en lamannman e nou pa kapab regard e gage, kisisa ki kapab arive avek en lamannman ki nou kapab fer hastily ozordi.*

*Annou retourn lo la, apre ki sa Lalwa in pase, e si fodre fer en lamannman we will do it when we have the time to study it. Mersi.*

**MR SPEAKER**

*Well, nou bezwen move on, pour le rezon ki napa en kestyon ki konsekan e i napa en matter - en amendment ki Manm in ganny sans reflexir lo la. Onorab Pillay nou a move on silvouple.*

**HON SEBASTIEN PILLAY**

*Non-Mr Speaker. Avek tou respe mon ti a kontan ou donn mwan en Ruling anba Standing Order e dir mwan poudir ou pa pe aksepte mon lamannman aköz i en en substantial amendment. Sa ki mon ti a kontan ou dir mwan.*

**MR SPEAKER**

*Wi egzaktaman se sa ki mon pe dir.*

**HON SEBASTIEN PILLAY**

Mon pa pe koz Manm reflesir lo la akoz i annan, akoz sa pour mwan ....

**MR SPEAKER**

Wi. I pa en – i en *substantial amendment*..

**HON SEBASTIEN PILLAY**

Pour mwan met lo rikord akoz *next* ou Gouvernman pour vin avek *substantial amendment* ki pour demann ou pour *relax Standing Order*, ozordi i ava servi koman en presedans dan sa konteks...

**MR SPEAKER**

*Yeah*. Non mon vremen konsidere ki i en *substantial amendment* akoz tou sa bann diskisyon ki nou'n fer, i montre. E Minis in eksplike poudir i a kapab annan konplikasyon. So mwan mon *ruling yes, we cannot accept it because it is a substantial amendment and it has not been tabled*. Mersi nou a kontinyen silvouple. Onorab Hoareau.

**HON JOHN HOAREAU**

Mersi Mr Chair, nou'n ariv lo paz 27. So 27 a mon avi mon pa vwar okenn, okenn lamannman nesaser ki nou bezwen diskite.

**MR SPEAKER**

*Hold on*. Onorab Loze, wi?

**HON JOHAN LOZE**

Mr Speaker mon demann en leskiz mon konnen Minis i fatige. Mon annan zis en *point of concern* lo 27. 45 “*Determination of initial capital and shares*”.

*“The market value of the net assets of a public enterprise, shall be determined by an independent valuer and treated as the initial capital of the public enterprise under section 44.”*

Mr Speaker mon konsern napa okenn provizyon ki ganny fer lo lekel ki apwent sa *independent valuer*. E se li ki pour vin determin valer, *unless* mon pa konnen si zot a dir mwan i kouver anba 44(1).

*“The Minister may, by order published in the Gazette, declare a statutory corporation to be a public enterprise”*. Unless zot pe sey dir mwan i kouver la.

Be still i pa dir. *But the valuer* pour vin determin valer en *consequential asset* Leta. Be zis i aparet. Pouf! Mersi Mr Speaker.

**MR SPEAKER**

Minis i anvri adres sa?

**MINISTER NAADIR HASSAN**

Mersi Mr Chair. Mersi Onorab. Seksyon 45, “*The market value of the net assets of a public enterprise shall be determined*

*by an independent valuer and treated as the initial capital of the public enterprise under section 44”.*

*So section 44 li i basically ler ou pe, the Minister is by order pe declare a statutory corporation to be en public enterprise. So mwan ler mon lir 45 ek 44 ansanm, se Gouvernman ki pour apwent independent valuer. Mersi.*

**MR SPEAKER**

Onorab Pillay.

**HON SEBASTIEN PILLAY**

*Mr Speaker therein lies the problem. I bezwen annan somebody ki apwent sa independent valuer. Ok? Be i pa kapab the Minister.*

*I bezwen the Commission ki pour apwent the independent valuer. Akoz se the Commission ki pour responsible for the PE. Pa Minis. Minis i deklar sa PE en, sa antite en PE wi. But then the Commission appoint the independent valuer, akoz the relationship has got to be between the Commission and the independent valuer.*

**MR SPEAKER**

Ok. Onorab Georges.

**HON BERNARD GEORGES**

Mersi Mr Chair. Mr Chair mon pa vwar ankor enn fwa okenn problem. En Lalwa in dir i

*ava annan en independent valuer, the issue here is that the initial capital will be determined by an independent valuer.*

*Me si Minis - si Minis Finans i pe al invest dan en public enterprise. Minis Finans i ava demann en independent valuer, donn mwan en lendikasyon what the initial capital i devret etc. Pour mwan konnen si mon devret si mon pour invest or not. Likel ki pour fer li?*

*Once again, we have to go back and think in terms of an ordinary company. Se egzaktaman sa ki ou fer. Ou rod advice, pour ou konnen kote ou pour kapitaliz ou investment. Mon pa vwar ki annan en difikilte, fodre nou specify lekel ki pour fer sa.*

*Sa dimoun ki pe invest, ki pour fer sa Mr Speaker.*

**MR SPEAKER**

Thank you.

**HON BERNARD GEORGES**

*Me pandan ki nou lo la. Nou'n sot 40 ek 41 ek 42. Akoz si se Minis - ou vwar akoz nou'n sanze, nou dir ki se - or i see ok. So responsible right ok. Mersi. Onorab Hoareau i ava endik nou. Mersi.*

**MR SPEAKER**

Ok.

**HON JOHN HOAREAU**

Mersi.

**MR SPEAKER**

Be. Onorab Pillay ou ankor lo sa pwen?

**HON SEBASTIEN PILLAY**

Wi Mr Speaker. Onorab Georges pe *mislead* Lasanble. *Ok* i annan en keksoz ki Onorab Georges i fer, e ki i pe pran sa - mon konpran son leksperyans dan domenn piblik. E personn pa kapab *afford* son leksperyans. Be la in koz ek lo en *statutory*, en *statutory corporation to the public enterprise*.

Minis pa pe al *invest* la, dan sa *statutory corporation*. Sa *statutory corporation* i deza pour Gouvernman *by virtue* ki i *statutory*. I ganny kree par en *statute* e si i ganny kree par en *statute* i pour Gouvernman.

Le pwen ki nou pe dir se ki, sa *independent valuer* i bezwen ganny apwente par en dimoun. Nou pa dakor ki Minis ki pour apwent son *independent valuer*. Si zot pe al dan sa direksyon, nou i en fot lepase ki nou'n fer. *We want to avoid it*.

**MR SPEAKER**

*Ok*.

**HON SEBASTIEN PILLAY**

Be zot pe repet. Ankor enn fwa zot dir zot le fer keksoz diferaman, *it's the same thing!*

**MR SPEAKER**

Minis. *Yes, please address*.

**MINISTER NAADIR HASSAN**

Mersi Mr Chair. *Hopefully* mon kapab met sa largiman *to rest*. Ou konnen mon krwar, mon vwar nou pe kree *mislead* en problemn kot napa en problemn.

*The Minister* ki declare en *statutory corporation as a public enterprise*. So the Minister i apwent en *independent valuer*. Be sa mo li menm i dir ou, "*Independent valuer*".

So - sa - *who* - i kapab the Minister, i kapab *the PS*, i kapab Prezidan be i pe apwent en *independent valuer*. *That's the most important thing*, dan sa *clause*.

So Mr Chair mon pa vwar en problemn dan sa *clause*. Mersi.

**MR SPEAKER**

Mersi. Mwan mon poudir en keksoz. Mon pa vwar en fason ki en Lalwa menm si en *comprehensive* i pour kapab kouver tou kalite desizyon. I bezwen annan sa dimoun ki responsab pour sa *public enterprise e Commission* ki fer desizyon. So, mon krwar, Lasanble i bezwen aksepte si i

pa ganny defini lekel ki aksepté.

Onorab Loze, nou pe, nou pe *move on* la.

**HON JOHAN LOZE**

Mr Speaker mon pa pour vin tard deba mwan. Mon ti pe sey dir zisteman ki nou, nou ti pe sey fer, se ki lapros ki Lalwa in pran. *Everything defaults back to the Minister. Everything defaults back to the Minister.* Prezan zot pa *state* klerman zot. Akoz menm sa 44 i dir ou – *“The Minister may, by order published in the Gazette, declare a statutory corporation to be a public enterprise”*.

Apré anba kot i koz *independent valuer*, i zis *sneakily* ki'n met *under section 44* i pa koz ou lo *appointment* li. Zis *very sneaky* i dir ou *under section 44*, la nou *seek explanation* nou ganny dir i *defaults back to the Minister*.

Be.. .

**MR SPEAKER**

Sorry nou'n diskrit sa prensip...

**HON JOHAN LOZE**

Non mon ti pe zis...

**MR SPEAKER**

Ki kantite pouvwar Minis pour annan...

**HON JOHAN LOZE**

Mon ti pe zis. Mon ti pe zis.. mon pe al fini mon pwèn Mr Speaker

**MR SPEAKER**

Nou pa pour antre ankor dan sa diskisyon.

**HON JOHAN LOZE**

Non-Mr Speaker mon zis anvi terminen, mon osi. Nou'n ganny dir poudir *the key word is independent valuer*, be ozordi partou nou vwar zot pe apwènt zot fanmir, zot kouzen, zot ser, zot frer!

**MR SPEAKER**

La Onorab sorry. Onorab Hoareau *next one please*.

**HON JOHN HOAREAU**

Yes Mr Chair. Mon le retourn enn pti pe *backwards* lo 41. A mon avi i devret lir koumsa, *“Any officer or person not in agreement with a report of the investigator, shall have the right to appeal against the disputed subjects to the Minister”*, *en full stop*.

Prezan 40, *upon*. Nou retourn 40 aprezan. *“Upon the receipt of reasonable grounds from an investigator, the Commission may propose to the Board of the respective public enterprise or the Minister, to suspend any official from office in accordance with the Employment Act”*. Nou retir sa



bout “*responsible Minister as the case may be*”

Aprè 42(1), *The Minister or responsible Minister through the Minister shall have the powers to withdraw,*” eksetera. Ok.

**MR SPEAKER**

Onorab Pillay ou pe adres sa?

**HON SEBASTIEN PILLAY**

Be mwan mon krwar nou'n vwar problem ki pe arive. Mr Speaker savedir, Minis Finans pour sispann en dimoun, ki travay SPTC e non pa Minis Transpor. Savedir Minis Finans, ki pour sispann CEO SFA e non pa Minis Lapes.

*This is what your amendment does. Because you are submitting it to the Minister. Be then annou apel trwazyenm, katriyenm Prezidan Sesel Minis Hassan.*

**MR SPEAKER**

Ok lets not go there. Selman mwan mon pwen...

**HON SEBASTIEN PILLAY**

*This is, this is, this is what you're creating Mr Speaker.*

**MR SPEAKER**

Hold on. Ok.

**HON SEBASTIEN PILLAY**

*You're creating a super Minister for Finance ki pour fer tou keksoz.*

**MR SPEAKER**

*Sorry, sorry. Non-pour dan mon responsabilite pour diriz sa forward. Sa bann wording ki la in ganny, in pas dan Bills Committee in ganny aksepte par panel.*

E si in pas dan Bills Committee sa mon pa kapab. Selman in ariv la. So ki mannyer nou pe al sanz li la? Minis eski ou le adres sa bann propozisyon? Yes.

**HON SEBASTIEN PILLAY**

Ok Mr Speaker. Mr Speaker i 7er 33. Nou ankor annan lenerzi pour travay si Onorab Georges i fatigue dir li aret disturb mwan.

Mr Speaker annou ganny en keksoz kler. Sak sa bann antite zot bann *statutory corporation, statutory bodies, right?* So zot annan en Minis ki responsab sa *statutory body. Appointment and suspension of bann official anba sa statutory body.* I ganny fer par sa Minis ki responsab sa *body.*

Get ki sa *clause* poudir 40,

*“Upon the receipt of reasonable grounds from an investigator, the Commission has the power to propose to the Board of the respective public enterprise or the Minister, to suspend any official from office”.*

Akoz i ti met “*responsible Minister*” la? Akoz *in the first*

*place* i ti mazine, se ki sa - se sa *responsible Minister* par egzant dan ka Minis Ferrari se li ki apwent *CEO SFA* avek konsiltasyon avek Prezidan parey zot kontan fer. *This is the point that I am making Mr Speaker. To me it does not make sense.*

**MR SPEAKER**

*Sorry*, mon pa konnen si legzanp *SFA* i aplike akoz la nou pe koz en *public enterprise*, ki'n ganny. Onorab Georges, wi.

**HON BERNARD GEORGES**

Mersi Mr Speaker. Mr Speaker mon krwar, nou devret anpes Onorab Pillay anvoy bennzin dan son lakaz, met dife dan son lakaz apre kriy *fire brigade* pour vin tenny dife. Akoz sete egzaktaman sa ki nou pe fer depi apre midi.

I soulev en pwen, i soulev en pwen ki pa en pwen, apre i vini i donn nou en fason pour nou *solve* sa pwen ki in leve. Mr Speaker si nou krwar la, i kler *this is during an investigation which the Minister has launched.*

Se pour sa rezon ki sa bann mo i la, *on the grounds from an investigator, is not in agreement with the report of the investigator.* Alors si se li ki'n *investigate*, si se li ki'n *launched* sa *investigation*, i bezwen li ki pour pran sa

desizyon. Se pour sa rezon ki nou pe fer sa. Akoz pli boner nou'n tonm dakor ki se Minis ki pour ganny sa permisyon, e zot, zot in dakor.

Alor prezan nou pour bezwen fer menm zafer isi. Mersi Mr Chair.

**MR SPEAKER**

Mon kapab admet ki zot in reisir pour konfiz mwan. *Ok* mon pa konnen mon a les Minis adrese silvouple Onorab Pillay.

**MINISTER NAADIR HASSAN**

Mersi Mr Chair. Mr Chair zot in kapab konfiz ou akoz kree problemm kot napa problemm.

**MR SPEAKER**

*Ok, so-*

*(Off-Mic)*

**MINISTER NAADIR HASSAN**

Non! Non! Mon pa fatigue mwan. Mon *again* mon remet mon pozisyon lo la. *This is an investigation, ki ganny launched by the Minister. So it just follows*, ou pa kapab en pe parey Onorab Georges in dir. Ou fer Lapolis Sesel fer lenvestigasyon, apre ou dir anvoy aksyon kot Lapolis Angle pour fer sa. Ou pa kapab fer sa. Mersi.

**MR SPEAKER**

Non be mwan mon kestyon, se ki *wording* nou pe rode la? Eski sa enn ki la lo papye oubyen sa enn ki Onorab Hoareau in propoze dernyen? Sa ki mon pe rode, lekel *wording* ki zot in *agreement* avek? Onorab Pillay, wi?

**HON SEBASTIEN PILLAY**

Mersi Mr Speaker. Mr Speaker si mon ti pour dir ou fer mwan en faver pa ekout Onorab Georges tro bokou, akoz se li ki kree sa konfizyon. Gete problemm i senp, Lalwa ki manner ti'n ganny drafte ti dir, sa lenvestigasyon *reasonable grounds investigator* i *submit* sa to Minis e pour li demann sispann.

Minis i anvi ki li *ki all roads leads to Rome*, tou semen pas atraver li, tou lenvestigasyon li ki komanse, tou keksoz li ki fer. Pa problemm li ki dan Gouvernman, li ki deside.

Mon problemm se avek sa boug, ki zot al vwar en keksoz ek li si i annan en defans. Ou dir li al *appeal* avek son *responsible Minister*, ki pa konn nanryen dan lenvestigasyon ki ou ou'n inisyé. Me selman ou ki met li deor. Eski i normal pour en travayer pa konpran ki semen i sipoze pran? *This is my concern*.

Prezan Mr Speaker, nou, nou Lasanble nou, nou sipoze fer *oversight*. *Oversight* lo Minis Finans, ou bezwen *extend to* aksyon ki en Minis Finans i kapab pran avek *IECD*, i pour bezwen *extend to* aksyon i kapab pran avek tou sa bann *SOEs* ki'n mansyonnen anba *Schedule 1*. E *SFA* i en *SOE*.

So mon pwen i senp Mr Speaker. Nou pe dir ek zot pa fer sa fot. Setou. E Minis i bezwen aksepte poudir menm si rapor i ganny *submitted* ek li, sa *responsible Minister* i *still* kapab, i bezwen la pour li, li ki bezwen pran sa aksyon akoz se li ki'n apwent sa dimoun. Pa ou ki apwent *CEO SFA*, pa ou ki apwent *CEO IDC*, se Prezidan avek konsiltasyon Minis Lapes.

**MR SPEAKER**

*Ok.*

**HON SEBASTIEN PILLAY**

*So in fact*, si pour Prezidan *then* Prezidan ki bezwen sispann sa dimoun.

**MR SPEAKER**

*Ok.* Nou annan de- Onorab Hoareau silvouple, zis repet *wording* ki ou pe propoze dan sa de Seksyon.

**HON JOHN HOAREAU**

Mersi Mr Chair. Mr Chair nou a komans avek *clause 40*.

**MR SPEAKER**

Yes 40.

**HON JOHN HOAREAU**

*Ok. "Upon the receipt of reasonable grounds from an investigator, the Commission may propose to the Board of the respective public enterprise or the Minister, to suspend any official from office in accordance with Employment Act".*

**MR SPEAKER**

*Stop! Stop there. Minis eski ou dakor avek sa wording?*

**MINISTER NAADIR HASSAN**

Wi, Mr Chair.

**MR SPEAKER**

Manm eski i annan obzeksyon lo sa *wording*, oubyen nou bezwen vot lo la? Obzeksyon. Eski nou pour bezwen vot lo la, pour aksepte? Onorab Hoareau ou le *move* sa *amendment*? *Yes move. Move.*

**HON JOHN HOAREAU**

Yes mon pe *move* sa *amendment*.

**MR SPEAKER**

Segonde silvouple. Onorab Naidu i segonde. Manm ki an faver lev lanmen silvouple? *Thank you.* Manm ki kont. *Ok.* Lo *amendment* propoze par Onorab Hoareau pour sa

*Public Enterprise Bill.* 16 Manm in vot pour, 8 in vot kont e 0 in *abstain*. Donk sa *wording* in ganny aksepte par Lasanble. 41.

**HON JOHN HOAREAU**

41 i lir koumsa. *"Any officer or person not in agreement with a report of the investigator shall have the right to appeal against the disputed subjects to the Minister."* *Full stop.*

**MR SPEAKER**

*Full stop.* Sa amannman ou pe *move*?

**HON JOHN HOAREAU**

Yes. Mon pe *move*.

**MR SPEAKER**

Mon a ganny en *secondment* silvouple. Onorab Naidu. *Ok* Manm ki an faver? *Sorry* nou a vot lo la- Lekl?

**HON SEBASTIEN PILLAY**

*(Off-Mic)*

**MR SPEAKER**

Yes, Onorab Hoareau?

**HON JOHN HOAREAU**

Mr Speaker anba *Order 72(1)* ou kapab... *"Provided that the Chairperson may relax this provision in favor of simple amendments or emergency Bills."* So ou kapab *relax* bann *Orders*, pour nou kapab pas sa *Bill* silvouple.

**MR SPEAKER**

Yes mon- Yes Onorab Pillay?

**HON SEBASTIEN PILLAY**

Mr Speaker si ou *relax* la, ou a bezwen *relax* pour mwan taler. Akoz ou pa kapab swazir pour *relax* ler LDS i demann ou e pa *relax* pour nou.

**MR SPEAKER**

*As long as* ki mon pe met li.

**HON SEBASTIEN PILLAY**

I pa pour lozik. I pour *bias* Mr Speaker! *Sorry* i pour *bias*. *It cause into question your credibility!* Mr Speaker...

**MR SPEAKER**

*Order!*

**HON SEBASTIEN PILLAY**

*Sorry* Mr Speaker, *it cause into question the impartiality of the Chair!* Si dan sa konteks ou *relax* because *this is not a simple amendment*. Akoz ou pe koz kote mwan koman en travayer, ki *aggrieved* ek en desizyon ki'n ganny pran par Minis Finans pour al *appeal*, mon pour vin *appeal* ek Minis Finans, kan par egzanp mwan mon travay dan domenn lapes, kot mon devret al *appeal* ek sa Minis ki sipoze konn mon fonksyon ki mwan mon fer. E ki baze lo mon Lalwa, mon ganny apwente par sa dimoun atraver Prezidan.

*In fact* fot ki zot pe fer se Prezidan ki devret pe sispann sa bann dimoun, pa Minis.

**MR SPEAKER**

*Ok.*

**HON SEBASTIEN PILLAY**

So Mr Speaker *I urge you*. Les nou fer en deba lo sa amannman parey *Standing Order*. E si ou *allow* li, e si ou *allow* li i en *emergency amendment* ki ou pe fer. Akoz i en *emergency Bill*. Ki ou'n refize aksepte pour mwan, i pour montre klerman Mr Speaker *that there's no, there's no partiality or there's no fairness with the Chair*.

**MR SPEAKER**

Mersi.

**HON SEBASTIEN PILLAY**

Mon pa pe dir sa dan en fason kritik. Me mon pe dir en lobzervasyon. Mersi Mr Speaker.

**MR SPEAKER**

Mersi Onorab. Anba mwan responsabilite mon a *put the question to a vote*. Tou Manm ki an faver lev lanmen silvouple. Mersi Manm ki kont. *Thank you*. Lo *amendment* - dezyenm *amendment* propoze par Onorab Hoareau pour *Public Enterprise Bill*. 16 Manm in vot

pour, 8 kont e 0 in *abstain*. Sa *amendment* in pase.

Yes, Onorab ki ou *matter of privilege*?

**HON SEBASTIEN PILLAY**

Mersi Mr Speaker. Mr Speaker Konstitisyon nou *Standing Order* i prevwar ki tou Manm i bezwen ganny menm tretman ekitab *Standing Orders* Lasanble Nasyonal. Mon pe *submit* devan ou ki ou tretman ki mwan mon'n resevwar an relasyon ek lamannman ki mwan mon'n propoze lo Lalwa ki devan Lasanble *was not fair and equitable*.

E mon demann ou pour donn en *ruling forthwith* lo lefe ki ou'n abiz lotorite dan *Chair* pour favoriz mazorite dan Lasanble Nasyonal, pour *allow* zot lamannman e ou'n servi ou diskresyon pour *allow* zot lamannman e refize pour *allow* nou kote latab pour propoz okenn lamannman, malgre sibstansyel, me kapab ede dan konteks sa *Bill*. Mersi Mr Speaker.

**MR SPEAKER**

Mersi. Mon pe *rule* ki mon konsider *amendment* ki Onorab Hoareau in propoze, en senp *amendment*, akoz i zis *delete* serten *words*, e anba *Order* 44 mon annan drwa *waive* sa *requirement*. Onorab Hoareau ou a kontinyen silvouple.

**HON JOHN HOAREAU**

Mersi Mr Chair. Mr Chair ou le mon relir 42 aprezan?

**MR SPEAKER**

Ou'n mete ou *amendment*, mon sipoze...

**HON JOHN HOAREAU**

Si oule mon anmenn sa lamannman pour 42(1)?

**MR SPEAKER**

41.

**HON JOHN HOAREAU**

42(1).

**MR SPEAKER**

42(1). Yes.

**HON JOHN HOAREAU**

Ok Mr Speaker mon pe *move* ki 42(1) i lir koumsa. "*The Minister or responsible Minister through the Minister, shall have the power to withdraw, terminate, suspend or cancel a special investigation which he or she has directed in accordance with section 35(1) and the reasons for such action shall be documented by the Commission*".

**MR SPEAKER**

Mersi. Ok nou pe *amend*. Yes ou'n donn sa Minis pouvwar, be selman nou pe *amend* en *clause* dan sa Lalwa. So nou bezwen, nou bezwen fer sa

*amendment.* Onorab Hoareau in propoz an *amendment.* Manm ki le segonde silvouple? Onorab Naidu.

**HON SATHYA NAIDU**

Lamannman i ganny segonde Mr Speaker.

**MR SPEAKER**

Silvouple. Manm ki an faver lev lanmen silvouple. *Thank you.* Manm ki kont. *Thank you.* Lo trwazyenm amannman propoze par Onorab Hoareau lo *Public Enterprises Bill, 2023, 16* Manm in vot pour, 8 kont e 0 in *abstain.* Sa *amendment* in pase.

Silvouple nou a kontinyen. Onorab Hoareau *next point.*

**HON JOHN HOAREAU**

Mersi Mr Chair. Mr Chair nou a kontinyen lo paz 27. Mon krwar i annan 3 ankor lezot pti amannman ki'n ganny agree. Nou al lo paz 28. Ankor mon vwar tou *amendment* in ganny agree, nou al lo 29.

**MR SPEAKER**

En enstan. Wi Onorab Loze.

**HON JOHAN LOZE**

Mr Speaker mon annan zis enn pti pwen ki mon anvi met devan ou. Vi ki zot dir nou, nou pe balans bennzin dan nou prop lakaz pour met dife.

*E mwan, I submit to you Mr Speaker there's a lot of problem with this Bill.*

Ou koman en dimoun ki kontan langaz parey mwan. *I will draw your attention to 47, Continuous guarantees. "Despite a budget dependent entity being declared to be a public enterprise, a guarantee or indemnity given by the Minister by or under an Act or otherwise before the date of the declaration in respect of the performance, satisfaction or discharge of obligations or liabilities of the budget dependent entity under an instrument issued or entered into by the budget dependent entity before the date of that declaration, continues as a like guarantee or indemnity."*

Mr Speaker be ki langaz sa Eskimo? Non, konmsi.

**MR SPEAKER**

*Thank you.*

**HON JOHAN LOZE**

Ki langaz sa pengwen? *Seriously!*

**MR SPEAKER**

*Well.*

**HON JOHAN LOZE**

*Ok Mr Speaker mon'n balans bennzin la.*

**MR SPEAKER**

Ok. Non mon a reponn ou. Wi i en pe konplike, be langaz legal souvan, souvan i konplike. *Sorry.*? Mon pa'n ok.

**HON JOHAN LOZE**

Mr Speaker. Langaz legal ni *punctuation* napa ladan. Langaz legal sa?

**MR SPEAKER**

Oule, oule propoz *punctuation* Onorab Loze?

**HON JOHAN LOZE**

Non-Mr Speaker! Mon pe zis *point out* avek ou, ki sa i en salad mo e *we are rushing through this Bill* nou pe get en ta problem deryer. *Is it incumbent upon us*, pou fer en *Bill* pase ki dimoun i kapab konpran.

Onorab Georges mon konnen ou fatigue. Aret gele silvouple.

**MR SPEAKER**

*Order! Order!* Si i napa, si Onorab Loze napa en *simple amendment*, nou a kontinyen. Onorab Hoareau *next point*.

**HON JOHN HOAREAU**

Mersi Mr Chair. Nou pour kontinyen lo paz 29, mon pa vwar okenn problem 29. Lo paz 30 osi nou'n *agree*. Prezan paz 31 i annan 2 ki'n *agree* me i annan en *comment* la. Mon ti a kontan ki Onorab Georges i

eksplik sa enn pti pe, silvouple.

**MR SPEAKER**

Silvouple refer mwan lo ki seksyon.

**HON JOHN HOAREAU**

Lo 31, paz 31.

**MR SPEAKER**

Wi.

**HON JOHN HOAREAU**

Nou lo *clause 51(4), 51(3)*. *Hang on*. *Sorry*. Eskiz mwan mon a redir sa.

**MR SPEAKER**

I pa lo paz 31 li.

**HON JOHN HOAREAU**

I lo *53(5), 53(5) subsection 5*. Paz 31.

**MR SPEAKER**

*Bear with me please*. *53(5)*.

**HON JOHN HOAREAU**

Lannwit pe fer mon krwar.

**MR SPEAKER**

Yes. Lekl. Lekl ki nou pe konsidere la? Onorab Georges wi. Enn pti moman Onorab Pillay.

**HON BERNARD GEORGES**

Mersi Mr Chair. Mr Chair mon anvi *query* sa dezyenm fwa ki sa mo "*distributed*" i aparet dan sa *clause*. Si nou regard li



byen Mr Chair, nou vwar ki i dir,

*“An estimate of the amount intended to be distributed as dividends for each year shall be covered by the statement of corporate intent, together with an estimate of the amount or proportion of annual tax paid on earnings from both capital and revenue sources, that is intended to be distributed to Government”.*

*While I agree e Onorab Loze ki en fen dimoun ki kontan bann mo i ava dakor avek mwan. While I agree that “distributed” i bon pour dividends. “Distributed” is not appropriate for payment of tax.*

*Mon ti a propoze ki sa mo, “distributed” dan katriyenm laliny i sanze e i ganny substituted by “paid”. “Distributed dividends and tax that is intended to be paid to Government or remitted to Government”. Mersi.*

#### **MR SPEAKER**

Onorab Pillay, wi?

#### **HON SEBASTIEN PILLAY**

Mersi Mr Chairman. Mr Chairman mwan mon annan en *issue* akoz nou'n al vit. Be lo seksyon 51(1). I dir *Policies and strategic priorities*. *“The government shall provide policy directives for the governance of the public*

*enterprises”.* Mon pa an faver sa mo *government* akoz *this is policy directives*.

E Gouvernman i enkli *all entities within government under 51(1)*. Ok? E mon konpran ki Onorab Georges pe diskite an relasyon avek sa *next clause*, me 51 i vin avan. So, mon ti a kontan adres sa. Vi ki Minis i partou, akoz safwasi pa Minis ki pe set – non, non-Mr Speaker i bezwen ganny definir.

Akoz Lasanble Nasyonal i form par Gouvernman. Pa nou ki pour *set policy directives*, sertennman pa nou lo sa kote latab ki anvi *get involve* ek *set policy directives* ek zot bann SOEs apre sa Lalwa ki zot pe fer. Pa koz mwan lamannman ou.

#### **MR SPEAKER**

Ok.

#### **HON SEBASTIEN PILLAY**

Akoz ou pa le aksepte lamannman, *we have to bring the point up*.

#### **MR SPEAKER**

Nou a *settle-nou a settle* sa pwen dan 5 premye. *To change “distributed” to “paid”*. Eski Minis i annan okenn obzeksyon pour sa. *Yes Minister?*

#### **MINISTER NAADIR HASSAN**

Mr Chair, non.

**MR SPEAKER**

Minis. *Sorry* mon pa'n tann ou.

**MINISTER NAADIR HASSAN**

Mr Chair non mon napa okenn obzeksyon.

**MR SPEAKER**

*Ok. Ok* prezan nou a kapab regard 51. Onorab Pillay.

**HON SEBASTIEN PILLAY**

Mersi Mr, Mr Chairman. *Policies and strategic priorities of sa SOEs i bezwen ganny set par antite ki sipoze pe devlop sa SOE. Akoz i Gouvernman ki bezwen set sa policy?*

I pa rol Gouvernman – Gouvernman *what do you mean by government* la? *Because you have to understand* Mr Speaker, mon pe baz sa largiman lo lefe Gouvernman dan sa Lasanble in refize kategorikman fer nou form parti okenn desizyon an sa ki konsern sanzman kote bann dimoun pour *appeal*; ki manner bann aksyon pour ganny pran ek bann antite an relasyon ek bann *special investigation*.

La *suddenly* nou sipoze tonm dakor ki Gouvernman ki pour decide *strategic priorities*? Non.

**MR SPEAKER**

Eski ou pe propoz en lamannman la?

**HON SEBASTIEN PILLAY**

Mr Speaker i annan zis en lamannman ki zot devret pe propoze. I devret Minis.

**MR SPEAKER**

*The Minister?*

**HON SEBASTIEN PILLAY**

Be akoz se li ki bezwen, akoz li ki deza pe donn *directives*.

**MR SPEAKER**

*Well,* li ki reprezentant Gouvernman.

**HON SEBASTIEN PILLAY**

I pa nou rol koman Lasanble Nasyonal.

**MR SPEAKER**

*Ok.* Annou les Minis konsider sa. Nou a gete si i konplike. Si i konplike nou a bezwen *move on*. Minis.

**MINISTER NAADIR HASSAN**

Mersi Mr Chair. *Mr Chair the policy intent here* se ler nou pe dir Gouvernman se *the Executives*. So mon leave it ti *the AG's Office* pour decide si *the drafting language reflect the policy intent*. Mersi.

**MR SPEAKER**

Yes, Onorab Georges.

**HON BERNARD GEORGES**

Mr Chair, ankor enn fwa, tou dimoun i konnen e sirtou Lezislater i konnen ki sa mo Gouvernman i annan de sans. *Government with a capital "G", i include sa trwa brans Gouvernman. Government with a small "g" is another word for the Executive.*

Nou tou nou konnen, mon pa konnen aköz 4 minit avan 8er, nou bezwen pe diskite en keksoz ki be *aback* ki nou bann Lezislater nou konn sa depi ler nou'n antre dan sa Lasanble. Mersi.

**MR SPEAKER**

Mersi. Minis mon'n kestyonn ou, si ki ou pozisyon lo la?

**MINISTER NAADIR HASSAN**

Mr Chair mon pozisyon se *by "government", we mean the Executives* e si sa *language* i reflekte sa mon konfortab avek. Mersi.

**MR SPEAKER**

*Yah. So* ou konfortab avek *wording* ki la? Oubyen AG pour donn en lopinyon. Yes Onorab Pillay?

**HON SEBASTIEN PILLAY**

Mersi Mr Speaker. Mr Speaker in arive en staz kot mwan mon pa *trust* Onorab Georges, ni avek en *little "g"*.

**MR SPEAKER**

Wi me.

**HON SEBASTIEN PILLAY**

Mon problem mwan i kapab dir ek *capital, small* mon pa pour *trust* li ditou. Aköz mannyer in fer ozordi, i montre mwan poudir i napa okenn lentansyon vin pli transparan avek lafason zot fer keksoz. Mwan mon pa vwar rezon aköz ler nou pe koz lo Gouvernman, nou pe vin enkli Gouvernman *as it means today, it means* Lasanble Nasyonal e Zidisyer.

Minis in anvi pran tou pouvwar anba son Lalwa. *Then that should be the case.* Donn li tou son pouvwar aköz pa vin *water down* or kree konfizyon ki apre ler pour fer *oversight* lo la i vin en problem. Non!

I pa *the government* ki pour *set the Policy. The directives are being given directly by the Minister. The Minister is the representative of the government.* Li ki devret pe fer sa. *I don't think this carries the meaning and it goes against the ethos of this Assembly* Mr Speaker.

**MR SPEAKER**

Ok mwan mon lopinyon se ki si sa Lalwa i dir *the government* e se Minis ki ansarz sa seksyon *public enterprise* se li ki pour ganny *delegate* pour fer sa *policy.* Donk AG, *Counsel?* Nou pe

regarde si ou pour aksepte *the Minister* la, oubyen si ou pe propoze ki *for drafting purposes* it *remains* "government."

**LEGAL DRAFTSPERSON**  
**IRENE SIRAME**

*It should read Minister...*

**MR SPEAKER**

*It should be - sorry. Sorry Counsel I don't hear you, you have to either shout.*

**LEGAL DRAFTSPERSON**  
**IRENE SIRAME**

*It should read "Minister" instead of "government."*

**MR SPEAKER**

*It should read the Minister. So that's settled.* Madanm Clerk pe endik mwan poudir nou bezwen sanz batri dan serten *microphone*. So mon pour deklar en *technical break* 3minit nou pour reste dan lasal e nou a permet teknisyen sanz batri. So si nou kapab zis koup transmisyon e permet teknisyen antre nou a fer sa sanzman. Silvouple.

*(technical break)*

**MR SPEAKER**

Pare pou rebran ler teknisyen i a retourn lantern. Byen, nou kapab rebran. Onorab Georges ki pwen?

**HON BERNARD GEORGES**

Mr Chair mon annan en *point of order* e mon pe vin anba *Order 72*. Mr Chair mon konsernen par lafason ki sa deba pe *proceed* e ki mannyer i pe ganny sirtou *proceed* par Lopozisyon dan sa Lasanble. nou annan devan nou en *Bill* e i annan en seri lamannman ki'n ganny propoze lo sa *Bill*.

E la ki nou dan *Committee Stage* anba *Order 72* nou devret pe regard sa bann lamannman. Mon pa konpran akoz ki Lopozisyon ki'n deside pa *submit* okenn lamannman, ni 1 an ekrir *or otherwise* pe ganny loportinite apre midi pou zot debat lo bann *clause* ki zot pa'n anmenn okenn amannman.

Si nou pou kontinyen koumsa, sa ki nou pe fer se repet en deba lo *policy* sa *Bill* e ki nou'n fer pou sa dernyen 3 a 4erdtan san ki nou pe donn lavantaz sa bann ki'n anmenn lamannman pou diskit zot lamannman. Nou pe pas plis letan pe koz lo bann keksoz ki pa'n anmenn devan nou Lasanble olye *focus* lo sa bann ki nou ki'n travay e ki'n anmenn amannman devan sa Lasanble, ki Onorab John Hoareau pe propoze ozordi. Nou, nou pa kapab pas nou letan pe debat nou bann lamannman.

Alors Mr Chair mon demann ou anba *Order 72* pou re ankadre lafason ki sa deba pe ale apre midi, e annou al zis lo bann amannman ki devan nou. Si i annan okenn lezot dimoun ki anvi anmenn en lamannman e ki zot santi ki anba *Order 72 - 72(1) proviso* ki zot anvi anmenn en lamannman ki enportan, silvouple demann zot pou *formulate* zot lamannman e pou met li koman en lamannman e non pa pou demann en kestyon oubyen argye en pwen Polisi, san ki sa i *culminate* dan en lamannman.

E nou ava vot lo sa bann amannman si i annan e mon krwar nou kapab ariv kot nou a en ler apropiye apre midi. Mersi.

### **MR SPEAKER**

Mersi. Nou pou prosede avek bann lamannman ki la ki'n fer antre, wi Onorab Pillay?

### **HON SEBASTIEN PILLAY**

Mr Speaker, Onorab pa kapab zis lir *Order 72* i bezwen lir *Order 73, procedure in Committee of the whole Assembly*. E napa naryen ki donn li okenn pouvwar pou li fer sa ki in fer, savedir ou pe dir ek mwan ki Onorab Georges ki pou dir ou ki mannyer Lasanble i sipoze fonksyonnen?

Apre ki in fini dir ou son *point of order* ou pa ni *rule* si son *point of order* i annord e ou deside pou dir li ou pou prosed dan lafason ki li i deside? *But this is tantamount to dictatorship* dan sa Lasanble Nasyonal, *I am sorry* Mr Speaker.

**(APPLAUSE)**

### **HON SEBASTIEN PILLAY**

*Order 73* i dir ou, i dir ou kler *Order 73(1) up to Order 73(8)* i dir ou ki mannyer nou pou *deal* avek lamannman. So, nou annan drwa pou nou raise e nou, nou, nou'n koz lo lamannman ki'n ganny propoze par Onorab. Napa naryen mal ek sa.

Savedir ki nou devret fer? Si zot ki'n anmenn lamannman, zis zot ki pou koz lo la? Me zot menm zot, zot pa pe koze lo zot lamannman. Dezyenmman Mr Speaker ...

### **MR SPEAKER**

*Sorry, mon pou rule.*

### **HON SEBASTIEN PILLAY**

Mr Speaker mon pou enplor ou, akoz *this is gonna go on record* nou pou fer sir poudir nou enform tou bann antite *that* - mon pa pe menase mwan mon pe zis dir.

### **MR SPEAKER**

*Please Members, silvouple konsantre pou nou kapab prosede avek sa Bill. Onorab Pillay mon'n ekout ou lamannman, mon krwar mon annan lotorite anba Standing Order 72 e anba General Provision Standing Order.*

**HON SEBASTIEN PILLAY**

Non Mr Speaker ou napa lotorite pou ....

**MR SPEAKER**

Mon annan lotorite...

**HON SEBASTIEN PILLAY**

I annan Order 73, *general provisions* i zis ler ki i annan keksoz ki pa'n deza, pa'n ganny prevwar anba Standing Order Lasanble. Order 73 i prevwar ki mannyer nou tret en *Committee Stage*, e napa naryen pou Onorab Georges vin dir ki mannyer nou devret konport nou oubyen devret fer dan Lasanble.

Me si ou fer sa ozordi fer li toulezour, akoz anfen kont i annan zis *LDS* dan Lasanble napa nou kote.

**MR SPEAKER**

Nou a kontinyen anba 72 e nou a konsider bann amannman Onorab... mon pa kapab pran ankor *point of order*, mon'n deal avek sa bann *point of order*.

Mon krwar *sorry* mon krwar Onorab Loze i zis en

*manner obstruct the business of the Assembly e mon pa pe kapab prosede avek Lasanble.*

***(APPLAUSE)***

**MR SPEAKER**

So, Onorab Hoareau *proceed*.

**HON JOHN HOAREAU**

Mr Chair mersi bokou....

**MR SPEAKER**

*Counsel* i le fer en pwen, mon a les li fer.

**LEGAL DRAFTSPERSON**

**IRENE SIRAME**

Mr Chair *with regards to clause 51* kot dan sa 2 subsection which is subsection (1) and (2), kot sa mo "Government" i aparet panel pe sizere ki nou met "Minister" or "responsible Minister". So, the "Government" word i deleted accordingly.

**MR SPEAKER**

Ok, si okenn Manm i annan lobzeksyon nou pou pran en vote. Nou pran en vote lo la. Si Manm pa obzekte nou aksepte sa lamannman ki'n ganny propoze.

**HON SEBASTIEN PILLAY**

*(Off-Mic)*

**MR SPEAKER**

Onorab Pillay ou pe zis met *obstruction*, ki *point of order*?

**HON SEBASTIEN PILLAY**

Mr Speaker avek ou permisyon *ok*? Anba *Order 8* nou Lasanble, prosedir Lasanble. Sa lamannman ki pe propoze mwan ki'n fer, mwan ki'n propoze i parey ou'n war i *ok*. So, ou ou'n deside e ti napa lamannman lo la. Ti napa okenn lamannman propoze lo la.

Mon fek propoze e *panel* in dakor, so eski ou pe dir mwan poudir *I was wrong to propose the amendment* ki *panel* in dakor avek- *by the ruling* ki ou fek donn Onorab Georges lo *Order 72* in *disregarding Order 73*? Napa kankan! Ou pa kapab vin dir nou ki *manner* nou pou konport nou dan Lasanble, non.

**MR SPEAKER**

*Ok, the amendment has been proposed and accepted, the wording is "The Minister shall provide". Onorab Hoareau kontinyen silvouple.*

**HON JOHN HOAREAU**

Mersi Mr Chair. Mr Chair, Mr Chair ti annan en pti lenpas lo 53(5) kot Onorab Georges ti'n *suggest* pou nou sanz sa mo "*distributed*" avan dan dernyen laliny sa paragraf pou sanz sa mo "*distributed*" pou met li "*paid*".

**MR SPEAKER**

Minis, Minis in fini dakor lo la e Manm pa'n obzekte. So, sa lamannman in ganny aksepte. Kontinyen silvouple.

**HON JOHN HOAREAU**

Mersi Mr Chair. Nou *move* nou al lo paz 32 mon war ankor tou keksoz in ganny agree lo la. Nou al lo paz 33...

**MR SPEAKER**

*One second, Onorab Loze ou pe adres en pwen amendment?*

**HON JOHAN LOZE**

Mr Speaker mon pe adres en pwen nou lo 53, mon pe adres en pwen lo 53 kot "*Statement of corporate intent*" kot i dir "*The Board of each public enterprise*" li i ava fer son *statement of corporate intent*. Mon le zis met devan *panel* ki "(1)" "*any other matter that the responsible Minister, the Minister and the Commission directs to be included in the statement*".

Mon *wonder* si sa ki zot anvi *go with*, akoz la nou dan "*Statement of corporate intent*" ki sipoze ganny fer par *Board* e Lalwa li i pe dir "*any other matter that the responsible Minister, the Minister and the Commission directs to be included in the statement*". Mon ti a konpran "*the Commission*" me konmsi "*the Minister and the responsible...*"

**MR SPEAKER**

So, ou pe dir, ou pe dir sa *last item* dan 3.

**HON JOHAN LOZE**

Yes, 3.

**MR SPEAKER**

3 (I)

**HON JOHAN LOZE**

Yes (I).

**MR SPEAKER**

Ok, i napa lamannman ki'n ganny propoze lo la, mon pou demann Minis son lopinyon e nou pou *move on*. Minis.

**MINISTER NAADIR HASSAN**

Mr Chair mon napa okenn *issue* la.

**MR SPEAKER**

Ou napa okenn *issue* avek sa *wording* la? Nou a kontinyen, Onorab Hoareau *next one*.

**HON JOHN HOAREAU**

Mr Chair nou a kontinyen, wi lo paz 32, e paz 32 tou keksoz in ganny *agree* par *panel*. Paz 33 osi tou keksoz in ganny *agree* par *panel*. Paz 34 *clause* 59 an montan, tou keksoz in ganny *agree* par *panel*. Paz 35 osi menm parey. Paz 36 *agreed*, paz 37 *agreed*.

Nou al lo paz 38 ki osi *agreed*. Paz 39 *agreed*. Paz 40 *agreed* e ti annan sa *issue*

*small "d"* pou "*director*" ki osi ganny *agreed*. Paz 41 li osi *agreed*.

**MR SPEAKER**

*One second*. Onorab Gill ou oule *kestyon* en *amendment*?

**HON CHURCHILL GILL**

Non, pa *amendment* en klarifikasyon avek Minis lo 75(5) kot i dir ki "bann saler pou bann *Chief Executives* i pou ganny kalkile dapre *public salary framework*". Parey nou konnen sa bann "*public enterprise*" ozordi zot deza annan dimoun pe travay ladan e zot deza annan en saler. E eski sa i pou *applicable* pou bann nouvo *Executive* ki pou ganny *recruit* *henceforth* oubyen pou annan serten azisteman ki pou ganny fer ler sa Lalwa in fini ganny pase? Mersi.

**MR SPEAKER**

Minis zis klarifye.

**MINISTER NAADIR HASSAN**

Mersi Mr Chair, mersi Onorab. Ler nou pou travay lo sa *National Remuneration Policy* i devret pran into *context the existing salary structure*. So, nou pa pou kapab met en Polisi ki *the staff will be worse off* me i la pou sanz direksyon *moving forward*. So, i pou ganny fer dan sa *context*. Mersi.



**MR SPEAKER**

*Thank you, nou pa pe pran deba lo la, Minis in eksplike. Nou a kontinyen Onorab Hoareau.*

**HON JOHN HOAREAU**

Yes, Mr Chair. Mr Chair lo 75(5) mon remarke i annan en pti mistake ki zot pa'n apersewar en *typo "pubic" instead* i devret "*public*" lo dernyen laliny. E 76(c) osi menm parey "*fulltime in the pubic*" *enterprise*, i devret "*public enterprise*". Yes 76(c) mon'n dir, 76 anler osi lo sa "*chapeau*" i annan 1 osi.

**MR SPEAKER**

Yes, sa bann koreksyon i a ganny note *please*.

**HON JOHN HOAREAU**

Ok, Nou al lo paz 42 ankor everything is *agreed*. Lo paz 43 i annan en referans avek *clause 78(3)* i annan en referans ki ganny fer avek *clause 40*, mon ava les Onorab Georges koz lo la en pti pe.

**MR SPEAKER**

Yes Onorab Georges, ki ou pe refer lo la.

**HON BERNARD GEORGES**

Mr Chair mon pe koze aköz nou kote in met lamannman, aköz nou, nou annan drwa

koze e se pou sa rezon ki nou pe koze.

**(APPLAUSE)****HON BERNARD GEORGES**

Sa ki pa kontan kite ale. Mr Speaker- Mr Speaker *and with the Employment Act* i en *addition* ki nou *caucus* in propoze e ki mon vwar *CEO, Acting CEO* in *agree*, mersi.

**MR SPEAKER**

*Thank you.*

**HON JOHN HOAREAU**

Bon mersi nou kontinyen - 43 napa ankor pwen tou leres in *agree*. 44 paz 44 tou keksoz in ganny *agreed* lo la. 45 osi parey *agreed*. 46 *agreed*. 47 i annan en *renumbering* la ki mon krwar osi in ganny *agreed* sa, *re lettering*.

48 lo paz 48 mon ava les Onorab Georges koz lo *clause 85(3)*.

**MR SPEAKER**

Yes, Onorab mon war i annan en propozisyon la.

**HON BERNARD GEORGES**

Mersi Mr Chair. Mr Chair mon kestyon ki mon ti anvi *panel* i konsidere se sa *clause 85(1)* i dir "ki Oditer Zeneral i ava odit bann kont *public enterprises* ki'n ganny etablir koman *statutory corporations*." E mon

mazinen ki bann ki in ganny kree anba *Companies Act* i ava ganny odite par en oditer ki i ava ganny apwente par *AGM* sa lakonpanyen.

E anefe se sa ki 85(2) i dir “*Board avek approval of the shareholders*” i ava apwent bann oditer pou bann konpany ki pa *statutory corporations*. Me apre nou al lo (3) e i dir “*Services of approval external auditors may be sought by the Board to cause its accounts to be audited, with the approval of the Auditor General.*”

E mon pa konpran akoz sa i la etandonnen ki nou’n fini determinen ki *statutory corporations* se Oditer Zeneral ki pou odit e bann lezot se en *external auditor* ki pou ganny apwente par *the Board*.

Si prezan nou anvi ki Oditer Zeneral i aprouv lapwentman bann *external auditor to the public enterprises created under the Companies Act* ki posibil, eski se sa ki zot pe dir? *That’s my question*. Mersi.

### **MR SPEAKER**

Minis, wi.

### **MINISTER HAADIR HASSAN**

Mersi Mr Chair. Mersi Onorab. Ki i pe dir la se ki pou bann “*Public enterprise*” ki *statutory responsabilite lies with Auditor General*. *But the Auditor*

*General can outsource the audit to an external auditor. So, it goes (1) and (3) does together. Mon pa konnen si the drafting is correct but the policy intention is that the Auditor General has the responsibility, but it can outsource the responsibility for that purpose.* Mersi.

### **MR SPEAKER**

Pwen Onorab Pillay, wi?

### **HON SEBASTIEN PILLAY**

Mersi Mr Speaker, pou ed Onorab Georges ek son lamannman. *The way it is written* paret mon Onorab Loizeau i konpran sa byen, *the way it is written* Mr Speaker, Mr Chairman i pa korek. Akoz la ou pe dir se “*the Board*” ki seek sa, i pa sa. I arive *currently* dan bann ka kot Oditer Zeneral pa kapab *conduct audit*, i *outsource* sa *audit*.

So, mon krwar sa ki ou devret pe dir anler ou pe dir “*The Auditor-General shall audit the accounts of the public enterprises established as statutory corporations*” me sa (3) i bezwen vin anler pou sa (2) kontinyen.

Prezan eski ou pou kit sa (4) *in relation to external auditor’s report which also include Auditor General report* - Rapor Oditer an relasyon ek bann *public enterprises* ki pa

bann *statutory corporations*? Akoz mannyer (4) *is written in en catch-all*, ou konpran?

Tandis ki mon pe mazinen sa ki ou pe dir se ki (1), (3) and (4) i al ansanm e (2) i li tousel. So, sa ki ou devret fer se rebouz zot e fer (2) vin (4) e sa (3) and (4) i vin (2) and (3) pou ou kapab ganny en konpran. And then ou sanz lord lo lekel ki apwent sa *external auditor in this case it should be the Auditor General that does the appointment, not the Board appointing and the Auditor General confirming.*

Zis pou note akoz pou li Oditer Zeneral i en *constitutional obligation* pou li odit sa bann kont. So, i par lao en statitwar. Mersi Mr Chairman.

### **MR SPEAKER**

*Panel?* Antretan Onorab Georges si ou oule kontinyen eksplike.

### **HON BERNARD GEORGES**

Yes, mon ti anv apré ki mon'n ekout Minis avek *Leader* Lopoziyon e pou *capitulate* sa ki Minis i son lide, eski mon kapab propoz the *following*?

Dan 85(1) "*Pursuant to Article 158 of the Constitution, The Auditor-General shall or external auditors approved by him or her shall audit the accounts of public enterprises*"

*established as statutory corporations.*

Dan (2) "*Accounts of the public enterprises not falling under subsection (1) shall be audited by auditors appointed by their Boards with the approval of the shareholders or and the Auditor-General.*" Donk, i fer ki *Auditor General* i kapab *outsource* dan premye e dan 2enm li ki pou bezwen aprouv "*the Auditors nominated by the Board*" e dan sa ka nou pa pou bezwen (3) mersi.

### **MR SPEAKER**

Minis konsidere si ou dakor avek sa propozisyon. Onorab Pillay ki ou pe dir lo la?

### **HON SEBASTIEN PILLAY**

Mersi Mr Chairman i annan en floor dan sa propozisyon, you see the *second one* annou pran par egzanp *SEYPEC*. *SEYPEC* son *Board* i aprouv son prop Oditer, Oditer Zeneral napa naryen pou fer avek Oditer *SEYPEC*.

Ki mannyer Onorab Georges pe propoze, se ki ou pe entrodwir Oditer Zeneral pou osi aprouv sa Oditer ki *SEYPEC* i aprouve. *Now*, mwan mon napa problem ek sa mwan, me selman mon krwar i *defeats the whole purpose of the argument* of ou annan sa antite ek son *Board*.

Non, (3) in fact what you should realize is that (1), (3) and (4) are all interrelated 2) it stands alone. Ya, this is what the Minister, this is what I think the Government intended in the first place. Mersi Mr Chairman.

**MR SPEAKER**

Mersi. Minis, wi?

**MINISTER NAADIR HASSAN**

Mersi Mr Chair. Mr Chair les mon a propoze ki (1) i lir “Pursuant to Article 158, the Auditor-General shall audit the accounts of the public enterprises, established as statutory corporations or may appoint an external auditor to do so”.

Seksyon (3) savedir then ou pa bezwen li, then ou annan seksyon (2) “Accounts of the public enterprises not falling under subsection (1) shall be audited by appointed by” sa i ok.

Zis lo seksyon clause (4) “An external auditor’s report shall be reviewed, endorsed and acknowledged by the Auditor General”, that should only be in the case of (1). So, if we agree with (1) as I have proposed, then (4) moves to (2) and then (2) becomes (3).

**MR SPEAKER**

And (3) is deleted. Ok, mon krwar sa propozisyon i kler si Manm. Onorab Aglae?

**HON EGBERT AGLAE**

Mr Speaker, mwan mon oule met latansyon pa lo sa pwen clause ki zot pe koz lo la. Lo clause 80 petet i annan en rezon akoz zot in met li koumsa;- apre i annan similarite avek clause 24 kot i konsern “Termination and resignation” eski pa ti kapab petet dan en sel clause swa dan 24 ki ou ti a kapab enkorpor tou akoz i annan repetisyon ladan? Ouswa eski i annan en rezon akoz zot in met li koumsa - 80 ek 24?

**MR SPEAKER**

Ok, premyerman mon bezwen zis verifye ki nou’n aksepte laranzman ki Minis in propoze ki solve mon krwar bann problem ki’n ganny leve, ok? That’s done.

Dan 80, wi mon en pe - Kote ou pe fer referans Onorab Aglae? Ki seksyon? Yes, wi Onorab Pillay?

**HON SEBASTIEN PILLAY**

Zis pou Minis fer sir i ganny the wording right, nou pe koz “the Auditor General shall audit the accounts of the public enterprises established as statutory corporations or may appoint an external auditor to

*do so” “or may” “not shall appoint” or “may appoint”.*

**MR SPEAKER**

Onorab Aglae ki pwen dan 80, mon pa tro anvi retourn lo 80 akoz mon pa war en *amendment* la ki'n ganny propoze.

**HON EGBERT AGLAE**

Mr Speaker ti zis en klarifikasyon lo la, akoz mon war poudir i annan en repetisyon. Si zis leklersisman pou ler zot pe koz lo sa “*Chief Executive Officer*” dan 24 kot i konsern son bann “*Termination and resignation*” eski la nou pe koz zis pou “*the Commission*” ouswa nou pe koz pou bann SOEs li menm li dan 80. Akoz i annan en repetisyon mon pe war, 24 e 80.

**MR SPEAKER**

Ok, Minis a kapab klarifye, mon krwar mon kapab war. Minis, *yes* Minister?

**MINISTER NAADIR HASSAN**

Mersi Mr Chair. Mersi Onorab. I pe koz lo 2 diferan “*CEO*” la, 1 i lo “*the CEO of the public enterprise*” 1 is the “*CEO of the Commission*”. So, *that’s the difference*.

**MR SPEAKER**

Ok, *that’s done*. Onorab Hoareau *next one*.

**HON JOHN HOAREAU**

Mersi Mr Chair nou lo aprezan paz 49 e mon war poudir tou keksoz i *agreed* la. Nou al lo paz 50 ki ankor nou'n vwar bann sanzman in ganny *agree*.

**MR SPEAKER**

Wi, Onorab Loze?

**HON JOHAN LOZE**

Mersi Mr Speaker, Mr Speaker 91(2)(a) “*annually, at such time as the Minister may determine or as resolved in its annual general meeting, submit to the Minister*” “*the Minister submit to the Minister*”.

**MR SPEAKER**

“*The Board shall, the Board shall at such time as the Minister determine submit to the Minister*” so, its “*the Board submit to the Minister*”. Next one.

**HON JOHN HOAREAU**

Mersi Mr Chair, nou lo paz 51 and *clause 93* an montan, 94 nou ok. paz 52 *clause 95, 96, 97* tousala mon war in ganny aksepte. Paz 53, *clause 98,99, a 100* mon krwar in ganny aksepte.

E nou al lo paz 54 mon war ankor 101,102,103,104 in ganny aksepte. Nou al lo paz 55 *clause 105* in ganny aksepte ki i annan en *removal of 105(5)*, e nou al aprezan lo

paz 56 mon war i annan en *renumbering* ki'n ganny konsidere la.

Paz 57 i *ok*, napa naryen. Paz 58 ankor sa ki'n propoze in ganny aksepte. Paz 59 sa ki'n ganny propoze en pti tipografi in ganny aksepte. *Schedule 3* napa naryen lo la.

61 ankor i annan en pti *mistake* ki'n ganny agree. 62 ankor in ganny agree. Paz 63 osi in ganny agree. Paz 64 napa okenn *issues*, paz 65 ki dernyen sa osi in ganny agree. Avek sa Mr Speaker nou fini nou seri amendments lo *Public Enterprise Monitoring Commission Act* e mon oule profit sa lokazyon pou remerci tou dimoun ki'n partisipe, ki'n donn sipor sa *Bill* osi e Minis pou son letan e tou leres Manm. Mersi.

### **MR SPEAKER**

Mersi Onorab. Bon nou'n konsider bann amannman, lamannman ki'n ganny propoze in ganny aksepte. E nou a pran Mosyon pou *Third Reading*, Onorab Georges.

### **HON BERNARD GEORGES**

Mersi Mr Chair. Mr Chair anba *Order 76(1)* mon *move* ki *The Public Enterprises Bill, 2023 as lengthily and painfully amended* i ganny lir en Trwazyenm Fwa. Mersi

### **MR SPEAKER**

Nou a ganny segonde, Onorab Esparon. Onorab Arissol ki pou segonde, wi *go ahead*.

### **HON SANDY ARISSOL**

Mon ava segonde parski Onorab Esparon son mikro batri in *down*, Mr Speaker mon *gladly* segonn Mosyon prezante par Onorab Georges. Mersi.

### **MR SPEAKER**

Mersi. mon ava apel bann Manm pou vot lo...

### **HON SANDY ARISSOL**

*As amended.*

### **MR SPEAKER**

...lo *Bill as amended* pou *Third Reading*, Manm ki an faver lev lanmen silvouple? *Thank you.*

Manm ki kont? Mersi. Lo *Formal Third Reading Public Enterprises Bill, 2023 as amended* 16 Manm in vot pour, 0 kont e 8 abstansyon, *Bill* in aprouve par Lasanble. Madanm Clerk a prosede avek *Third Reading*.

### **MADANM CLERK**

Mersi Mr Speaker. *This Act may be cited as the Public Enterprises Act, 2023 and shall come into operation on such date as the Minister may, by notice published in the Gazette appoint.* Mersi.

### **MR SPEAKER**

Mersi *Bill* in pase par Lasanble. Mon a tap en marto lo la akoz in vreman en long travay. Mon remerisi bann Manm pou zot partisipasyon e Minis osi pou avek nou ozordi pou travay lo sa *Bill*.

Nou'n oubliye retourn dan Lasanble pou *Third Reading*, nou a retourn dan Lasanble. Zis en pti soz ki Manm Komite *Communicable Diseases HIV/AIDS e SRHR Committee* dan Lasanble in demann mwan, se pou azoute ki zot osi zot enplike dan en rankont enternasyonal avek *SADC PF* lo dan kad en *Shareholders Meeting* lo zot nou travay zot komite.

E sa pou pran plas Lendi e i annan plizyer bann Manm lo sa ki mon ete k i pou enplike ladan enkli son *Chairperson* Onorab Bistoquet. Donk, mon swet zot bon kouraz pou sa travay. Mon remerisye bann Manm pou lazournen e nou ava *adjourn* la e nou a rebran Lasanble Mardi prosen 9er, *adjourn*.

**(ADJOURNMENT)**